



8

3-D

57



.D. 57

II 063 fr



**GREGORII TVRO-**  
**NICI HISTORIÆ FRAN-**  
**corum libri decem.**

*In quibus non solum Francorum res gesta, sed etiam  
Martyrum cum infidelibus bella, & Ecclesie cum  
hereticis concertationes exponuntur.*

**ADONIS** Viennensis Chronica.

*Lectissimam  
Lectissimam  
S. Fran. & illud  
1773*




*Caesarem. Thom.  
et Henr. m. de Aranj.  
Sicilia.*

**PARISIIS, M. D. LXI.**

*Apud Guil. Morelium typographum Regium, &  
Gulielmum Guillard, ac Almaricum Warancoré  
sub D. Barbara signo in Via Iacobæa.*

**PRIVILEGIO REGIS:**



PAR privilege du Roy il est defendu a tous imprimeurs  
& libraires quels qu'ils soyent en ce Royaume, de n'imprimer  
ne faire imprimer aucuns des livres qui auroyent premierement  
esté imprimez & mis en lumiere par Guillaume Morel imprimeur  
et libraire dudict seigneur es lettres Grecques: ou par luy  
notablement corrigez & emendez, en quelque langue que ce  
soit: ne si ailleurs esloyent imprimez, iceux vendre ne distribuier,  
de cinq ans prochainement suyuantz apres ladicte impression  
premiere, ou de deux ans apres l'impression desdicts livres  
corrigez, sur peine de confiscation desdicts livres & d'amende  
arbitraire, comme appert par les lettres de ce, données à saint  
Germain en Laye, l'vngiesme iour de Juillet mil cinq cens cinquante  
cinq, signées par le Roy. Clause. & sellées du grand  
seel dudict seigneur, verifiées & publiées par le procureur de Paris  
ou son lieutenant, le vingtneufiesme de Juillet oudict an.

AMPLISSIMO AR-  
CHIEPISCOPO TVRO-

nenſi , Simoni à Maillé,  
Guil. Morelius.



E magna illa librorú copia, quos tuo fauore tuáque auctoritate Turonis huc aduexi, humanissime præſul, hic promptus eſt Gregorius Turonenſis, quem hoc tēpore ſub tuo nomine publicandum cenſui, quòd & res eas tractet, quæ ad hanc noſtram calamitoſiſſimam ætatē pertinere maxime videátur, veterum Francorú origines, & progreſſus, nec non & res ab iis geſtas præclaras et mirandas: nec id modò, verum etiam Eccleſiaſtica quã plurima negocia: diſſertationes cum hæreticis, & quas perſecutiones ab impiis & profanis, pii ſanctique martyres fortiter pertulerunt: quãſque orthodoxi & catholici patres, à male ſanis & ſchiſmaticis turbas ſuſtinerunt ac compreſſerunt. Ad hanc editionem codicibus duobus uſi ſumus: vno antea impreſſo, valde deprauato, quòd fortalliſſis typographus alioqui doctus & diligens, vel vetuſto exemplari uſus eſſet non bene correcto, vel à quodam imperito & negligenti amanuenſi male

descriptum exemplum accepisset. Altero ve-  
tustissimo, manu scripto, è bibliotheca B. Mat-  
tini Turonensis, vnde & alios non paucos an-  
tiquos libros beneficio liberalitatè que D D.  
Canonicorum selegimus, in communem om-  
nium vtilitatem in lucem venturos. Huius co-  
dicis opera, ita Gregorij hæc Chronica emen-  
dauit, vt iam ab omnibus tam necessariũ opus  
legi intelligique possit. Hanc operam meam  
æqui boni consules, Antistes clarissime, te-  
stemque apud omnes tuæ erga me beneuolen-  
tiæ locupletem esse patieris. Vale. XII.  
Cal. Iulias. M. D. LXI.

CAP.

CAPITA SEV TI-  
TVLI DECEM LIBRORVM  
historiæ beati Gregorij Turonensis.

- 1 De creatione Adæ & Eux, & de Adæ typo.
- 2 Ut Cain occidit Abel fratrem suum.
- 3 Enoch iustus, quomodo à deo translatus est.
- 4 De diluuiò, de Noe, de archa, de ira dei, & supputatione generationum.
- 5 De generatione Noe & filiorum eius: præcipue de Chus filio Châ magiæ & idolatriæ incæptore.
- 6 De turre Babylonica & linguarum confusione.
- 7 De ortu, natiuitate & interpretatione Abrahæ.
- 8 De Esau & filiis eius.
- 9 De Iacob & filiis eius.
- 10 De Nili natura & maris rubri transitu.
- 11 De filiis Israël in Eremo: & de ingressu eorum in terram promissionis.
- 12 De regibus Iudæorum.
- 13 De Salomone & templi ædificatione.
- 14 Quomodo regnum Israel sit diuisum propter duritiam Roboæ: & de captiuitate Babylonica: & de prophetis illius temporis.

- 15 De reditu Iudæorū è Babylone vsque ad  
Christi natiuitatem.
- 16 De reliquarum gentium regibus & regnis.
- 17 De imperatoribus Romanis.
- 18 De natiuitate saluatoris nostri.
- 19 De Christi prædicatione, miraculis, &  
passione.
- 20 De Ioseph ab Arimathia.
- 21 De Iacobi apostoli voto.
- 22 De resurrectione dominica.
- 23 De ascensione domini: & de Pilati & He-  
rodis punitione.
- 24 De Petro qui Romam venit, et martyrium  
Christo perhibuit.
- 25 De persecutione sub Traiano principe.
- 26 De hæresum & scismatum ortu.
- 27 De Photino & Irenæo martyribus.
- 28 De persecutione sub Decio.
- 29 De Bituricensium conuersione.
- 30 De persecutione sub Valeriano et Gallieno
- 31 De alijs martyribus.
- 32 De priuato martyre & Croco tyranno.
- 33 De persecutitione sub Diocletiano.
- 34 De cōstantino magno, B. Martino & Cru-  
cis dominicæ inuentione.
- 35 De Constantis imperio.
- 36 De beato Martino.
- 37 De Valentis tyrannide,
- 38 De Theodosio & eius imperio.
- 39 De Urbico episcopo Aruernō,

- 40 De sancto Hillidio & eius in episcopatu  
successore.
- 41 De sancto Nepotiano etiam Aruernorum  
episcopo.
- 42 De duorum amantium castitate & se-  
pultura.
- 43 De beati Martini transitu.

## SECUNDI LIBRI CAPITA.

- 1 De episcopatu Briccii.
- 2 De Vuandalis & persecutione Christia-  
norum sub ipsis.
- 3 De Cirola hæreticorum episcopo, & de  
sanctis martyribus.
- 4 De persecutione sub Athanarico agitata.
- 5 De Seruatio episcopo & Chunis.
- 6 De basilica sancti Stephani apud Meten-  
sem urbem.
- 7 De vxore Aëtii.
- 8 Quid de Aëtio historiographi scripserit.
- 9 Quid de Francis iidem dicant.
- 10 Quid de simulacris gentium prophetæ do-  
mini scribant.
- 11 De Auito imperatore.
- 12 De Childerico rege & Egidio.
- 13 De episcopatu Venerandi ac Rustici  
Aruernis.
- 14 De episcopatu Eustochii Turonici, atque  
Perpetui, & de basilica sancti Martini.

- 15 De basilica sancti Symphoriani.
- 16 De Namatio episcopo, & ecclesia Aruernna.
- 17 De coniuge eius & basilica sancti Stephani.
- 18 Quod Childericus Aureliam, & Andegauum venit Odouacrius.
- 19 Bellum inter Saxones ac Romanos.
- 20 De Victorio duce.
- 21 De Eparchio episcopo.
- 22 De Sidonio episcopo.
- 23 De sanctitate Sidonii episcopi, & de iniuriis eius vltione diuina moderatis.
- 24 De fame Burgundiæ & Ecdicio.
- 25 De Euua rege persecutore.
- 26 De obitu sancti Perpetui, & episcopat Volusiani ac Viri.
- 27 Quando Chlodoueus regnum accepit.
- 28 Quod Chlodoueus Chrodigildem accepit.
- 29 De primo eorum filio baptizato, & in albis defuncto.
- 30 Fit bellum contra Alamannos.
- 31 De baptismo Chlo douei.
- 32 Fit bellum contra Gundobaldum.
- 33 De interitu Gode gyfili.
- 34 Quod Gundobaldus conuerti voluit.
- 35 Quando Chlodoueus & Alaricus se viderunt.
- 36 De Quintiano episcopo.

- 37 Bellum cum Alarico fit.
- 38 De patritiatu Chlodouei regis.
- 39 De Licinio episcopo.
- 40 De interitu Sygiberti senioris et filii eius.
- 41 De nece Chrararici & filii eius.
- 42 De interitu Ragnacharii & fratrum eius.
- 43 De obitu Chlodouei.

LIBRI III. CAPITA.

- 1 De filiis Chlodouei.
- 2 De episcopatu Dinifii, Apollinaris, atque  
Quintiani.
- 3 Quod Dani Gallias appetierunt.
- 4 De Thoringorum regibus.
- 5 Quod Sygimundus filium suum inter-  
fecit.
- 6 De interitu Clodomeris.
- 7 De bello contra Thingos.
- 8 De interitu Hermenfredi.
- 9 Quod Childebertus Aruernòs abiit.
- 10 De interitu Almarici.
- 11 Quòd Childebertus & Chlotharius Bur-  
gundias, Theodoricus Aruernos abiit.
- 12 De excidio regionis Aruernæ.
- 13 De Louolautro & Merolacensi castro.
- 14 De interitu Munderici.
- 15 De captiuitate Attali.
- 16 De Syualdo.
- 17 De episcopis Turonicis.

- 18 De interitu filiorum Chlodomeris.  
 19 De sancto Gregorio & situ Diuionensis  
 castri.  
 20 Quòd Theodobertus Visigardé despon-  
 sauit.  
 21 Quòd Theodobertus in Prouinciá abiit.  
 22 Quòd postea Deuteriam accepit.  
 23 De interitu Sygiualdi & fuga Giualdi.  
 24 Quòd Childebert<sup>o</sup> Theodobertū munera  
 25 De bonitate Theodoberti. (uit  
 26 De interitu filiæ Deuteriæ.  
 27 Quòd Theodobertus Visigardé accepit.  
 28 Quòd Childebertus cū Theodoberto cō-  
 tra Chlotharium abiit.  
 29 Quòd Childebertus & Chlotharius in  
 Hispanias abierunt.  
 30 De Regibus Hispanorum.  
 31 De filia Theodorici regis Italici.  
 32 Quòd Theodobertus in Italiam abiit.  
 33 De Asteriolo & Secundino.  
 34 De munere Theodoberti circa Viridu-  
 nenses ciues.  
 35 De interitu Sygiualdi.  
 36 De obitu Theodoberti & de interitu Par-  
 thenii.  
 37 De hieme graui.

### LIBRI IIII. CAPITA.

- r De obitu Chrothildis reginæ.

- 2 Quòd Chlotharius rex tertiam partem  
fructuum ecclesiarum auferre voluit.
- 3 De vxoribus & filius eius.
- 4 De Britannorum comitibus.
- 5 De sancto Gallo episcopo.
- 6 De Catone presbytero.
- 7 De episcopatu Cautini.
- 8 De Hispanorum regibus.
- 9 De obitu Theodoualdi.
- 10 De rebellionem Saxonum.
- 11 Quòd Catoné ex iussu regis ad episcopa-  
tum Turonici petierint.
- 12 De Anastasio presbytero.
- 13 De lenitate & malitia Chrání & de Cau-  
tino ac Firmino.
- 14 Quòd Chlotharius contra Saxones abiit  
iterata vice.
- 15 De episcopatu sancti Eufronii.
- 16 De Chramno & satellitibus eius & malis  
quę gessit, vel qualiter Diuioné aduenit.
- 17 Quòd Chrán<sup>9</sup> ad Childebertum transiit.
- 18 De Austrapio duce.
- 19 De obitu sancti Medardi episcopi.
- 20 De obitu Childeberti , & interitu  
Chramni.
- 21 De obitu Chlotharii regis.
- 22 Diuisio regni inter filios eius.
- 23 Quòd Sygibertus contra Chunos abiit, &  
Chilpericus ciuitates eius peruasit.
- 24 De patritiatu Celsi.

- 25 De vxoribus Guntchramni.
- 26 De vxoribus Chariberti.
- 27 Quod Sygibertus Brunichildem accepit.
- 28 De vxoribus Chilperici.
- 29 De secundo Sygiberti in Hunos bello.
- 30 Quòd Aruerni ad capiendam Arelaten-  
sem urbem iussu Sygiberti abierunt.
- 31 De Tauredano castro, & aliis signis.
- 32 De Iuliano Monacho.
- 33 De Summulpho abbate.
- 34 De Burdegalensi monacho.
- 35 De episcopatu Auiti Aruerni.
- 36 De sancto Nicetio Lugdunensi.
- 37 De sancto Friardo reclauso.
- 38 De regibus Hispanorum.
- 39 De interitu Palladii Aruerni.
- 40 De imperio Iustini.
- 41 Quòd Alboïnus cum Longobardis Ita-  
liam occupauit.
- 42 De bellis Mummoli cum eisdem.
- 43 De archidiacono Massiliense.
- 44 De Longobardis & Mummolo.
- 45 Quòd Mummolus Turonos venit.
- 46 De interitu Andarci.
- 47 Quod Theodobertus ciuitates peruasit.
- 48 De Latta monasterio.
- 49 Quod Sygibertus Parisios venit.
- 50 Quod Chilpericus cū Guntchráno fœdus  
inuit, & de obitu Theodoberti filii eius.
- 51 De obitu Sygiberti regis.

LIB. V. CAPITA.

- 1 De Childeberti iunioris regno & matre eius.
- 2 Quòd Meroueus Brunichildem accipit vxorem.
- 3 Bellum contra Chilpericum & de malitia Rauingi.
- 4 Quòd Rucculenus Turonos venit.
- 5 De episcopis Lingonicis, & Namnerico.
- 6 De Leunaste archidiacono Biturigo.
- 7 De Senoch reclauso.
- 8 De sancto Germano Parisiorú episcopo.
- 9 De Callupane reclauso.
- 10 De Patroclo reclauso.
- 11 De Iudæis conuersis per Auitum episcopum.
- 12 De Brachione abbate.
- 13 Quòd Mummolus Lemouicas vastauit.
- 14 Quòd Meroueus tonsuratus ad basilicá sancti Martini fugit.
- 15 Bellum inter Saxones & Sueuos.
- 16 De interitu Macliaui.
- 17 De indubietate paschæ.
- 18 De ecclesia Cainonési, & quòd Guntchramnus rex filios Magnacharij interfecit, suosq; perdidit, cùm Childeberto coniunctus est.
- 19 De Prætextato episcopo & interitu Mero uci.

- 20 De eleemosynis Tiberii.  
 21 De Salonio & Sagittario episcopis.  
 22 De Vinnocho Britrone.  
 23 De obitu Samsonis filii Chilperici.  
 24 De prodigijs ostensis.  
 25 Quòd Gùtchramnus Boso filias suas de ba  
 slica S. Hilarii abstulit, & Chilpericus  
 Pictauos inuasit.  
 26 De interitu Dacconis & Dracolini.  
 27 Quòd exercitus in Britannias abiit.  
 28 De eiectione Salonij & Sagittarii.  
 29 De descriptionibus Chilperici.  
 30 De vastatione Britannorum.  
 31 De imperio Tiberii.  
 32 De insidijs Britannorum.  
 33 De basilica S. Dionysii iniuriata per mulierē.  
 34 De prodigijs  
 35 De dysenterix morbo & filiis Chilperici  
 mortuis.  
 36 De Austregilde regina.  
 37 De Heraclio episcopo & Nátino comite.  
 38 De Martino Galliciensis episcopo.  
 39 De persecutiōe Christianorū in Hispaniis.  
 40 De interitu Chlodouei.  
 41 De Elasio & Eunio episcopis.  
 42 De legatis Galliciensibus ac prodigijs.  
 43 De Maurilione Cadurcorum episcopo.  
 44 De altercatione cum hæretico.  
 45 De iis quæ Chilpericus scripsit.  
 46 De obitu Agræculæ episcopi.

- 47 De obitu Dalmatii episcopi.  
 48 De comitatu Eunomii.  
 49 De malitia Leudaftis.  
 50 De infidijs quas nobis fecit, & qualiter ipse humiliatus est.  
 51 Quæ B. Saluius de Chilperico prædixit.

LIB. VI. CAPITA.

- 1 Quòd Childebertus ad Chilpericum trá-  
 siit, & de fuga Mummoli.  
 2 De legatis Chilperici ab oriente reuersis.  
 3 De legatis Childeberti ad Chilpericum.  
 4 Qualiter Lupus à regno Childeberti fu-  
 5 Altercatio cum Iudæo. (gatus est.  
 6 De sancto Hospitio reclauso & abstinétia  
 vel mirabilibus eius.  
 7 De transitu Ferreoli Vccensis episcopi.  
 8 De Eparchio reclauso Engolisméſis vrbis.  
 9 De Domnolo Cinomannorum episcopo.  
 10 De basilica sancti Martini effracta.  
 11 De Theodoro episcopo & Dynamio.  
 12 De exercitu contra Biturigas commoto.  
 13 De Lupo & Ambrosio Turonicis ciuibus  
 interfectis.  
 14 De portentis quæ apparuerunt.  
 15 De obitu Felicis episcopi.  
 16 Quòd Papolenus vxorem suam recepit.  
 17 De Iudæis per Chilpericum regē cōuersis.  
 18 De legatis Chilperici ab Hispania reuersis  
 19 De hominib<sup>9</sup> Chilperici apud Vrbiã fluuiũ

- 20 De obitu Chrodini ducis.
- 21 De signis ostensis.
- 22 De Cartherio episcopo.
- 23 Quòd Chilperico regi filius natus est.
- 24 De infidiis Theodori episcopi, & de Gundobaldo.
- 25 De signis.
- 26 De Guntchramno & Mummolo.
- 27 Quòd Chilpericus rex Parisios est ingressus.
- 28 De Marco referendario.
- 29 De puellis monasterij Pi&tauensis.
- 30 De obitu Tiberii imperatoris.
- 31 De multis malis quæ Chilpericus rex in ciuitatibus fratris sui fieri iussit, vel ipse fecit.
- 32 De interitu Leudaftis.
- 33 De locustis, morbis, prodigijsque.
- 34 De obitu filii Chilperici, quem Theodoricum vocauit.
- 35 De interitu Mummoli presbyteri & mulieribus interfectis.
- 36 De Ætherio episcopo.
- 37 De nece Lupentii abbatis Gaballitani.
- 38 De obitu Theodosii episcopi, & successore eius.
- 39 De obitu Remigii Biturigum episcopi, & de incēdio vr̄bis & successione Sulpitii.
- 40 De altercatione nostra cū hæretico.
- 41 Quòd Chilpericus rex cū thesauris suis in

Camaracense abiit.

- 42 Quòd Childebertus in Italiam abiit.
- 43 De Galliensibus regibus,
- 44 De diuersis signis.
- 45 De nuptiis Rigunthæ filix Chilperici.
- 46 De interitu Chilperici regis.

LIBRI VII. CAPITA.

- 1 De obitu sancti Saluii episcopi.
- 2 De consilio Carnotendorum & Aurelianensium.
- 3 De interitu Vedasti cognomento Aui.
- 4 Quòd Fredegundis in ecclesiam confugit, & de thesauris ad Childebertum ductis.
- 5 Quòd Guntchramnus rex Parisios venit.
- 6 Quòd idem rex ea quæ de regno Chariberti erant, sibi subegit.
- 7 Quòd legati Childeberti Fredegundem requirunt.
- 8 Quòd rex populû petiit, ne vt fratres eius, interimatur.
- 9 Quod Rigundis à Desiderio ablatis thesauris retenta est.
- 10 Quòd Gúdobaldus in regem eleuatur, & de Rigúde filia regis Chilperici.
- 11 De signis quæ apparuerunt.
- 12 De incendio regionis Turonicæ, & virtute sancti Martini.

- 13 De incendio & prædis Pictauæ vrbis.
- 14 De legatis Childeberti regis ad Guntchramnum regem missis.
- 15 De malitia Fredegundis.
- 16 De regressu Prætextati episcopi.
- 17 De Promoto episcopo.
- 18 De eo quod rege dictum est, vt se cautum redderet ne occideretur.
- 19 Quòd regina in villam abire iussa est.
- 20 Quòd idem emisit qui Brunichildem necaret.
- 21 De fuga & custodia Eberulfi.
- 22 De malitia eius.
- 23 De Iudæo interfecto cum suis.
- 24 De præda vrbis Pictauæ.
- 25 De spoliis Marileifi.
- 26 Quòd Gundobaldus ciuitates circumit.
- 27 De iniuria Magnulphi episcopi.
- 28 Quòd exercitus inante accessit.
- 29 De interitu Eberulphi.
- 30 De legatis Gundobaldi.
- 31 De reliquiis sancti Sergij martyris.
- 32 De aliis Gundobaldi legatis.
- 33 Quòd Childebertus ad Guntchramnum patrum suum venit.
- 34 Quòd Gundobaldus Conuenas abiit.
- 35 De basilica sancti Vincentij martyris Agennensis vastata.
- 36 De colloctione Gundobaldi cum exercitu.

- 37 De bello contra urbem.
- 38 De interitu Gundobaldi,
- 39 De interitu Sagittarii episcopi & Mummoli.
- 40 De thesauris Mummoli.
- 41 De Gigante.
- 42 De virtute sancti Martini.
- 43 De Desiderio & de Vuaddone.
- 44 De muliere Phitonissa.
- 45 De fame anni præsentis.
- 46 De interitu Christophori.
- 47 De bello ciuili inter ciues Turonicos.

### LIBRI VIII.

- 1 De eo quòd rex ad Aurelianos venit.
- 2 Qualiter ei episcopi præsentati sunt : & qualiter ipse conuiuium præparauit.
- 3 De cantoribus & argento Mummoli.
- 4 Laus Childeberti regis.
- 5 De visionibus quas rex vel nos de Chilperico vidimus.
- 6 De iis quos præsentauimus.
- 7 De Palladio episcopo qualiter missas dixit
- 8 De signis ostensis.
- 9 De sacramento pro filio Chilperici dato.
- 10 De corporibus Merouei & Chlodouei.
- 11 De ostiariis & interitu Boanti.
- 12 De Theodoro episcopo, & plaga super

Ratharium.

- 13 De legatione Guntchramni ad Childebertum directa.
- 14 De periculo in flumine,
- 15 De conuersione Vulfilaici diaconi.
- 16 Quæ de virtutibus sancti Martini retulit.
- 17 De signis quæ apparuerunt.
- 18 Quod Childebertus in Italiam direxit exercitum, & qui duces vel comites aut instituti sunt, aut remoti.
- 19 De interitu Daulphi abbatis.
- 20 Quæ in synodo Matiscensi acta sunt.
- 21 De placito in Belfonanco, & de sepulchro violato.
- 22 De obitu episcoporum & Vuandelini.
- 23 De diluuis.
- 24 De insulis maris.
- 25 De insula in qua sanguis apparuit.
- 26 De Eberulfo qui dux fuit.
- 27 Quod Desiderius ad regem abiit.
- 28 De Hirmenegildo & de Ingunde, vel de legatis Hispanorum clam ad Fredegundem missis.
- 29 Quod Fredegundis misit qui Childebertum interficeret.
- 30 Quod exercitus in Septimaniam abiit.
- 31 De interfectione Prætextati episcopi.
- 32 De interitu Domnolæ vxoris Nectarii.
- 33 De incendio vrbis Parisiæ.
- 34 De reclusis tentatis.

- 35 De legatis Hispanorum.
- 36 De interitu Magnoualdi.
- 37 Quòd Childeberto filius natus est.
- 38 Quòd Hispani in Gallias proruperunt.
- 39 De obitu episcoporum.
- 40 De Pelagio Turonico.
- 41 De iis qui Prætextatum episcopum interfecerunt.
- 42 Quòd Bippolenus dux datus est.
- 43 Quòd Nicetius rector prouinciæ ordinatur: & de iis quæ Antestius gessit.
- 44 De eo qui regem Guntchramnum interficere voluit.
- 45 De interitu Desiderij ducis.
- 46 De obitu Leuieldi regis.

## LIBRI IX.

- 1 De Richaredo & legatis eius.
- 2 De obitu beatæ Radegundis.
- 3 De eo qui cum cultro ad Guntchramnum regem venit.
- 4 Quòd Childeberto alius natus est filius.
- 5 De prodigiis.
- 6 De seductoribus & ariolis.
- 7 De remotione Ennodij ducis, & de Vuasconibus.
- 8 De præsentia Guntchramni Bosonis.
- 9 De interitu Rauchingi.
- 10 De interitu Guntchramni Bosonis.

- 11 Quod sc̄ reges viderunt.
- 12 De interitu Vrsionis ac Berthefredi.
- 13 De Baddone qui in legationem abiēs, detentus, & pōst diu dimissus est: & de morbo dysenterico.
- 14 De pace Ægidii episcopi & Lupi ducis.
- 15 De conuersione Richaredi.
- 16 De legatione ipsius ad reges nostros.
- 17 De sterilitate anni & caritate annonæ.
- 18 De Britannis, & obitu Namatij episcopi.
- 19 De interitu Sicharii ciuis Turonici.
- 20 De eo quòd ad Guntchramnum regem in legationem pro custodiendo pace directi sumus.
- 21 De eleemosynis & bonitate ipsius regis.
- 22 De luc Massiliensis vr̄bis.
- 23 De obitu Agerici episcopi, et de successo-
- 24 De episcopatu Fronimi. (re eius.
- 25 Quòd exercit⁹ Childeberti in Italiã abiit.
- 26 De obitu Ingobergæ reginæ.
- 27 De obitu Amulonis.
- 28 De speciebus quas Brunichildis regina transmisit.
- 29 Quod longobardi pacem ad Childebertū regem petierunt.
- 30 De descriptoribus vr̄bis Pictauæ atque Turonicæ.
- 31 Quod Guntchramnus rex exercitum in Septimaniam direxit.
- 32 De inimicitis inter Childebertum & Gūt

chramnum.

- 33 Quòd Ingeltrudis religiosa ad Childertū abiit, contra filiam suggestura.
- 34 De inimicitis Radegundis cum filia sua.
- 35 De interitu Vuaddonis.
- 36 Quòd Childeuertus rex Theodebertū suū Sueffionas direxit.
- 37 De Droctigifilo episcopo.
- 38 De eo quòd aliqui contra Brunichildem reginam agere voluerunt.
- 39 De scandalo in monasterio Pictauesi orto per Chrodieldem & Bassinam.
- 40 De fomite primo scandali.
- 41 De cæde in basilica sancti Hilarii.
- 42 Exemplaria epistolæ quam sancta Radegundis episcopis direxit.
- 43 Quod Theutharius presbyter ad hoc scandalum mitigandum aduenit.
- 44 De intemperie anni.

L I B. X. C A P I T A.

- 1 De Gregorio papa Romano.
- 2 De reditu Gripponis legati ab imperatore Mauricio.
- 3 Quod exercitus Childeberti regis in Italiam abiit. (in Gallias direxit.)
- 4 Quòd Mauricius legatorū interfectores
- 5 Quòd Cuppa limilé Turonicum inrupit.
- 6 De carcerariis Auernis.
- 7 Quòd in ipsa vrberex Childebertus clericis ne tributum redderēt præstitit.

- 8 De Eulalio & Tetradia quę vxor eius fuit.
- 9 De exercitu Guntchramni regis, qui in Britanniam abiit.
- 10 De interitu Chundonis cubicularii eius.
- 11 De infirmitate Chlotharij iunioris.
- 12 De malitia Berrhegundis.
- 13 Altercatio de resurrectione.
- 14 De interitu Theodulphi diaconi.
- 15 De scandalo monasterii Pictauiensis.
- 16 De iudicio cōtra Chrodigildem & Basinam lato.
- 17 De excommunicatione earum.
- 18 De percussoribus ad Childebertū regem missis.
- 19 De expulsionē Egidii Remensis episcopi.
- 20 De puellis supra memoratis in hac reconciliatis synodo.
- 21 De interitu filiorum Vuaddonis.
- 22 De interitu Childerici Saxonis.
- 23 De signis & dubietate paschę.
- 24 De subuersione vrbis Antiochenę.
- 25 De interitu eius qui se Christum dicebat.
- 26 De obitu Ragnemodi ac Sulpitij episcoporum.
- 27 De his quos Fredegundis interfici iussit.
- 28 De baptismo Chlothari filii eius.
- 29 De conuersione ac miraculis, vel obitu Aredii abbatis Lemouicini.
- 30 De temperie anni præsentis.

Recapitulatio de episcopis Turonicis.

Gre-

GREGORII TVRONEN-  
sis vitæ Breuiarium.

**G**regorius Celtico Galliarū tra-  
ctu fuit exortus, Aruernicæ re-  
gionis indigena, patre Floren-  
tio, matre Armentaria procrea-  
tus, quod & Fortunatus scribit  
his versibus,

*Forte decus generis Turonicensis apex  
Alpibus Aruerni veniens mons altior ipfis.*

*Et de Armentaria matre,  
Felix bus meritu sibi Maccabæa, vel orbi.*

*Nobilitas generis nobilior genitus:  
Quæ septem palmas celo transmisit ab aluo,  
Martyrjque decus protulit ille vterus:*

*Tu quoque prol: potens rectè Armentaria felix,  
Nec minor ex partu quàm prior illa sinu.*

*Illæ vetus numero maior, tu maxima loco:*

*Quod poterant plures, vnicus hicce tuus.  
Fatu clara tuo geniti circumdata fructu,*

*Est tibi Gregorius palma corona nouus.*

Hic verè Gregorius, id est vigilans, vt ætatulæ  
robur habuit, literarum studiis mancipatur  
sub patruo Gallo episcopo: quo tempore Ni-  
cetus Lugdunēsis episcopus cum vicinus es-  
set ciuitatis vbi parentes Gregorij habitarent,  
nescio quid excelsum in puero cōspicatus, ius  
sit puerum a d se acciri, & collobio se totum in  
exemplum pudicitæ contegens, vt ne summis

quidem digitis iuenculum contingeret, pue-  
ro benedixit, atque prospera precatus est. Lite-  
rarum studiis instantius se applicat, eodē Gal-  
lo patruo magistro. Cúmque beatus Gallus ad  
emeritam beatæ vitæ coronam vocaretur, vir  
domini Auitus adolescentem suscepit. Qui  
cum eius ingenium morúmque habitudinem  
explorasset, magistrorum diligentiam adhibuit,  
& quanta vel ipsius industria, vel eorum sedu-  
litas velocitate poterat, ad arcem sapientiæ  
prouexit. Porro autem in discendis litera-  
rum studiis ea se discretione exercuit, vt vtra-  
que nimietate careret: nec poetarum nãnias  
ex toto horreret, nec tamen, vt plerisque mos  
est, his indecentius hærens, earum lenocinio  
mente ancillaretur. Tunc temporis apud Ar-  
uernum plerique, in habitu religionis viri ful-  
gebant, quos iuuenis nunc cum beato Auito,  
nũc semotim inuisebat, quatinus vel ab eis ex-  
empla pietatis assumeret, vel ipsis quod forte  
deerat, mutua charitate præstaret. Anno cẽ-  
tesimo septuagesimo secundo post transitum  
domini Martini, Sygeberto rege anno duode-  
cimo regnante, beatus Eufronius, qui inter vir-  
tutes consenesens tanta gratia donatus est, vt  
ei prophetiæ spiritus inesse visus sit, appositus est  
ad patres suos. Tempusq; aduenerat, vt Gre-  
gorius amore beati Martini dudum flagrans, &  
ad pastoralis officij ministeriũ idoneus episco-  
pus, cathedrã eius vice sua regẽdam suscipere  
debuisset.

debuisset. Cum igitur beatus Eufronius obisset, Turonici de eius successore tractaturi conveniunt. Sed facili discrimine suavis est cunctis, Gregorium in electione præferendū. Personam in loco frequentissimam iam olim sciebant, pluraque eius gesta viro digna conveniant. Tunc vero cunctis in cōsona voce coeūtibus, cerneret deo fauēte causam prosperari. Nam clericorum turba nobilibus viris conferta, plēbsque rustica simul et vrbana pari sentētia clamant, Gregorium decernendum cū claris meritis, tum quoque nobilitate pollentem, sapiētia præcipuum, generositate primū, principibus notum, ac sua probitate reuerendū, omnibūsq; officis habilē. Legatio ad regē dirigitur, cum quidē deo dispensante Gregorius corā reperitur. De hac igitur causa cōuentus, quanta humilitate se excusare tētavit? quibus modis se subducere visus est? Sed quia velle dei est, hinc cętera flectuntur. Hunc rex aucto-ritate cogit, hunc Brunichildis reginā perurget. Sed quoniam discreta humilitas obedientiam non recusat, tandem aliquando assensus est. Quem vt credo ne qualibet occasione delatus profugeret, statim Egidius Remēsis archiepiscopus ordinavit, vt Fortunatus poēta scribens ait,

*Quem patris Egidii domino manus alma sacrauit,  
Vt populum recreet, quem Radegundis amet. &c.*  
Adeptus ergo præsulatum qualis vel quantus

fuerit vt cōpendiose dicatur, & plures ecclesie  
quas nouiter cōstruxit, vel quarum facta recta  
restaurauerit, insinuant: & libri in laudem san-  
ctorum, vel in expositione sanctarum scriptu-  
rarum editi, quàm primum demonstrant. In  
construendis verò spiritalibus templis, videli-  
cet in custodia gregis, quàm certatim sese im-  
penderit, vel ex hoc animaduertitur, quòd nec  
ab ipsis quidem sanctis vitis studium suæ præ-  
dicationis continuit. Multa quidem Grego-  
rius quæ insequi longum est, in salute languen-  
tium operabatur, quæ tamen sub obtentu san-  
ctorum quorū reliquias perinde ferebat, à suis  
meritis excludere nitebatur: cum quidem hæc  
tanto verius per ipsum fiebant, quanto ipse hu-  
milis aliis tribuebat. Virtus charitatis in il-  
lo præminebat, adeo vt ipsis inimicis affectū  
dilectionis impenderet, vt sequenti patebit ex-  
emplo: Quodam enim tempore factum est, vt  
ad venerabilem matrē suam in Burgūdia pro-  
peraret: in siluis vero abiegnis, quæ trans Ver-  
berim fluuium sitæ sunt, latrones incurrit. Qui  
tāto imperu super comitatum eius irruere visi  
sunt, vt nō modo eos expoliare, sed & occidere  
velle putarētur. Quorū assultu Gregorius ter-  
reri nō potuit, qui præsidio Martini circūseptus  
incedebat. Cuius mox auxiliū flagitās, ita sibi  
adesse expertus est, vt latrones velocius quàm emer-  
serint, fugā inirent. At Gregorius vsus cōsuetæ  
pietate, nec in perturbatione turbatus, fugiētes  
reuo-

reuocat, ad cibū & potum inimicos inuitat.

Sedecim annos hic in episcopatu exegerat, cum æquiuocus eius, ille magnus Gregorius in sede apostolica subrogatur. Siquidem opinata res est, quòd dudum alter alteri peculiari sit amicitia deuinctus. Nec immerito tamen hunc Fortunatus Gregorio cõparat Nazanzeno, tã quã ille datus sit orienti: Romanensis autem, meridiei: at hic noster, occidenti. Cum igitur sacra apostolorum limina expetisset, magna cum reuerẽtia sanctus eum papa excepit. Quẽ ab beati Petri confessionem introducens, à latere cõstitit, præstolãs quo assurgeret. Interim autem vt erat ingenio profundissimus, secretã dei dispensationem admirans, considerabat in huiusmodi hominẽ (erat enim statura breuis) tantam gratiam cœlitus profluxisse. Quod ille mox diuinitus persentiens, & ab oratione surgens, placidõque, vt erat vultu, ad papam respiciens, Dominus, inquit, fecit nos, & non ipsi nos: idem in paruis, qui & in magnis. Cũque id suã cogitationi sanctus papa responderi cognosceret, ipsa sua deprehensione gauisus, gratiam quã hætenus in Gregorio mirabatur, in magna veneratione deinceps habere cœpit, se dẽq; Turonicã nobilitauit. Pauca hæc de nostro præfule dicta sint. non eum miraculorum ergo, quæ etiam reprobis dari solent, cõmendamus, sed ne hanc quidem gratiam illi defuisse monstramus. Cæterum ad eius gloriam

commendandam, illud sufficiat, quod humili corde Christum secutus est, & quod non speravit in pecuniarum thesauris (hoc utique est mirabilia fecisse) & quod à peccatorum est laqueo custoditus. Super omnem quippe gloriam est, à peccatis protectio. Vigesimo & primo igitur episcopatus sui anno, tamquam septenario annorum numero, ter in fide sanctę trinitatis completo, appositus est ad patres suos, non tam dierum, quam ferme tricenis ordinatus est, quam perfectione plenus. Qui tamen non usquequaque videtur clausus in tumulo, cui restat ut vel lingua viuat in mundo. Et quia sicut credimus, beato Martino in celo est sociatus, sancto etiam corpore est illi in sepulchro vicinus. Porro Turoneses, ne diuinis muneribus videantur ingrati, semper necesse est ut retractent, quãtopere sint à Deo suffulti. Datus namque est eis patronus, non qualiscunque, sed Martinus, de cuius laude quid primum, vel speciale dicatur, cum ut scriptum est, eius minima, aliorum maximis maiora esse manifestum sit. Datus est eis & Gregorius vir, non solum sanctitate, sed & doctrina clarus, ne urbs Turonica obscurior videretur, si scriptorum officio caruisset, quin potius sicut urbs Romulea post apostolos illustratur in altero Gregorio, ita & Turonica post Martinum decoretur in isto. Nec prætereundum quomodo consuetam sibi humilitatem etiam in ipsa sepultura

tura sua seruauerit. Nā in tali loco se sepeliri  
fecit, vbi semper omnium pedibus conculca-  
retur, & ipsa loci necessitas cogeret, ne vnquā  
in aliqua reuerētia haberi posset: sed grex bea-  
ti Martini talia non ferens, amicum domini  
sui de loco leuauit & edito supulchro mauso-  
leo, ad leuam sancti sepulchri digna reueren-  
tia collocauit. Obiit autem quindecimo ca-  
lend. decēbris, videlicet intra Martinianam  
hebdomadam, vt solēnitatem Martini, quam  
hic iam egrotans celebrare cœperat, Martino  
iunctus in cælo consummaret, præstante do-  
mino Iesu Christo, qui uiuit & regnat Deus  
per omnia secula seculorum. Amen.

EX LIBR. IOANNIS TRI-  
themij de scriptoribus Ecclesiasticis.

GREGORIVS episcopus Turonen-  
sis, ex monacho discipulus quondam S. Auiti  
præfulis Aruernorum, vir doctus & nobilis,  
mitis quoque & humilis: tantæ sanctitatis &  
puritatis extitit, vt etiã in vita miraculis cho-  
ruscauerit. Hic apostolorum Petri & Pauli li-  
mina visitans, à B. Papa Gregorio cum maxi-  
ma reuerentia & charitate, vt verè sanctus su-  
sceptus est, vt amicus singularis & vnicus ab  
eo dilectus. Scripsit simplici & aperto sermo-  
ne nonnulla volumina, de quibus extant,

De laude sanctorum martyrum, lib. vnus.

De vita quorūdam confessorū, libri duo.

De miraculis S. Iuliani martyris, lib. v. nus.

De miraculis S. Martini, lib. quatuor.

Historiæ Francorum, lib. decem.

Epitomæ eiusdem, lib. vnus.

Chronicorū ecclesiasticę historię, lib. vnus.

Cætera quæ composuit, ad notitiam lectionis  
nostræ nondum venerunt. Claruit tempori-  
bus Mauritij imperatoris, anno domini D C.

IN

1.

IN DEI NOMINE,  
GREGORII TVRONI-  
CI HISTORIARVM  
Liber primus.



Cripturus bella Regum cum gentibus aduersis, Martyrum cū paganis, Ecclesiarum cum hæreticis, prius fidem meam proferre cupio, vt qui legerit, me nō dubitet esse catholicum. Illud etiam placuit, propter eos qui appropinquante mūdi fine desperant, vt collecta per chronica vel per historias anteriorum annorum summa, explanetur apertè, quot ab exordio mundi sint anni. Sed prius veniam legētibus precor, si aut in literis, aut in syllabis Grammaticā artem excessero: de qua adplene non sum imbutus. Illud tantum studēs, vt quod in Ecclesia credi prædicatur, sine aliquo fuce aut cordis hæsitacione retineam: quia scio peccatis obnoxium, per credulitatem puram obtinere posse veniam apud nostrum pium Dominum. Credo ergo in deum patrem omnipotentem. Credo in Iesum Christum filium eius vnicum dominū deum nostrum, natum à patre, non factum: non post tempora, sed

A

ante cunctum tempus semper fuisse cum patre: nec enim pater dici potuerat, nisi haberet filium: neque filius esset, si patrem utique non haberet. Illos verò qui dicunt, Erat quando non erat, execrabiliter renuo: & ab Ecclesia segregari contestor. Credo Christum hunc verbum esse patris, per quem facta sunt omnia. Hunc verbum carnem factum credo: cuius passionem mundus redemptus est: & humanitatem, non deitatem subiacuisse passioni credo. Credo eum die tertia resurrexisse: hominem perditum liberasse. Ascendisse in celos: sedere ad dexteram patris: venturum ac iudicaturum viuos & mortuos. Credo sanctum spiritum à patre & filio processisse, non minorem, & quasi ante non esset, sed æqualem, & semper cum patre & filio coæternum deum, consubstantialem natura, æqualem omnipotentia, consempiternum essentia, ut nunquam sine patre fuisse vel filio, neque minorem patre vel filio. Credo hanc trinitatem sanctam in distinctione subsistere personarum, & aliam quidem personam patris, aliam filij, aliam spiritus sancti. In qua trinitate vnam deitatem, vnam potentiam, vnam essentiam esse confiteor. Credo beatam Mariam, ut virginem ante partum, ita virginem & post partum. Credo animam immortalem, nec tamē partē habere deitatis. Et omnia quæ à trecētis decē & octo episcopis Nicenæ constituta sunt, credo

fideliter. De fine verò mundi ea sentio quæ  
 à prioribus didici. Antichristus verò primum  
 circuncisionem inducet, se asserens Christū:  
 deinde in templo Hierosolymis statuā suam  
 collocabit adorandam, sicut dominum dixit-  
 „ se legimus: Videbitis abominationem deso-  
 „ lationis, stantem in loco sancto. Sed diem illā  
 „ omnibus hominibus ignorari, ipse dominus  
 „ manifestat dicens: De die autem illa & hora  
 „ nemo scit, neq; angeli cælorum, neque filius,  
 „ nisi pater solus. Sed & hîc respondebimus  
 Hæreticis, qui nos impugnant, asserentes mi-  
 norem esse filium patre, qui hanc diem igno-  
 ret. Cognoscāt ergo hūc filium, Christianum  
 populum nuncupatum, de quo à deo prædi-  
 „ citur: Ego ero illis in patrem, & ipsi erūt mi-  
 „ hi in filios. si enim hæc de vnigenito filio præ-  
 „ dixisset, nunquam ei angelos præposuisset: sic  
 enim ait: Neq; angeli cælorum, neque filius,  
 ostendens, non de vnigenito, sed de adoptiuo  
 populo hæc dixisse. Noster verò finis, ipse  
 Christus est, qui nobis vitā æternam si ad eum  
 cōuersi fuerimus, larga benignitate præstabit.

De supputatione verò huius mundi euident-  
 ter Chronicæ Eusebij Cæsariensis episcopi ac  
 Hieronymi presbyteri proloquuntur, & ra-  
 tionem de omnium annorum serie pandunt.  
 nam & Orosius diligentissimè hæc inquirēs,  
 omnem numerum annorum ab initio mundi  
 vsque ad suum tempus in vnum collegit. hoc

etiam & Victorius cùm ordinem Paschalis so-  
lennitatis inquireret, fecit. Ergo & nos scri-  
ptorum supra memoratorum exemplaria se-  
quentes, cupimus à primi hominis conditio-  
ne, si dominus dignabitur suum commodare  
auxilium, vsq; ad nostrũ tempus cunctam  
annorum congeriem computare. Quod fa-  
cilis adimplebimus, si ab ipso Adam suma-  
mus exordium.

I IN principio dominus cælum terrámque,  
in Christo suo, qui est omnium principium,  
id est in filio suo formavit, qui post creata  
mundi elementa, glebam assumens fragilli-  
mam, hominem ad suam imaginem similitu-  
dinemque plasmauit, & insufflauit in faciem  
eius spiraculum vitæ, & factus est in animam  
viuentem: cui dormienti ablata costa, mulier  
Eua creata est. Nec dubium enim est quòd hic  
primus homo Adam, antequam peccaret, ty-  
pum domini nostri redemptoris prætulisset.  
ipse enim in sopore passionis obdormiens, de  
latere suo dum aquam cruoremque produxit,  
virginem immaculatámq; Ecclesiam sibi ex-  
hibuit, redemptam sanguine, latice emunda-  
tam, non habentem maculam aut rugam, id  
est lymphis ablutam, propter maculá: in cru-  
ce extensam, propter rugam. Hi ergo primi  
homines in amœna Paradiso beatè viuentes,  
anguis astu illecti, diuina præcepta transi-  
liunt. Eiectique ab angelica sede, mundi la-

boribus deputantur.

2 COGNITA autem à consorte mulier concepit, peperitque duos filios. Sed dū deus vnus sacrificium dignāter suscipit, alter inuidia inflāmate tumescit, & in fratrem sanguinis effusionē nouus fratricida cōsurgens, fratrem opprimit, vincit, interimit.

3 ET hinc cunctū genus in facinus execrabile ruit: præter Enoch iustum, qui ambulās in-viis dei, ab ipso domino propter iustitiam assumptus, de medio peccātis populi liberatur. sic enim legimus: Ambulauit Enoch cū deo, & non comparuit, quia abstulit eum.

4 DOMINVS ergo commotus cōtra iniquitates populi, non in suis semitis gradientis, diluuium immisit, cunctāque animā viuentem de superficie terræ diluuiō inundante deleuit. Tantūmque Noe fidelissimum ac peculiarem sibi, suique typi speciem præferētem, cum sua vel trium natorum conjugibus, posteritatis reparandæ gratia, in archa reseruauit. Incrēpāt nos hīc hēretici, Cur scriptura sacra dominum dixisset iratum. Cognoscant ergo, quia dominus noster, non vt homo irascitur: commouetur enim, vt terreat: pellit, vt reuocet: irascitur, vt emendet. Sed nec hoc ambigo, quod species illa archæ typum matris gesserit Ecclesiæ: ipsa enim inter fluctus & scopulos huius seculi transiens, nos ab imminentibus malis materno gestamine

fouens, pio amplexu ac protectione defendit. Ab Adam ergo vsque ad Noë, generationes decem: id est Adam, Seth, Enos, Caïnan, Malaleel, Jared, Enoch, Mathusalam, Lamech, Noë. In his ergo decem generationibus, inueniuntur anni mille ducenti quadraginta duo. Adam verò in terra Enachim sepultum, quæ prius Ebron vocabatur, liber Iesu Naue cui-denter explanat.

5 HABEBAT ergo Noë post diluuium, tres filios, Sem, Cham, & Iafeth. De Iafeth egressæ sunt gentes, similiter & de Cham, & de Sem. Et sicut ait vetus historia, ab his disseminatam est genus humanum sub vniuerso cælo. Primogenitus verò Cham, Chus, Hic fuit totius artis Magicæ imbuate diabolo, & primus idololatriæ adinuentor. Hic primus statunculam adorandam diaboli instigatione constituit: qui & stellas, & ignem de cælo cadere, falsa virtute hominibus ostendebat. Hic ad Persas transiit. Hunc Persæ vocitauerunt Zoroastren, id est viuentem stellam. Ab hoc etiam ignem adorare consueti, ipsum diuinitus igne consumptum vt deum colunt.

6 CVM QVE multiplicati homines dispergerentur per vniuersas terras, egressi ab oriente, Sennaar gramineum reperiunt campum. In quo ædificantes ciuitatem, turrem quæ cælos adtingeret nituntur struere. Quorum vanam cogitationem simul & linguam,

ipſosque confutans deus, per mundum latè  
 patentem in vniuerſa terra diſperſit: voca-  
 tùmq; eſt nomen ciuitatis, Babel, hoc eſt cõ-  
 fuſio, eo quòd ibi cõfudiſſet deus linguas eo-  
 rum. Hæc eſt Babylonia à Nembroth gygante  
 ædificata filio Chus. Et ſicut Oroſij narrat  
 hiſtoria, mira campi planitiè in quadrum diſ-  
 poſita eſt. Murus eius ex coctili latere in fuſo  
 bitumine, in latum habet cubitos quinquaginta,  
 altitudinis cubitos ducentos, in circui-  
 tu ſtadia quadringenta ſeptuaginta. Vnum  
 ſtadium habet aripennes quinque. Vicenæ  
 quinæ portæ per vnũquodque latus ſitæ ſunt,  
 quæ faciunt centum. Harum portarum oſtia  
 miræ magnitudinis, ex ærẽ fuſili ſunt forma-  
 ta. Multa & alia de hac ciuitate idem hiſto-  
 riographus narrat addens, Et cum tanta fuiſ-  
 ſet honeſtas ædificij, attamen victa atq; ſub-  
 uerſa eſt.

7 PRIMVS autem filius Noë, Sem: de quo  
 generatione decima, natus eſt Abraham: id  
 eſt, Noë, Sem, Arphaxad, Sale, Heber, Falec,  
 Ragau, Saruch, Thare, qui genuit Abrahã. In  
 his decem generationibus, hoc eſt, à Noë vſ-  
 que ad Abrahã, inueniuntur anni D CCCC.  
 XLII. Eo tẽpore regnabat Ninus, qui æ-  
 dificauit ciuitatem quam Niniuem vocauit:  
 cuius in tribus manſionibus ſpaciũ ampli-  
 tudinis Ionas propheta determinat. Huius  
 quadrageſimotertio regni anno, natus eſt A-

braham. Hic est Abraham, initium fidei nostræ: hic accepit repromissiones: huic se Christus dominus noster nasciturum, ac pro nobis passurum in victimæ commutatione monstravit, ipso in Euâgeliis sic dicente, Abraham exultavit ut videret diem meum: & vidit & gauisus est. Hoc verò holocaustum in monte Caluarix, quo dominus crucifixus est, oblatum fuisse, Seuerus narrat in Chronica, sicut & hodieque in ipsa Hierosolymorum vrbe celebre fertur. In hoc monte crux sancta in qua redemptor affixus est, stetit, de qua & beatus ille cruor effluxit. Hic ergo Abraham accepit signum circumcisionis, ostendens ut quod ille gessit in corpore, nos portemus in corde, dicente propheta: Circumcidite vos deo vestro, & circumcidite præputium cordis vestri, & nolite sequi deos alienos. Et iterum, Omnis incircumcisus corde, nõ intret in sancta mea. Hunc Abraham deus post adiectam nomini syllabam, patrem multarum gentium nuncupavit.

8 IS cùm centum esset annom, genuit Isaac. Postò Isaac sexagesimo ætatis anno, nati sunt filij gemini de Rebecca. Primus Esau, qui & Edom, id est terrenus: qui propter gulam vendidit primogenita sua. Ipse est pater Idumeorum: de cuius generatione quarta, natus est Jobab. hoc est, Esau, Raguel, Zara, Jobab, qui & Iob. Is vixit annos CCXLIX. octogesi-

monono anno ab infirmitate liberatus est. post infirmitatem autem, CLXX. annis restituta in duplū omni facultate, cum tot quot perdidit filiis, iocundatus est.

- 9 SECVNDVS autem filius Isaac, Jacob,  
 " dilectus dei, sicut ait per prophetam, Jacob  
 " dilexi, Esau autem odio habui. Hic post angelicā luctam, vocatus est Israël, à quo Israëlitē. Hic genuit duodecim patriarchas, quorum hæc sunt nomina: Ruben, Simeon, Leui, Iudas, Isachar, Zabulon, Dan, Neptalim, Gad, & Aser. Post hos genuit Ioseph de Rachel, cū esset nonagesimosecūdo ætatis suæ anno. Hūc ceteris filius plus dilexit. Habuit ex ea & Benjamin vltimū omnium. Ioseph autē, XVI. ætatis annum habens, typum præferens redemptoris, vidit somnia quæ fratribus retulit: Quasi manipulos legens, quos suorū fratrum manipuli adoraret. Et iterum, Quasi sol & luna cum vndecim stellis procederent ante eum. quæ res magnum ei cum fratribus odium generavit. Vnde & inflammata invidia, triginta eum argenteis Ismaelitis in Ægyptum transeuntibus vendiderunt. Imminente autem fame, cū descendissent hi in Ægyptum, cogniti sunt à Ioseph, nec tamen ipsi Ioseph cognouerunt. Ipse tamen se his post multas fatigationes, & adducto Benjamin, declaravit. de Rachel enim matre sua, natus & hic fuerat. Post hæc descendūt cun-

cti Israëlitæ in Ægyptum, & per Ioseph Pharaonis gratia vtuntur. Iacob autem post benedictos filios suos, in Ægypto moritur, & in sepulchro patris sui Isaac sepelitur in terra Chanaan. Mortuo autem Ioseph atque Pharaone, subiicitur cuncta generatio seruituti, quæ per Moysen post decem plagas Ægypti liberatur, demerso Pharaone in mari rubro.

- 10 ET quoniam de hoc maris transitu plures multa dixerunt, visum est, vt de situ loci illius vel ipsius transitu, aliqua huic inseram lectioni. Nilus per Ægyptû, sicut optime notis, decurrit, & ipse eam impetu suo inrigat: vnde & Ægyptij Nilicolæ appellatur. Cuius nunc litora, multi locorû perlustratores, referta sacris Monasteriis dicunt esse. Super ripam verò eius non Babylonia, de qua supra meminimus, sed Babylona ciuitas collocatur: in qua Ioseph horrea miro opere de lapidibus quadris & cemento ædificauit: ita vt ad fundum capaciora, ad summum verò cõstricta sint, vt per paruulum foramen ibidem triticum iaceretur. Quæ horrea vsque hodie cernuntur. De hac ciuitate rex ad perfequendum Hebræos, cum exercitibus curruum, ac multa pedestri manu directus est. Antè dictus verò fluiuis, ab oriente veniens, ad occidentalem plagam versus Rubrum mare vadit: ab occidente verò stagnum siue brachium de mari Rubro progreditur, & vadit contra orien-

tem, habens in longo milia circiter quinquaginta: in lato autem decem & octo. In huius stagni capite Clyfma ciuitas ædificata est, nõ propter fertilitatẽ loci, cum nihil sit plus sterile: sed propter portum, quia naues ab Indis venientes, ibidem ob portus opportunitatem quiescunt. Vbi comparatæ merces, per totam Ægyptum deportantur. Ad hoc stagnum per desertum Hebræi tendentes, vsque ad ipsum mare venerunt, inuentisque dulcibus aquis castrametati sunt. In hoc ergo arcto loco, tam ab eremo quàm ab ipso mari, confederunt, sicut scriptum est, Audiens Pharaos, quòd conclusisset eos mare atque desertũ, nec esset eis via qua possent pergere, ad persequendum eos direxit. Cùmque imminentibus his Moyse populus adclamasset, secundum iussu diuinitatis proiecta virga super mare diuisum est: illisque per sicca gradientibus, & vt scriptura ait, Muro aquarum vndique vallatis, in litus illud quod est contra montem Syna ingressi prorsus, demersis Ægyptiis, Moyse duce, transgrediuntur: de quo transitu multa vt dixi narrantur, sed nos quod à sapientibus & certè illis hominibus qui in eodem loco accesserant, verum cognouimus, ea inserere studuimus pagina. Aiunt enim sulcos quos rotæ curruum fecerant, vsque hodie permanere: & quantum acies oculorum videre potest, in profundo cerni. Quos si modicum commotio maris ob-

texerit, illo quiescete rursus diuinitus reno-  
 uantur ut fuerant. Dicunt alij, quod ad ipsam  
 ripam, facto modico per mare circuitu, unde  
 ingressi fuerat, sint reuersi. Alij vero adserunt,  
 vnum cunctis ingressum: nonnulli, vnicuique  
 tribui suam patuisse viam, illud testimonium  
 Psalterij adducunt: Qui diuisit mare rubrum  
 in diuisiones, quas nos diuisiones spiritaliter,  
 & non secundum litteram, intelligere oportet. Sunt  
 enim & in hoc seculo, quod figuraliter mare  
 dicitur, multae diuisiones, non enim aequaliter  
 possunt per unam viam ad vitam cuncti transire. Alij  
 autem transiunt in horam primam, id est qui renati  
 per baptismum, immaculati ab omni iniqui-  
 tate carnis perdurare usque ad vitae praesentis  
 exitum possunt. Alij ad horam tertiam,  
 videlicet qui maiori aetate conuertuntur. Alij  
 ad sextam, qui luxuriae feruorem coercent: &  
 per has quasque horas, sicut Euangelista com-  
 memorat, ad operam dominicae vineae, secundum  
 fidem propriam conducuntur. Haec sunt  
 diuisiones, quibus per hoc mare transitur. Il-  
 lud vero quod ad mare usque venientes, litus  
 stagni tenentes reuertuntur, illud est quod do-  
 minus ad Moysen dixit: Reuersi castra me-  
 tentur in regione Phihairoth, quae est inter  
 Magdalum & mare contra Beelsephon. Nec e-  
 nim dubium est, quod transitus ille maris, vel  
 columna nubis, typum gesserint nostri Baptif-  
 matis, dicente beato Paulo apostolo: Nolo

6 vos ignorare fratres, quia patres nostri omnes  
 7 sub nube fuerunt, & omnes in Moysen bapti-  
 8 zati sunt, in nube & in mari. Columna verò  
 ignis, typum sancti Spiritus prætulit. A nati-  
 uitate ergo Abrahæ vsque ad egressum filio-  
 rum Israël ex Ægypto, vel trāsitum maris Ru-  
 bri, qui fuit Moysi octogesimus annus, suppu-  
 tantur anni numero CCCCLXII.

11 P E R quadraginta annos Israëlitz eremo  
 vtuntur, imbuuntur legibus, probantur: vi-  
 ctibúsq; pascuntur angelicis. Deinceps e-  
 nim post acceptam legem, transgressóq; cum  
 Iesu Naue Iordane, terram Repromissionis  
 accipiunt.

12 P O S T cuius trāsitum, dum præcepta di-  
 uina postponunt, sæpe in alienigenarum ser-  
 uicio subiugantur. Sed cùm conuersi ingemi-  
 scunt, tribuente domino, per virorum fortium  
 brachium liberantur. Post hæc per Samue-  
 lem, regem, sicut reliquæ gentes habent, à do-  
 mino postulantes, accipiunt primum Saul, de-  
 inde Dauid. Ab Abraham ergo vsque ad Da-  
 uid generationes XIII. id est, Abraham,  
 Isaac, Iacob, Iudas, Phares, Esrom, Aram, A-  
 minadab, Naafon, Salmon, Obeth, Iesse. Da-  
 uid. Dauid auté genuit Salomonem de Ber-  
 sabei. Is per Natham prophetam, fratrem  
 suum, & matrem, in regno euectus est.

13 D E F V N C T O autem Dauid, cùm re-  
 gnare cœpisset Salomon, apparuit ei domi-

nus, & quod peteret, vt indulgeat pollicetur.  
 At ille terrenas diuitias postponens, sapien-  
 tiam magis expetiit: quod ratū domino fuit,  
 „ ita vt ab eodem audiret, Quia nō quāfisti re-  
 „ gna mundi, nec diuitias eius, sed postulasti sa-  
 „ pientiam, ideo accipies eam: ante te non fuit  
 „ tam sapiens, sic & post te nō crit. Quod post-  
 ea iudicium illud, quod inter duas mulieres  
 de vno infante litigantes, intulit, comproba-  
 uit: Hic Salomon ædificauit templum no-  
 mini domini miro opere, multum ibi auri ar-  
 gentique, æris ac ferri ingerens, ita vt diceretur  
 à quibusdam, Nunquam simile in mundo  
 fuisse ædificium fabricatum. Ab egressu er-  
 go filiorum Israël ex Ægypto vsque ad ædifi-  
 cationē templi, qui fuit annus septimus regni  
 Salomonis, inueniūtur anni, CCCCLXXX.  
 sicut Regum testatur historia.

14

P O S T mortem autem Salomonis, diui-  
 sum est per duritiam Roboæ regnum in duas  
 partes. Restiterunt duæ tribus ad Roboam,  
 quod Iuda appellabatur: ad Hieroboam au-  
 tem, decē tribus, quod Israël vocabatur. Post  
 hæc igitur ad idololatriam declinantes, nec  
 prophetarum vaticinia, nec eorum interitus,  
 nec cladis patriæ, nec ipsorum etiam regum  
 eos excidia domuerūt. D O N E Ciratus cō-  
 15 tra eos dominus; excitauit Nabuchodonosor,  
 qui eos in Babyloniam cum omnibus templi  
 ornamentis, captiuos abduxit: in qua capti-

uitate & Daniel propheta eximius, inter esurientes leones inlæsus, & tres pueri in medio ignium rorulæti, abière captiui. In hac captiuitate & Ezechiel prophetauit, & Esdras propheta-natus est. A Dauid autem vsque ad desolationem templi, & transmigracionem in Babyloniam, generationes quatuordecim: id est, Dauid, Salomon, Roboam, Abia, Afa, Iosaphat, Ioram, Ozias, Ioatham, Achaz, Ezechas, Manasses, Amon, Iosias. In his ergo quatuordecim generationibus, anni inueniuntur numero CCCXL. De hac verò captiuitate per Zorobabel liberantur: qui postea & templum & ciuitatem restituit. Sed hæc captiuitas typum illius captiuitatis, vt puto, gerit, in qua anima peccatrix abducitur. Quam nisi Zorobabel, id est Christus, liberauerit, horribiliter exsulabit. Ipse enim dominus in Euangelio dicit: Si vos liberauerit, verè liberi eritis. Ipse oro sibi in nobis templū, in quo dignetur habitare, constituat, in quo fides, vt aurū, luceat: in quo eloquium prædicationis, vt argentum, splendeat: in quo omnia visibilis templi illius ornamenta, in nostrorum sensuum honestate clarescant. Bonæ etiam voluntati nostræ ipse salubrem effectū indulgeat. Quia nisi ipse ædificauerit domū, in vanum laborant qui ædificāt eam. Hęc verò captiuitas annis LXX. fuisse dicitur.

16 REVERSI autem per Zorobabel, sicut

nus, & quod peteret, vt indulgeat pollicetur.  
 At ille terrenas diuitias postponens, sapien-  
 tiam magis expetiit: quod ratū domino fuit,  
 „ ita vt ab eodem audiret, Quia nō quæfisti re-  
 „ gna mundi, nec diuitias eius, sed postulaſti ſa-  
 „ pientiam, ideo accipies eam: ante te non fuit  
 „ tam ſapiens, ſic & poſt te nō erit. Quod poſt-  
 ea iudicium illud, quod inter duas mulieres  
 de vno infante litigantes, intulit, comproba-  
 uit. Hic Salomon ædificauit templum no-  
 mini domini miro opere, multum ibi auri ar-  
 gentique, æris ac ferri ingerens, ita vt diceretur  
 à quibusdam, Nunquam ſimile in mundo  
 fuiſſe ædificium fabricatum. Ab egreſſu er-  
 go filiorum Iſraël ex Ægypto vſque ad ædifi-  
 cationē templi, qui fuit annus ſeptimus regni  
 Salomonis, inueniūtur anni, CCCCLXXX.  
 ſicut Regum teſtatur hiſtoria.

14

P O S T mortem autem Salomonis, diui-  
 ſum eſt per duritiam Roboæ regnum in duas  
 partes. Reſtiterunt duæ tribus ad Roboam,  
 quod Iuda appellabatur: ad Hieroboam au-  
 tem, decē tribus, quod Iſraël vocabatur. Poſt  
 hæc igitur ad idololatriam declinantes, nec  
 prophetarum vaticinia, nec eorum interitus,  
 nec cladis patriæ, nec ipſorum etiam regum  
 eos excidia domuerūt. D O N E Ciratus cō-  
 15 tra eos dominus, excitauit Nabuchodonofor,  
 qui eos in Babyloniam cū omnibus templi  
 ornamentis, captiuos abduxit: in qua capti-

uitate & Daniel propheta eximius, inter esurientes leones inlæsus, & tres pueri in medio ignium rorulæti, abiére captiui. In hac captiuitate & Ezechiel prophetauit, & Esdras propheta-natus est. A Dauid autem vsque ad desolationem templi, & transmigracionem in Babyloniam, generationes quatuordecim: id est, Dauid, Salomon, Roboam, Abia, Afa, Iosaphat, Ioram, Ozias, Ioatham, Achaz, Ezecias, Manasses, Amon, Iosias. In his ergo quatuordecim generationibus, anni inueniuntur numero CCCXL. De hac verò captiuitate per Zorobabel liberantur: qui postea & templum & ciuitatem restituit. Sed hæc captiuitas typum illius captiuitatis, vt puto, gerit, in qua anima peccatrix abducitur. Quam nisi Zorobabel, id est Christus, liberauerit, horribiliter exsulabit. Ipse enim do-  
 17 minus in Euangelio dicit: Si vos filius liberauerit, verè liberi eritis. Ipse oro sibi in nobis  
 18 templū, in quo dignetur habitare, constituat, in quo fides, vt aurū, luceat: in quo eloquium prædicationis, vt argentum, splendeat: in quo omnia visibilis templi illius ornaméta, in nostrorum sensuum honestate clarescant. Bonæ etiam voluntati nostræ ipse salubrem effectū indulgeat. Quia nisi ipse ædificauerit domū, in vanum laborant qui ædificāt eam. Hęc verò captiuitas annis LXX. fuisse dicitur.

16 REVERSI autem per Zorobabel, sicut

diximus, nunc contra deum murmurantes, nunc post idola corruentes, vel abominaciones quæ gentes exercent imitantes, dum dei prophetas contemnunt, gentibus traduntur, subiugantur, intercidunt: donec ipse dominus patriarcharum prophetarumq; vocibus repromissus, virginis Mariæ utero per spiritum sanctum in lapsus, ad redemptionem nasci, tam illius gentis, quàm omnium gentium dignaretur. A transmigracione ergo vsque ad natiuitatē Christi, generationes quatuordecim: id est, Iechonias Salathiel, Zorobabel, Abiud, Eliachim, Azor, Sadoch, Achim, Eliud, Eleazar, Mathan, Iacob, Ioseph vir Mariæ, de qua dominus noster Iesus Christus nascitur: qui Ioseph, quartusdecimus computatur.

- 17 ERGO ne videamur vnus tantum Hebrææ gentis habere notitiam, reliqua regna, quæ, vel quali Israëlitarum fuerint tempore, memoramus. Tempore Abrahæ, Ninus regnabat super Assyrios: Sicyonios, Europs: apud Ægyptios autem sextadecima erat potestas, quam sua lingua Dynastian vocabant. Tempore Moyfi, apud Argiuos regnabat septimus Tropas: in Attica Cecrops primus: apud Ægyptios, Cenchris duodecimus, qui & in mari obrutus est rubro: apud Assyrios, sextusdecimus Agatadis: apud Sicyonios Maratis. Tempore verò Salomonis, quando regnabat

regnabat super Israël, apud Latinos Quintus regnabat Siluius: Lacedæmoniis, Fiftus: Corinthiis, secundus Oxion: Ægyptiorum, Thebei. cetero viceſimo ſexto anno ſuper Afyrios, Eutropes: Athenienſibus, ſecundus Agafaftus. Tēpore quo Amon regnabat ſuper Iudæam, quando captiuitas in Babyloniam abiit, Macedoniis præerat Argeus: Lydorum, Gyges: Ægyptiorū, Vafres: apud Babyloniam, Nabuchodonofor, qui eos captiuos abduxit: Romanorum, Sextus Seruius Tullus.

18 POST hos, imperatores: primus, Iulius Cæſar fuit, qui totius imperij obtinuit monarchiam: ſecundus, Octauianus, Iulij Cæſaris nepos, quem Auguſtum vocant: à quo & mensis Auguſtus eſt vocitatus. Cuius nono decimo imperij anno, Lugdunum Galliarum urbem conditam maniſteſtiſſimè reperimus: quæ poſtea inluſtrata Martyrum ſanguine, Nobiliſſima nuncupatur.

19 ANNO quadrageſimo tertio imperij Auguſti, Dominus noſter Ieſus Chriſtus, vt diximus, ex virgine Maria in Bethleem Daud opido, ſecundum carnem natus eſt: cuius immenſum ſidus Magi ab oriente cernentes, cū muneribus veniunt: & puerum ſupplices oblatiſ donis adorant. Herodes verò ob zelum regni ſui, dum deum Chriſtum perſequi nititur, paruulos infantem interimit. Ipſe quoque poſtmodum iudicio diuino percuffus eſt.

- 20 **DOMINO** autem deo nostro Iesu Christo pœnitentiam prædicante, baptismi gratiam tribuente, vel cœleste regnum cunctis gentibus promittente, atque prodigia & signa per populos operante: hoc est, dum de aquis vina profert, dum febres extinguit, dum cæcis lumen tribuit, dum sepultis vitam restituit, dum obsessos ab immundis spiritibus liberat, dum leprosos miserabili turpētes cute reformat, ac dum alia signa multa faciens, manifestissimè se deū populis esse declarat: in Iudæis ira succenditur, inuidia exagitur, ac mens de sanguine prophetarum pasta, vt iustum interimat, iniuste molitur. Ergo vt veterum vatum complerentur oracula, à discipulo traditur, à pontificibus condemnatur, à Iudæis inluditur, cum iniquis crucifigitur, à militibus emissio spiritu custoditur. His igitur actis, tenebræ super vniuersum mundum factæ sunt, & multi conuersi ingemiscētes, Iesum filium dei confessi sunt.
- 21 **ADPREHENSVS** autem & Ioseph, qui cum aromatibus conditum in suo monumento recondidit, in cellulam includitur, & ab ipsis sacerdotum principibus custoditur, maiorem in eum habentes sœuitiam, vt gesta Pilati ad Tyberium imperatorem missa referunt, quàm in ipsum Dominum, vt cum ille à militibus, hic ab ipsis sacerdotibus custodiretur: sed resurgente domino, custodibus visio-

ne angelica territis, cum non inueniretur in tumulo, nocte parietes de cellula in qua Ioseph tenebatur, suspenduntur in sublimi: ipse verò de custodia, absolute angelo, liberatur, parietibus restitutis in locum suum. Cumq; pontifices custodibus exprobrarent, & sanctum corpus ab eisdem instanter requirerent, dicunt eis milites: Reddite vos Ioseph, & nos reddimus Christum: sed ut verum agnoscimus, neque vos benefactorem dei, neque nos filium dei reddere nunc valemus. Tunc illis confusis, milites sub hac excusatione liberantur.

22 FERTVR Iacobus apostolus, cum dominum iam mortuum vidisset in cruce, detestatum esse atque iurasse, nunquam se comesturum panem, nisi dominum cerneret resurgentem. tertia demum die rediens dominus, spoliato tartaro cum triumpho, Iacobo se ostendens ait: Surge Iacobe, comede, quia iam à mortuis resurrexi. Hic est Iacobus Iustus quem fratrem domini nuncupant, pro quo Ioseph fuerit filius, ex alia vxore progenitus.

23 DOMINICAM verò resurrectionem, die prima factam credimus, non septima sicut multi putant. Hic est dies resurrectionis domini nostri Iesu Christi, que nos proprie Dominicum, pro sancta eius resurrectione vocamus. Hic primus lucem vidit in principio, & hic primus dominum resurgentem contemplari

meruit de sepulchro. A captiuitate verò Hierosolymæ & desolatione templi, vsque ad passionem domini nostri Iesu Christi, id est vsque Tyberij septimo decimo anno subputatur anni DCLXVIII.

24

RESVRGENS autem dominus, per quadraginta dies cum discipulis de regno dei disputans, videntibus illis in nube susceptus, euectusque in cælos, ad patris dexteram residet gloriosus. Pilatus autem gesta ad Tyberium Cæsarem mittit, & ei tam de virtutibus Christi, quàm de passione vel resurrectione eius insinuat. Quæ gesta apud nos hodie retinentur scripta. Tyberius autem hoc ad senatum recensuit: quod senatus cum ira respuit. pro eo quòd nò ad eum primitus aduenisset. Hinc etenim contra Christianos prima odiorum germina pullularunt. Pilatus autem non permanens impunitus, pro suæ malitiæ scelere, hoc est pro nece quam in dominum nostrum Iesum Christum exercuit, propriis se manibus interficit: quem Manichæum fuisse multi putant, secundum illud quod in Evangelio legitur: Venerunt quidam de Galilæis, nūciantes ei, quorum sanguinem miscuit Pilatus cum sacrificiis eorum. Sic & Herodes rex, dum in apostolos domini sequit, percussus diuinitus ob tanta scelera, intumescens ac scattens vermibus, accepto cultro vt malum purgaret, propriæ se manus ictu librauit.

- 25 **BEATVS** Petrus apostolus sub imperatore Claudio quarto ab Augusto, Romã adgreditur: ibique prædicans, in multis virtutibus manifestissimè Christum esse dei filium comprobavit: ab illis enim diebus Christiani apud ciuitatem Romanã esse cœperunt. Cùm autem nomen Christi per populos magis ac magis dilataretur, oritur contra hæc antiqui serpentis inuidia; & totis se imperatoris præcordiis immittit sæua malignitas. Nam Nero ille luxuriosus, vanus atque superbus, virorũ succuba, & rursus virorum appetitor, matris, fororũ, ac proximarum quarũq; mulierum spurcissimus violator, ad complendam malitiæ suæ molem, primus contra Christi cultũ, persecutionem excitat in credentes: habebat enim secum Simonem Magum, virum totius malitiæ & omnis magicæ artis argumento magistrum. Hoc eliso per apostolos domini Petrum atque Paulum, commotus cõtra eos, quòd Christum filium prædicarent, & idola adorare contemnerent, Petrum cruce, Paulum gladio iubet interfici. Ipse quoque excitatam super se seditionem fugere tentans, quarto ab Vrbe lapide propria se manu interfecit.
- 26 **T V N C** & Iacobus frater domini, & Marcus euangelista, pro Christi nomine glorioso martyrio coronati sunt. Primus tamen omnium hanc viam Leuita Stephanus & mar-

B iij



tyr intrauit. Magna post Iacobi apostoli necem, Iudæos calamitas adsecuta est. Nam adueniente Vespasiano, & templum incensum est, & sexcenta milia Iudæorum, eo bello gladio & fame affecta sunt. Domitianus autē, secūdus post Neronem, in Christianos sequitur: Ioannem apostolum in insulam Pathmos relegat in exilium, & diuersas crudelitates in populos agit. Post cuius mortē, beatus Ioānes apostolus & euangelista, de exilio rediit: qui senex & plenus dierum, perfectæque in deum vitæ viuens, se deposuit in sepulchro. Hic fertur non gustare mortem donec iteratō dominus iudicaturus adueniat, ipso in Euangeliis ita dicente, Sic cum volo manere donec veniam.

27 TERTIVS post Neronem, persecutionem in Christianos Traianus mouet: sub quo beatus Clemens, tertius Romanæ Ecclesiæ episcopus, passus est, & sanctus Simeon, Hierosolymitanus episcopus, Cleophæ filius, pro Christi nomine crucifixus adscritur: & Ignatius Antiochensis episcopus, Romam ductus bestiis deputatur. Hæc sub Traiani temporibus acta sunt.

28 POST hunc Ælius Adrianus, imperator creatus est. vnde & Hierosolyma Ælia ab Ælio Adriano vocatur, successore Domitiani, eo quod eā reparauerit. Post has verò passiones sanctorum, non fuit satis parti aduersæ,

gentes incredulas contra Christicolas exci-  
tasse, nisi commoueret & in ipsis Christianis  
schismata. Cōcitatur hæreses, & diuisa fides ca-  
tholica, aliterque differitur. nam sub Antoni-  
ni imperio Marcionitana & Valētiniana hæ-  
resis insana surrexit: & Iustinus philosophus  
post scriptos catholicæ Ecclesiæ libros, mar-  
tyrio pro Christi nomine coronatur. In Asia  
autem, orta persecutione, beatissimus Poly-  
carpus, Ioannis apostoli & euangelistæ disci-  
pulus, octogesimo ætatis suæ anno, velut ho-  
locaustum purissimum, per ignem domino  
consecratur. Sed & in Galliis multi pro Chri-  
sti nomine sunt per martyrium gemmis cele-  
stibus coronati: quorum passionum historiæ  
apud nos fideliter vsque hodie retinentur.

29 EX quibus & ille primus Lugdunensis Ec-  
clesiæ Photinus episcopus fuit, qui plen<sup>o</sup> die-  
rum, diuersis affectus suppliciis, pro Christi  
nomine passus est. Beatissimus verò Irenæus  
huius successor martyris, qui à beato Poly-  
carpo ad hanc urbem directus est, admirabili  
virtute enituit: qui in modici temporis spa-  
cio, prædicatione sua maximè in integro ciui-  
tatem reddidit Christianâ. Sed veniente per-  
secutione, talia ibidem diabolus bella perty-  
rannum exercuit, & tanta ibi multitudo Chri-  
stianorum ob confessionem dominici nomi-  
nis est iugulata, vt per plateas flumina curre-  
rent de sanguine Christiano: quorum nec nu-

merum, nec nomina colligere potuimus. Dominus enim eos in libro vitę conscripsit. Beatum Ireñum diuersis in sua carnifex presentia pœnis affectum, Christo domino per martyrium dedicauit. Post hunc & quadraginta octo martyres passi sunt, ex quibus primum fuisse legimus Vetium Epagatum.

- 30 SVB Decio verò imperatore multa bella aduersum nomen Christianum exoriuntur, & tanta strages de credentibus fuit, vt nec numerari queant. Babyllas episcopus Antiochenus, cum fratribus paruulis, id est, Urbano, Prilidano, & Epolono: & Sixtus, Romanę ecclesię episcopus: & Laurentius archidiaconus, & Hippolytus ob dominici nominis confessionem per martyrium consummati sunt. Valentinianus & Nouatianus maximi tunc hæreticorum principes, contra fidem nostram inimico impellente grassantur. Huius tempore septem viri episcopi ordinati ad prædicandum in Gallias missi sunt, sicut historia passionis sancti martyris Saturnini denarrat. Ait enim, Sub Decio & Grato consulis, sicut fidei recordatione retinetur, primum ac summum Tholosana ciuitas sanctum Saturninum habere cœperat sacerdotem. Hi ergo missi sunt: Turonicis, Gatianus episcopus: Arelatensibus, Trophimus episcopus: Narbonę, Paulus episcopus: Tholosę, Saturninus episcopus: Parisiacis, Dionysius epi-

scopus: Aruernis, Stremonius episcopus: Lemouicinis, Martialis est destinatus episcopus. De his verò, beatus Dionysius Parisiorum episcopus, diuersis pro Christi nomine adfectus pœnis, præsentem vitam gladio imminente finiuit: Saturninus verò, iam securus de martyrio, dicit duob<sup>9</sup> presbyteris suis: Ecce ego iam immolor, & tempus meæ resolutionis instat: rogo, vt vsquedum debitum finem impleam, à vobis penitus nō relinquar. Cùmque comprehensus ad Capitolium duceretur, relictus ab his solus adtrahitur. Igitur cùm se ab illis cerneret derelictum, orasse fertur: Domine Iesu Christe exaudi me de cælo sancto tuo, vt nunquam Ecclesia de his ciuibus mereatur habere pontificem in sempiternum. Quod vsque nunc in ipsa ciuitate ita euenisse cognouimus: hic verò tauri furentis vestigiis alligatus, ac de Capitolio præcipitatus, vitā finiuit. Gatianus verò, Trophimus, Stremoniúsque, & Paulus, atque Martialis, in summa sanctitate viuētes, post acquisitos Ecclesiæ populos, ac fidem Christi per omnia dilatam, felici confessione migrarunt. Et sic tam isti per martyrium, quàm hi per cōfessionem, relinquentes terras, in cælestibus pariter sunt coniuncti.

31 DE horum verò discipulis quidam Biturigas ciuitatem adgressus, salutare omnium, Christum dominum populis nūciauit. Ex his

ergo pauci admodum credentes, clerici ordinati, ritum psallendi suscipiunt: & qualiter Ecclesiam construunt, vel omnipotenti deo solennia celebrare debeant, imbuuntur. Sed illis paruam adhuc ædificandi facultatem habentibus, cuius cuiusdam domum, de qua Ecclesiam faciant, experunt. Senatores verò vel reliqui meliores loci, fanaticis erant tunc cultibus obligati: qui verò crediderant, ex pauperibus erant, iuxta illud domini, quod Iudeis  
 \* exprobrat dicens, Quia meretrices & publicani præcedunt vos in regno dei. Hi verò nõ obtenta à quò petierant domo, Leocadium quendam primum Galliarum senatorem, qui de stirpe Vetij Epagati fuit, quem Lugduno passum pro Christi nomine superius memorauimus, reppererunt. Cui cum petitionem suam, & fidem pariter intimassent, ille respondit: Si domus mea, quam apud Bituricam urbem habeo, huic operi digna esset, præstare non abnegarem. Illi autem audientes, pedibus eius prostrati, oblati trecentis aureis cum disco argenteo, dicunt eam huic ministerio esse congruam. Qui acceptis de his tribus aureis pro benedictione, clementer indulgens reliqua, cum adhuc esset in errorem idololatriæ implicitus, Christianus factus, domum suam fecit Ecclesiam. Hæc est nunc Ecclesia apud Biturigas urbem prima, miro opere composita, & primi martyris Stephani reli-

quii inlustrata.

32 VICESIMO septimo loco, Valerianus & Gallienus Romanum imperium sunt adepti, qui grauem contra Christianos persecutionem suo tempore commouerūt. Tunc Romam Cornelius, Cyprianus Carthaginem felici sanguine inlustrarūt. Horum tempore & Chrocus ille Alamannorum rex, commoto exercitu, Gallias peruagauit. Hic autem Chrocus multæ adrogantiæ fertur fuisse. Qui cū nonnulla iniquē gessisset, per consilium vt aiunt, matris iniquæ, collectam (vt diximus) Alamannorū gentem, vniuersas Gallias peruagatur, cunctasque ædes, quæ antiquitus fabricatæ fuerant, à fundamentis subuertit. Veniens verò Aruernos, delubrum illud quod Gallica lingua Vasso Galatæ vocant, incendit, diruit, atque subuertit. Miro enim opere factum fuit atque firmatum: cuius paries duplex erat. Abintus enim de minuto lapide, à foris verò, quadris scalptis fabricatum fuit. habuit enim paries ille crassitudinem, pedes triginta. Intrinsicus verò marmore ac musuo variatum erat. Pauimentū quoque ædis marmore stratum, desuper verò plumbo tectum.

33 IVXTA hanc urbem Liminius, Antolianusque martyres requiescunt. Ibi Casius ac Victorinus in dilectione Christi fraterno affectu sociati, per effusionem cruoris proprii, cælorum regna pariter sunt adepti. Nam re-

fert antiquitas, Victorinum seruum fuisse antè dicti templi sacerdotis. Qui dum plerunque vicum quem Christianorum vocant, ad persequendos Christianos adit, Cassium reperit Christianum: cuius prædicationibus atque miraculis motus, credidit Christo: relictisque fanaticis sordibus, ac baptismo consecratus, magnus in virtutum operatione eniuit. Nec multò post, per martyrium (vt diximus) in terris sociati, ad cælestia pariter regna migrauerunt.

- 34 INRVENTIBVS autem Alamannis in Gallias, sanctus Priuatus Gaballitanę vrbis episcopus, in crypta Mématenſis montis, vbi ieiuniis orationibúsq; vacabat, reperitur, populi Gredonęſis caſtri monitione conclusus. Sed dū oues suas bonus pastor lupis tradere nō consentit, dæmoniis immolare cōpellitur. Quod spurcū ille tam execrās q̄ refutans, tādū fustibus cæditur, quoadusq; putaretur exanimis. Sed ex ipsa quassatione, interpositis paucis dieb<sup>9</sup>, spiritū exhalauit. Chrocus verò apud Arelatēsem Galliarū urbē cōprehensus, diuersis adfect<sup>9</sup> suppliciis, gladio verberatus interiit, non immerito pœnas quas sanctis dei intulerat, luens. SVB Diocletiano, qui tricesimotertio loco Romanum rexit imperiū, grauis cōtra Christianos per annos IIII. persecutio exagitata est: ita vt quadā vice in ipso sacratissimo die Paschæ, magni Christianorū
- 35

populi ob veri dei cultum interficerentur. Eo tempore, Quirinus Sistiensis ecclesiæ sacerdos, gloriosum pro Christi nomine martyriũ tulit. quem ligato ad collum molari saxo, in fluminis gurgitem sæuitia impulit paganorum. Igitur cum cecidisset in gurgitem, diu super aquas diuina virtute ferebatur, nec forbebant aquæ, quæ pondus criminis non premebat. Quod factum admirans multitudo populi circumstantis, despecto furore gentilium, ad liberandum properant sacerdotem. Hæc ille cernens, non passus est se à martyrio subtrahi, sed erectis ad cælum oculis, ait: Iesu domine, qui gloriosus resides ad dexterã patris, ne patiaris me ab hoc stadio remoueri, sed suscipiens animam meam, coniungere me tuis martyribus in requie sempiterna dignare. His dictis reddidit spiritum. Cuius corpus à Christianis susceptum, venerabiliter sepulturæ mandatum est.

36 ROMANORVM tricesimus quartus imperium obtinuit Constantinus, annis triginta regnans feliciter. Huius imperij anno vndecimo cum post excessum Diocletiani, pax reddita fuisset Ecclesiis, beatissimus præsul Martinus, apud Sabariam Pannoniæ ciuitatem nascitur, parentibus gentilibus, nõ tamen infimis. Hic Cõstantinus anno vicesimo imperij sui, Crispum filium veneno, Faustam coniugem calente balneo interfecit, scilicet,

quòd proditores regni eius esse voluissent. Huius tempore venerabile Crucis dominicæ lignum per studium Helenæ matris eius, re-  
 pertum est, prodente Iuda Hebræo, qui post  
 baptismū Quiriacus est vocitatus. Vsq̄ hoc  
 tempus historiographus in Chronicis scribit  
 Eusebius. A vicésimo primo enim eius impe-  
 rij anno, Hieronymus presbyter addidit, in-  
 dicans Iuencū presbyterum, Euangelia ver-  
 sibus conscripsisse, rogante supradictō impe-  
 ratore.

37 SVB Cōstantis aūt imperio, Iacobus Nie-  
 benus fuit, ad cuius preces inclinatę aures di-  
 uinæ clementiæ, multa pericula à ciuitate e-  
 ius repulerunt. Sed & Maximinus Treuerorū  
 episcopus potēs in omni sanctitate reperitur.

38 NONODECIMO Cōstantini iunio-  
 ris anno, Antonius monachus transiit, cente-  
 simo ætatis suæ anno. Beatissimus Hilarius  
 Pictauiensis episcopus, suasu hæreticorū exi-  
 lio deputatur: ibique libros pro fide catholi-  
 ca scribens, Constantio misit, qui quarto exi-  
 lij anno eum absolui iubens, ad propria redi-  
 re permisit.

39 TVNC iam & lumen nostrum exoritur,  
 nouisque lampadum radiis Gallia perlustra-  
 tur, hoc est eo tempore beatissimus Martinus  
 in Galliis prædicare exorsus est: qui Christum  
 dei filium per multa miracula verum deum  
 in populis declarans, Gentilium incredulita-

tem auertit. Hic enim fana destruxit, hæresim oppressit, Ecclesias ædificauit, & cum aliis multis virtutibus refulgeret, ad consummandum laudis suæ titulum, tres mortuos vitæ restituit. Quarto Valentiniani & Valentis anno, sanctus Hilarius apud Pictauios, plenus sanctitate & fide, multis vndique virtutibus editis, migravit ad cælos. Nam & ipse legitur mortuos suscitasse.

40 MELANIA verò matrona nobilis, & incola vrbis Romanæ, Hierosolyma ob deuotionem abiit, Urbano filio Romæ relicto. Quæ ita se in cuncta bonitate ac sanctitate omnib<sup>9</sup> præbuit, vt Tecla vocaretur ab incolis.

41 POST mortem autem Valentiniani, Valens integri successor imperij, monachos ad militiam cogi iubet: nolentes fustibus præcipit verberari. Post hæc, bellum sæuissimum in Thracas Romani ingessere: in quo tanta strages fuit, vt Romani amisso equorum præsidio, pedibus fugerent. Cùmque à Gothis interneceione maxima cæderentur, & Valens fuget, sagitta sauciatus, paruum tugurium ad gressus imminentibus hostibus, super se incensa casula, optata caruit sepultura. Sicque vltio diuina ob sanctorum effusum sanguinẽ, tandem emissã processit. Hucusque Hieronymus. ab hoc verò tempore, Orosius presbyter plus scripsit,

42 IGITUR cùm Gratianus imperator, de-

stitutam cerneret esse rempublicam, Theodosium collegam imperij facit. Hic Theodosius omnem spem suam atq; fiduciam, in dei misericordiam ponit. Qui multas gentes nō tam gladio, quā vigiliis & oratione cōpescuit, Rempublicam confirmavit, Constantinopolim urbem victor ingressus est.

43 MAXIMVS verò cū per tyrannidem oppressis Britānis sumpsisset victoriam, à militibus imperator creatus est. In vrbe Treuerica sedem instituens, Gratianum imperatorem circumuentum dolis interfecit. Ad hunc Maximum beatus Martinus iam episcopus venit. In loco ergo Gratiani, Theodosius ille qui totam spem in deum posuerat, totum suscipit imperium. Qui deinceps diuinis affectibus fretus, Maximum spoliatum imperio interfecit.

44 A P V D Aruernos verò post Stremonium episcopū prædicatorēque, primus episcopus Vrbicus fuit, ex senatoribus conuersus, vxorem habens: quæ iuxta consuetudinē ecclesiasticam, remota à consortio sacerdotis religiose viuebat. vacabant enim ambo orationi, eleemosynis, atque operibus bonis. Cūque hæc agerent, liuor inimici, qui semper est æmulus sanctitati, commouetur in fœminam: quam in concupiscentiam viri succedens, nouam Euam efficit. Nam succesa mulier à libidine, operta peccati tenebris,  
pergit

pergit ad domum Ecclesiæ per tenebras noctis. Cùmque obserata omnia reperisset, pulsare fores Ecclesię domus cœpit, ac voces huiusmodi dare: Quousq; sacerdos dormis, quousque ostia clausa non reteras? cur coniugem spernis? cur obduratis auribus, Pauli præcepta non audis? Scripsit enim: Reuertimini ad alterutrum, ne tētet vos Satanas. Ecce ego ad te reuertor, nec ad extraneū, sed ad proprium vas recurro. Hæc & his similia diu declamanti, tandem sacerdotis repescit religio. Iubet eam cubiculo intromitti, vsusque concubitu eius discedere iubet. Dehinc tardius ad se reuersus, & de perpetrato scelere condolens, acturus pœnitentiam, diœcesis suæ monasterium expetit: ibique cum gemitu ac lachrimis quæ commiserat diluens, ad urbem propriam est reuersus. Qui impleto vitæ cursu migravit à seculo. nata est enim ab hoc conceptu filia, quæ in religione permansit. Ipse quoque sacerdos cum coniuge & filia in crypta Cantobennensi, iuxta aggerem publicum est sepultus. In cuius loco Legonus episcopus subrogatur.

45 QVO defuncto, sanctus Hillidius successit, vir eximiæ sanctitatis ac præclaræ virtutis, qui in tanta sanctitate emicuit, vt fama eius etiam extraneos fines adiret: vnde factum est, vt ab imperatoris Treuerici filia expetitus, à spiritu immundo curaret. Quod in libro illo

quem de eius vita conscripsimus, memorauimus. Fuit autem, vt fama refert, valde senex & plenus dierum, plenusque bonis operibus, qui felici consummatione, vitæ huius perfunctus tramite migravit ad Christum: sepultusque in crypta, suburbano ciuitatis illius. Habuit autem & archidiaconum nomine & merito Iustum, qui & cursum vitæ bonis consummans operibus, magistri tumulo sociatur. Iam verò post transitum beati Hillidij confessoris, ad gloriosum eius sepulchrum tantę virtutes apparent, vt nec scribi integrè queant, nec memoria retineri. Huic sanctus Nepotianus successit.

- 45 I G I T V R apud Aruernos sanctus Nepotianus quartus habebatur episcopus. A Treueris verò legati in Hispaniam mittebantur: ex quibus Artemius quidam admirabilis sapientiæ atque pulchritudinis, & prima ætate florens, vi febrium est correptus. Præcedentibus verò aliis, hic apud Aruernos ægrotus relinquitur. nam eo tempore apud Treueros, sponsali erat vinculo nexus. A sancto autem Nepotiano visitatus, atque oleo sancto perunctus, tribuente domino redditur sanitati. Qui cum ab eodem sancto verbum prædicationis accepisset, oblitus tam sponsam terrenam, quàm facultates proprias, sanctæ copulatur Ecclesiæ, factusque clericus in tanta prælatus est sanctitate, vt beato Nepotiano suc-

cessor existeret, ad regendas gregis dominici  
caulas.

47 PER idem tempus Iniuriosus quidam de  
senatoribus Aruernis, cum magnis opibus,  
similem sibi in cōiugio puellam expetiit, da-  
tōque arrabone, diem constituit nuptiarum.  
Erat autem vterque vnicus patri. Aduenien-  
te verò die, celebrata nuptiarum solennitate,  
in vno strato ex more locatur. Sed puella gra-  
uiter contristata, auersa ad parietem, amarif-  
mè flebat. Cui ille, Quid, inquit, turbaris? In-  
dica quæso mihi. Illaque silente, adiecit, Ob-  
secro te per Iesum Christum filium dei, vt mi-  
hi quid doleas sapienter exponas. Tunc illa  
conuersa ad eum ait, Si omnibus diebus vitæ  
meæ plangam, nunquid tantę erunt lachri-  
mæ, vt queant abluere tam immensum pecto-  
ris mei dolorem? Statueram enim, vt corpus-  
culum meum immaculatum Christo à viri  
tactu seruarem: sed væ mihi quæ taliter ab  
eo relicta sum, vt quod optabam perficere nō  
valerem: & quod ab initio ætatis meæ serua-  
ui, in hac nouissima die quam videre non de-  
bueram, perdididi. Ecce enim relicta ab immor-  
tali Christo, qui mihi dotem promittebat pa-  
radisum, mortalis hominis sum sortita cōfor-  
tium: & pro rosis immarcescibilibus, aren-  
tium me rosarū non ornat, sed deformat spo-  
lium. Et cū debui super quadrifluo agni flu-  
mine, puritatis stolam induere: hæc mihi ve-

stis onus exhibuit, non honorē. Sed quid amplius verba protrahimus? Infelix ego quę debui sorte mereri polos, hodie demergor in abyſſos. O si mihi hæc futura erant, quare non dies vitæ meæ, ipse fuit finis, qui fuit initium? O si ante introissem mortis ianuam, quàm lactis acciperem alimenta. O si mihi dulcium nutricum oscula, in funere fuissent expensa. Hocrent enim mihi terrenæ species, quia pro mundi vita transfixas manus suspicio redemptoris. Nec cerno diademata gēmis insignibus coruscantia, cū illam spineam miror mente coronam. Respuo longè latèque diffusa spatia terræ tuæ, quia amœnitatem concupisco paradisi. Horrēt tua solaria, cū dominū residentē suspicio super astra. Talia cū magno fletu iactāti, cōmotus pietate iuuenis ait: Vnicos nos nobilissimi Aruernorum habuere parentes, & ad propagandam generationem coniungere voluerunt, ne recedentibus de mundo succederet hæres extraneus. Cui illa: Nihil est mundus, nihil sunt diuitiæ, nihil est pōpa seculi huius: nihil est vita ipsa qua fruimur: sed illa magis vita quærenda est, quæ morte terminante non clauditur, quę labe vlla non soluitur, nec aliquo occasu finitur, vbi homo in beatitudine æterna permanens, luce non occidente viuit. Et quod maius est his omnibus, ipsius domini præsentia, iugi perfruens contemplatione, in angelico transla-

tus statu, indissolubili lætitia gaudet. Ad hæc ille: Dulcissimis inquit, eloquiis tuis, æterna mihi vita tanquam magnum iubar inluxit: & ideo si vis à carnali abstinere concupiscentia, particeps tuæ mentis efficiar. Illa respondit, Difficile est sexum virilem, mulieribus ista præstare. Tamen si feceris, vt immaculati permaneamus in seculo, ego tibi partem tribuam dotis, quam promissam habeo à sponso domino meo Iesu Christo, cui me & famulâ deuoui esse & sponsam. Tunc illæ armatus crucis vexillo, ait: Faciam quæ hortaris: & datis inter se dextris, quicuerunt. Multos postea in vno strato recumbentes annos, vixerunt cum castitate laudabili. Quod postea in eorû transitu declaratum est. nam cum impleto certamine, puella migraret ad Christum, peracto vir funeris officio, cum puellam in sepulchrû deponeret, ait: Gratias tibi ago æterne domine deus noster, quia hunc thesaurum sicut à te commendatum accepi, ita immaculatum pietati tuæ restituo. Ad hæc illa subridens: Quid, inquit, loqueris quod non interrogaris? Illamque sepultam, ipse non post multû insequitur. Porro cum vtriusque sepulchrum è diuersis parietibus collocatum fuisset, miraculi nouitas quæ eorum castitatem manifestaret, apparuit. nam facto mane ad locum populi accederent, inuenerunt sepulchra pariter, quæ longè inter se distare reliquerat:

scilicet vt quos tenet socios cælum, sepul-  
 torum hîc corporum non sepatet monumen-  
 tum. Hos vsque hodie, duos amantes vocita-  
 re loci incolæ voluerunt. Meminimûsque de  
 his in libro Miraculorum.

48 ARCADII verò & Honorij secundo  
 imperij anno, sanctus Martinus Turonorum  
 episcopus, plenus virtutib<sup>9</sup> & sanctitate, præ-  
 bens infirmis multa beneficia, octogesimo &  
 primo ætatis suæ anno, Episcopatus autem  
 XXVI. apud Condatensem diœcesis suę vic-  
 cum, excedens à seculo feliciter migravit ad  
 Christum. Transit autem media nocte, quæ  
 dominica habebatur, Artico Cæsareoque cõ-  
 sulibus. Multi enim in eius transitu psallentium  
 voces audierunt in cælo, quod in libro  
 virtutum eius primo plenius exposuimus. Nã  
 cum primitus sanctus dei apud Cõdatensem,  
 vt diximus, vicum, ægrotare cœpisset, Pictaui  
 populi ad eius transitũ sicut Turonici con-  
 uenerunt. Quo migrante, grandis altercatio  
 in vtrunque surrexit populum. Dicebãt enim  
 Pictaui, Noster est monach<sup>9</sup>, nobis abbas ex-  
 titit: nos requirimus commẽdatum. Sufficiat  
 vobis, quòd dum esset in mundo Episcopus,  
 vsi estis eius colloquio, participastis cõuiuio,  
 firmati fuistis benedictionibus, insuper & vir-  
 tutibus mandati: sufficiant ergo vobis ista  
 omnia: nã sibi liceat auferre vel cadauer exa-  
 nimum. Ad hæc Turonici respondebant: Si

virtutum nobis facta sufficere dicitis, scitote quia vobiscum positus, amplius est quam hîc operatus. nã vt prætermittamus plurima, vobis suscitauit duos mortuos, nobis vnum, & vt ipse sæpe dicebat, maior ei virtus ante episcopatum fuit, quàm post episcopatum. Ergo necesse est, vt quod nobiscum non impleuit viuens, expleat vel defunctus. Vobis est enim ablati, nobis à deo donatus. Verùm si mos antiquitus institutus seruetur, in vrbe qua ordinatus est, habebit deo iubente sepulchrum. Certè si pro monasterio priuilegiũ cupitis vindicare, scitote quia primum ei monasterium cum Mediolanensibus fuit. His ergo litigantibus, sole ruente nox clauditur: corpusque in medio positum, firmatis seris ab vtroq; populo custoditur. Futurum, vt manè factò à Pictaui per violentiam auferretur: sed deus omnipotens noluit urbem Turonicam proprio frustrari patrono. Denique nocte media omnis Pictaui somno phalanga comprimitur, nec vllus superfuit qui ex hac multitudine vigilaret. Igitur vbi Turonici eos conspiciunt obdormisse, adprehensam sanctissimi corporis glebam, alij per fenestram eiiciunt, alij à foris suscipiunt: positumque in naui cū omni populo, per Vingenam fluuium descendunt. Ingressique Ligeris alucum, ad urbem Turonicam cum magnis laudibus psallentiõque dirigunt copioso. De quorum vo-

cibus Pictavi expergefacti, nihil de thesauro quem custodiebant habentes, cū magna confusione ad propria sunt reuersi. Quod si quis requireret, cur post transitum Gatiani episcopi, vnus tātum, id est Litorius, vsque ad sanctum Martinum fuisset episcopus, nouerit quia ob-  
sistentibus paganis, diu ciuitas Turonica sine benedictione sacerdotali fuit. nam qui Christiani eo tempore videbantur, occultè & per latebras diuinum officium celebrabāt. nam si qui à paganis reperti fuissent Christiani, aut afficiebantur verberibus, aut gladio trun-  
cabantur. A passione ergo domini, vsque tran-  
situm sancti Martini, anni CCCCXII. com-  
putantur.

Explicitus est liber primus, continens an-  
nos V.M.D.XLVI. qui cōputantur à prin-  
cipio mundi vsque ad transitum sancti Mar-  
tini episcopi.

GREGORII TVRONI-  
CI HISTORIARVM  
Liber secundus.



Dissequentes ordinē tē-  
porum, mixtè confusē-  
que, tam virtutes sancto-  
rum, quàm strages gen-  
tium memoramus. Non  
enim inrationabiliter ac-  
cipi puto, si felicem bea-  
torum vitam inter mise-  
rorum memoremus excidia, cū id non fa-  
cilitas scriptoris, sed temporum series præ-  
stet. nam sollicitus lector si inquirat strenuè,  
inueniet inter illas regum Israëliticorum hi-  
storias, sub Samuel iusto, Phineem interisse  
sacrilegum: ac sub Dauid, quem fortem ma-  
nu dicunt, Goliath allophylum corruisse. Me-  
minerit etiam sub Helię eximij vatis tēpore,  
qui pluias cū voluit abstulit, & cū libuit,  
arentibus terris infudit: qui viduę paupertate-  
m oratione locupletauit, quantę populorū  
strages fuere, quantę fames, vel quę siccitas,  
miseram oppressit humum. Quę sub Ezechię  
tempore, cui deus ad vitam XV. annos auxit,  
Hierosolyma mala pertulerit. Sed & sub E-  
liseo propheta, qui mortuos vitę restituit, &  
alia in populis miracula multa fecit, quantę

interneciones, quæ miseræ ipsum Israëliticū populum oppresserunt. Sic & Eusebius, Seuerus, Hieronymusque in Chronicis atq; Orosius, & bella regum, & virtutes martyrum pariter texuerunt. Ita & nos idcirco sic scripsimus, quo facilius seculorum ordo, vel annorum ratio, vsque ad nostra tēpora tota reperiatur. Venientes ergo per antè dictorum auctorum historias, ea quæ in posterum acta sunt, domino iubente differemus.

I. I. G. I. T. V. R. post excessum B. Martini Turonicæ ciuitatis episcopi, summi & incomparabilis viri, de cuius virtutibus, magna apud nos volumina retinentur, Briccius ad episcopatū succedit. At verò Briccius iste cū esset primæ ætatis iuuenis; sancto adhuc Martino viuēti in corpore multas tēdebat insidias, pro eo quòd ab eodem plerunque cur faciles res sequeretur, arguebatur. Quadam autem die, dum quidam infirmus medicinam à beato Martino expeteret, Briccium adhuc diaconū in platea conuenit: cui simpliciter ait, Ecce ego præstolor beatum virum, & nescio vbi sit vel quid operis agat: cui Briccius, Si, inquit, delirum illum quæris, prospice eminus: ecce cælum solitè sicut amens respicit. Cūque pauper ille occursu reddito quod petierat impetrasset, Briccium diaconum vir beatus alloquitur: En ego Bricci delirus tibi videor? Cūque ille confusus hæc audiens, dixisse se

denegaret, ait vir sanctus: Nónne aures meæ ad os tuum erant, cùm hæc eminus loquebaris? Amen dico tibi, quia obtinui apud deum, vt post me ad pontificatus honorem accedas: sed noueris te in episcopatu multa aduersa passurum. Briccius hæc audiens inridebat, dicens, Nónne verum dixi, istum delira verba proferre? Sed & presbyterij honore præditus, sæpius beatum virum conuiciis lacessiuit. Adepto ergo consentientibus ciuibus, pontificatus officio, orationi vacabat. Quia quamquam esset superbus & vanus, castus tamen habebatur corpore. Tricesimotertio verò ordinationis eius anno, oritur contra eum lamentabilis causa pro crimine. nam mulier ad quam cubicularij eius vestimenta deferre solebant ad abluendum, quæ sub specie religionis erat veste mutata, cõcepit & peperit. Quæ de re surrexit omnis populus Turonorum in iram, & totum crimen super episcopum referũt, volentes eum vnanimiter lapidare. Dicebant enim, Diu pietas sancti tuam celauit luxuriam: nec deus nos diutius finit manus tuas indignas osculando, pollui. Illo quoque econtrario viriliter hæc negante, Adfer te, inquit, infantem ad me. Cùmque oblatus fuisset infans, triginta dies ab ortu habens, ait ad eum episcopus: Adiuro te per Iesum Christum filium dei omnipotentis, vt si ego te generauim, coram cunctis edicas. Et ille, Non

es, inquit, tu pater meus. Populis autem rogantibus, ut quis esset pater, interrogaret, ait sacerdos: Non est hoc meum, quod ad me pertinet, sollicitus fui. Vobis si aliquid suppetit, per vos quaerite. Tunc illi magicis hæc artibus facta asseuerantes, insurgunt contra eum in vna conspiratione: & trahentes eum dicebant: Non diutius nobis falso pastoris nomine dominaberis. Ille autem ad satisfaciendum adhuc populo, prunas ardentem in byrrum sum posuit: & ad se stringens, usque ad sepulchrum beati Martini, vna cum populorum turbis accedit, Proiectisque ante sepulchrum prunis, vestimentum eius inustum apparuit. Illo quoque sic prosequente, Sicut istud vestimentum ab his ignibus videtis illæsum, ita & corpus meum à mulieris coitu est impollutum. Illis verò non credentibus, sed contradicentibus, trahitur, calumniatur, eiicitur, ut sermo sancti adimpleretur: Noueris te in episcopatu multa aduersa passurum. Hoc enim eiecto, Iustinianum in episcopatu constituunt. Denique Briccius Romanæ urbis Papam expetiit, flens & eiulans, atque dicens: Meritò hæc patior, quia peccaui in sanctum dei, & cum delirum & amentem sæpe vocaui: cuius videns virtutes, non credidi. Post cuius abcessum, aiunt Turonici sacerdoti suo: Vade post eum, & exerce negotium tuum: quia si eum persecutus non fueris, ad nostrum om-

nium contemptum humiliaberis. Iustinianus verò egressus à Turonis, Vercellas Italiae ciuitatem adgressus, iudicio dei percussus, obiit peregrinus. Turonici eius obitum audientes, & in sua malitia perdurantes, Armentium in eius loco constituunt. At Briccius episcopus Romam veniens, cuncta quæ pertulerat papæ refert. Qui ad sedem apostolicam residens, plerunque missarum solennia celebrans, inibi quicquid in sanctum dei deliquerat, deflendo, diluit. Se primo igitur regressus anno à Roma, cum auctoritate papæ illius, Turonos redire disponit: & veniens ad vicum cuius nomen est Laudiacum, sexto ab vrbe miliario, mansionem accepit. Armētius verò febre corripitur, & media nocte spiritum exhalauit. Quod protinus Briccio episcopo per visum reuelatum est: qui ait suis, Surgite velocius, vt ad tumulādum fratrem nostrum Turonicum pontificem occurramus. Cūmq; illi venientes portam ciuitatis ingrederentur, ecce istum per aliam portam mortuum efferebant. Quo sepulto, Briccius in cathedram suā regressus est, septem postea feliciter viuens annos. Cui post XLVII. episcopatus annum defuncto, sanctus Eustochius successit, magnificæ sanctitatis vir.

ii POST hæc Vandali à loco suo digressi, cum Gunderico rege in Gallias ruunt. Quibus valde vastatis, Hispanias appetunt. Hos

secuti Sucui, id est, Alamanni, Galliciam adprehendunt. Nec multo post, scandalum inter vtrunque oritur populum, quoniam propinqui sibi erant: cumque ad bellum armati procederent, ac iamiamque in conflictu parati essent, ait Alamannorum rex, Quousque bellum super cunctum populum commouetur? ne pereant quæso populi vtriusque phalangæ: sed procedant duo de nostris in campum cum armis bellicis, & ipsi inter se conflegant. Tunc ille cuius puer vicerit, regionem sine certamine obtinebit. Ad hæc cunctus cõsensit populus, ne vniuersa multitudo in ore gladij rueret. His enim diebus Gūdericus rex obierat, in cuius loco Transimūdu obtinuerat regnum. Confliantibus verò pueris, pars Vandalorum victa succubuit, interfectoque puero, placitum egrediendi Transimundus sponndit, vt scilicet præparatis itineris necessariis, se à finibus Hispaniæ remoueret. Per idem verò tempus persecutionē in Christianos Transimundus exercuit, ac totam Hispaniam, vt ad perfidiam Arrianæ sectæ consentiret, tormētis ac diuersis mortibus impellebat. Vnde factum est, vt puella quædam religiosa, prædiues opibus, ac secundum seculi dignitatem, nobilitate senatoria florens: & quod his omnibus est nobilior, fide catholica pollens, deoque omnipotenti inreprehensibiliter seruiens, ad hanc quæstionem addu-

eretur. Cùmque regis fuisset oblata conspectibus, cœpit eam primum ad rebaptizandum blandis sermonibus inlicere. Quæ cum venenosum eius iaculum fidei parma propelleret, præcepit rex facultates eius auferri, quæ iam mête possidebat regna paradisi. Deinde supplicii adplicatam, sine spe præsentis vitæ torqueri. Quid plura? Post multas quæstiones, post ablatos terrenarum diuitiarum thesauros, cùm ad hoc frangi non posset, vt beatam scinderet trinitatem, ad rebaptizandum inuita deducitur. Cùmque in illud cœnosum lauacrum vi cogeretur immergi, ac proclamaret, Patrem cum filio, ac spiritum sanctum vnus credo esse substantiæ essentiæque, digno aquas vngvine cunctas infecit, id est fluxu vëtris aspersit. Exhinc ad legitimam deducta quæstionem, post eculeos, post flammæ & vngulas, Christo domino capitis decisione dicatur. Post hæc prosequentiibus Alamannis vsque ad Traductam, transito mari Vandali per totam Africam ac Mauritaniam sunt dispersi.

3 SED quoniam eorū tēpore persecutio in Christianos inualuit, sicut superius mentio facta est, videtur vt aliqua ex his quæ circa dei Ecclesias intulerunt, vel quemadmodum de regno expulsi sint, memorare. Defuncto igitur Transimundo, post scelera quæ in sanctis dei exercuit, Honoricus mente crudelior A-

ffricanum occupat regnum, atq; ex electione Vandalorum ipsis præponitur. Cuius sub tempore quanti Christianorum populi, pro ipso Christi sacratissimo nomine, cæsi sint, ab hominibus non potest comprehendi. Testis est tamen Africa quæ misit, & Christi dextera, quæ gemmis immarcescibilibus coronauit. Legimus tamen quorūdam ex ipsis, martyrum passiones, ex quibus quædam replicanda sunt, vt ad ea quæ sponndimus veniamus. Igitur Cirola falso vocatus episcopus, hæreticorū tunc maximus habebatur assertor. Cūque ad persequendum Christianos rex per diuersa transmitteret, sanctum Eugenium episcopum, virū inenarrabili sanctitate, qui tunc ferebatur magnæ prudentiæ esse, in suburbano ciuitatis suæ reperit persecutor. Quem ita violenter rapuit, vt nec ad hortādum gregem Christi, vllū abire permetteret. Ille verò cū se videret abduci, Epistolam ciuibus pro custodienda fide catholica, hoc modo transmisit: Dilectissimis & in Christi amore dulcissimis filiis & filiabus Ecclesiæ mihi à deo commissæ, Eugenius episcopus: Regalis emanauit auctoritas, & pro exercenda fide catholica, edicto nos à Carthagine venire præcepit. Et ideo ne abiens à vobis Ecclesiam dei in ambiguo, hoc est, in suspenso dimitterem, aut oves Christi non verus pastor silentio relinquerem, necessarium duxi has pro me vicarias

rias vestræ dirigere sanctitati : in quibus non sine lachrimis peto , hortor , moneo , & satis abūdēq; obtestor per dei maiestatem , & per tremendum iudicij diem , atque aduentus Christi terribilem claritatem , vt fixius teneatis catholicam fidem , adserentes filium patri esse æqualem , & spiritum sanctum eandem habere cum patre & filio deitatem . Seruate itaque vnici baptismatis gratiam , custodiētes chrismatis vnctionem . Nemo post aquam reueratur ad aquam , renatus ex aqua . Nutu enim dei , sal in aqua conficitur : sed si in aquā redactum fuerit , omnis species eius confestim euacuatur . Vnde non immerito dominus in euāgelio ait , Si sal infatuatum fuerit , in quo salietur ? Et vtique hoc est infatuari , velle secundo condiri , cum semel factum sufficiat . Non audistis Christum dicentem : Qui semel lotus est , non habet necessitatem iterum lauandi ? Ideoque fratres , & filij filiæ que meæ in domino , non vos contristet absentia mea , quin catholicæ disciplinæ adhæreatis . Ego vos nec longinquitate aliqua obliuiscor , nec morte à vobis diuellor . Scitote quia quocumque me fecerint diuidi agones , mecum est palma : si ad exilium abiero , beati Ioannis euangelistæ exemplum : si ad mortis exitium , viuere mihi Christus est & mori lucrū . Si rediero , fratres , implebit deus desiderium vestrum . Attamen sufficit modò , quòd vobis non tacui : monui ,

instruxi, quomodo potui: ideóque immunis sum à sanguine omnium pereuntium, & scio quia aduersus eos legentur literæ istę ante tribunal Christi, cùm venerit reddere vnicuique secundũ opera sua. Si reuersus fuero, fratres, videbo vos in hac vita: si non reuersus fuero, videbo vos in futura. Dico tamen vobis, valete, orate pro nobis, & ieiunate: quia ieiunium & eleemosyna semper dominum ad misericordiam deflexerunt. Mementote esse scriptũ

„ in Euangelio, Nolite timere eos qui occidũt  
 „ corpus, animam autem non possunt occide-  
 „ re: timete autem eum qui postquam occide-  
 „ rit, habet potestatem & animã & corpus per-  
 „ dere & mittere in gehennam. Ductus itaq;  
 sanctus Eugenius ad regem cum illo Arria-  
 norum episcopo, pro fide Catholica decerta-  
 uit. Cũque eum de sanctę Trinitatis mysterio potentissimè deuicisset, & insuper multas per eum virtutes Christus ostenderet, in maiorem insaniam idem episcopus inuidia inflammante, succenditur. Erát enim tunc temporis cum sancto Eugenio viri prudentissimi atq; sanctissimi, Vindemialis & Longinus episcopi, pares gradu, & virtute non impares. Nam sanctus Vindemialis eo tempore ferebatur mortuum suscitasse: Longinus autem multis infirmis salutẽ tribuit: Eugenius quoque non solum visibilium oculorum cæcitatem, sed etiam mentium depellebat. Quod

cernens ille nequam Arrianorum episcopus, vocatum ad se quendam hominē, ab illo quo ipse viuebat errore, deceptum, ait, Non patior, quòd hi episcopi multa in populo signa depromunt, illòsque cuncti me neglecto sequuntur. Adquiesce nunc his quæ præcipio; & acceptis quinquaginta aureis, sede in platea per quam nobis est transitus: & manum super clausos oculos ponens, me prætereunte cū reliquis exclama in magna virtute, dicens: Te beatissime Cirola, nostræ religionis antistes, deprecor, vt respiciens manifestes gloriã ac virtutem tuam, vt oculos meos aperiens, mercar lucem videre quam perdidisti. Qui iussa complens, residensque in platea, transeunte hæretico cum sanctis dei, iste qui deum inridere cogitabat, exclamat in magna virtutē dicens: Audi me beatissime Cirola: audi me sancte sacerdos dei: respice cæcitatem meã, experiar ego medicamenta quæ sæpe cæci reliqui à te meruerunt, quæ leprosi experti sunt, quæ ipsi etiam mortui præsenferunt. Adiuuro te per ipsam virtutem quam habes, vt mihi desideratã restituas lucem, quia graui sum cæcitate percussus. Veritatem enim nesciens, verum dicebat: quia cæcauerat eum cupiditas, & virtutem dei omnipotētis inridere pœ pecuniam estimabat. Tunc hæreticorum episcopus paululum se diuertit, quasi in virtutē triumphaturus, elatus vanitate atque super-

bia, posuit manum suam super oculos eius dicens, Secundum fidem nostram, qua rectè deum credimus, aperiantur oculi tui. Et mox ut hoc nefas erupit, risus mutatur in planctū, & dolus episcopi est patefactus in publico. nam tantus dolor oculos miseri illius inuasit, ut eos digitis vix comprimeret, ne creparent. Denique clamare cœpit miser, ac dicere: Væ mihi misero, quia seductus sum ab inimico legis diuinæ. Væ mihi, quia deum per pecuniam inridere volui, & quinquaginta aureos accepi, ut hoc facinus perpetrarem. Ad episcopum autem aiebat: Ecce aurū tuum: redde lumen meum, quod dolo tuo perdidisti. Vosque rogo gloriosissimi Christiani, ne despiciatis miserum, sed velociter succurrite pereuntibus. Verè enim cognoui, quia deus non inridetur. Tunc sancti dei misericordia moti, Si, inquiunt, credis, omnia possibile sunt credenti. At ille clamabat voce magna: Qui non crediderit Christum filium dei & spiritum sanctum æqualem habere substantiam atque deitatem cum deo patre, hodie quæ ego perfero patitur. Et adiecit, Credo deum patrem omnipotentem, credo filium dei Christum Iesum æqualem patri, credo spiritum sanctum patri & filio consubstantialem atque coæternum. Hæc illi audientes, & se inuicem honore mutuo præuenientes, oritur inter eos sancta contentio, quis oculis eius signum beatæ crucis

imponeret. Vindemialis verò ac Longinus Eugenium, ille autem econtra eos exorat vt manus imponerent cæco. Quod cùm fecissent, & manus suas super caput eius tenerent, sanctus Eugenius crucem super oculos cæci faciens, ait: In nomine patris & filij & spiritus sancti veri dei, quem trinum in vna æqualitate atque omnipotentia confitemur, aperiantur oculi tui. Et statim ablato dolore, ad pristinam rediit sanitatem. Manifestissimè autem patuit per huius cæcitatem, qualiter hæreticorum episcopus, oculos cordium misero assertionis suæ velabat amictu, ne veram lucem illi liceret fidei oculis cõtemplari. O miserum, qui nõ ingressus per ianuam, id est per Christum, qui est ianua vera, lupus magis gregi quàm custos effectus est: & pacem fidei quã in credentium cordibus debuerat accendere, prauitate cordis sui conabatur extinguere. Sancti verò dei alia signa in populis multa fecerunt: & erat vox vna populi dicentis, Verus deus pater, verus deus filius, verus deus spiritus sanctus, vna fide colendus, vno timore metuendus, eodémq; honore venerandus. Nam quæ Cirola adserit, falsa esse cunctis est manifestum. Videns autem Honoricus rex, assertiones suas per sanctorum fidem gloriosam taliter denudari, nec erigi sectam erroris, sed potius destrui: fraudémque pontificis sui in hoc scelere fuisse detectã, sanctos dei post

multa tormenta, post eculeos, post flammās,  
 post vngulas, iussit interfici. Beatum verò Eu-  
 geniū decollari iussit, sub ea specie, vt si in ea  
 hora qua ensis super ceruicem eius incum-  
 bebat, non reuerteretur ad hæreticorum se-  
 ctam, non occideretur, ne eum pro martyre  
 excolerent Christiani, sed exilio damnaretur:  
 quod ita factum esse manifestum est. Nā cūm  
 imminenti morte, interrogatus fuisset, si mo-  
 ri pro fide Catholica destinaret, respōdit: Hęc  
 enim est sempiterna vita, pro iustitia mori.  
 Tunc suspenso gladio, apud Albigensem Gal-  
 liarum vrbem, exilio deputatus est: vbi & fi-  
 nem vitæ præsentis fecit. Ad cuius nunc se-  
 pulchrum multæ virtutes creberrimè osten-  
 duntur. Sanctum verò Vindemialem, gladio  
 percuti præcepit. quod & impletum est in hoc  
 certamine. Octavianus verò archidiaconus  
 & multa milia virorum ac mulierum, hanc  
 fidem adferentium interempta atque debili-  
 tata sunt. Sed pro amore gloriæ, nihil erant  
 hæc supplicia cōfessoribus sanctis, qui in pau-  
 cis vexati, in multis bene se nouerant dispo-  
 nendos, iuxta illud apostoli: Quia non sunt  
 condignæ passionēs huius temporis, ad futu-  
 ram gloriam quæ reuelatur in sanctis. Multi  
 tunc errantes à fide, accipientes diuitias, infe-  
 ruerūt se doloribus multis. Infelix autē quidā  
 episcopus nomine Reuocatus, eo tempore est  
 reuocatus à fide Catholica. Tunc & sol teter

apparuit, ita vt vix ab eo pars vel tertia eluceret. Credo nanque pro tantis sceleribus & effusione sanguinis innocentis. Honoricus verò post tantum facinus, arreptus à dæmone, qui diu de sanctorum sanguine pastus fuerat, propriis se morsibus laniabat: in quo etiam cruciату, vitam indignam iusta morte finiuit. Huic Childericus successit, quo defuncto, Gelesimiris regnum suscipit. Ipse quoq; à republica superatus, vitam principatúmque finiuit, & sic regnum decedit Vandalorum.

4 **M V L T Æ** enim hæreses eo tempore dei Ecclesias impugnabant, de quibus plerunq; ultio diuina data est. Nam & Athanaricus Gothorum rex, magnâ excitauit persecucionem: qui multos Christianorú diuersis pœnis adfectos, gladio detruncabat: sed & nonnullos exilio datos, fame variisque cruciatibus enecabat. Vnde factum est, vt exigente iudicio dei pro effusione sanguinis iusti, à regno depelleretur, & esset exsul à patria, qui dei Ecclesias impugnabat, nunc verò ad superiora redeamus.

5 **I G I T V R** rumor erat Chunos in Gallias velle prorumpere. Erat autem tunc temporis apud Tungros oppidū Seruatius eximię sanctitatis episcopus, qui vigiliis ac ieiuniis vacâs crebro lachrimarú imbre perfusus, domini misericordiam precabatur, ne vnquã gentem hanc incredulâ, sc̄que semper indignam

in Gallias venire permetteret. Sed sentiēs per spiritum, pro delictis populi, sibi hoc nō fuisse concessum, consilium cepit vt. expeteret urbem Romanam, scilicet vt adiunctis sibi apostolicæ virtutis patrociniis, quæ humiliter ad dominū flagitabat, mereretur facilius obtinere. Accedens ergo ad beati apostoli tumulum, deprecabatur auxilium bonitatis eius, in multa abstinētia, maximā inedia se cōsumens, ita vt biduo triduoque sine vllō cibo potūque maneret, nec esset interuallum aliquod in quo ab oratione cessaret. Cūmq; ibidem per multorum dierum spacia in tali afflictione moraretur, fertur hoc à beato apostolo accepisse responsum: Quid me vir sanctissime inquietas? ecce enim apud domini deliberationem prorsus sancitum est: Chunos in Gallias aduenire, easque maxima tempestate debere depopulari. Nunc igitur sume consiliū, accelera velociter, ordina domū tuam, sepulturam cōpone: require lintheamina mūda. ecce enim migrabis à corpore, nec videbūt oculi tui mala quæ facturi sunt Chuni in Galliis, sicut locutus est dominus deus noster. Hoc à sancto apostolo pontifex respōso suscepto, iter accelerat, Galliāsque velociter repetit: veniēsq; ad urbem Tungrorum, quæ erāt necessaria sepulturæ secum citius leuat: valēque dicens clericis, ac reliquis ciuibus vrbs, denunciat cum fletu & lamentatione, quia non

visuri essent vltra faciem illius. At illi cum e-  
iulatu magno & lachrimis eum prosequen-  
tes, supplicabant humili prece dicentes, Ne  
derelinquas nos pater sancte, ne obliuiscaris  
nostri pastor bone. Sed cum eum fletibus re-  
uocare non possent, accepta benedictione cum  
osculis redierunt. Hic verò ad Traiectensem  
urbem accedens, modica pulsatus febre, recessit  
à corpore. Ablutusque à fidelibus, iuxta ip-  
sum aggerè publicum est sepultus. Cuius bea-  
tum corpus qualiter post multorum tempo-  
rum spacia sit translatum, in libro Miraculo-  
rum scripsimus.

7 I G I T V R Chuni à Pannoniis egressi, vt  
quidam ferunt, in ipsa sanctæ Paschæ vigilia,  
ad Metensem urbem, reliqua depopulando,  
perueniunt, tradentes urbem incendio, & po-  
pulum in ore gladij trucidantes, ipsosque sa-  
cerdotes domini ante sacrosancta altaria pe-  
rimentes. Nec remansit in ea locus inustus,  
præter oratoriū beati Stephani primi marty-  
ris ac leuitæ. De quo oratorio quæ à quibusdā  
audiui, narrare nō distuli. Aiunt enim, prius-  
quam hi hostes venirēt, vidisse se virum fide-  
lem in visu quasi conferentem cum sanctis a-  
postolis Petro ac Paulo, beatum leuitam Ste-  
phanum de hoc excidio, ac dicentē: Oro do-  
mini mei, vt non permittatis obtentu vestro  
Metensem urbem ab inimicis exuri, quia lo-  
cus in ea est in quo paruitatis meæ pignora

continetur : sed potius sentiant se populi aliquid me posse cum domino. Quòd si tantum facinus populi supercreuit , vt aliud fieri non possit , nisi ciuitas tradatur incendio , saltem vel hoc oratorium non cremetur. Cui illi aiunt , Vade in pace dilectissime frater , oratorium tantum tuum carebit incendio. Pro vrbe verò non obtinebimus , quia dominicæ sanctionis super eam sententia iam processit : inualuit enim peccatum populi & clamor malitiæ eorum ascendit coram deo. ideo ciuitas hæc cremabitur incendio. Vnde proculdubio est , quòd horum obtentu vrbe vastata , oratorium permansit in læsum.

- 7 **A T T I L A** verò Chunorum rex , à Metesi vrbe egrediens , cum multas Galliarum ciuitates opprimeret , Aureliam adgreditur , eamque maximo arietum impulsu nititur expugnare. Erat autem eo tempore beatissimus Anianus , in supradicta vrbe episcopus , vir eximie prudentiæ , ac laudabilis sanctitatis , cuius virtutum gesta nobiscum fideliter retinetur. Cumque inclusi populi suo pontifici quid agerent acclamarent , ille fides in deo , monet omnes in orationem prosterni , & cum lacrimis presens semper in necessitatibus domini auxilium implorare. Denique his vt preceperat deprecantibus , ait sacerdos : Aspiciete de muro ciuitatis , si dei miseratio iam succurrat. Suspiciabatur enim per domini misericor-

diam, Aëtium aduenire, ad quem & Arlatē abierat, prius suspectus futuri. Aspiciētes autem de muro, neminem viderunt. Et ille, Orate, inquit, fideliter: dominus enim liberabit vos hodie. Orantibus autem illis, ait, Aspiciete iterum. Et cū aspexissent, neminem viderūt qui ferret auxilium. Ait eis tertio, Si fideliter petitis, dominus velociter adest. At illi cum fletu & eiulatu magno, dominī misericordiā implorabant. Exacta quoque oratione, tertio iuxta senis imperium aspicientes de muro, viderunt à longè quasi nebulam de terra confurgere. Quod renunciantes, ait sacerdos, Domini auxilium est. Interea iam tremētibus ab impetu arietum muris, iamque ruituris, ecce Aëtius & Theudo Gothorum rex, ac Thorifmodus filius eius, cum exercitibus suis ad ciuitatem adcurrunt, versūmq; hostem eiiciūt, repellūtque. Itaque liberata obtentu beati Antistitis ciuitate, Attilam fugant, qui Mauriacum cāmpum adiens, se præcingit ad bellum. Quod hi audientes, se contra eum viriliter preparant. His diebus Romā sonus adiit, Aëtium in maximo discrimine interphalāgas hostium laborare. Quo audito vxor eius anxia atque mæsta, assiduè basilicam sanctorum apostolorum adibat, atque vt virum suum de hac expeditione susciperet sospitem precabatur. Quæ cū die noctūque hæc ageret, quadam nocte homo pauperculus; crapulatus à

vino, in angulo basilicæ beati Petri apostoli obdormiuit. Clausis autem ex more ostiis à custodibus, non est eiectus. de nocte verò consurgens, relucens per tota ædis spacia lichnis, pauore perterritus, aditū per quem foris euaderet, quærit. Verum vbi primi atque alterius ostij claustra pulsat, & obserata cuncta cognoscit, solo decubuit, trepidus præstolans locum, vt cum venientibus ad matutinos hymnos populis, hic liber abscederet. Interea vidit duas personas se inuicem venerabiliter salutantes, sollicitosq; de suis esse prosperitatibus. Tunc qui erat senior, ita exorsus est: Vxor is Aëtij lachrimas diutius sustinere non patior. petit enim assiduè, vt virum suum de Galliis reducam incolumem, cum aliud exinde fuisset apud diuinum iudicium præfinitū. sed tamen obtinui immensam pietatem pro vita illius. Et ecce nunc illuc propero, viuentem eum exinde reducturus. Veruntamen obtestor, vt qui hæc audierit, sileat, archanumq; dei vulgare non audeat, ne pereat velociter à terra. Ille autem hæc audiens, silere non potuit, sed mox inlucescente cælo omnia quæ audierat, matrifamilia pandit: expletisque sermonibus lumine caruit oculorum. Igitur Aëtius cum Francis Gothisque coniunctus, aduersus Attilam conffigit. At ille ad internecionem vastari suum cernens exercitum, fuga dilabatur. Theudo verò Gothorum rex, huic certa-

mini succubuit. Nam nullus ambigat, Chunorum exercitum obtentu memorati antistitis fuisse fugatum. Verum Aëtius patritius cum Thorismodo victoriam obtinuit, hostesq; deleuit. Expletóque bello ait Aëtius Thorismodo, Festina velociter redire in patriam, ne insistente Germano, patris regno priueris. Hæc ille audiens, cum velocitate discessit, quasi anticipaturus fratrem, & prior patris cathedram adepturus. Simili & Francorum regem dolo fugauit. Illis autem recedentibus, Aëtius spoliato campo, victor in patriam cum grandi est reuersus spolio. Attila verò cū paucis reuersus est, nec multo post Aquileia à Chunis capta, incensa atque diruta, Italia peruagata atq; subuersa est. Thorismodus quo supra meminimus, Alamános bello edomuit: ipse deinceps, post multas lites & bella, à fratribus oppressus ac iugulatus interiit.

- 8 IGI TVR his ita digestis ac per ordinem expletis, quid de Aëtio supra memorato, Renati Frigeridi narrat historia, tacere nefas putauit. Nam cū in duodecimo historiarum libro referat, post diui Honorij excessum, Valentinianum puerulum, vno tantū lustro peracto, à consobrino Theodosio imperatorem fuisse creatum, & apud urbem Romam, tyrannum Ioannem in imperium surrexisse, legatosque eius à Cæsare dicat fuisse despectos, adiecit: Dum hæc ita gererentur, legati ad ty-

rannum reuerſi ſunt, mandata atrocia repor-  
tantes: quibus permotus Iohānes, Aëtium id  
temporis curam palatij gerentem, cum ingē-  
ti auri pondere, ad Chunos transmittit, notos  
ſibi obſidiatus ſui tempore, & familiari ami-  
citiā deuinctos cum mandatis huiusmodi:  
Cū primum partes aduerſę Italiani ingreſ-  
ſæ forent, ipſe à tergo adoriretur, ſe à fronte  
uenturum. Et quia de hoc viro conſequenter  
plura memoranda ſunt, genus moręſque or-  
diri placet. Gaudētius pater, Scythiæ prouin-  
ciæ primoris loci, à domesticatu exorſus mili-  
tia uſque ad magiſterij equitum culmen pro-  
uectus eſt. Mater Itala, nobilis ac locuples fœ-  
mina. Aëtius filius, à puero prætorianus, tri-  
bus annis Alarici obſes: dehinc Chunorum,  
poſt hæc Carpilionis gener, ex comite dome-  
ſticorū, & Iohānis curam palatij, gerere cœ-  
pit: medijs corporis, uirilibus habitudinibus, decē-  
ter formatus, quo neque infirmitudini eſſet  
neque oneri: animo alacer, membris uetulus,  
eques promptiſſimus, ſagittarum iactu peri-  
tus, conto impiger, bellis aptiſſimus, paci ar-  
tibus celebris, nullius auaritiæ, minimæ cupi-  
ditatis, bonis animi præditus, nec impulſori-  
bus quidem prauis ab inſtituto ſuo deuians,  
iniuriarum patientiſſimus, laboris adpetens,  
impauidus periculorū; famis ſitisque atq; vi-  
giliarum tolerantiſſimus. Cui ab incunte ætate  
prædictum liquet, quantæ potentiæ fatiſ de-

stinaretur temporibus suis locisque celebrandus. Hæc supradictus historiographus de Aëtio narrat. Adultus autem Valentinianus imperator, metuens ne se per tyrannidem Aëtius opprimeret, eum nullis causis extantibus interemit. Ipse postmodum Augustus, dum in campo Martio pro tribunali residens, concionaretur ad populum, Occylla buccellarius Aëtij ex aduerso veniens, eum gladio perfodit. Talis vtrisque extitit finis.

DE Francorum verò regibus, quis fuerit primus à multis ignoratur. Nam cum multa de eis Sulpitij Alexandri narret historia, non tamen regem primum eorum vllatenus nominat: sed duces eos habuisse dicit: quæ tamè de eisdè referat, memorare videtur. Nam cum dicit, Maximum intra Aquileiam, amissa omni spe imperij quasi amentem residere, adiungit: Eo tempore Genobaldo, Marcomere, & Sunnone ducibus, Franci in Germaniam prorupere, ac pluribus mortalium limite inrupto cæsis, fertiles maximè pagos depopulati, Agrippinensi etiam Coloniae metum incussere. Quod vbi Treueros perlatum est, Nanninus & Quintinus militares magistri, quibus infantiam filij & defensionem Galliarum Maximus commiserat, collecto exercitu apud Agrippinam cõuenere. Sed onusti præda hostes, prouinciarum opima depopulati, Rhenum transiere, pluribus suorum in Ro-

manq̄ reliētis solo, ad repetendam depopulationem paratis, cum quibus congressus Romanis accommodus fuit, multis Francorum apud Carbonariam ferro peremptis. Cūmq; consultaretur de successu, an in Frāciam trāfire deberent, Nanninus abnuuit, quia non imparatos & in locis suis indubiē fortiores futuros sciebat. Quod cū Quintino & reliquis viris militaribus displicuisset, Nannino Mogontiacum reuerso, Quintinus cum exercitu circa Niuisum castellum Rhenum transgressus, secundis à fluuio castris, casas habitatoribus vacuas atque ingētes vicos destitutos offendit. Franci enim simulato metu, se in remotiores saltus receperant, cōcidibus per extrema siluarum procuratis. Itaque vniuersis domibus exustis, in quas sœuire stoliditas ignaua, victoriæ cōsummationem reponebat, noctem sollicitam milites sub armorum onere duxerant. Ac primo diluculo, Quintino prælij duce ingressi saltus, in medium ferè diem implicantes se erroribus viarum, toto peruagati sunt: tandē cū ingētibus septis omnia à solido clausa offendissent, in palustres campos qui siluis iungebantur, prorupēre: moliētibus, hostium rari apparuere: qui coniunctis arborum truncis, vel concidibus superstātes, velut è fastigiis turrium, sagittas tormentorū ritu effudēre, inlitas herbarū venenis, vt summe cutis, neque letalibus inflicta locis vulnera, haud

ra, haud dubiæ mortes sequerentur. Dehinc maiori multitudine hostium circūfusus exercitus, in aperta camporum, quæ libera Franci reliquerant, auidè effusus est: ac primi equites voraginibus immerſi, permixtis hominū iumentorūque corporibus, ruina inuicem fuorū oppreſſi ſunt. Pedites etiam, quos nulla onera equorum calcauerāt, implicati limo, ægrè explicantes greſſum, rurtus ſe, qui paulò antè vix emerſerant, ſiluis trepidātes occultabant. Perturbatis ergo ordinibus cæſæ legionis, Heraclio Iouinianorum tribuno ac penè omnibus qui militibus præerant extinctis, paucis effugium tutum nox & latibula ſiluarum præſtitere. Hæc in tertio Hiſtoriæ libro narrauit. In quarto verò libro cū de interfectione Viſtoris filij Maximi tyranni narra- ret, ait: Eo tempore Carietto & Syrus in locum Nanneni ſubrogati, in Germania cū exercitu oppoſito Francis diuerſabātur. Et poſt pauca, cū Francis de Germania prædas tuliffent, adiecit: Nihil Arbogaſtes differre volēs, commonet Cæſarem pœnas debitas à Francis exigendas, niſi vniuerſa quæ ſuperiori anno cæſis legionibus diripuerant, conſeſtim reſt- tuerent, auctoresque belli traderent, in quos violatæ pacis perfidia puniretur. Hæc acta cū duces eſſent, retulit: & deinceps ait, Poſt dies pauculos Marcomere & Sunnone Fran- corum regalibus tranſacto curſim conloquio,

impetratísq; ex more obsidibus, ad hiemandum Treucros concessit. Cùm autem eos regales vocet, nescimus vtrum reges fuerint, an vices tenuerint regum. Idem tamé scriptor, cum necessitates Valentiniani Augusti commemorat, hæc adiungit: Dum diuersa in oriente per Thracias geruntur, in Gallia status publicus perturbatur. Clauso apud Viennam palatij ædibus principe Valentiniano, & penè infra priuati modum redacto, militaris rei cura Francis sate llitibus tradita, ciuilia quoque officia transgressa in coniurationem Arbogastis, nullúsque ex omnibus sacramentis militiæ obstrictis reperiebatur qui familiari principis sermoni aut iussis obsequi auderet. Dehinc refert, quòd eodem anno Arbogastes Sunnonem & Marcomerem subregulos Frãcorum gentilibus odiis infectans, Agrippinã rigente maximè hieme, petiit: ratus tuto omnes Franciæ recessus penetrandos vrendósq;, cùm decussis foliis nudæ atque arentes siluæ insidiantes occulere nõ possent. Collecto ergo exercitu, transgressus Rhenum, Briçteros ripæ proximos, pagum Aëtiam quem Chamaui incolunt, depopulatus est, nullo vnquã occurstante, nisi quòd pauci ex Ampsiuariis & Chattis Marcomere duce, in vltioribus collium iugis apparuere. Iterum hic relictis tam ducibus quàm regalibus, apertè Francos regem habere designat: huiúsque nomen præ-

termittens ait, Dehinc Eugenius tyrānus suscepto expeditionali procinctu, Rhēni limitē petit, vt cum Alamannorum & Francorum regibus, vetustis fœderibus ex more initis, immensum ea tempestate exercitum gentibus feris ostentaret. Hæc suprâ scriptus historiographus de Francis differuit. Renatus Profuturus Frigeridus, cuius iam supra meminimus, cū Romam refert à Gothis captam atque subuersam, ait: Interea Respendial rex Alamānorum, Goare ad Romanos transgresso, de Rheno agmen suorum conuertit, Vandalis Francorum bello laborantibus, Godigifilo rege absumpto, acie viginti fermè milibus ferro peremptis, cunctis Vandalorum ad interneccionem delendis, ni Alanorum vis in tempore subuenisset. Mouet nos hæc causa, quòd cum aliarum gētium reges nominat, cur non nomet & Francorum. Tamen cū ait, quòd Constantinus assumpta tyrannide, Constantium filium ad se de Hispaniis venire iussisset, ita differuit: Accito Constantinus tyrannus de Hispaniis Constāte filio, itémq; tyranno, quo de summa rerum consultarent præsentēs, factum est vt Constans instrumento aulæ, & coniuge sua Cæsaraugustæ dimissis, Gerontio intra Hispanias omnibus creditis ad patrem continuato itinere decurreret. Qui vbi in vnum venere, interiectis diebus plurimis, nullo ex Italia metu, Constantinus

fuiſſet, hæc adiungit: Eodem tempore Caſtinus domeſticorū comes, expeditione in Francos ſuſcepta, ad Gallias mittitur. hæc hi de Francis dixere. Oroſius autem & ipſe hiftoriographus in ſeptimo operis ſui libro, ita cōmemorat: Stilico congregatis gentibus Francos proterit, Rhenum tranſit, Gallias peruagatur, & ad Pirenæos uſque perlabitur. Hanc nobis notitiam de Francis memorati hiftorici reliquere, regibus non nominatis. Tradunt enim multi eoſdem de Pānonia fuiſſe digreſſos. Et primum quidem litora Rheni amnis incoluiſſe: dehinc tranſacto Rheno, Thoringiam tranſmeaſſe: ibique iuxta pagos vel ciuitates, reges crinitos ſuper ſe creauifſe, de prima, & ut ita dicam, nobiliori ſuorū familia. Quod poſtea probatum Chlodouci victoriæ tradidere, idque in ſequenti digerimus. Nam & in conſularibus legimus Theodomerem regem Francorum, filium Richimeris quondam, & Aſcilam matrem eius, gladio interfectos. Ferunt etiam tunc Chlogionem utilem ac nobiliſſimum in gente ſua regem Francorum fuiſſe, qui apud Diſpargum caſtrum habitabat, quod eſt in termino Thoringorum. in his autem partibus, id eſt ad meridionalem plagam, habitabant Romani uſque Ligerim fluuium. Ultra Ligerim verò Gothi dominabantur. Burgundiones quoque Arrianorum ſectam ſequētes, habitabant trans Rhodanū,

qui adiacet ciuitati Lugdunési. Chlogio autē missis exploratoribus, ad urbē Camaracū, per lustrata omnia ipse secutus, Romanos protegit, ciuitatem adprehendit: in qua paucū tempus residēs, vsq; Suminā fluuium occupauit. De huius stirpe quidam Meroueam regem fuisse adserunt, cuius fuit filius Childericus.

- 10 SED hæc generatio fanaticis semper cultibus visa est obsequium præbuisse, nec prorsus agnouere deum: sibi que siluarum atque aquarum, auium bestiarumque, & aliorū quoque elementorum finxere formas, ipsasque ut deum colere eis que sacrificia delibare cōsue-ti. O si eorum fibras cordium, vox illa terribilis attigisset, que per Moysen populo locuta est, dicens: Non sint tibi dij alij præter me:  
 ” non facies tibi sculptile, neque adorabis om-  
 ” nem similitudinem quæ in cælo sunt, & quæ  
 ” in terra, & que versantur in aquis: non facies  
 ” ea, & non coles ea. & illud, Dominum deum  
 ” tuum adorabis, & illi soli seruias, ac per nomē  
 ” eius iurabis. Quid si intelligere potuissent que pro vituli cōflatilis veneratione Israëliticum populum vltio subsecuta compresserit, cum post epulum & cantica, post luxurias atque saltationes, cum ore immundo proferrent de  
 ” eodem sculptili, Hi sunt dij tui Israël qui te e-  
 ” duxerunt de terra Ægypti: cecidere ex eis viginti quatuor milia hominum: quid de his qui initiati Beelphegor cū Moabitidibus scor

tis cōmixti, à proximis cęsi & prostrati sunt?  
 In qua plaga Phinees sacerdos interęptis adul-  
 teris, sedauit furorem dei, & reputatum est  
 illi ad iustitiam. Quid si & illa eorum auribus  
 inlata fuissent, quę dominus per Dauid into-  
 nat, dicens: Quia omnes dij gentiũ dęmonia,  
 dominus autę cęlos fecit. & Simulachra gę-  
 tium argentũ & aurũ, opera manuũ hominũ:  
 similes illis fiant qui faciunt ea, & omnes qui  
 confidunt in eis. vel illud: Confundantur o-  
 mnes qui adorant sculptile, & qui glorientur  
 in simulachris suis. Et iterum quod Abacuc  
 propheta testatur dicens: Quid prodest scul-  
 ptile his quia sculpsit illud fictor suus: con-  
 flatile & imaginem falsam, &c. Ecce iste co-  
 opertus est auro & argento, & omnis spiritus  
 non est in eis: Dominus autem in templo san-  
 cto suo: sileat à facie eius vniuersa terra. Sed  
 & alius propheta dicit: Dii qui cælum & ter-  
 ram non fecere, pereant à terra, & de his quę  
 sub cælis sunt. Item illic: Hęc dicit dominus,  
 creans cęlos, ipse deus formans terrã, & quę  
 in ea sunt: ipse plastes eius, nõ in vanum fun-  
 dauit eam, vt habitaretur creauit eam. Ego do-  
 minus, hoc mihi nomę est, gloriam meam al-  
 teri non dabo, neque virtutem meam sculpti-  
 libus, quę ab initio trāsire. & alibi: Nunquid  
 sunt in sculptilibus gentium qui pluant? Et  
 per Isaiam iterum dicit: Ego primus & no-  
 uissimus, & absque me non est deus, & forma-

» tor, quem ego non nouerim. Plasta idoli om-  
 » nes nihil sunt, & amantissima eorum nõ pro-  
 » derunt eis. Ipsi sunt testes eorum, quia non vi-  
 » dent neque intelligunt, & confundantur in  
 » eis: ecce omnes participes eius confunden-  
 » tur. fabri enim sunt ex hominibus. Quis for-  
 » mauit deum, & sculptile conflauit ad nihil v-  
 » tile? in prunis & malleis formauit illud, & o-  
 » peratus est in brachio fortitudinis suæ. Simi-  
 » liter & artifex lignarius, in circino tornauit  
 » illud, & fecit imaginem viri quasi speciosi ho-  
 » minis habitantis in domo. Succidit lignum,  
 » operatus est, fecit sculptile, & adorauit vt  
 » deum. Clauis & malleis compaginauit, vt nõ  
 » dissoluatur. Portata tollentur, quia incedere  
 » non valent: reliquum verò ligni, factum est  
 » hominibus in focum, & calefacti sunt. Ex a-  
 » lio verò deum fecit, & sculptile sibi: curuatur  
 » ante illud, & adorauit illud, & obsecrat di-  
 » cens: Libera me, quia deus meus es tu. medie-  
 » tatem eius igni combussi, & coxi super carbo-  
 » nes eius panes, coxi carnes, & comedi, & de  
 » reliquo eius idolum faciam. Ante trũcum li-  
 » gni procidam: pars eius cinis est. Cor insi-  
 » piens adorauit illud, & non liberauit animam  
 » suam: neque dicit, fortè mendacium est in  
 » dextera mea. Hæc autem Francorum gene-  
 » ratio non intellexit primùm, intellexerunt  
 » autem postea, sicut sequens historia narrat,

11 AVITVS enim vnus ex senatoribus, & vt

valde manifestū est, ciuis Aruernus, cum Romanū ambisset imperium, luxuriose agere volens, à senatoribus eiectus, apud Placentiam urbem episcopus ordinatur. Comperto autē, quòd adhuc indignans fenatus, vita eum priuare vellet, basilicam sancti Iuliani Aruerni martyris cum multis muneribus expetiuit: sed impleto in itinere vitæ cursu obiit, delatūsq̄ ad Briuatensem vicum, ad pedes antedicti martyris est sepultus: cui Martianus successit. In Galliis autem Egidius ex Romanis magister militum datus est.

- 12 CHILDERICVS verò cū esset nimia in luxuria dissolutus, & regnaret super Frācorum gentem, cœpit filias eorum stuprose detrahere. Illique ob hoc indignantes, de regno eum eiiciunt. Comperto autem, quòd eum etiam interficere vellent, Thoringiam petiit, relinquens ibi hominem sibi charum, qui virorum furentium animos verbis lenibus mollire possit: dans etiam signum quando redire possit in patriam: id est, diuisere simul vnum aureum, & vnam quidem partem secum detulit Childericus, aliam verò amicus eius retinuit, dicens: Quando hanc partem tibi misero, partēsq̄ coniunctæ vnum effecerint solidum, tunc tu securo animo in patriam repedabis. Abiens ergo in Thoringiam, apud regem Bisinum vxorēque eius Basinam latuit: denique Franci hoc cie-

cto, Egidium sibi, quem superius magistrum militum à Republica missum diximus, vnanimiter regem adsciscunt. Qui cū octauo anno super eos regnaret, amicus ille fidelis, pacatis occultè Francis, nuncios ad Childericum cum parte illa diuisi solidi, quam retinuerat, mittit. Ille verò certa cognoscēs indicia, quòd à Francis desideraretur, ipsis etiam rogantibus, à Thoringia regressus, in regnum suum est restitutus. His ergo regnantibus, simul Basina illa quam supra memorauimus, relicto viro suo, ad Childericum venit. Qui cū sollicitè interrogaret, qua de causa ad eum de tanta regione venisset, respondisse fertur: Noui, inquit, vtilitatem tuam, quòd sis valdè strenuus: ideòque veni vt habitem tecum: nam noueris, si in transmarinis partibus aliquem cognouissem vtiliorem te, expetissem vtique cohabitationem eius. At ille gaudens, eam sibi in coniugio copulauit: quæ concipiens, peperit filium, vocauitque nomen eius Chlodoueū. Hic fuit magnus & pugnator egregius.

<sup>13</sup> APVD Aruernum verò post transitum sancti Artemij, Venerandus è senatoribus episcopus ordinatur. Qualis autem fuerit hic pontifex, testatur presbyter Paulinus, dicens: Si enim hos videas dignos domino sacerdotes, vel Exuperium Tholosæ, vel Simplicium Viennæ, vel Amandum Burdegalæ, vel Diogenianum Albigæ, vel Dynamium Engolif-

mæ, vel Venerandum Aruernis, vel Alithium  
 Cadurcis, vel nunc Pegasium Petrogoriis, vt-  
 cunque se habet seculi mala, videbis profecto  
 dignissimos totius fidei religionisque custo-  
 des. Hic in ipsa dominici Natalis vigilia tran-  
 sisse refertur. Mane autem facto, processio solen-  
 nitatis funeris eius obsequium fuit: post cuius  
 obitum fæda apud ciues pro episcopatu con-  
 tentio vertebatur. Cumque partes inter se di-  
 uisæ, alium aliūque erigere vellent, magna  
 conluisio erat populi. Residentibus tamen epi-  
 scopis, die dominico, mulier quædam velata  
 atque deuota deo, audenter ad eos ingreditur:  
 quæ ait, Audite me sacerdotes domini: scitote  
 enim, quod non est in his beneplacitum deo,  
 quos hi ad sacerdotium elegere. Ecce enim  
 dominus hodie ipse sibi prouidebit antistitem:  
 itaque nolite conturbare neque conludere po-  
 pulum, sed patientes estote parumper: domi-  
 nus enim nunc dirigit, qui regat Ecclesiam  
 hanc. His itaque mirantibus hæc verba, subito  
 Rusticus nomine, qui erat ex ipsa urbis Aruer-  
 næ diœcesi presbyter aduenit: ipse enim  
 iam mulieri per visionem fuerat indicatus.  
 Quo viso ait: En ipsum quem elegit domi-  
 nus: ecce qualem vobis dominus pontificem  
 destinauit: hic ordinetur episcopus. Hæc ea  
 loquente, omnis populus cuncta contentione  
 postposita, clamauit, dignum ac iustum esse,  
 Qui in cathedra positus, septimo in eodem loco

pōtificatus honorē populo gaudēte, suscepit.  
 14 APVD urbem vero Turonicam, defun-  
 cto Eustochio episcopo, septimo decimo sa-  
 cerdotij sui anno, quintus post beatum Mar-  
 tinum, Perpetuus ordinatur. Qui cū virtutes  
 assiduas ad sepulchrum eius fieri cerneret,  
 cellulam quæ super eum fabricata fuerat, vi-  
 dens paruulam, indignam talibus miraculis  
 iudicauit. Quæ submota, magnam ibi basili-  
 cam quæ vsque hodie permanet, fabricauit:  
 quæ habetur à ciuitate passus DL. habet in  
 longum pedes centū sexaginta, in latum sexa-  
 ginta: habet in altum, vsque ad cameram, pe-  
 des xlv. Fenestras in altario xxxii. in capso xx.  
 columnas xlj. in toto ædificio, fenestras liij. co-  
 lumnas cxx. ostia octo, tria in altario, quinque  
 in capso. Solennitas enim ipsius basilicæ tri-  
 plici virtute pollet: id est dedicatione tem-  
 pli, translatione corporis sancti, ordinatione  
 eius episcopatus. Hanc enim quarto nonas Iu-  
 lias obseruabis: depositionem verò eius tertio  
 Idus Nouembris esse cognoscas. Quòd si fi-  
 deliter celebraueris, & in præsentī seculo, &  
 in futuro, patrocinia beati antistitis prome-  
 reberis. Et quoniã camera cellulæ illius prio-  
 ris, eleganti opere fuerat fabricata, indignum  
 duxit sacerdos, vt opera eius deperirēt, sed in  
 honore B. apostolorum Petri & Pauli aliam  
 cōstruxit basilicã, in qua camerã illam affixit.  
 Multas & alias basilicas ædificauit, quæ vsq;

hodie in Christi nomine constant.

- 15 EO tempore & basilica beati Symphoriani Augustodunensis martyris, ab Eufronio presbytero ædificata est. Et ipse Eufronius, huius deinceps urbis episcopatum sortitus est. Hic enim marmor quod super sanctum sepulchrum beati Martini habetur, cum grãdi deuotione transmisit,
- 15 SANCTVS verò Namatius, post obitũ Rustici episcopi, apud Aruernos in diebus illis octauus erat episcopus. Hic Ecclesiam quę nunc constat, & veterrima intra muros ciuitatis habetur, suo studio fabricauit, habentem in longum pedes centum quinquaginta, in latum pedes sexaginta: in altum infra capsam vsque camerã, pedes quinquaginta: in ante, absidem rotundam habens, ab utroque latere ascellas eleganti constructas opere, totũque ædificium in modum crucis habetur expositum. Habet fenestras xlij. colũnas lxx. ostia octo. Terror nanque ibidem dei, & claritas magna conspicitur: & verè plerunque inibi odor quasi aromatum suauissimus aduenire à religiosis sentitur. Parietes ad altarium opere sarfurio, ex multo marmorum genere exornatos habet. Exacto ergo in duodecimo anno beatus pontifex ædificio, Bononiam ciuitatẽ Italię sacerdotes dirigit, vt ei reliquias sanctorum Vitalis & Agricolę exhibeant, quos pro nomine Christi dei nostri, manife-

incendio domus Ecclesiæ concremata est.

19 HIS ita gestis, inter Saxones atq; Romanos bellum gestum est: sed Saxones terga vertentes, multos de suis, Romanis insequentibus gladio reliquere: in sulcæ eorum cum multo populo interempto, à Francis captæ atque subuersæ sunt. Eo anno mense nono terra tremuit. Odouacrius cù Childerico fœdus iniit, Alamannósque qui partem Italiæ peruaserát, subiugarunt.

20 EORICVS autē Gothorum rex, Victorium ducem super septem ciuitates præposuit, anno quartodecimo regni sui. Qui protinus Aruernos adueniens, ciuitatē addere uoluit: unde & cryptæ illæ usque hodie persstāt, ad basilicam sancti Iuliani, & columnas quæ sunt in æde positæ exhiberi iussit. Basilicam sancti Laurentij & sancti Germani Licaniensis uici iussit ædificari. Fuit autem Atuernis annis nouem. Super Euchirium uerò senatorē calumnias deuoluit: quē in carcere positum, nocte extrahi iussit, ligatúmque iuxta parietem antiquū, ipsum parietem super eum elidi iussit. Ipse uerò dum nimium esset in amore mulierum luxuriosus, & ab Aruernis uereretur interfici, Romam aufugit: ibique similem tētans exercere luxuriam, lapidibus est obrutus. Post cuius excessum regnauit Eoricus annos quatuor. obiit autē anno xxvij. regni sui. Fuit etiā & tūc terræ motus magn⁹.

21 DEFVNCTO autem apud Aruernos Namatio episcopo, Eparchi<sup>9</sup> successit vir sanctissimus atque religiosus. Et quia eo tempore Ecclesia parvam infra muros vrbis possessionem habebat, ipsi sacerdoti in ipso quod modo Salutatorium dicitur, mansio erat, atque ad gratias deo tempore nocturno reddendas ad altarium Ecclesie cōsurgebat. Factum est autem, vt nocte quadam ingrediens, plenā Ecclesiam dæmonibus reperiret, ipsūmq̃ principē in modum ornatæ mulieris, in throni illius cathedram residentem. Cui ait pontifex, O meretrix execranda, nō sufficit tibi loca cuncta variis pollutionibus inficere, adhuc & cathedram à domino consecratam fœtida fessionis tuæ accessione coinquinas? abscede à domo dei, ne à te amplius polluat. Cui ait, Et quia mihi meretricis nomē imponis, multas tibi parabo insidias ob desideria mulierū. Et hæc dicēs, sicut fumus euauit. Verūtamen sacerdos tētatus est per commotionem corporis ad concupiscentiam: sed signo crucis sanctæ munitus, nihil ei inimicus nocere potuit. Ferunt etiam ipsum in arce Cantobennici montis monasterium collocasse, vbi nunc oratorium est, & ibi se diebus quadragesimæ sanctæ recludere: die autem cœnæ dominicæ, cum magno psallentio comitātibus clericis, ciuibúsque, ad ecclesiam suam reuertebatur. Quo migrante, Sidonius ex præfecto substituitur,

ruitur, vir secundum seculi dignitatem nobilissimus, & de primis Galliarum senatoribus: ita vt filiam sibi Auiti imperatoris in matrimonio sociaret. Huius tempore, cùm adhuc apud urbem Aruernam Victorius, cuius supra meminimus, moraretur, fuit in monasterio beati Cyriaci, urbis ipsius abbas, Abraham nomine: qui fide atque operibus Abraham illius prioris refulgebat, sicut in libro vitæ eius scripsimus.

22 S A N C T V S verò Sidonius tantę faciendæ erat, vt plerunque ex improviso, luculentissimè quæ voluisset, nulla obsistente mora componeret. Contigit autem quadam die, vt ad festiuitatem basilicæ monasterij, cuius supra meminimus, inuitatus accederet: ablatoque sibi nequiter libello, per quem sacrosancta solennia agere consueuerat, ita paratus à tempore cunctum festiuitatis opus explicuit, vt ab omnib<sup>9</sup> miraretur, nec putaretur ab adstantibus ibidem hominem locutum fuisse, sed angelum. Quod in præfatione libri quem de Missis ab eo compositis, coniunximus, plenius declarauimus. Cùm autem esset magnificæ sanctitatis, atque, vt diximus, ex senatoribus primis, plerunque nesciente coniuge, vasa argentea auferebat à domo, & pauperibus erogabat. Quod illa cùm cognosceret, scandalizabatur in eum: sed tamen dato egenis precio, species domi restituebat.

23 CV' MQVE ad officium dominicū fuisset mancipatus, & sanctam ageret in seculo vitam, surrexere contra eum duo presbyteri, & ablata ei omni potestate à rebus Ecclesiæ, arctum ei victum & tenuem relinquentes, ad summā cum contumeliam redegere. Sed non longi temporis spacio, inultam eius iniuriam diuina voluit sustinere clementia: nam vnus ex his nequissimis & indignis dici presbyteris, cum ante noctem minatus fuisset eum de Ecclesia velle extrahere, signum ad matutinas audiens fuisse commotum, feruens felle contra sanctum dei surrexit, hoc iniquo corde ex- plere cogitans, quod die præcedente tractauerat. Ingressus autem in secessum suum, dum ventrem purgare nititur, spiritum exhalauit. Expectabat enim puer à foris cum cereo, dominum egressurum. Iamque aduenerat lux, & satelles eius, id est alius presbyter, mittit nuncium, dicens: Veni, ne tardaueris, vt quæ nobis die hesternæ conuenerant, pariter expleamus. Sed cum responsa dare differret exanimis, eleuato puer velo ostij, reperit dominum super cellulam secessus defunctum. Vnde indubitatum est, nō minoris criminis hunc reum esse, quàm Arrium illū, cui similiter in secessu fuere interna deposita per partes inferiores egesta: quia nec istud sine hæresi potest accipi, vt in Ecclesia non obediatur sacérdoti dei, cui ad pascendum oues commissæ sunt:

& ille se ingerat potestati, cui neq; à deo, neque ab hominibus aliquid est cōmissum. Dehinc beatus sacerdos, vno adhuc manente nihilominus inimico, suæ restituitur potestati. Factum est autem post hæc, vt accedente febre ægrotare cœpisset, qui rogat suos, vt eum in Ecclesiam ferrent. Cùmque illuc inlatus fuisset, conueniebat ad eum multitudo virorum ac mulierum, simúlque etiam & infantium plangentium atque dicentium: Cur nos deseris pastor bone, vel cui nos quasi orphanos derelinquis? Nūquid erit nobis post transitum tuum vita? nunquid erit postmodum qui nos sapientiæ sale sic condiat? aut ad dominici nominis timorem talis prudentiæ ratione redarguat? Hæc & his similia, populis cum magno fletu dicentibus, tandem sacerdos spiritu in se sancto influente respondit: Nolite timere ô populi, ecce frater meus Aprunculus viuit, & ipse erit sacerdos vester. Qui non intelligentes, putabant eum loqui aliquid in extasi. Quo migrante, presbyter ille nequam, alter ex duobus qui remanserat, protinus omnem facultatem Ecclesiæ, tanquam si iam episcopus esset, inhiās cupiditate, præoccupat, dicens: Tãdem respexit in me deus, cognoscens in me iustiorē esse Sidonio, largitúsque est mihi hanc potestatem, Cùmque per totam vrbem superbus ferretur, aduentēte die dominico, qui imminebat post transitū

sancti viri, præparato epulo, iussit cunctos ciues in domo Ecclesiæ inuitari: despectisque senioribus, primus recumbit in toro. Cui oblato pincerna poculo ait: Domine mi, vidi somniū, quod si permittis edicā. Videbā hac nocte dominica, & ecce erat domus magna, & in domo erat thronus positus, in quo quasi iudex residebat, cūctis potestate præstantior: cui adsistebant multi sacerdotum in albis vestibus, sed & promiscuæ populorum turbæ valde innumerabiles. Verūm cūm hæc trepidus contemplerer, cōspicio eminus inter eos beatum adstare Sidonium, & cum presbytero illo tibi charissimo, qui ante hos paucos annos de hoc mundo migravit, adtentē litigantem: quo deuicto, iubet rex vt in imis carceris angustiis retrudatur: ablatōque isto, contra te iterum suggerit, dicens: Te in eo scelere propter quod ille prior damnatus fuerat, fuisse participem. Verūm vbi iudex, quem ad te trāsmitteret, sollicitē cœpit inquirere, ego me inter reliquos occulere cœpi, & à tergo statui, tractans apud memetipsum, ne fortē ego qui nōtus sum homini, mittar. Dum hæc mecum tacitus voluerem, amotis omnibus remansi solus in publico: vocatūque à iudice, propius accedo. Cuius virtutem atq; splēdorem contuens, cœpi hebes effectus, titubare præ metu. Et ille, Ne timeas puer, inquit: sed vade dic presbytero illi: Veni ad respon-

dédam causam, quia Sidonius te accersiri deprecatus est. Tu verò ne moram facias ad eundem, quia sub grandi testificatione mihi præcepit rex ille tibi hæc loqui, dicēs, Si tacueris, morte pessima morieris. Hæc eo loquēte, exterritus presbyter, elapso de manu calice, reddidit spiritū. Ac de recubitu ablati, mortuus sepulturæ mandatus est, possessurus infernum cum satellite suo. Tale iudicium super contumaces clericos dominus in hūc prætulit mūdum, vt vnus Arrij sortiretur mortem, alius tanquam Simon Magus, apostoli sancti oratione ab excelsa arce superbiæ præceps allideretur. Qui non ambiguntur pariter possidere tartarum, qui simul egerunt nequiter contra sanctum episcopum suum. Interea cū iam terror Francorum resonaret in his partibus, & omnes eos amore desiderabili cuperent regnare, sanctus Aprunculus Lingonicæ ciuitatis episcopus, apud Burgundiones cœpit haberi suspectus. Cūq; odium de die in diem cresceret, iussum est vt clam gladio feriretur. Quo ad eum perlato nuncio, nocte à castro Diuionensi per murum demissus, Aruernos aduenit, ibique iuxta verbum domini, quod posuit in ore sancti Sidonij, vndecimus datur episcopus.

24 SED tempore Sidonij episcopi, magna Burgundiam fames obpressit. Cūq; populi per diuersas regiones dispergerētur, nec esset vl-

lus qui pauperibus alimoniam largiretur: Ecdicius quidam ex senatoribus huius propinquus, magnam tunc rem in deo confisus fecisse perhibetur. Nam inualefcente fame, misit pueros suos cum equis & plaustris, per vicinas sibi ciuitates, vt eos qui hac inopia vexabantur, sibi adducerent. At illi euntes, cunctos pauperes quotquot inuenire potuerunt, adduxere ad domos eius. Ibique eos per omne tempus sterilitatis pascens, ab interitu famis exemit, Fueréque, vt multi aiunt, amplius quàm quatuor milia promiscui sexus. Adueniente autem vbertate, ordinata iterum euectione, vnumquenque in locum suum restituit. Post quorum discessum, vox ad eum è cælis lapsa peruenit, dicens: Ecdici, Ecdici, quia fecisti rem hanc, tibi & femini tuo panis non deerit in sempiternū, eo quòd obedieris verbis meis, & famem meam refectione pauperum satiaueris. Quem Ecdicium mirè velocitatis fuisse, multi commemorāt. nam quadam vice multitudinem Gothorum cum decem viris fugasse perscribitur. Sed & sanctus Patiens Lugdunensis episcopus, simile huic in ipsa fame populis præstitisse perhibetur beneficium. Extat enim hodiéq; apud nos beati Sidonij epistola, in qua eum declamatoriè conlaudauit.

25 HVIVS tempore & Euarix rex Gothorum, excedens Hispanum litem, grauem in

Galliis super Christianos intulit persecutio-  
nem. Truncabat passim peruersitati suæ non  
consentientes, clericos carceribus subigebat:  
sacerdotes verò, alios dabat exilio, alios gla-  
dio trucidabat. Nam & ipsos sacrorum tem-  
plorum aditus, spinis iusserat obserari, scilicet  
vt raritas ingrediendi, obliuionem faceret fi-  
dei. Maximè tunc nouem Populanæ Gemi-  
næque Germaniæ vrbes, ab hac tēpestate de-  
populatę sunt. Extat hodięque & pro hac cau-  
sa ad Basiliū episcopum nobilis Sidonii ip-  
sius epistola, quæ hæc ita loquitur. Sed perse-  
cutor non post multum tempus, vltione diui-  
na percussus, interiit.

25 POST hæc beatus Perpetuus Turonicæ  
ciuitatis episcopus, impletis triginta in epi-  
scopatu annis, in pace quieuit: in cuius loco  
Volusianus vnus ex senatoribus, subrogatus  
est. Sed à Gothis suspectus habitus, episcopa-  
tus sui anno septimo, in Hispanias est quali ca-  
prius abductus, sed protinus vitam finiuit.  
In cuius loco Virus succedens, septimus post  
beatum Martinum ordinatur episcopus.

27 HIS ita gestis, mortuo Childerico, regna-  
uit Chlodoueus filius eius pro eo. Anno autē  
quinto regni eius, Syagrius Romanorum rex,  
Egidii filius, apud ciuitatē Suessionas, quam  
quondam supra memoratus Egidius tenuer-  
at, sedem habebat. Super quē Chlodoueus  
cum Ragnachario parente suo, quia & ipse

regnum tenebat, veniens, campum pugnae præparari deposcit. Sed nec iste distulit, ac resistere metuit. Itaque inter se vtrisque pugnantibus, Syagrius elisum cernens exercitum, terga vertit, & ad Alaricum regem, Tholosam cursu veloci perlabitur. Chlodoueus verò ad Alaricum mittit, ut eum redderet: alioquin nouerit, sibi bellum ob eius retentionem inferri. At ille metuens, ne propter eum iram Francorum incurreret, ut Gothorum pauere mos est, uinctum legatis tradidit. Quem Chlodoueus receptum, custodię mancipari præcepit: regnumque eius accepto, eum gladio clam feriri mandauit. Eo tempore multæ Ecclesiæ à Chlodouei exercitu depredate sunt, quia erat ille adhuc fanaticis erroribus inuolutus. Igitur de quadam Ecclesia vrceum mirę magnitudinis ac pulchritudinis, hostes abstulerant, cum reliquis ecclesiastici ministerii ornamentis. Episcopus autem Ecclesiæ illius, missos ad regem dirigit, poscens ut si aliud de sacris uasis recipere non mereretur, saltim vel vrceum Ecclesię suę recipiat. Hęc audiens rex, ait nuncio: Sequere nos usque Sueffionas, quia ibi cuncta quę acquisita sunt, diuidenda erunt. Cumq; mihi vas illud fors dederit, quę papa poscit, adimpleam. Dehinc adueniens Sueffionas, cuncto onere prædæ in medium posito, ait rex: Rogo uos, o fortissimi præliatores, ut saltem mihi vas istud (hoc enim de vrceò supra

memorato dicebat ) extra partem concedere non abnuatis. Hæc rege dicente, illi quorum erat mens sanior, aiunt : Omnia gloriose rex, quæ cernimus tua sunt : sed & nos ipsi tuo sumus dominio subiugati . Nunc quod tibi beneplacitum videtur , facito : nullus enim potestati tuæ resistere valet. Cùm illi hæc ita dixissent, vnus leuis, inuidus ac cerebrosus, cum voce magna, eleuatâ bipennē vrceo impulit dicens , Nihil hinc accipies, nisi quæ tibi fors vera largitur. Ad hæc obstupefactis omnibus, rex iniuriam suam patientiæ lenitate coercuit : acceptumque vrceum nuncio ecclesiastico reddidit , seruans abditum sub pectore vulnus . Transacto verò anno , iussit omnem cum armorum apparatu aduenire phalangâ, ostensuram in campo Martio suorum armorum nitorem. Verùm vbi cunctos circuire deliberat , venit ad vrcei percussorem. cui ait , Nullus tam inculta vt tu , detulit arma : nam neque tibi hasta, neque gladius , neque securis est utilis : & adprehensam securim eius in terram deiecit : at ille cùm paululum inclinatus fuisset ad colligendum eam , rex eleuatis manibus , securim suam capiti eius defixit. Sic, inquit, tu apud Sueffionas in vrceo illo fecisti. Quo mortuo , reliquos abscedere iubet. Magnum sibi per hanc causam timorem statuens, multa deinde bella, victoriâsque fecit. Nam decimo regni sui anno, Thoringis bel-

lum intulit, eisdemque suis ditionibus subiugavit.

28 **FVIT** autem & Gundechus rex Burgundionum, ex genere Athanarici regis persecutoris, de quo supra meminimus. Huic fuerunt quatuor filij, Gundobaldus, Godegisilus, Chilpericus, & Godomarus. Igitur Gundobaldus Chilpericum fratrem suum interfecit gladio, vxoremq; eius ligato ad collum lapide, aquis immerfit, Huis duas filias exilio condemnavit: quarum senior, mutata veste Mucuruna, iunior Chrothildis vocabatur. Porro Chlodoueus, dum legationem in Burgundiam sepius mittit, Chrothildis puella reperitur à legatis eius. Qui cum eam vidissent elegantem atque sapientem, & cognouissent quòd de regio esset genere, nunciauerunt hæc Chlodoueo regi, Nec moratus ille, ad Gundobaldum legationem dirigit, eam sibi in matrimonio petens. Quod ille recusare metuens, tradidit eam viris: illique accipientes puellam, regi velocius repræsentant: qua visa, rex valde gauisus, suo eam coniugio sociauit, habens iam de concubina filium, nomine Theodoricum.

29 **IGITVR** ex Chrothilde regina habuit filium primogenitum: quem cum mulier baptismò consecrare vellet, prædicabat assidue viro dicens, Nihil sunt dij quos colitis, qui neque sibi, neq; aliis poterunt subuenire. sunt enim aut ex lapide, aut ex ligno, aut ex me-

tallo aliquo sculpti : nomina verò quæ eis in-  
 didistis, homines fuere, non dij : vt Saturnus,  
 qui filio ne à regno depelleretur, per fugam  
 elapsus adferitur: vt ipse Iupiter omnium stu-  
 prorum spurcissimus perpetrator, incestator  
 virorum, propinquarum derisor, qui nec ab  
 ipsius sororis propriæ potuit abstinere concu-  
 bitu, vt ipsa ait: Iouisque & soror & coniunx,  
 quid Mars, Mercuriusque potuere? Qui po-  
 tius sunt magicis artibus præditi, quàm diui-  
 ni numinis potentiam habuere. Sed ille ma-  
 gis coli debet qui cælum & terram, mare, &  
 omnia quæ in eis sunt, verbo ex non extanti-  
 bus procreauit, qui solem lucere fecit, & cæ-  
 lum stellis ornauit: qui aquas reptilibus, ter-  
 ras animantibus, æra volatilibus adimpleuit:  
 cuius nutu terræ frugibus, pomis arbores, v-  
 uis vineæ decorantur: cuius manu genus hu-  
 manum creatum est: cuius largitione ipsa illa  
 creatura omnis, homini suo quem creauit &  
 obsequio & beneficio famulatur. Sed cū hæc  
 regina diceret, nullatenus ad credendum re-  
 gis animus mouebatur: sed dicebat: Deorum  
 nostrorum iussione, cuncta creantur ac pro-  
 deunt: Deus verò vester nihil posse manife-  
 statur, & quod magis est, nec de deorum ge-  
 nere esse probatur. Interea regina fidelis filiū  
 ad baptismum exhibet: adornari Ecclesiam  
 velis præcipit atque cortinis, quo facilius vel  
 hoc mysterio prouocaretur ad credendum,

qui flecti prædicatione non poterat. Baptizatus autem puer, quem Ingomerem vocitauerunt, in ipsis sicut regeneratus fuerat albis obiit. Qua de causa commotus felle rex, nõ segniter increpabat reginam, dicens: Si in nomine deorum meorum puer fuisset dicatus, vixisset vtique: nunc autem quia in nomine dei vestri baptizatus est, viuere omnino non potuit. Ad hæc regina, Deo, inquit, omnipotenti creatori omnium gratias ago, qui me nõ vsquequaque iudicauit indignam, vt de vtero meo genitum regno suo dignaretur adscire. Mihi autem dolore huius causę animus nõ adtingitur, quia scio in albis ab hoc mũdo vocatos, dei obtutibus nutriendos. Post hunc verò genuit alium filium quem baptizatum Chlodomerem vocauit: & hic cum ægrotare cœpisset, dicebat rex: Non potest aliud fieri, nisi & de hoc, sicut & de fratre eius, cõtingat, vt baptizatus in nomine Christi vestri, protinus moriatur: sed orante matre, domino iubente conualuit.

30 REGINA verò non cessabat prædicare, vt deum verum cognosceret, & idola negligeret: sed nullo modo ad hæc credenda poterat commoueri, donec tandem aliquãdo bellum contra Alamannos cõmoueretur: in quo compulsus est cõfiteri necessitate, quod prius volũtate negauerat. Factum est autem, vt cõfligente vtroque exercitu, vehementer cæde-

rentur: atq; exercitus Chlododouei valde ad internecionem ruere cœpit. Quod ille vidēs, cleuatis ad cælum oculis, compunctus corde, commotus in lachrymis ait: Iesu Christe quē Chlothildis prædicat esse filium dei viui, qui dare auxilium laborantibus, victoriámque in te sperantibus tribuere diceris, tuæ opis gloriam deuotus efflagito: vt si mihi victoriám super hos hostes indulseris, & expertus fuero illam virtutem quam de te populus tuo nomini dicatus, probasse se prædicat, credam tibi, & in nomine tuo baptizer. Inuocaui enim deos meos, sed vt experior, elongati sunt ab auxilio meo: vnde credo eos nullius esse potestatis præditos, qui sibi obedientibus non succurrunt. Te nunc inuoco, & tibi credere desidero, tātum vt eruar ab aduersariis meis. Cúmque hæc diceret, Alamanni terga vertētes, in fugam labi cœperunt. Cúmque regem suum cernerent interemptum, Chlodouei se ditionibus subdunt, dicentes: Ne amplius, quæsumus, pereat populus: iam tui sumus. At ille prohibito bello, coarctatòque populo, cum pace regressus, narrauit Reginæ qualiter per inuocationem nominis Christi, victoriám meruit obtinere.

31 TVNC Regina accersiri clàm sanctum Remigium, Remēsis vrbis episcopū iubet deprecās vt regi verbum salutis insinuaret. Quē sacerdos accersitum, secretius cœpit instiga-

re: vt deum verum factorem cæli & terræ crederet, idola negligeret, quæ neque sibi, neque aliis prodesse possunt. At ille ait: Libenter te sanctissime pater audiam, sed restat vnū quòd populus qui me sequitur, non patitur relinquere deos suos: sed vado & loquor eis iuxta verbum tuum. Conueniens autem cum suis, priusquam ille loqueretur, præcurrente potentia dei, omnis populus pariter adclamauit: Mortales deos abigimus, pie rex, & deum què Remigius prædicat, immortalè sequi parati sumus. Nunciantur hæc antistiti, qui gaudio magno repletus, iussit lauacrum præparari. Velis depictis adumbrantur plateæ Ecclesiæ, cortinis albensibus adornantur, baptisterium componitur, balsama diffunduntur, micant flagrantes odore cerei, totumque templum baptisterij diuino respergitur ab odore. Talèmq; ibi gratiam adstantibus deus tribuit, vt æstimarèt se Paradisi odoribus cõlocari. Rex ergo prior poposcit se à pontifice baptizari: procedit nouus Constantinus ad lauacrum, deleturus lepræ veteris morbum, sordentèsque maculas gestorum antiquorum recenti latice deleturus. Cui ingresso ad baptismum, sanctus dei sic infit ore facundo: Mitis depone colla Sycamber, adora quod incendiisti, incende quod adorasti. Erat enim sanctus Remigius episcopus egregiæ scientiæ, & rhetoricis adprime imbutus studiis: sed & sanctitate ita prælatus,

vt Siluestri virtutibus æquaretur. Est enim nunc liber vitæ eius, qui eum narrat mortuum suscitasse. Igitur rex omnipotentem deum in trinitate confessus, baptizatus est in nomine patris, & filij, & spiritus sancti, delibutusque sacro chrismate cum signaculo crucis Christi. De exercitu verò eius baptizati sunt amplius tria milia. Baptizata est & soror eius Albofredis, quæ non post multum tempus migravit ad dominum: pro qua cum rex contristaretur, sanctus Remigius consolatoriam misit epistolam, quæ hoc modo sumpsit exordium: Angit me & satis me angit vestræ causa tristitiæ, quòd bonæ memoriæ germana vestra transit Albofredis. Sed de hac re consolari possumus, quia talis de hoc mundo migravit, vt suspici magis debeat quàm lugeri. Conuersa est enim & alia soror eius Lanthildis nomine, quæ in hæresin Arrianorum dilapsa fuerat, quæ confessa æqualem filium patri & spiritum sanctum, chrismata est.

32 TVNC Gūdobaldus & Godegisilus fratres, regnum circa Rhodanum aut Ararim cum Massiliensi prouincia retinebant. Erant autem tam illi quàm populi eorum, Arrianæ sectæ subiecti. Cùmque se inuicem impugnant, audiens Godegisilus Chlodouei regis victorias, misit ad eum legationem occultè, dicens: Si mihi ad perfequendum fratrem meum præbueris auxilium, vt eum bello interficere,

aut de regno ciicere possim, tributū tibi quale tu ipse velis iniungere, annis singulis dissoluam. Quod ille libenter accipiens, auxilium ei vbicunque necessitas posceret, repromisit. Et statuto tempore contra Gundobaldum exercitum commouit. Quo audito Gundobaldusi gnorans dolum fratris, misit ad eum, dicens: Veni in adiutorium meū, quia Franci se commouēt contra nos, & regionem nostram adeunt vt eam capiant: ideōque simus vnanimis aduersus gentem inimicam nobis, ne separati inuicem, quod aliæ gentes passæ sunt, perferamus. At ille, Vadam, inquit, cum exercitu meo, & tibi auxilium præbebo. Mouentésque simul hi tres exercitum, id est Chlodoueus contra Gundobaldum, & Godegisilus cum omni instrumento belli, ad castrum cui Diuione nomen est, peruenerunt. Confligentésque super Oscaram fluuium, Godegisilus Chlodoueo coniungitur, ac vterque exercitus Gundobaldi populū atterit. At ille dolum fratris, quem non suspicabatur, aduertés, terga dedit, fugamque iniit, Rhodanitéque ripas percurrrens, Auennionem urbem ingreditur. Godegisilus verò obtenta victoria, promissa Chlodoueo aliqua parte regni sui, cum pace discessit, Viennamque triumphans, tanquam si iam totum possideret regnum, ingreditur. Auctis adhuc Chlodoueus rex viribus, post Gundobaldum abiit, vt cum de ciuitate

extr-

extractū interimeret. Quod ille audiēs, pauore perterritus, metuebat ne ei mors repentina succederet. Habebat tamen secum virum illustrem Aredium, strenuum atque sapiētem, ad quem ad se accersitum ait, Vallant me vndique angustiæ, & quid faciam ignoro, quia venerunt hi Barbari super nos, vt nobis interceptis regionem totam euertant. Ad hæc Aredius ait, Oportet te lenire feritatem hominis huius, ne pereas. nunc ergo si placet in oculis tuis, ego à te fugere, & ad eum transire consimulo: cūque ad eum adcessero, ego faciam vt neque te, neque hanc euertat regionem. Tantum, vt quod tibi per meum consilium demandauerit, implere studeas, donec causam tuā dominus prosperā facere sua pietate dignetur. Et ille, Faciam, inquit, quęcunque mandaueris. Hęc eo dicente, vale dicens, Aredius discessit. Et ad Chlodoueam regem abiēs, ait, Ecce ego humilis tuus, piissime rex, ad tuam potentiam venio, relinquens illum miserimum Gundobaldum. Quia si me pietas tua recipere dignatur, integrum in me famulum atque fidelem, & tu & posterī tui habebitis. Quem ille promptissime colligēs, secum retinuit: erat enim iocundus in fabulis, strenuus in consiliis, iustus in iudiciis, & in commisso fidelis. Denique Chlodoueo cum omni exercitu circa muros vrbis residente, ait Aredius, Si dignanter, ô rex, gloria celi-

tudinis tuæ paucos humilitatis meæ sermones velit accipere , consilio licet non egeatis, tamen fide integra ministrabo : idemque vel tibi cōgruum, vel ciuitatibus erit per quas transire deliberas. Cur, inquit, retines exercitum, cū loco firmissimo tuus resideat inimicus? Depopularis agros, prata depascis, vineas dissipas, oliueta succidis, omnēque regionis fructus euertis : interim & illi nocere nō preuales . Mitte potius legationem, & tributum quod tibi annis singulis dissoluat, impone, vt & regio salua sit, & tu tributa dissoluenti perpetuo domineris. quod si noluerit, tunc quod libuerit facies . Quo consilio rex accepto, hostem patriæ redire iubet ad propria. Tūc missa legatione ad Gundobaldum, vt ei per singulos annos tributa imposita reddere debeat, iubet. At ille & de præsentī soluit, & deinceps soluturum esse se promittit.

33 POST hæc resumptis viribus, iam despicens regi Chlodoueo tributa promissa dissolueret, contra Godegisilum fratrem suum exercitum commouit, eūque apud Viennam ciuitatem inclusum obsedit. Verū vbi minori populo alimenta deficere cœperunt, timēs Godegisilus, ne ad se vsque fames extendere-  
 tur, iussit expelli minores populi ab vrbe. Quo factō expulsus est inter cæteros artifex ille ab vrbe, cui de aquæ ductu cura manebat. Ille verò indignans, quod fuerat eiectus ab vrbe cū

cæteris, ad Gundobaldum furibundus vadit, indicans qualiter ciuitatem inrumpēs, vltionem exerceret in fratrem. Illo quoque duce exercitu per aquæductum directo, multis cum ferreis vectibus præcedentibus (erat autem spiraculum illius lapide magno conclusum) quo cum vectibus illis per magisterium artificis repulso, ciuitatem introeunt: illisque de muro sagittantibus, hi terga premunt. Dato autem de medio ciuitatis sono buccinæ, obsidentes portas capiunt, apertisque pariter ingrediuntur. Cùmque inter duas has acies populus vrbis ab vtroq; exercitu cæderetur, Godegisilus ad ecclesiã hæreticorum confugit, ibique cum episcopo Arriano interfectus est. Denique Franci qui apud Godegisilum erant, in vnã se turrim congregant. Gundobaldus autem iussit, ne vni quidem ex ipsis aliquid noceretur: sed adprehensos eos Tholosæ in exilium ad Alaricum regem transmisit, interfectis senatoribus Burgundionibusq; qui Godegisilo consenserant. Ipse verò regionem omnẽ quæ nunc Burgúdia dicitur, in suo dominio restaurauit. Burgundionibus leges mitiores instituit, ne Romanos opprimeret.

34 C V M autem cognouisset assertions hæreticorum nihil esse, à sancto Auito episcopo Viennesi, Christum filium dei & spiritum sanctum equalẽ patri confessus, clam vt christianaretur expetiit. Cui ait sacerdos, Si verè cre

dis quod nos ipse dominus edocuit, exque-  
 re. Ait autem, Si quis me confessus fuerit co-  
 ram hominibus, cōfitebor & ego eum corā pa-  
 tre meo qui est in cælis. qui autē negauerit me  
 corā hominibus, negabo & ego eū coram pa-  
 tre meo qui est in in cælis. Sic & ipsos sanctos  
 ac dilectos suos beatos apostolos cū de futu-  
 ræ persecutionis tentationibus doceret, insi-  
 nuauit, dicēs: Adtēdite vobis ab hominibus,  
 tradent enim vos in conciliis & in synagogis  
 suis flagellabunt vos, & ante reges & p̄sides  
 stabitis propter me in testimonium illis & gē-  
 tibus. Tu verò cū sis rex, & à nullo adpre-  
 hendi formides, seditionem pauescis populi,  
 ne creatorem omnium in publico fatearis. Re-  
 linque hanc stultitiam, & quod corde te dicis  
 credere, ore profer in plebe. Sic etenim & bea-  
 tus apostolus ait: Corde creditur ad iustitiam,  
 ore autē confessio fit ad salutem. Sic & pro-  
 pheta ait: Confitebor tibi domine in ecclesia  
 magna, in populo graui laudabo te. Et iterū:  
 Confitebor tibi in populis domine, psalmum  
 dicam nomini tuo inter gentes. Metuens e-  
 nim populum, ô rex, ignoras quia fatius est vt  
 populus sequatur fidem tuam, quàm tu infir-  
 mitati faueas populari. Tu enim es caput po-  
 puli, non populus caput tuum. Si enim ad bel-  
 lum proficiscaris, tu p̄cedis cateruas hostiū,  
 & illę quo abieris, subsequuntur. Vnde melius  
 est, vt te p̄cedente cognoscant veritatem,

quàm te pereunte permaneāt in errore. Nam deus non irridetur: nec enim diligit illum, qui propter terrenum regnum, eum non cōfiteretur in seculo. Ista ille ratione confusus, vsque ad exitum vitæ suæ in hac insania perduravit, nec publicè æqualitatem Trinitatis voluit confiteri. Magnæ enim facundiæ erat tūc temporis beatus Auitus. nāq; insurgente hæresi apud vrbem Constantinopolitanam, tam illa quam Eutyches, quàm illa quam Sabellius docuit, id est nihil diuinitatis habuisse dominum nostrum Iesum Christum: rogante Gundobaldo rege, ipse contra eas scripsit. Exrant exinde nunc apud nos epistolæ admirabiles, quæ sicut tunc hæresin oppresserunt, ita nunc Ecclesiam dei ædificant. Scripsit enim Homiliarum librū vnum, de Mundi principio, & de diuersis aliis conditionibus libros sex versu compaginos: Epistolarum libros nouem, inter quas supradictæ continentur epistolæ: referēs in quadā homilia quā de Rogationibus scripsit, has ipsas Rogationes quas ante Ascensionis dominicæ triumphum celebramus, à Mamerto ipsius Viennensis vrbis episcopo, cui & hic eo tempore præerat, institutas fuisse, dū vrbs illa multis terretur prodigiis. Nam terræ motu frequenter quatiebatur: sed & ceruorum atque luporum feritas, portas ingressa, per totam vt scripsit, vrbem, nihil metuens oberrabat. Cūmq; hæc per an-

ni circum gereretur, aduenientibus Paschalis solennitatis diebus, expectabat misericordiam dei plebs tota deuotè, vt vel hic magnæ solennitatis dies huic terrori terminum daret. Sed in ipsa gloriosæ noctis vigilia, dum Misfarum celebrarentur solènia, subito palatium regale intramuraneum diuino igne succenditur, pauore omnibus perterritis, & Ecclesiam egressis, credentibus, ne aut hoc incèdio vrbs tota cõsumeretur, aut certè disrupa telure debisceret, sanctus sacerdos prostratus ante altare, cum gemitu & lachrymis, domini misericordiam imprecatur. Quid plura? penetrauit excelsa poli oratio pontificis inclyti, restinxitque domus incèdium flumen fluentium lachrymarum. Cùmque hæc agerentur, adpropinquante Ascensione, vt iam diximus, maiestatis dominicæ indixit populis ieiuniũ, instituit orandi modũ, edèdi seriè, erogandi hilarè dispensationẽ. Cessantib⁹ quoque exinde terroribus, per cūctas prouincias dispersa facti fama, cunctos sacerdotes imitari cõmonuit quod sacerdos fecit ex fide: quæ vsq; nunc in Christi nomine, per omnes Ecclesias in compunctione cordis & cõtritione spiritus celebratur.

35 I G I T V R Alaricus rex Gothorum, cùm videret Chlodoueũ regẽ gentes assiduè debellare, legatos ad eum dirigit, dicens: Si frater meus velit, infederat animo vt nos deo propitio pariter videremus. Quod Chlodoueus

non respuens, ad eum venit. Coniunctique in insula Ligeris quæ erat iuxta vicum Ambaciensem territorij vrbis Turonicæ, simul locuti, comedentes pariter ac bibentes, promissa sibi amicitia pacifici discesserunt.

15 **MULTI** iam tunc ex Gallis habere Fracos dominos, summo desiderio cupiebant. Vnde factum est, vt Quintianus Rutenorum episcopus, per hoc odium ab vrbe depelleretur. dicebant enim ei: Quia desiderium tuum est, vt Fracorum dominatio possideat terram hanc. Post dies autem paucos, orto inter eum & ciues scandalo, Gothos qui in hac vrbe morabantur, suspicio attigit exprobrantibus ciuibus, quòd velit se Fracorum ditionibus subiugare. consilioque accepto, cogitauerunt eum perfodere gladio. Quod cum viro dei nunciatum fuisset, de nocte consurgens cum fidelissimis ministris suis, ab vrbe Rutena egredens, Aruernos aduenit. Ibique à sancto Eufrafio episcopo, qui quondam Aprunculo Diuionensi successerat, benignè susceptus est, largitisq; ei tam domibus quàm agris & vineis, secum retinuit, dicens, Sufficit huius facultas Ecclesiæ vt vtrunque sustineat: tantum charitas quam beatus apostolus prædicat, permaneat inter sacerdotes dei. Sed & Lugdunensis episcopus largitus est ei aliqua possessionis Ecclesiæ suæ quam in Aruernis habebat. Reliqua verò de sancto Quintiano tam insidiæ

quas pertulit, quàm illa quæ per eum dominus operari dignatus est, scripta sunt in libro vitæ eius.

- 37 **IGITVR** Chlodoueus rex ait suis: Valde molestè fero, quòd hi Arriani partè teneant Galliarum. Eamus cū dei adiutorio, & superatis redigamus terram in ditionem nostram. Cūque placuisset omnibus hic sermo, commoto exercitu Pictauos dirigit. ibi tunc Alaricus commorabatur. Sed quoniam pars hostium per territorium Turonicum transibat, pro reuerentia beati Martini dedit edictum, vt nullus de regione illa aliud quàm herbarū alimenta aquamq; præsumeret. Quidam autem de exercitu, inuento cuiusdam pauperis fœno, ait, Nōne rex herbam tantum præsumi mandauit? & nihil aliud. & hoc, inquit, herba est. Non enim erimus transgressores præcepti eius, si eam præsumimus. Cūque vim faciens pauperi, fœnum vi abstulisset, factum peruenit ad regem: quo dicto citius gladio perempto ait, Et vbi erit spes victoriæ, si beatus Martinus offenditur? satisque fuit exercitui, nihil vltèrius ab hac regione præsumere. Ipse verò rex direxit nuncios ad beatam basilicam, dicens, Ite & forsitan aliquod victoriæ auspiciū ab æde sancta suscipietis. Tunc datis muneribus, quæ loco sancto exhiberent, ait, Si tu domine adiutor mihi es, & gentem hanc incredulam, sempèrque æmu-

lam tibi, meis manibus tradere decreuisti, in  
 ingressu basilicæ sancti Martini dignare propi-  
 titius reuelare, vt cognoscam, quia propitius  
 dignaberis esse famulo tuo. Maturantibus au-  
 tem pueris, & ad locum accedentibus, iuxta  
 imperium regis, dum sanctam ingrederentur  
 basilicam, hanc Antiphonam ex improuiso  
 " primicerius qui erat, incepit: Præcinxisti me  
 " domine virtute ad bellū: supplātaſti inſurgē-  
 " tes in me ſubtus me, & inimicorū meorū de-  
 " diſti mihi dorſum, & odiētes me diſperdidiſti.  
 " Quod ſatellites audientes, & domino gratias  
 agētes, & vota beato confessorī promittētes,  
 læti nunciauerunt regi. Porrò ille cūm ad flu-  
 uium Vigennam cum exercitu aduenisset, per  
quem locum transire deberet, penitus igno-  
rabat. intumuerat enim ab inundatione plu-  
 uiarum. Cūmque illa nocte dominum depre-  
 catus fuisset, vt ei vadum quo transire possit  
 dignaretur ostendere, Imane factō cerua mi-  
ræ magnitudinis ante eos nutu dei, flumen  
ingreditur. illaque vadante, populus quo trās-  
 ire possit, agnouit. Veniente autem rege, apud  
 Pictauos, dum eminus in tentoriis commora-  
 retur, Pharus ignea de basilica sancti Hilarij  
 egressa, visa est ei tanquam super se aduenire,  
 scilicet vt lumine beati confessoris adiutus Hi-  
 larij, liberius hæreticas acies, contra quas sæ-  
 pe idem sacerdos pro fide conflixerat, debel-  
 laret. Contestatus est autem omni exercitui,

vt nec ibi quidē aut in via aliquid spoliarent,  
 aut res cuiusqua diriperent. Erat in his diebus  
 vir laudabilis sanctitatis, Maxētijs, abbas re-  
 clausus in monasterio suo ob dei timorem, in-  
 tra terminum Pictauēsem. Cuius monasterij  
 nomen lectioni non indidimus, quia locus il-  
 le vsque hodie cellula sancti Maxentij voca-  
 tur. Cuius monachi cum hostium cuneum  
 vnum ad monasterium cernerēt propinqua-  
 re, abbatem exorant, vt de cellula sua egrede-  
 retur ad consulendum eis. Illóque demoran-  
 te, hi timore percussi, eum aperto ostio produ-  
 cunt de cellula sua. At ille in occursum ho-  
 stium, quasi pacem rogaturus, pergunt intrep-  
 idus. Vnus autem ex his euaginato gladio, vt  
 caput eius libraret, manus ad aurem erecta, di-  
 rigit, gladiúsque retrosum ruit. At ipse ad pe-  
 des beati viri veniam deposcens, sternitur.  
 Quod videntes reliqui, cum timore maximo  
 ad exercitum redierunt, timentes ne & ipsi  
 pariter interirent. Huius verò brachium, bea-  
 tus confessor cum oleo benedicto contrectās,  
 imposito signo crucis, restituit sanum. Eiúsque  
 obtentu monasterium permansit inlæsū.  
 Multasque & alias virtutes operatus est, quas  
 si quis diligenter inquireret, librum vitæ illius  
 legens, cuncta reperiet. Interea Chlodoueus  
 rex cum Alarico rege Gothorum in campo  
 Vocladense, decimo ab vrbe Pictaua miliario  
 conuenit: & confligentibus his eminus resi-

stunt, comminus illi. Cúmque secundum consuetudinem Gothi terga vertissent, ipse rex Chlodoueus victoriam, domino adiuuante, obtinuit. Habebat autem in adiutorium suum filiú Sygiberti Claudi, nomine Chlodericú. Hic Sygibertus pugnans contra Alamannos apud Tulbiacense oppidum, percussus in geniculo, claudicabat. Porrò rex cum fugatis Gothis Alaricum regem interfecisset, duo ex aduerso subitò aduenientes, cum contis vtraque ei latera feriunt. Sed auxilio tam lorice quàm velocis equi, ne periret, exemptus est. Maximus ibi tunc Aruernorum populus, qui cum Apollinare venerat, & primi qui erant ex senatorib<sup>9</sup>, conruerunt. De hac pugna Amalaricus filius Alarici in Hispaniam fugit, regnùmque patris sagaciter occupauit. Chlodoueus verò filium suum Theodoricum per Albigensem ac Rutenam ciuitatem ad Aruernos dirigit. Qui abiens, vrbes illas à finibus Gothorum vsque Burgundionum terminum, patris sui ditionibus subiugauit. Regnauit autem Alaricus vigintiduos annos. Chlodoueus verò apud Burdegalensem urbem, hyemem agens, cunctos thesauros Alarici à Tholosa auferens, Engolismã venit. Cui dominus tantam gratiam tribuit, vt in eius contemplatione muri sponte conruerét. Tunc exclusis Gothis urbem suo domino subiugauit. Patrata post hæc victoria, Turonos regressus est, mul-

molitur occidere. Cúmque ille egressus de Colonia ciuitate, transacto Rheno, per Burconiam siluam ambulare disponderet, meridie in tentorio suo obdormiens, immixtis super eum filius percussoribus, eum ibidem interfecit, tanquam regnum illius possessurus. Sed iudicio dei in foueam quam patri hostiliter fodit, incidit. Misit igitur nuncios ad Chlodoueam regem, de patris obitu nuntiâtes atque dicentes: Pater meus mortuus est, & ego thesauros cum regno eius penes me habeo. Dirige tuos ad me, & ea quae tibi de thesauris illius placent, bona voluntate transmittam. Et ille, Gratias, inquit, tuae voluntati ago, & rogo ut venientibus nostris patefacias, cuncta ipse deinceps possessurus: quibus venientibus iste patris thesauros pandit. Qui dum diuersa respicerent, ait, In hanc arcellulam solitus erat pater meus numismata auri cogerere. Immitte, inquiunt illi, manum tuam usque ad fundum, ut cuncta reperiatis. Quod cum fecisset, & esset valde declinus, vnus eleuata manu bipennem cerebro eius inlisset: & sic quae in patrem egerat indignus incurrit. Quod audiens Chlodoueus, quod scilicet interfectus esset Sygibertus, & filius eius, in eundem locum adueniens, conuocat omnem populum illum, dicens: Audite quid contigerit. dum ego, inquit, per Scaldem fluuium nauigarem, Chlodericus filius parentis mei, patrem suum insequeretur, verbo ferens, quod

ego eum interficere velim. Cúmque ille per Burconiam siluam fugeret, immisiss super eú latrúculis, morti tradidit & occidit. Ipse quoque dum thesauros eius aperit, à nescio quo percussus interiit. Sed in his ego nequaquam conscius sum. Nec enim possum sanguinem parentum meorum effundere: quod fieri nefas est. Sed quia hæc euenerunt, consilium vobis præbeo, si videtur acceptum, conuertimini ad me, vt sub mea sitis defensione. At illi ista audientes, plaudentes tam palmis quàm vocibus, eum clipeo euectum super se regem constituunt. Regnùmq; Sygiberti acceptum cum thesauris, ipsos quoque suæ ditioni adsciuit. Prosternebat enim quotidie deus hostes eius sub manu ipsius, & augebat regnùm eius, eo quòd ambularet recto corde coram eo, & faceret quæ placita erant in oculis eius.

41 **P**O**S**T hæc ad Chararicum regē dirigit. Quando autem cum Syagrio pugnavit, hic Chararicus euocatus ad auxilium Chlodouei eminus stetit, neutram adiuuans partem, sed euentum rei expectans, vt cui eueniret victoria, cum illo & hic amicitiam conligaret. Ob hanc causam contra eum indignans Chlodoueus abiit, quem circumuentum dolis cepit cum filio, vinctósque totondit, & Chararicum quidem presbyterum, filium verò eius diaconum ordinari iubet. Cúmque Chararicus de humilitate sua conquereretur & fletet,

filius eius dixisse fertur: In viridi, inquit, ligno hæ frondes succisæ sunt, nec omnino arefcunt, sed velociter emergent vt crescere queant: vtinam tam velociter qui hæc fecit, intereat. Quod verbum sonuit in aures Chlodouei, quod scilicet minarentur sibi cæsariem ad crescendo laxare, ipsúmque interficere. At ille iussit eos pariter capite plecti. Quibus mortuis, regnum eorum cum thesauris & populis acquisiuit.

42 ERAT autem tunc Ragnacharius rex apud Camaracum, tam effrenis in luxuria, vt vix vel propinquis quidem parentibus indulgeret. Is habebat Farronem consiliarium simili spurcitia lutulentum: de quo fertur, cum aliquid aut cibi aut muneris vel cuiuslibet rei Regi allatum fuisset, dicere solitum: Hoc sibi suoque Farroni sufficere: pro qua re Franci maxima indignatione tuebant. Vnde factum est, vt datis aureis siue armillis vel baltheis Chlodoueus (sed totum adsimilatum auro: erat enim æreum deauratum sub dolo factum) hæc dedit proditoribus eius, vt super eum inimicaretur. Porro cum exercitum contra eum commouisset, & ille speculatores plerunque ad cognoscendum transmitteret, reuersis nunciis interrogat, Quam valida hæc manus foret. Qui responderunt, Tibi tuoque Farroni maximum est supplementum. Veniens autem Chlodoueus, bellum contra eum instruit. At

ille deuictum cernens exercitum suum, fuga  
 labi parat, sed ab exercitu comprehensus, ac  
 ligatis post tergum manibus in conspectu Chlo-  
 douei vnà cum Richario fratre suo perducit-  
 tur. Cui ille, Cur, inquit, humiliasti genus no-  
 strum, vt te vinciri permitteres? Melius enim  
 tibi fuerat mori. & eleuatam securim capiti  
 eius defixit. Conuersusque ad fratrem eius,  
 ait, Si tu auxilium fratri tribuisses, alligatus  
 vtique non fuisset. similiter & hunc securi per-  
 cussus interfecit. Post quorum mortem, co-  
 gnoscunt proditores eorum, aurum quod à  
 rege acceperant esse adulterum. Quod cum  
 regi dixissent, ille respondisse fertur, Meritò,  
 inquit, tale aurum accipit, qui dominum suum  
 ad mortem propria voluntate deducit. Hoc  
 illis quòd viuerent debere sufficere, ne malè  
 prodicionem dominorum suorum luituri, in-  
 ter tormenta deficerent. Quod illi audientes,  
 optabant gratiam adipisci, illud sibi adscen-  
 tes sufficere si viuere mererentur. Fuerunt au-  
 tem supradicti reges propinqui huius. Quo-  
 rum frater Rignomeris nomine apud Ceno-  
 mannam ciuitatem, ex iussu Chlodouei in-  
 terfectus est. Quibus mortuis, omne regnum  
 eorum & thesauros Chlodoueus accepit. In-  
 terfectisq; & aliis multis regibus vel parenti-  
 bus suis primis, de quibus zelum habebat, ne  
 ei regnum auferrent, regnum suum per totas  
 Gallias dilatauit. Tamen cõgregatis suis, qua-  
 dam

dam vice dixisse fertur de parētibus quos ipse perdiderat : Væ mihi , qui tanquam peregrinus inter extraneos remansi, & non habeo de parentibus qui mihi si venerit aduersitas, possit aliquid adiuuare. Sed hoc non de morte horum condolens, sed dolo dicebat, si fortè potuisset adhuc aliquem reperire, vt interficeret.

43 HIS ita transactis, apud Parisios obiit: sepultusq; in basilica sanctorum apostolorum, quam cum Chrothilde regina ipse construxerat. Migravit autem post Vocladense bellum anno quinto. Fueruntque omnes dies regni eius, triginta anni. Ætas tota, quadragintaquinque anni. A transitu ergo sancti Martini, vsque ad transitum Chlodouei regis, qui fuit vndecimus annus episcopatus Lycinij Turonici sacerdotis, supputatur anni cxij. Chrothildis autem regina, post mortē viri sui Turonos venit: ibique ad basilicam sancti Martini deseruiens, cum summa pudicitia atque benignitate in hoc loco commorata est omnibus diebus vitæ suæ, rarò Parisios visitans.

H

GREGORII TVRO-  
 NENSIS HISTORIARVM  
 Liber tertius.



Elim si placet, parumper conferre quæ Christianis beatam confitētibus Trinitatem prospera successerint, & quæ hæreticis eandem scindētibus fuerint in ruinam. Omittamus autem qualiter illam Abraham veneratur ad ilicem, Iacob prædicat in benedictione, Moyse cognoscit in sente, populus sequitur in nube, eandemque pauescit in monte: vel qualiter eam Aaron portat in logio, aut Dauid vaticinatur in psalmo, orans innouari se per spiritum rectum, nec sibi auferri spiritum sanctum, atq; se confirmari per spiritum principalem. magnum & ego hîc cerno mysterium, quòd scilicet quæ hæretici minorem adserunt, principalem vox prophetica nunciavit. Sed his, vt diximus, omissis, ad nostra tempora reuertamur. Arius enim, qui huius iniquæ sectæ primus iniquúsque inuētor fuit, interioribus in secessum depositis, infernalibus ignibus subditur. Hilarius verò beatus indiuiduæ trinitatis defensor, propter hanc in exilium deditus, & patriæ & paradiso restau-

ratur. Hanc Chlodoueus rex confessus, ipsos hæreticos adiutorio eius oppressit, regnũ que suum per totas Gallias dilatauit: Alaricus hanc denegans, à regno & populo, atque ab ipsa, quod maius est, vita multatur æterna. Dominus autem se verè credentibuse, tsi insidiante inimico aliqua perdant, híc centuplicata restituit: hæretici verò, nec adquirunt, sed quod videntur habere, aufertur ab eis. Probauit hoc Godegisili, Gundobaldi, atque Godomari interitus, qui & patriam simul & animas perdiderunt. Nos verò vnum atq; inuisibilem, immensum, incomprehensibilem, inclytum, perennem, atque perpetuum dominũ cõfitemur, vnum in trinitate propter personarum numerum, id est patris & filij & spiritus sancti: confitemur & trinum in vnitatem, propter æqualitatem substantiæ, deitatis, omnipotentia, vel virtutis, qui est vnus summus atq; omnipotens deus in sempiterna secula regnans.

I DEFVNCTO igitur Chlodoueo rege, quatuor filij eius, id est Theodoricus, Chlodomeris, Childebertus, atq; Chlotharius, regnũ eius accipiunt, & inter se æqua lance diuidũt. habebat iam tunc Theodoricus filium nomine Theodobertum, elegantem atque vtilem. Cũque magna virtute pollerent, & eis de exercitu robur copiosum inesset, Aimalaticus filius Alarici, rex Hispania, sororem eorum

in matrimoniū postulat : quod illi clementer indulgent, & eam ipsi in regionem Hispaniæ cum magnorum ornamentorum mole transmittunt.

- 2 LYCINIO autē vrbis Turonicę defuncto episcopo, Dinisus cathedrā pontificalem ascendit. Apud Aruernos verò post obitū beati Aprunculi, sanctus Eufrasius duodecimus episcopus habebatur. Hic quatuor annos post Chlodouei obitum vixit, vicesimo quinto episcopatus sui anno transiens. Cūque populus sanctum Quintianum, qui de Ruteno eiectus fuerat, elegisset, Alchima & Placidina vxor, sororque Apollinaris, ad sanctum Quintianum venientes, dicunt : Sufficiat domine sancte senectuti tuæ, quòd es episcopus ordinatus : permittat, inquit, pietas tua seruo tuo Apollinari locum huius honoris adipisci. Ille verò cū ad hunc apicem ascenderit, sicut tibi placitum fuerit, obsequetur : tu quoque imperabis, & ille tuæ parebit in omnibus iussioni : tantum vt humili suggestioni nostræ aurem tuæ benignitatis accommodes. Quibus ille, Quid ego, inquit, præstabo, cuius potestati nihil est subditum ? sufficit enim vt orationi vacans, quotidianū mihi victum præstet Ecclesia. Illæ autem hæc audientes, Apollinarem ad regem dirigunt. Qui abiens oblati multis muneribus, in episcopatu successit, quo quatuor abutens mensibus, migravit à se-

culo. Cùm autem hæc Theodorico nunciata fuissent, iussit inibi sanctum Quintianum cõstitui, & omnem ei potestatem tradi Ecclesię, dicens, Hic ob nostri amoris zelum ab vrbe sua eiectus est. Et statim directi nuncij, conuocatis pontificibus & populo, eum in cathedram Aruernę ecclesię locauerunt, qui quartusdecimus illi Ecclesię præpositus est. Reliqua verò quę gessit, tam virtutes quàm tempus migrationis eius, scripta sunt in libro quẽ de eius vita composuimus.

3 HIS ita gestis, Dani cum rege suo nomine Chochilaicho, euecti nauali per mare Gallias appetunt. Egressique ad terras, pagum vnum de regno Theodorici deuastant atque captiuant: oneratisque nauibus tam de captiuis quàm de reliquis spoliis, reuerti ad patriam cupiunt. Sed rex eorum in litus residebat, donec naues altum mare comprehenderent, ipse deinceps secuturus. Quod cum Theodorico nunciatum fuisset, quòd scilicet regio eius fuerit ab extraneis deuastata, Theodobertum filium suum in illas partes cum valido exercitu ac magno armorum apparatu direxit. Qui interfecto rege, hostes nauali prælio superatos opprimit, omnemque rapinam terrę restituit.

4 PORRO tunc apud Thoringos, tres fratres regnum gentis illius retinebant: id est Badericus, Herminfredus, atq; Bertharius.

Deniq; Herminefredus Bertharium fratrem suum vi opprimens, interfecit. Is moriens Ra degundem filiam orphanam dereliquit: reliquit autē & alios filios, de quibus in sequētib; scribem<sup>o</sup>. Herminefredi verò vxor iniqua atque crudelis, Amalberga nomine, inter hos fratres bellum ciuile disseminat. Nam veniēs quadam die ad conuiuium vir eius, mensam mediam opertam reperit. Cúmque vxorem quid sibi hoc velit interrogaret, respondit: Qui, inquit, à medio regno spoliatur, decet eū mensæ medium habere nudatum. Talibus & his similibus ille permotus, cōtra fratrem insurgit, ac per occultos nūcios Theodoricum regem ad eum persecūdum inuitat, dicens, Si hunc interficis, regionē hāc pari sorte diuidemus. Ille autem gauisus hęc audiens, cum exercitu ad eum dirigit. Coniunctique simul fidem sibi inuicem dantes, egressi sunt ad bellum. Confligentésque cum Baderico, exercitum eius adterunt, ipsūmq; obruncant gladio: & obtēta victoria, Theodoricus ad propria est reuersus. Protinus Herminefredus oblitus fidei suæ, quod regi Theodorico indulgere pollicitus est, implere despexit, ortaque est inter eos grandis inimicitia.

IGITVR mortuo Gundobaldo, regnum eius Sygimundus filius eius obtinuit, monasteriūque Agaunense solerti cura cum domibus basilicisq; ædificauit: qui perdita prio-

ri coniuge filia Theodorici regis Italici, de qua filium habebat nomine Sygircum, aliam duxit vxorem: quæ validè contra filium eius, sicut nouercarum mos est, malignari ac scandalizare cœpit. Vnde factum est, vt vna solennitatum die, cùm puer super eam vestimenta matris agnosceret, commotus felle diceret ad eam: Non enim eras digna, vt hæc indumenta tua terga contingerent, quæ dominæ tuæ, id est matris meæ fuisse noscuntur. At illa furore succensa, instigat verbis dolosis virum suum, dicens: Hic iniquus regnum tuum possidere desiderat, teque interfecto, id vsq; Italiam dilatare disponit, scilicet vt regnū quod auus eius Theodoricus Italiæ tenuit, & iste possideat. Scit enim quòd te viuente hæc non potest adimplere, & nisi tu cadas, ille nõ get. His & huiuscemodi ille incitatus ve vxoris iniquæ consilio vtens, iniquus ex parricida. nam sopitū vino dormire post meridiem filium iubet: cui dormienti, lorum sub collo positum, ac sub mento ligatum, trahentibus ad se inuicem duobus pueris, suffocatus est. Quo facto pater sero iam pœnitens, super cadauer exanime ruens, flere cœpit amarissime. Ad quem senex quidam sic dixisse fertur: Te, inquit, plange amodo qui per consilium nequam factus es parricida sæuissimus. nam hunc qui innocens iugulatus est, necessarium non est plangi. Nihilominus ille ad sanctos

Agaunenses abiens, per multos dies in fletu & ieiuniis durans, veniam precabatur, psallētium ibi assiduum instituēs. Lugduno regressus est, vltione diuina de vestigio eum prosequente. Huius filiam rex Theodoricus accepit.

- 6 CHROTHILDIS verò regina Chlodomerem, & reliquos filios suos alloquitur, dicens: Non me pœniteat, charissimi, vos dulciter enutrisse: indignamini, quæso, iniuriam meam, & patris matrísque meæ mortem sagaci studio vindicate. Hæc illi audiētes, Burgundias petunt, & contra Sygimundum & fratrem eius Godomarum dirigunt: deuictoque exercitu eorum, Godomarus, terga vertit. Sygimundus verò dum ad saltus Agaunos fugere nititur, à Chlodomere captus cum vxore & filiis captiuus abducitur, atque intra terminum Aurelianēsis vrbis in custodia positus, detineretur. Discedentibusq; his regibus, Godomarus resumptis viribus, Burgūdiones colligit, regnūmq; recipit. Cōtra quem Chlodomeris iterum ire disponens, Sygimundum interficere destinavit: cui à beato Auito abbate Nutiacensī magno tunc temporis sacerdote, dictum est: Si, inquit, respiciens deū, emendaueris consilium tuum, vt hos homines interfici non patiaris, erit deus tecum: & abiens victoriam obtinebis: si verò eos occideris, tu ipse in manus inimicorū traditus,

simili fortè peribis : fiétque tibi vxoríque & filiis tuis, quod feceris Sygimundo & coniugi ab liberis eius. Sed ille auscultare despiciés consilium eius, ait , Stultum enim consilium esse puto, vt inimicis domi relictis, contra reliquos eam : eísque à tergo , hoc à fronte surgente, inter duos hostium cuneos ruam. satius enim & facilius víctoria patrabitur, si vnus ab alio separetur . Quo interfecto, facílè & alius morti poterit destinari . Statímq; interfecto Sygimundo cum vxore & filiis, apud Columnam Aurelianēsis vrbis vicum, in puteum iactari præcipiens , Burgundias petiit , vocans in suppetias Theodoricum regem. Ille autem iniuriam sóceri sui vindicare volens, ire promisit. Cúm; pariter apud Visorontiam locú vrbis Viennensis coniuncti fuissent, cum Godomaro conflagunt. Cúm; Godomarus cum exercitu terga vertisset, & Chlodomeris insequeretur, ac de suis non modico spacio elongatus esset, adsimilantes illi signum eius, dant ad eum voces dicentes : Huc huc conuertere, tui enim sumus. At ille credens, abiit, inruit que in medium inimicorú suorum: cuius amputatum caput, & conto defixum, eleuant in sublime: quod Franci cernētes, atque cognoscentes Chlodomerem interfectum, reparatis viribus Godomarum fugant , Burgundiones opprimunt, patriámque in suam redigunt potestatem . Nec moratus Chlotharius, vxorem

germani sui Guntheucam nomine, sibi in matrimonio sociavit: filios quoque eius Chrothildis regina, exactis diebus luctus, secū recepit ac tenuit: quorū vnus Theodoualdus, alter Gūtharius, tertius Chlodoualdus vocabatur: Godomarus iterum regnum recepit.

- 7 POST Theodoricus non immemor perijurij Herminefredi regis Thoringorū, Chlotharium fratrem suum in solatium suū euocat, & aduersum eum ire disponit, promittens regi Chlothario partē prædæ, si eis munus victoriæ diuinitus cōferretur. Cōuocatis igitur Frācis, dicit ad eos, Indignamini quæso tam meā iniuriam, quā interitū parentū vestrorum, ac recolite Thoringos quondam super parentes nostros violenter aduenisse, ac multa illis intulisse mala. Qui datis obsidibus, pacem cū his inire voluerūt: sed illi obsides ipsos diuersis mortibus peremerunt: & inruentes super parentes nostros, omnē substantiam abstulerunt, pueros per neruum fœmoris ad arbores appēdentes, puellas amplius ducetas crudeli nece interfecerūt: ita vt ligatis brachiis super equorū ceruicibus, ipsiq; acerrimo moti stimulo, per diuersa petētes, diuersas in partes fœminas diuiserūt. Aliis verò super orbitas viarū extensis, sudibúsq; in terrā confixis, plaustra desuper onerata trāsire fecerunt, cōfractisq; ossibus, canibus auibúsq; eas in cibaria dederunt. Nunc autē Herminefredus, quod mihi

pollicitus est sefellit, & omnino hæc adimplere dissimulat: ecce verbū directum habemus: Eamus cū dei adiutorio contra eos. Quod illi audientes, & de tāto scelere indignantes, vno animo eadēmq; sentētia, Thoringiam petierunt. Theodoricus autē Chlotharium fratrem suum, & Theodobertū filium in solatium adsumēs, cū exercitu abiit. Thoringi verò venientibus Frācis dolos præparant: in cāpo enim in quo certamē agi debebat, fossas effodiūt: quarū ora operta densō cespite, planū adsimulāt campū. In hæc ergo foveas cū pugnare cœpissent, multi Francorum equites cōruerunt. Et fuit eis valde impedimentū: sed post cognitū hunc dolū obseruare cœperunt. Deniq; cū se Thoringi cædi vehemēter viderent, fugato præ timore Herminefredo rege ipsorū, terga vertunt, & ad Onestrudē fluuium vsq; perueniunt. Ibīq; tanta cædes ex Thoringis facta est, vt alueus fluminis congerie cadauerū repletur: & Franci tanquā per pontē aliquem super ea in litus vltius transirēt. Patrata ergo victoria, regionem illam capessunt, & in suam redigunt potestatem. Chlotharius verò rediens, Radegundē filiam Bertharii regis secū captiuā abduxit, sibīq; eam in matrimoniū sociavit. Cuius fratrem postea iniustè per homines iniquos occidit. Illa quoq; ad deum cōuersa, mutataveste monasteriū sibi intra Pictauēsem urbē construxit, quæ orationibus, ieiuniis

atq; eleemosynis prædita in tantum emicuit, ut magna in populis haberetur. Cùm autem adhuc supradicti reges in Thoringia essent, Theodoricus Chlotharium fratrem suum occidere voluit. Et præparatis occultè cum armis viris, eum ad se vocat quasi secretius cum eo aliquid tractaturus, expansioque in parte domus illius tentorio, de vno pariete in alterum, armatos post eum stare iubet. Cùmque tentorium illud esset breuius, pedes armatorum apparere detecti. Quod cognoscens Chlotharius, cum suis armatus ingressus est domum. Theodoricus verò intelligens hunc hæc cognovisse, fabulam fingit, & alia ex aliis loquitur. Denique nesciens qualiter dolum suum deliniret, discum ei magnum argenteum pro gratia dedit. Chlotharius verò Vale dicens, & promunere gratias agens, ad metatum regressus est. Theodoricus verò queritur ad suos, nulla extanti causa suum perdidisse catinum: & ad filium suum Theodobertum ait, Vade ad patrem tuum, & roga ut munus quod ei dedi, tibi sua voluntate concedat. Qui abiens, quod petiit impetrauit. in talibus enim dolis Theodoricus multum callidus erat.

8 IDEM verò regressus ad propria, Herminefredum ad se data fide securum venire præcepit, quæ & honorificis ditavit muneribus. Factum est autem dum quadam die, per murum civitatis Tulbiacensis confabularentur, à nescio quo impul

fus de altitudine muri ad terram cōruit, ibiq; spiritum exhalauit. Sed quis eum inde deiecerit, ignoramus: multi tamen adserūt Theodoricum in hoc dolum manifestissimè patuisse.

9 QV' M autē adhuc Theodoricus in Thoringia esset, Aruernis sonuit eum interfectum fuisse. Archadius quoq; vnus ex senatoribus, Aruernis, Childebertum inuitat, vt regionem illam deberet accipere. Ille quoque nec moratus Aruernos adiit, Tantāq; in illa die condensa fuit nebula, vt nihil supra duas iugeri partes discerni possit. Dicere enim erat solitus rex, Velim vnquam Aruernam Lemanam, quæ tantæ iocunditatis gratia refulgere dicitur, oculis cernere. Sed non ei à deo concessum est. Cūque portæ ciuitatis obserratae essent, & vnde ingrederetur peruium patulum non haberet, incisa Archadius sera vnus portæ, eum ciuitati intromisit. Dum hæc agerentur, nunciatur Theodoricum viuum de Thoringia fuisse regressum.

10 QVOD certissimè Childebertus cognoscens, ab Aruernis rediit, in Hispaniam verò propter sororem suam Chrothildem dirigit. Hæc verò multas insidias ab Amalarico viro suo propter fidem catholicam patiebatur. Nā plerunque procedentē illa ad sanctam Ecclesiam, stercorea & diuersos fætores super eam proiici imperauit. Ad extremum autem tanta eam crudelitate dicitur cæcidisse, vt infe-

etum de proprio sanguine sudariū, fratri trāfmitteret: vnde ille maxime commotus, Hispanias appetiit. Amalaricus verò hæc audiens, naues ad fugiendum parat. Porrò imminente Childeberto, cūm Amalaricus nauem deberet ascendere, ei in mentē venit, multitudinē se preciosorum lapidum in suo thesauro reliquisse. Cūmque ad eosdem petendos in ciuitatem regrederetur, ab exercitu à porta exclusus est. Videns autē se nō posse euadere, ad Ecclesiam Christianorum confugere cœpit. Sed priusquā limina sancta cōtingeret, vnus emissa manu lācea eum mortali ictu fauciauit, ibique decedens reddidit spiritum. Tunc Childebertus cum magnis thesauris sororē assumptam secum adducere cupiebat: quæ nescio quo casu in via mortua est, & postea Parisios adlata, iuxta patrē suū Chlodouicum sepulta est. Childebertus verò inter reliquos thesauros ministeria ecclesiarum preciosissima detulit. Nam sexaginta calices, quindecim patenas, vīginti Euāgeliorū capsas detulit, omnia ex auro puro ac gemmis preciosis ornata. sed non est passus ea cōfringi. Cuncta enim Ecclesiis & basilicis sanctorū dispēsauit ac tradidit.

II POST hæc Chlotharius & Childebertus Burgundias petere destinant. Cōuocatūque Theodoricus in auxilium corū ire noluit. Frāci verò qui ad eū aspiciēbāt, dixerunt: Si cum fratribus tuis in Burgundiā ire despexeris, te

relinquimus, & illos satius sequi præoptamus. At ille infideles sibi existimans, ad Aruernos ait, Me sequimini & ego vos inducā in patriā, vbi aurū & argentū accipiatis quātum vestra potest desiderare cupiditas, de qua pecora, de qua mācipia, de qua vestimenta in abundantiam adsumatis: tantū hos ne sequamini: His promissionibus hi inlecti, suam voluntatē facere promittunt. Ille verò illuc trāsire disponit, promittens iterū atq; iterū exercitui cunctam regionis prædam cū hominibus in suas regiones transferri promittere. Chlotharius verò & Childebertus in Burgundiam dirigūt Augusto dunūmq; obsidentes, cunctā fugato Godomaro Burgundiam occupauerunt.

12 THEODORICVS verò cū exercitu in Aruernos veniens, totam regionē deuastat ac proterit. Interea Archadius sceleris illius auctor, cuius ignauia regio deuastata est, Biturigas urbē petiit. Erat autem tunc tēporis urbs illa in regno Childeberti regis. Placidina verò mater eius, & Alchima soror patris eius, cōprehēsa apud Cadurcū urbem, rebus ablatis exilio condemnatae sunt. Rex igitur Theodoricus ad urbē Aruernā vsq; accedēs, in vici illius suburbano castra fixit. Beatus verò Quintianus his diebus erat episcopus. Interea exercitus cunctā circūit miserā regionē illam, cuncta delet, vniuersa debellat. De quibus nonnulli ad basilicā S. Iuliani perueniunt, cōfringunt ostia, seras remouent: resque pauperum

quæ ibidem fuerant adgregatæ diripiunt, & multa in hoc loco perpetrant mala. Veruntamen auctores scelerum à spiritu immundo correpti, infestis dentibus propriis se moribus lacerant, clamantes atque dicentes: Cur nos martyr sancte sic crucias? Sicut in libro virtutū eius conscripsimus.

- 13 LOVOLAVTRVM autem castrum hostes expugnant, Proculūmq; presbyterum qui quondam sancto Quintiano iniuriam intulerat, ad altarium Ecclesiæ miserabiliter interficiūt. Et credo ob illius causam, quòd fuerit ipsum castrum in manibus traditum iniquorum: quod vsque in illa die defensatum est. Nam cum illud hostes expugnare nō possent, & ad propria iam redire disponerēt, audientes hæc obsessi, iam læti atque securi decipiuntur: sicut ait apostolus: Cūm dixerint
- » pax & securitas, tunc repentinus superueniet
  - » interitus: denique per ipsius Proculi presbyteri seruum, iam securi populi traduntur in manus hostium. Cūmq; vastato castello ducerētur captiui, immanis pluuia quæ per triginta dies fuerat abnegata, descendit. Tunc obsessi Meroliacensis castri, ne captiui abducerentur, redemptione data liberantur: sed hæc ignauia eorum effecit: castrum enim propria natura munitum erat. Nam centenorum aut eo amplius pedum ab exciso vallatur lapide, sine murorum structione: in medio autem ingens

gens stagnum aquæ, liquore gratissimum: ab  
 alta verò parte fontes vberissimi, ita vt per por-  
 tam riuus defluat aquæ viuæ. Sed in tam grã-  
 di spacio, munitio ista distenditur, vt manen-  
 tes intra murorum septa, terram excolant, fru-  
 gésque in abundantia colligant. Huius muni-  
 tionis tutamine elati, qui obsessi erant, egres-  
 si foras, vt arrepta aliqua præda, iterum se  
 intra castelli septa reponderent, ab hostibus  
 comprehensi sunt. Erant autem quinquagin-  
 ta viri. Tunc ante ora parentum, vinctis post  
 tergum manibus oblatis, imminente iam gla-  
 dio, adquieuerunt obsessi, ne interficeren-  
 tur, singulos trientes dare in redemptionem  
 suam. Theodoricus autem ab Aruernis disce-  
 dens, Sygiualdum parentem suum, in ea quasi  
 pro custodia dereliquit. Erat autem ibi tunc  
 temporis quidam Lytigijs ex minoribus, qui  
 magnas sancto Quintiano parabat insidias:  
 & cù se sanctus episcopus pedibus eius pro-  
 sternebat, nunquam vt se ei subderet moueba-  
 tur: ita vt & quadam vice vxori quæ sanctus  
 fecerat, pro ridiculo indicaret. Quæ melioris  
 intelligentiæ modo commota, ait: Si ita es ho-  
 die pessundatus, nunquam erigeris. Die autẽ  
 tertia, aduenientes nuncij de præsentia regis  
 vinctum cum vxore ac liberis pariter abduxer-  
 unt. Qui abiens nũquam Aruernum regres-  
 sus est.

14 MVNDERICVS igitur qui se paren-

tem regū adferebat, elatus superbia, ait: Quid mihi & Theodorico regi? Sic enim mihi folium regni debetur, vt illi egrediar & colligā populum meum, atque exigam sacramentum ab eis, vt sciat Theodoricus quia rex sum ego, sicut & ille. Et egressus cœpit seducere populum suum dicens: Princeps ego sum, sequimini me, & erit vobis bene. Sequebatur autē eum rustica multitudo, vt plerunque fragilitati humanæ conuenit, dantes sacramentum fidelitatis, & honorātes eum vt regem. Quod cum Theodoricus comperisset, mandatum mittit ad eum, dicens: Accede ad me, & si tibi aliqua de dominatione regni nostri portio debetur, accipe. Dolose enim hæc Theodoricus dicebat, scilicet vt cū ad eum venisset, interficeretur. Ille verò noluit, dicens, Ite, renunciate regi vestro, quia rex sum sicut & ille. Tunc rex commoueri iussit exercitum, quo oppressus vi puniretur. Quod ille cognoscēs, & se non præualens defensare, Victoriaci castri muros expetens, cum rebus omnibus in eo se studuit communire, his secum quos duxerat adgregatis. Igitur commoto exercitu castrum vallat, ac per septem dies obsedit. Mundericus autem repugnabat cum suis, dicens: Stemus fortes, & vsq; ad mortē pariter dimicemus, & nō subdamur inimicis. Cūmq; exercitus à circuitu incontraiacula transmitteret, nec aliquid præualeret, nunciauerunt hæc

regi. At ille misit quēdam de suis Aregisilum nomine, dixitque ei: Vides, inquit, quod præualeat hic perfidus in contumacia sua, vade & redde ei sacramentum, vt securus egredia-  
tur. Cū autem egressus fuerit, interfice eum, & dele memoriam eius à regno nostro. Qui abiens, fecit iuxta quod ei præceptum fuerat: dederat tamen prius signum populo, dicens: Cū ego hæc & hæc locutus fuero, statim in-  
ruentes interficite eum. Ingressus autem Aregisilus ait Munderico: Quousque hic resides, tanquam vnus ex insipientibus? Nunquid poteris diu regi resistere? Ecce ablato tibi cibo, cū te fames oppresserit, vltro egredieris, & traderis in manus inimicorum, & morieris quasi vnus ex canibus: audi potius consilium meum, & subde te regi, vt viuere possis tu & filij tui. Tunc ille his mollitus sermonibus ait, Si egredior, comprehensus à rege interficior & ego, & filij mei, & omnes amici qui mecum sunt congregati. Cui Aregisilus ait, noli timere, sed si vis egredi, accipe sacramentū de hac culpa, & sta securus corā rege, ne timeas, sed eris cum eo sicut prius fuisti. Ad hæc Mundericus respondit: Vtinam securus sim, quod non interficiar. Tunc Aregisilus positus super altare sanctum manibus, iurauit ei vt securus egrederetur. Dato igitur sacramento, egrediebatur Mundericus de porta castelli, tenens manum Aregisili. populus autem spe-

ctabat à longè aspiciens eum. Tunc pro signo ait Aregifilus, Quid aspicitis tam intentè, ô populi? an nunquid vidistis prius Mundericum? Et statim inruit populus in eum. At ille intelligens, ait, Euidétissime cognosco, quòd feceris per hoc verbum signū populis ad me interficiendum: veruntamen dico tibi, quia periuriiis me decepisti: te viuum ultra nulus aspiciet: & emissa lancea in scapulas eius, perfodit eum, ceciditque & mortuus est. Euaginatòque deinceps Mundericus gladio cum suis, magnam stragem de populo illo fecit, & vsquequo spiritum exhalauit, interficere quemcunq; adsequi potuissent, non destitit. Quo interfecto, res eius fisco conlatæ sunt.

15

THEODORICVS, verò & Ckildebertus fœdus interunt, & dato sibi sacramento, vt neuter contra alterum moueretur, obsides abinuicem acceperūt, quo facilius firmentur quæ fuerant dicta. Multi tunc filij senatorum in hac obsidione dati sunt: sed orto iterum inter reges scandalo, ad seruitium publicum sunt addicti. Et quicumque eos ad custodiendum accepit, seruos sibi ex his fecit. Multi tamen ex eis per fugam elapsi, in patriam redierunt; nonnulli in seruitio sunt retenti: inter quos Attalus nepos beati Gregorij Ligonicus episcopi, ad publicum seruitium mancipatus est, custosque equorum destinatus. Erat enim intra Treuerici termini territorium,

cuidam barbaro seruiens. Deniq; beatus Gregorius ad inquirendum cum misit pueros, quo inuento, obtulerunt homini munera: sed respuit ea, dicens: Hic de tali generatione decem auri libris redimi debet. Quibus redeuntibus, Leo quidam de coquina domini sui ait: Utinam me permitteres, & forsitan ego poteram eum educere de captiuitate. Gauiso autem domino, directus venit ad locum: voluitque puerum clam abstrahere, sed non potuit. Tunc locato secum homine quodam, ait, Veni mecum, & venunda me in domo barbari illius, sitque tibi lucrum precium meum: tantum liberiores aditum habeam faciendi id quod decreui. Accepto vero sacramento, homo ille abiit, & vendito eo duodecim aureis discessit: sciscitatus autem emptor à rudi famulo, quid operis sciret, respondit in omnibus, que mandati debent in mensis dominorum, valde scitus sum operari: nec metuo quod reperiri possit similis mei in hac scientia. verum enim dico tibi, quia etiam si regi epulū cupias preparare, fercula regia componere possum: nec quisquam me melius. & ille, Ecce enim dies solis adest (sic enim barbaries vocitare diem dominicum cōsuea est.) In hac die vicini atque parentes mei inuitabuntur in domo mea: rogo ut facias mihi prandium quod admirentur, & dicant, quia in domo regis melius non aspeximus. Et ille, Iubeat, inquit, do-

minus meus cōgregari pullorum gallinaceorum multitudinem, & faciam quæ præcipis. Præparatis ergo quæ dixerat puer, inluxit dominica dies, fécitque epulum magnum deli-  
 ciosisque refertum. Epulantibus autem omnibus & laudantibus prandium, parentes illius discesserunt. Dominus enim dedit gratiam puero huic, & accepit potestatem super omnia quæ habebat dominus suus in promptu. Diligebátq; cum valde, & omnibus qui cum eo erant ipse dispensabat cibaria & pulmēta. Post anni verò curriculum, cū iam securus esset dominus illius de eo, abiit in pratū quod erat domui proximum, cum Attalo puero custode equorum: & decubans in terra cum eo à longè, auersis dorsis, vt non cognosceretur quòd loquerentur simul, dicit puero: Tempus est enim, vt iam cogitare de patria debeamus. Ideoque monco te, vt hac nocte cū equos ad claudendum adduxeris, sopore non deprimaris, sed cū primū te vocitauero adsis, & ambulemus. Vocauerat enim Barbarus ille parentū multos suorū ad epulū, inter quos erat & gener ei⁹ qui acceperat filiā illius. Media autē nocte à conuiuio surgētibus, & quieti datis, profecutus est Leo generū domini sui cū potu, porrigēs ei bibere. In metatu eius ait ad eum homo: Dic tu, ó creditor foceri mei, si valeas, quando voluntatē adhibebis, vt adsumptis equis eius eas in patriam tuam? Hoc

quasi ioco delectans, dixit. Similiter & ille ioculariter veritatem respondens, ait: Hac nocte delibero, si dei voluntas fuerit. Et ille, Vtinam, inquit, custodiant me famuli mei, ne aliquid de rebus meis adsumas. Et ridētes discesserunt. Dormientibus autem cunctis, vocauit Leo Attalum ex stratu suo. Interrogat, si haberet gladium. Respondit: Non est mihi, nisi tantum lancea paruula: at ille ingressus mansionem domini sui apprehendit scutum eius ac frameam. Quo interrogāte, quis esset, aut quid sibi velit, respondit: Ego sum Leo seruus tuus, & suscito Attalum vt surgat velocius, & deducat equos ad pastum: detinetur enim sopore, quasi ebrius. Qui ait, Fac vt libet. Et hæc dicens obdormiuit. Ille verò egressus foras, muniuit puerum armis, inuenitque ianuas atrij diuinitus reſeratas, quas in initio noctis cum cuneis malleo percussis obserauerat pro custodia caballorum. Et gratias agens domino, sumptis reliquis equis secum, discesserunt: vnum etiam volucrum, cum vestimentis tollentes. Venientes autem ad Mossellam fluuium, cum transirent illum, & detinerentur à quibusdam relictis equis & vestimentis, enatantes super parma positi amnē, in vltiorem egressi sunt ripam. Et inter obscura noctis ingressi siluam, latuerunt. Tertia enim nox aduenerat, quòd nullum cibum gustantes iter terebant. Tunc nutu dei reperta

arbore plena pomis quam vulgò prunum vocant, comedunt, & parum per sustētati ingressi sūnt iter Campaniæ: quibus pergētibus, audiunt pedibus equitum currentium, dixerūtque: Prosternamur terræ, ne appareamus hominibus veniētibus. Et ecce ex improviso stirps rubi magnus adfuit, post quē trāsēcuntē, proiecerunt se terræ cum gladiis euaginatīs, scilicet vt si aduerterentur, confestim se quasi ab improbis framea defēnsarent: veruntamen cū venissent in locū illum coram stirpe spineo restiterunt: dixitque vnus dum equi vrinam proiicerēt, Væ mihi quia fugiūt hi detestabiles, nec reperiri possunt: verum dico per salutem meam, quia si inuenirentur, vnum patibulo condemnari, & alium gladio- rum ictibus in frustra discerpi iuberem. Erat enim barbarus ille qui hæc aiebat, dominus eorum, de Remensi vrbe veniens, & hos inquitens: & reperisset vtique in via, si nox obstaculum non præbuisset. Tunc motis equis discesserunt. Hi autem nocte ipsa adtigerunt ad vrbe, ingressique inuenerunt hominem quē sciscitati sunt, Vbinam esset domus Paulelli presbyteri. Indicauitque eis. Qui dum per plateam præteriret, signum ad matutinas motum est. Erat enim dies dominica. pulsantesque ianuam presbyteri, ingressi sunt. Exposuitque puer de domino suo. Cui ait presbyter, Vera est enim visio mea, nam videbā duas

in hac nocte columbas aduolare, & confedere in manu mea. Ex quibus vna alba, alia autē nigra erat. Dixerūtq; pueri presbytero, Indulgeat dominus pro die sua sancta. Nam nos rogamus, vt aliquid victui præbeas. quarta enim inlutescit dies, quòd nihil panis pulmentique gustauimus. Occultatis autem pueris, præbuit eis infusum cum vino panem, & abiit ad matutinas. Secutusq; est & barbarus, iterum inquirens pueros: sed inlusus à presbytero regressus est. presbyter enim amicitiam cum beato Gregorio antiquam habebat. Tūc resumptis pueri epulo viribus, per duos dies in domo presbyteri comorantes, abscesserūt, & sic vsque ad sanctū Gregorium perlati sunt. Gaius autem pontifex visis pueris, fleuit super collum Attali nepotis sui. Leonem autem à iugo seruitutis absoluens, cum omni generatione sua, dedit ei terram propriam, in qua cum vxore ac liberis liber vixit omnibus diebus vitæ suæ.

15 SYGIVALDVS autem cum in Aruernone habitaret, multa mala in ea faciebat. Nam & res diuersorum peruadebat, & serui eius non desistebant à furtis, homicidijs, ac super numerum diuersis sceleribus: nec vllus mutire ausus erat coram eis. Vnde factum est, vt ipse villam Bulgiatensem, quam quondam Benedictus Terradius episcopus basilicæ sancti Iuliani reliquerat, temerario ausu peruade-

ret. Sed cùm ingressus in domum illam fuisset, statim amens effectus, lecto decubuit. Tūc mulier admonita per sacerdotem, eleuatum in Basternam, vt in aliam villam transferret, sanum recepit. Et accedens, exposuit ei omnia quæ pertulerat. Quod ille audiens, vota beato martyri vouens, ea quæ vi abstulerat, duplicata restituit. Meminimus & huius virtutis in libro Miraculorum sancti Iuliani.

<sup>17</sup> I G I T V R Dinisio episcopo apud Turonos decedente, Ommatius tribus annis præfuit. Hic enim ex iussu Chlodomeris regis, cuius supra meminimus, ordinatus est. Illo quoque migrante, Leo septem mensibus ministravit. Hic fuit vir strenuus atque vtilis in fabrica operis lignarii. Quo defuncto, Theodorus & Proculus episcopi, qui de partibus Burgundia aduenerant, ordinante Chrothilde regina tribus annis Turonicam rexerunt ecclesiam. Quibus defunctis, Francilio ex senatoribus substituitur. Anno igitur tertio episcopatus sui, cum dominici Natalis nox alma populis effulisset, idem pontifex priusquam ad vigilias descenderet, iussit sibi poculum ministrari. Adueniens autem puer, sine mora porrexit. Quo hausto, mox spiritum fudit: vnde indubitatum est veneno eum fuisse necatum. Quo decedente, Iniuriosus vnus è ciuib<sup>9</sup> quindecimus post beatum Martinum, cathedram pontificalem sortitus est.

18 DVM autem Chrothildis regina Parisiis moraretur, vidēs Childebertus, quòd mater sua filios Chlodomeris, quos supra memorauimus vnico affectu diligeret, inuidia ductus, ac metuens ne fauente regina, admitterentur in regnum, misit clam ad fratrem suum Chlotharium regem dicens: Mater nostra filios fratris nostri secum retinet, & vult eos regno donari: debes velociter adesse Parisiis, & habito communi consilio pertractare oportet, quid de his fieri debeat: Vtrum incisa cæsarie vt reliqua plebs habeantur, an certe his interfectis regnum germani nostri inter nosmetipsos æqualitate habita diuidatur. De quibus ille verbis valde gauisus, Parisios venit: iactauerat enim Childebertus verbum in populo: ob hoc hos cõiungi reges, quasi paruulos illos eleuatuos in regno. Cõiuncti autem miserunt ad reginam, quæ tũc in ipsa vrbe morabatur, dicentes, Dirige paruulos ad nos, vt sublimentur in regno. At illa gauisa, nesciens dolum illorum, dato pueris esu potuque, direxit eos dicens, Non me puto amisisse filium, si vos videam in eius regno substitui. Qui abeuntes, adprehensi sunt statim, ac separatis à pueris & nutritoribus suis, custodiebantur vtrique seorsum pueri, & seorsum hi paruuli. Tunc Childebertus atq; Chlotharius miserunt Archadium, cuius supra meminimus, ad reginam, cum forcipe, atque euagi-

nato gladio. Qui veniēs ostendit reginæ vtraque dicens: Volūratem tuam, ô gloriosissima regina, filii tui domini nostri expetunt, quid de pueris agendum censeas, vtrum incisus crinibus eos viuere iubeas, an vtrumque iugulari. At illa exterrita nuncio, & nimium felle commota, præcipue cum gladium cerneret euaginatū ac forcipem, amaritudine præuēta, ignorās in ipso dolore quid diceret, ait simpliciter: Satius enim mihi est, si ad regnum nō eriguntur, mortuos eos videre quàm tonsos. At ille parum admirans dolorē eius, nec scrutans quid deinceps plenius pertractaret, venit celeriter nunciāns ac dicens, Fauēte regina opus cœptum perficite: ipsa enim vult expleri consilium vestrum. Nec mora, apprehēsum Chlotharius puerum seniore, brachio elisit in terram, defigēsq̄e cultrum in axillā crudeliter interfecit. Quo vociferante, frater eius ad pedes Childeberti prosternitur: apprehēsisque eius genibus, aiebat cum lachrymis, Succurre piissime pater, ne & ego pereā sicut frater meus. Tunc Childebertus lachrymis resperſa facie ait, Rogo dulcissime frater, vt eius mihi vitam tua largitate concedas: & quę iusseris pro eius anima conferam, tantum ne interficiatur. At ille furore act⁹, ait, Aut eiiice eum à te, aut certe pro eō morieris. Tu, inquit, es inceptator huius causæ, & tam velociter de fide resilis? Hæc ille audiens, repul-

sum à se puerum proiecit ad eum: ipse verò accipiens transfixum cultro in latere, sicut fratrem prius fecerat, iugulauit: deinde pueros cum nutritiis peremerunt. Quibus interfectis, Chlotharius accensis equis abscessit, paruipendens de interfectione nepotum: sed & Childebertus in suburbana concessit. Regina verò compositis corpusculis feretro, cum magno psallentio, immensoque luctu vsque ad basilicam sancti Petri prosecuta, vtrumque pariter tumulauit. quorum vnus decem annorum erat, alius verò septēnis. Tertium verò Chlodoualdum cōprehendere non potuerunt, quia per auxilium virorum fortium liberatus est. Is postposito regno terreno, ad dominum transiit, & sibi manu propria capillos incidēs, clericus factus est: bonisque operibus insistens, presbyter ab hoc mundo migravit. Hi quoque regnum Chlodomeris inter se æqua lance diuiserunt. Chrothildis verò regina, talem se tantamque exhibuit, vt ab omnibus honoraretur: assidua in eleemosynis, pernox in vigiliis, in castitate atque omni honestate puram se semper exhibuit: prædia ecclesiis, monasteriis vel quibuscūque locis sanctis necessaria prouidit, larga ac prona voluntate distribuit, vt putaretur eo tempore nō regina, sed propria dei ancilla ipsi sedulo deseruire. Quam nō regnum filiorum, non ambitio seculi, nec facultas extulit ad ruiam, sed humilitas euexit ad

gratiam.

19

ERAT enim tunc & beatus Gregorius apud urbem Ligonicá, magnus dei sacerdos, signis & virtutibus clarus. Sed quia huius pōtificis meminimus, gratum arbitratus sum, vt situm loci Diuionensis, in quo maxime erat assiduus, huic inseram lectioni. Est autem castrum firmissimis muris, in media planitie & satis iocunda compositum, terra valde fertilis atque fœcunda, ita vt aruis semel scissis vomere, semina iaciantur, & magna fructuum opulētia subsequatur: à meridie habet Oscarum fluuium, piscibus valde prædiuitem. ab aquilone vëro, alius fluuiolus venit, qui per portã ingrediens ac sub pontem decurrens, per aliam rursus portam egreditur, totũ munitionis locum placida vnda circumfluens: ante portam autem molendina mira velocitate diuertit. Quatuor portæ à quatuor plagis mundi sunt positæ: totũque ædificium, triginta tres turres exornant: murus verò illius, de quadris lapidibus vsque in viginti pedes, desuper à minuto lapide edificatus habetur, habens in altum pedes triginta, in latum pedes quindecim. Quæ cur non ciuitas dicta sit, ignoro. Habet enim in circuitu preciosos fontes: à parte autem occidentis, montes sunt vberrimi, vineisq̃ repleti, qui tam nobile incolis falernum porrigunt, vt respuant Scalonum: nam veteres ferunt ab Aureliano hoc

imperatore fuisse ædificatum.

20 THEODORICVS autem filio suo Theodoberto Vuisgardé cuiusdã regis filiã desponsauerat.

21 GOTH I verò cum post Chlodouci mortem multa de his quę ille acquiserat, peruasissent, Teodoricus Theodobertum, Chlotharius verò Gūtharium seniore filium suum, ad hæc requirenda transmittunt. Sed Guntharius vsque Rutenos accedēs, nescio qua faciente causa, regressus est: Theodobertus verò vsque ad Biterrensem ciuitatem abiens, Deas castrum obtinuit, atq; hinc prædam diripuit. Deinde ad aliud castrum nomine Caprariam legatos mittit, dicens, nisi se illi subdant, omnem locum illum incendio concremadum, eosque qui ibidem resident captiuandos.

22 ERAT autē ibidem tūc matrona Deuteria nomine, utilis valde atque sapiens, cuius vir apud Biternas urbem concesserat. Quæ misit nuncios ad regem dicens: Nullus tibi domine piissime, resistere potest, cognoscimus dominum nostrum: veni & quod fuerit beneplacitum in oculis tuis facito. Theodobertus autem ad castrum veniens, cum pace ingressus est: subditumque sibi cernens populum, nihil inibi male gessit. Deuteria verò ad occursum eius venit. at ille speciosam eam cernens, amore eius capitur, suoque eam copulauit strato.

23 IN illius diebus, Theodoricus parentem suum Sygrualdum occidit gladio, mittens occulte ad Theodobertum, ut & ille Gyualdum filium eius neci daret, quem tunc secum habebat. Sed quia eum de sacro fonte exceperat, perdere noluit. Literas vero quas ei pater trans miserat, ipsi ad legendum dedit dicens: Fuge hinc; quia patris mei preceptum accepi ut te interficiam: si vero ille defunctus fuerit, & me regnare audieris, tunc securus ad me reuertaris. Quod audiens, gratias agens, & vale dicens abscessit. Arelatensem enim tunc urbem Gothi peruaferant, de qua Theodobertus obsides retinebat: ad eam Gyualdus confugit. Sed parum se ibidem cernens esse munitum, Latium petiit, ibique & latuit. Dum hac agerentur, nunciatur Theodoberto patrem suum grauiter egrotare, & ad quem nisi velociter properaret, ut eum inueniret viuum, a patris suis excluderetur, & ultra illuc non rediret. At ille his auditis, cunctis postpositis illuc dirigit, Deuteria cum filia sua Aruerno relicta. Cumque abiisset, Theodoricus non post multos dies obiit, vicesimo tertio regni sui anno. Consurgentes autem Childebertus & Chlotharius contra Theodobertum, regnum eius auferre voluerunt. Sed ille muneribus placatis, a Leodibus suis defensatus est, & in regno stabilitus. Mittens postea Aruernum, Deuteriam exinde accersuit, eamque sibi matrimonio

monio sociavit.

24 V I D E N S autem Childebertus, quòd ei præualere non potuisset, legationem ad eum misit, & ad se venire præcepit, dicens: Filios non habeo, te tanquã filium habere desidero. Quo veniente, tãtis eum muneribus ditavit, vt ab omnibus miraretur. nam de rebus bonis tam de armis quàm de vestibus, vel reliquis ornamentis quæ regem habere decet, terna ei patria condonavit: similiter & de equis atque canis. Hæc audiens Gyualdus, quòd scilicet Theodobertus regnum patris obtinuisset, ad eum de Italia rediit. Cui ille congaudens ac deosculãs, tertiam partẽ ei de muneribus quæ à patruo acceperat, est largitus: & omnia quæ in fisco suo pater posuerat, de rebus Sygualdi patris eius, ipsi reddi præcepit.

25 A T ille in regno firmatus, magnum se atq; in omni bonitate præcipuum reddidit. Erat enim regnum cum iustitia regens, sacerdotes venerans, Ecclesias munerans, pauperes eleuans, & multa multis beneficia pia ac dulcissima accommodans voluntate. Omne tributum quod in fisco suo ab ecclesiis in Aruernofitis reddebatur, clementer indulsit.

26 D. E V T E R I A verò cernens filiam suam adultam valde esse, timens ne eam concupiscens rex sibi adsumeret, in Basterna positam indomitis bobus coniunctis eam de ponte præcipitavit, quæ in ipso flumine

spiritum reddidit. hoc apud Viridunum ciuitatem actum est.

17. C V M Q V E iam septimus annus esset, quòd Vuifigardem desponsatam haberet, & eam propter Deuteriam accipere nollet, coniuncti Franci contra eum valde scandalizabantur, quare sponsam suam relinqueret. Tunc còmotus, relicta Deuteria, de qua paruulum filium habebat Theodoualdum nomine, Vuifigardem duxit vxorem. Quam nec multo tempore habens, defuncta illa, aliam accepit. Veruntamen Deuteriam vltra non habuit.
18. CHILDEBERTVS autem & Theodobertus cò mouentes exercitum, còtra Chlotharium ire disponūt. Ille autem hæc audiens, æstimans se horum exercitum non sustinere, in siluam confugit. Et concides magnas in siluis illis fecit, totamque spem suam in dei pietatem transfundens. Sed & Chrothildis regina hæc audiens, beati Martini sepulchrum adiit, ibique in oratione prosternitur, & tota nocte vigilat, orans ne inter filios suos bellum ciuile consurgeret. Cùmque hi venientes cum exercitibus suis, eum obsiderēt, tractantes illū die sequenti interficere, mane facto in loco quo erant congregati, orta tempestas tētoria dissecat, res diripit, & cuncta subuertit, immitaq; fulgura cū tonitruis ac lapidibus super eos descendūt. Ipsi quoq; super infectam grā-

dine humum in faciem prouunt, & à lapidibus descendentibus grauitèr verberàtur. nulum enim eis tegumen remàserat, nisi parmæ tantum, hoc maximè metuètes ne ab ignibus cœlestibus cremarentur. Sed & equi eorum ita dispersi sunt, vt vix in vicesimo quoque reperirentur stadio. multi enim prorsus ex eis non sunt inuenti. Tunc illi, vt diximus, à lapidibus cæsi & humo prostrati, pœnitentiam agebãt, ac precabantur veniam à deo, quòd ista contra sanguinem suum agere voluissent. Super Chlotharium verò neque vna quidem pluuię gutta decidit, aut aliquis sonitus tonitruï est auditus: sed nec anhelitum vllius venti in illò loco sensere. Hi quoque mittètes nuncios ad eum, pacem & concordiam petierũt. qua data, ad propria sunt regressi. Quod nullus ambigat hanc per obtentum reginæ, beati Martini fuisse virtutem.

29 POST hæc Childebertus rex, in Hispaniam abiit. quam ingressus, cum Chlothario, Cæsaraugustanam ciuitatè cum exercitu vallant atque obsident. At illi in tanta humilitate ad deum conuersi sunt, vt induti ciliciis, abstinentes à cibis & poculis, cum tunica beati Vincentij martyris, muros ciuitatis psallendo circuirent: mulieres quoque amictæ nigris palliis, dissoluta cæsarie, superposito cinere, vt eas putares virorum funeribus deseruire, plangendo sequebantur. Et

ita totam spem locus ille ad domini misericordiam retulit, vt diceretur ibidem Niniultarum ieiunium celebrari: nec aestimaretur aliud posse fieri, nisi eorum precibus, diuina misericordia flecteretur. Hi autē qui obsidebant, nescientes quid obsessi agerent, cum viderent sic murum circui, putabant eos aliquid agere maleficij. Tunc adprehensum vnum de ciuitate rusticum, ipsi interrogant, quid hoc esset quod agerent. Qui ait: Tunica beati Vincentij deponant, & cum ipsa vt eis dominus miscreatur, exorant. Quod illi rimentes, se ab ea ciuitate remouerunt, tamen acquisita maxima Hispaniæ parte, cum magnis hi spoliis in Gallias redierunt.

30 POST Amalaricū verò, Theuda rex ordinatus est in Hispaniis: quo interfecto, Theudegysilū leuauerūt regem. Is dum ad cœnam cum amicis suis epularetur, & esset valde lætus, cereis subitò extinctis; in recubitu ab inimicis gladio percussus interiit: post quem Agyla regnum accepit. Sumpserant enim Gothi hanc detestabilem consuetudinem, vt si quis eis de regibus non placuisset, gladio eum adpeterent: & qui libuisset animo, hunc sibi statuerent regem.

31 ET quia Theodoricus Italiæ, Chlodouci regis fororē, in matrimonio habuit, mortuus paruulam filiam cum vxore reliquit. Hæc autem: cum adulta facta esset, per leuitatem

animi sui, relicto matris consilio, quæ ei regis filium prouidebat, seruum suum Traguilanẽ nomine accepit, & cum eo ad ciuitatem qua defensari possit, aufugit. Cùmque mater eius contra eam valde frenderet, peteretque ab ea ne humiliaret diutius nobile genus, sed dimisso seruo similem sibi de genere regio quẽ mater prouiderat, deberet accipere, nullatenus voluit adquiescere. Tunc mater eius contra eam frendens, exercitũ commouit. At illi venientes super eos, Traguilanem interfecerunt gladio, ipsam quoque cædentes in domũ matris reduxerunt. Erant autem sub Arriana secta viuentes: & quia consuetudo eorum est, vt ad altarium venientes, de alio calice reges communicent, & de alio populus minor, venenum in calice illo posuit, de quo mater cõmunicatura erat. Quo illa hausto, protinus mortua est. non enim dubium est, tale maleficio esse de parte diaboli. Quid contra hæc miseri hæretici respondebunt, vt in sancta eorum locum habeat inimicus? Nos verò trinitatem in vna æqualitate pariter & omnipotentia confitentes, etiam si mortiferum bibamus, in nomine patris & filij & spiritus sancti, veri atque incorruptibilis dei, nihil nos nocebit. Indignantem ergo Itali contra hanc mulierem, Theodadum regem Tusciæ inuitantes, super se regem statuunt. Hic verò cùm didicisset quæ meretrix ista com-

miserat, qualiter propter seruum quem acceperat, in matrem extiterat parricida, succenso vehemēter balneo, eam in eodem cum vna puella includi præcepit. Quæ nec mora, inter arduos vapores ingressa, in pauimento conruens, mortua atque consumpta est. Quod cognoscentes hi reges Childebertus & Chlotharius consobrini eius, necnō & Theodobertus, quòd scilicet tam turpi fuerit interfecta supplicio, ad Theodadum legationem dirigunt, exprobrantes de morte eius atque dicentes, Si hæc quæ egisti nobiscum non composueris, regnum tuum auferemus, & simili pœna te damnabimus. Tunc ille timens, quinquagena eis milia aureorum trāsmisit. Childebertus autem, vt erat semper cōtra Chlotharium regem inuidus atque versutus, cum Theodoberto nepote suo coniunctus, diuiso inter se hoc auro, nihil exinde dare regi Chlothario voluerunt. At ille super thesauros Chlodomeris adgressus, multum illis amplius quàm hi fraudauerant, abstulit.

32 THEODOBERTVS verò in Italiam abiit, & exinde multum adquisiuit. Sed quia loca illa vt fertur, morbida sunt, exercitus eius in diuersis febribus conruens, vexabatur. Multi enim ex his, in illis locis mortui sunt. Quod videns Theodobertus, ex ea reuersus est, multa secum spolia ipse vel sui deferentes: dicitur tamen tunc temporis vsque Ti-

cinum accessisse ciuitatem, in qua Buccilenum rursus direxit. Qui minore illa Italia capta, atque in ditionem regis antedicti redacta, maiorem petiit: in qua contra Bellissarium multis vicibus pugnans, victoriam obtinuit. Cùmque imperator vidisset, quòd Bellissarius crebrius vinceretur, amoto eo, Narsetem in eius locum statuit. Bellissarium verò comitem stabuli, quasi pro humilitate quod prius fuerat, posuit. Buccilenus verò contra Narsetem magna certamina gessit, capta omni Italia, vsque in mare terminum dilatavit. Thesauros verò magnos ad Theodobertum de Italia direxit. Quod cùm Narfes imperatori posuisset in notitiam, imperator conductis precio gentibus, Narseti solatium mittit, confliensque postea victus abscessit. Deinceps verò Buccilenus Siciliam occupavit, de qua etiam tributa exigens, regi transmissit. Magna enim ei felicitas in his conditionibus fuit.

33 ASTERIOLVS tunc & Secundinus magni cum rege habebantur. Erat autem vterque sapiens, & rhetoricis imbutus literis. Sed Secundinus plerunque legationem imperatori à rege missus intulit. Et ob hoc iactantiam sumpserat, ac nonnulla contra rationem exercebat. Qua de causa factum est vt inter illum atque Asteriolum, lis sæua consurgeret: quæ vsque ad hoc profecit, vt obli-

ris verborum obiectionibus, propriis se manibus verberarent. Cúmque hæc per regem pacificata fuissent, & Secundinus adhuc de sua cæde timeret, nata est inter eos rursus contentio. Et rex suscipiens Secundini causam, Asteriolum in eius potestatem dedit. Qui valde humiliatus est & ab honore depositus, sed per Vuisigardem reginam iterum est restitutus. Mortua autem illa, consurgens iterum Secundinus, eum interfecit. nam hic moriens filium dereliquit. Qui cum creuisset, & esset adultus, cœpit patris sui velle iniuriam vindicare. tunc Secundinus timore perterritus, dum de villa in villam ante eum fugeret, cum se iam videret eo imminente non posse euadere, ne in manus inimici conrueret, veneno se, vt dicitur, interfecit.

34

DESIDERATVS autem Viridunensis episcopus, cui Theodoricus rex multas inrogauit iniurias, cum post multa exitia, dâna atque ærumnas, ad libertatē propriam iam domino iubente rediisset, & episcopatu, vt diximus, apud Viridunēsem urbē potiretur, vidēs habitatores eius valde pauperes atq; destitutos, dolebat super eis: & cū ipse per Theodoricum de rebus suis remāssisset extraneus: nec haberet de proprio qualiter eos cōsolaretur, bonitatē & clementiā circa omnes Theodberti regis cernēs, misit ad eū legationē dicēs:

Fama bonitatis tuæ in vniuersam terram vulgatur, cum tanta sit tua largitas, vt etiam non petentibus opem prestes, rogo si pietas tua habet aliquid de pecunia, nobis commodes, qua ciues nostros releuare valeamus: cumque hi negocium exercentes, sponsonem in ciuitate nostra sicut reliquæ habent, prestiterint, pecuniam tuam cum vsuris legitimis reddemus. Tunc ille pietate commotus, septem ei milia aureorum prestitit. Quæ ille accipiens, per ciues suos erogauit. At illi negocia exercetes, diuites per hoc effecti sunt, & vsq; hodie magni habentur. Cumque antedictus episcopus debitam pecuniam obtulisset regi, respondit rex: Non habeo necessarium hoc recipere: illud mihi sufficit, si dispensatione tua pauperes qui opprimebantur inopia, per tuam suggestionem, vel per meam largitatem sunt releuati. Et nihil exigens, antedictos ciues diuites fecit.

35 DEFVNCTO autem apud urbem supradictam memorato antistite, Agyricus quidam est ciuibus, in cathedram eius subrogatur. Syagrius autem filius eius reminiscens iniurias patris, qualiter à Syriuldo ad regem Theodoricum incusatus, non solum spoliatus, verum etiã supplicii affectus fuisset, oppressum cum armata manu Syriuldum taliter interfecit. Tunc mane factò, cum nebula esset condensa, & vix adhuc disrumpentibus tenebris

aliquid quis posset discernere, venit ad villā eius in Diuionensi territorio, cui nomen est Floriacum: egressoque domū vno amicorum, putantes ipsum Syriuldū esse, interfecerunt eū: & reuertētibz quasi victoriā obtinuissent de inimico, indicat eis vnus ex familia, nō eos dominum interfecisse, sed subditū. At illi regressi, requirētes eū, cellulam in qua dormire solitus erat, repertam adgrediuntur. Ad cuius ostiū diutissime pugnantes, nihil ei poterant præualere. Dehinc eruto ab vno latere pariete ingredientes, gladio eū interimūt. Post mortē enim Theodorici hic interfectus est.

36 HIS denique gestis, Theodobertus rex ægrotare cœpit. Ad quē medici, multa studia impenderunt: sed nihil valuit, quia cum iam dominus vocari iubebat. Ergo cum diutissimè ægrotasset, ab ipsa infirmitate deficiens, reddidit spiritū. Franci verò cū Partheniū in odio magno haberēt, pro eo quod eis tributa antedicti regis tempore inflixisset, cum persequi cœperunt. Ille verò in periculo positū se cernens, cōfugiū ab vrbe facit, & à duobus episcopis suppliciter exorat, vt eū ad urbē Treuericam deducentes, populi sæuiētis seditiōnē sua prædicatione cōprimerēt. Quibus cunctibus, nocte dū in stratu suo decūberet, subito per somniū vocē magnam emittit dicēs: Heu heu, succurrite qui adestis & auxiliū ferte pereunti. A quo clamore expergefati qui ade-

rant, interrogāt, quid hoc esset. Respōdit ille: Aufanius amicus meus cū Papianilla cōiuge, quos olim interfeci, ad iudicium me arcessēbāt, dicētes, Veni ad respondēdum, quia causaturus es nobiscū coram domino. Zelo enim ductus ante annos aliquot coniugē innocentem amicūque peremerat. Igitur accedētibuscum episcopis ad antedictā urbē cū strepētis populi seditiōne ferre nō possent, cum in Ecclesia abdere voluerunt, scilicet ponentes eum in arca, & desuper sternentes vestimenta quæ erant ad vsum Ecclesiæ. Populus autē ingressus, perscrutatúsque vniuersos angulos Ecclesiæ, cum nihil reperisset, frendens egrediebatur. Tūc vnus ex suspiciōne locutus ait: En archa in qua nō est inquisitus aduersarius noster. Dicentibus verò custodibus, nihil in ea aliud nisi ornāmēta Ecclesiæ contineri, illi clauem postulant aientes, Nisi referaueritis velocius, ipsi eam sponte confringimus. Denique referata arca, a motis linteaminibus, inuentum extrahunt, plaudentes atque dicentes: Tradidit deus inimicum nostrum in manus nostras. Tunc cædentes eum pugnis, sputisque perungentes, vincētis post tergum manibus ad columnam lapidibus obruunt. Fuit autem in cibus valde vorax: sed quæ sumebat, quo celerius ad manducandum commoueretur, sumpto aloë velociter digerebat.

sed & strepitus vētris absque vlla auditorum reuerētia in publico emittebat. Hoc ergo exitu consummatus, interiit.

37 GRAVIS eo anno & solito asperior hiems fuit, ita vt torrentes concatenati gelu, peruium populis iter tāquam reliqua humus præberent. Aues quoque rigore affectæ vel fame, absque vlllo hominum dolo, cum magnæ essent niues, manu capiebantur. A transitu igitur Chlodouei vsque in transitū Theodoberti, computantur anni triginta septem. Mortuo ergo Theodoberto, quarto decimo regni sui anno, regnauit Theodoualdus filius eius pro eo.

GREGORII TVRONICI HISTORIARVM  
Liber quartus.

I



Gitur Chrothildis regina plena dierum bonisque operibus prædita, apud urbem Turonicam obiit, tempore Iniuriosi episcopi: que Parisios cū magno psallētium præconio deportata, in sacrori basilicæ S. Petri, ad latus Chlodouei regis sepulta est, à filiis suis Childeberto atq;

Chlothario regibus. nam basilicam illam ipsa construxerat, in qua & Genouefa beatissima est sepulta.

- 2 **DENIQUE** Chlotharius rex, indixerat vt omnes ecclesiæ regni sui tertiam partem fructuum fisco dissoluerent. Quod licet inuiti cum omnes episcopi consensissent atque subscripsissent, viriliter hoc beatus Iniuriosus respuens subscribere dedignatus est, dicens: Si volueris res dei tollere, dominus regnum tuum velociter auferet, quia iniquum est vt pauperes quos tuo debes alere horreo, ab eorum stirpe tua horrea repleantur. Et iratus contra regem, nec vale dicēs, abscessit Tunc commotus rex, timens etiam virtutem beati Martini, misit post eum cum muneribus, veniam precans, & hoc quod fecerat damnans, simulque rogans, vt pro se virtutē beati Martini antistitis exoraret.

- 3 **CHLOTHARIVS** denique ipse rex de diuersis mulieribus septem filios habuit, id est de Ingunde, Gútharium, Childericum, Charibertú, Gúrchránū, Sygilbertú, & Chlotindam filiã. De Aregunde verò sorore Ingundis, Chilpericú. De Chunsena habuit Chránnum. Quæ autem causa fuerit, vt vxoris suæ sororem acciperet, dicam. Cum iam Ingundē in coniugio accepisset, & eam vnico amore diligeret, suggestionem ab ea accepit dicēte: Fecit dominus me<sup>o</sup> de ancilla sua quod libuit,

& suo me strato adsciuit: nunc ad complendam mercedē, quid famula tua suggerat, audiāt dominus meus rex: Precor vt sorori meæ serue vestræ vtilē atq; habentē virū ordinare dignemini, vnde nō humilier, sed potius exaltata seruire fidelius possim. Quod ille audiens, cū esset nimium luxuriosus, in amorē Aregundis incenditur, & ad villā in qua ipsa residebat dirigit, eamque sibi in matrimonio sociavit. Qua accepta, ad Ingundē rediēs ait, Tractaui mercedē illam implere, quā me tua dulcedo expetiit. Et requirēs virum diuitem atq; sapientem, quam tuę sorori deberem adiungere, nihil melius quā me ipsum inueni. Itaq; noueris, quia eā coniugē accepi, quod tibi displicere non credo. At illa, Quod bonum, inquit, videtur in oculis domini mei, faciat: tantū ancilla tua cum gratia regis viuat. Guntharius verò Chrānus atq; Childericus, viuēte patre mortui sunt. Exitum verò Chramni in posterum scribemus. Alboinus quoq; rex Longobardorum, Chlotfindā filiam regis accepit. Obiit autē Iniuriosus episcopus vrbis Turonicę, decimo & septimo episcopatus sui anno. Cui Baudinus ex domestico Chlotharij regis successit XVI. post exitum beati Martini.

- 4 CHANAO quoque Britānorum comes tres fratres suos interfecit, Volens autē adhuc Macliauū interficere, comprehensum atque

catenis oneratum in carcere retinebat : qui per Felicem Namneticum episcopū à morte liberatus est. Post hæc iuravit fratri suo, vt ei fidelis esset : sed nescio quo casu sacramētū in rumpere voluit. Quod Chanao sentiens, iterum eum persequebatur. At ille, cum se euadere non posse videret, post alium comitem regionis illius fugit, nomine Chonomorem, Is cum sentiret persecutores eius adpropinquare, sub terra eum in loculo abscondit, cōponens desuper ex more tumulū, paruūque ei spiraculum reseruans, vnde halitum resumere posset. Aduenientibus autē persecutoribus eius, dixerūt: Ecce hic Macliauus mortuus atque sepultus iacet. Quod illi audiētes, atque gaudentes, & super tumulum illum bibentes, renunciauerunt fratri, eum mortuum esse. Quod ille audiens, regnum eius integrū accepit. nam semper Britāni sub Francorum potestate post obitū regis Chlodouei fuerūt, & comites, non reges appellati sunt. Macliauus autem de sub terra consurgens, Veneticā urbē expetiit, ibiq; tōsuratus & episcopus ordinatus est. Mortuo autem Chanaone, hic apostatauit, & demissis capillis, vxorem quam post clericatum reliquerat, cum regno fratris simul accepit. Sed ab episcopis excommunicatus est: cui qualis fuerit interitus, sequenter scribemus. Obiit autem Baudinus episcopus anno VI. episcopatus sui : in cuius locū Gun-

tharius abbas subrogatur XVII. post transitū  
sancti Martini.

5 DENIQUE cū beat<sup>o</sup> Quintianus, sicut  
supra diximus, ab hoc mūdo migrasset, sanct<sup>o</sup>  
Gallus in eius cathedram rege opitulāte, sub-  
stitutus est. Huius tempore, cum lues illa  
quam Inguinariam vocant, per diuersas re-  
giones defruiet, & maxime tūc Arelatēsem  
prouinciam depopularetur, sanctus Gallus  
non tantum pro se, quantum pro populo suo  
trepidus erat. Cūque die noctūque dominū  
deprecaretur, vt viuens plebem suam vastari  
nō cerneret, per visum noctis apparuit ei an-  
gelus domini, qui tam cēsariem quā vestem  
in similitudine niuis candidam efferebat: &  
ait ad eum: Bene enim facis ō sacerdos, quōd  
sic dominum pro populo tuo supplicas. exau-  
dita est enim oratio tua, & ecce eris cum po-  
pulo tuo ab hac infirmitate liberatus, nullū-  
que te viuēte in regione ista ab hac strage de-  
perier. nunc autem ne timeas: post octo verō  
annos time. Vnde manifestum fuit, transactis  
his annis, eum à seculo discessurum. Experge  
factus autem, & deo gratias pro hac consola-  
tione agens quod eum per cēlestem nūcium  
confortare dignatus est, Rogationes illas in-  
stituit, vt media quadragesima psallendo, ad  
basilicā beati Iuliani martyris itinere pede-  
stri venirent. Sunt autem in hoc itinere, quasi  
stadia CCCLX. Tunc etiam in subita cōtem-  
platione,

platione, parietes vel domorum vel ecclesiarum signari videbantur. Vnde à rusticis hæc scriptio Thau vocabatur. Cum autem regiones alias, vt diximus, lues illa consumeret, ad ciuitatem Aruernam, sancti Galli intercedente oratione, non attigit. Vnde hæc non paruam cæseo gratiam, qui hoc meruit, vt pastor positus oues suas deuorari defendente domino non videret. Cùm autem ab hoc mundo migrasset, & ablutus in ecclesiam deportatus fuisset, Cato presbyter continuò à clericis de episcopatu laudes accepit: & omnem rem ecclesiæ tanquam si iam esset episcopus, in suam redegit potestatem: ordinatores remouet, ministros respuit, cuncta per se ordinat.

6 EPISCOPI tamen quia aduenerant ad sanctum Gallū sepeliendum, postquam eum sepelierant, dixerunt Catoni presbytero: Videmus quia te elegit pars maxima populorū: veni, consenti nobis, & benedicentes consecrēmus te ad episcopatum. Rex verò paruulus est, & si qua tibi adscribitur culpa, nos suscipientes te sub defensione nostra, cum proceribus & primis regni Theodoualdi regis agemus, ne tibi vlla excitetur iniuria: nos quoque (intantū fideliter crede, vt spondeamus pro te) omnia etiam si damni aliquid superuenerit, de nostris propriis facultatibus id reddituros. At ille cothurno vanæ conflatus gloriæ ait: Nostis enim fama currente, me

ab initio ætatis meæ semper religiose vixisse, vacasse ieiuniis, eleemosynis delectatum fuisse, continuatas sæpius exercuisse vigilias, psal-  
 lentio verò iugi crebra perstitisse statione nocturna. Nec me dominus deus meus patitur hac ordinatione priuari, cui tantum famulatum exhibui. nam & ipsos clericatus gradus canonica sum semper institutione sortitus: Tector decem annis fui, subdiaconatus officium quinque annis ministraui, diaconatus verò quindecim annis m̄cipatus fui, presbyterij autē iam honore viginti annis potior. Quid enim mihi nunc restat, nisi vt episcopatum quem fidelis seruitus promeretur, accipiam? Vos igitur reuertimini ad ciuitates vestras, & si quid vtilitati vestræ competit, exercete. nam ego canonicè adsumpturus sum hunc honorem. Hæc audientes episcopi, & in eum vanam gloriam execrantes, discesserunt.

7 I G I T V R cum consensu clericorum ad episcopatum electus, cū adhuc non ordinatus cunctis ipse præfesset, Cautino archidiacono diuersas minas intendere cœpit, dicens: Ego te remouebo, ego te humiliabo, ego tibi multas neces impendi præcipiam. Cui ille, Gratiam, inquit, tuam domine piissime habere desidero: quam si mereor, vnum tibi beneficium præstabo: sine vlllo enim labore tuo, & absq; vlllo dolo, ego ad regem pergam, & episcopatum tibi obtinebo, nihil petens

nisi vt promereat gratiam tuam. At ille suspi-  
cans eum sibi velle inludere, hæc valde de-  
spexit. Hic verò cùm se cerneret humiliari, at-  
que calumniæ subiici, languore simulato, &  
per noctem ciuitatem egrediens, Theodoual-  
dum regem petiit, adnuncians transitum san-  
cti Galli. Quod ille audiens vel qui cum eo e-  
rant, conuocatis sacerdotibus apud Meten-  
sem ciuitatem, Cautinus archidiaconus, epi-  
scopus ordinatur. Cùm autem venissent nun-  
cij Catonis presbyteri, hic iam episcopus e-  
rat. Tunc ex iussu regis traditis ei clericis, &  
omnibus quæ hi de rebus ecclesiæ exhibue-  
rant, ordinatisque qui cum eo pergerent epi-  
scopis, & camerariis, Aruernos eum direxe-  
runt. Qui à clericis & ciuibus libenter exce-  
ptus, episcopus Aruernis est datus. Grandes  
postea inter ipsum & Catonem presbyterum  
inimicitia ortæ sunt: quia nullus vnquam po-  
tuit flectere Catonem, vt episcopo suo subdi-  
tus esset. Nam & diuisio clericorum facta est,  
& alij Cautino episcopo erant subditi, alij Ca-  
toni presbytero: quod eis fuit maximum de-  
trimentum. Cautinus autem episcopus vidēs  
eum nulla ratione posse flecti, vt sibi esset sub-  
ditus, tam ei quàm amicis eius vel quicumque  
ei consentiebant, omnes res Ecclesiæ abstulit,  
reliquitque eos inanes ac vacuos. Quicumque  
tamen ex ipsis ad eum conuertebantur, iterū  
quod perdiderant recipiebant.

- 8 REGNANTE verò Agilane apud Hispaniam, cùm populum grauiſſimo dominationis ſuæ iugo adtereret, exercitus imperatoris Hiſpanias eſt ingreſſus, & ciuitates aliquas peruari. Interfecto autem Agilane, Athanageldus regnum accepit. Qui multa bella contra ipſum exercitum poſtea egit, & eos plerunque deuicit, ciuitatésque quas male peruariſerát, ex parte auferés de poteſtate eorum.
- 9 THEODOVALDVVS verò cùm iam adultus eſſet, Vuldrodam duxit vxorem. Hunc Theodoualdum ferunt mali fuiſſe ingenij, ita vt iratus cuidam quē ſuſpectum de rebus ſuis habebat, fabulam fingeret, dicens: Serpens ampulam vino plenam reperit, per cuius os ingreſſus, quod intus habebatur auidus hauſit. A quo inflatus vino, exire per aditum quo ingreſſus fuerat, non valebat. Veniens verò vini dominus, cùm ille exire niteretur, nec poſſet, ait ad ſerpentem, Eume prius quod inglutifti, & tunc poteris abſcedere liber. Quæ fabula magnum ei timorem atque odium præparauit. Sub eo enim & Buccellinus, cùm totam Italiam in Francorum regnum redegiſſet, à Narſete interfectus eſt: Italia ad partem imperatoris capta, nec fuit qui eam vltra reciperet. Sub huius tempore vuas in arbore quam ſambucum vocamus, abſque vitis coniunctione natas vidimus: & flores ipſarum arborum, quæ nigra, vt noſtis,

grana proferre solitæ sunt, racemorum grana dederunt. Tunc & in circulum lunę quintæ, stellam ex aduerso veniens introisse visa est. Credo hæc signa mortem ipsius regis adnunciassse. Ipse verò valde infirmatus, à cinctura deorsum se volutare non poterat. Qui paulatim decidens, septimo regni sui anno mortuus est, regnùmque eius Chlotarius rex accepit, copulans Vuldotradam vxorem eius strato suo. Sed increpitus à sacerdotibus, reliquit eam, dans ei Gariualdum ducem, dirigensque Aruernos Chramnum filium suum.

IO E O anno rebellantibus Saxonibus, Chlotharius rex, commoto cõtra eos exercitu, maximam eorum partem deleuit, peruagans totam Thoringiam ac deuastans, pro eo quòd Saxonibus suppetias præstitissent.

II DE CEDENTE verò apud vrbem Turonicam Gunthario episcopo, per emissionẽ, vt ferunt, Cautini episcopi, Cato presbyter ad gubernandam Turonicæ vrbis ecclesiam petebatur. Vnde factum est, vt coniuncti clerici, cum Leubaste martyriario & abbate, cum magno apparatu Aruernũ properarent. Cùm que Catoni regis voluntatem patefecissent, suspendit eos à responso paucis diebus. Hi verò regredi cupientes, dicunt, Pande nobis voluntatem tuam, vt sciamus quid debeamus sequi: alioquin reuertimur ad propria. Non enim nostra te voluntate expetiuius, sed re-

gis præceptione . At ille, vt erat vanæ gloriæ cupidus, adunata pauperum caterua, clamorem dari præcepit his verbis : Cur nos deseris bone pater filios, quos nunc vsque educaſti? Quis nos cibo potuque reficiet, ſi tu abieris? rogamus ne nos relinquant, quos alere conſueſti . Tunc ille conuerſus ad clerum Turonicum ait: Videtis nunc fratres chariſſimi, qualiter hæc multitudo pauperum me diligit. non poſſum eos relinquare & ire vobiscum. Iſtud hi reſponſum accipientes, reſreſſi ſunt Turonos . Cato autem amicitias cum Chramno nexuerat, promiſſionem ab eo accipiēs, vt ſi contigerit in articulo temporis illius regem mori Chlotharium, ſtatim eiecto Cautino ab epiſcopatu iſte præponeretur eccleſiæ. Sed qui cathedram beati Martini cõtemptui habuit, quam voluit non accepit : impletumque eſt in eo quod Dauid cecinit dicens: Noluit benedictionem, & prolongabitur ab eo. erat enim vanitatis cothurno elatus, nullum ſibi putās in ſanctitate haberi præſtantiorem. nam quadam vice conducta pecunia mulierem clamare fecit in eccleſia, quaſi per energiam, & ſe ſanctum magnum., deoꝛque charum conſiteri. Cautinum autem epiſcopum omnibus ſccleribus criminofum, indignumque qui ſacerdotium debuiffet adipiſci.

12 DENIQUE Cautinus adſumpto e-

piscopatu , talem se reddidit , vt ab omnibus execraretur , vino vltra modum deditus . nam plerunque in tantū infundebatur potu , vt de conuiuio vix à quatuor portaretur . Vnde factum est vt epilepticus fieret in sequenti : quod sæpius populis manifestatum fuit . erat enim & auaritiæ intantum incumbens , vt cuiuscunque possessionis fines eius termino adhæsisent : interitū sibi putaret si ab eisdem aliquid non minuisset , & maioribus quidem cum rixa & scandalo auferebat : à minoribus autem violenter diripiebat . Quibus & à quibus , vt Sollius noster ait , nec dabat precia contemnens , nec accipiebat instrumenta desperans . Erat enim tunc temporis Anastasius presbyter , ingenuus genere , qui per chartas gloriosæ memoriæ Chrothildis reginæ , proprietatem aliquam possidebat : quem plerunque conuentum episcopus rogabat humiliter ac suppliciter , vt ei chartas suprascriptæ reginæ daret , sibi que possessionem hanc subderet . Sed ille cū voluntatem sacerdotis sui implere differret , cū que episcopus nunc blanditiis prouocaret , nunc minis tereretur , ad vltimum inuitum vrbi exhiberi precepit , ibi que impudenter teneri : & nisi instrumenta daret , iniuriis adfici , & fame necari iussit . Sed ille virili repugnans spiritu , nunquam præbuit instrumenta , dicens , Satius sibi esse ad tempus inedia tabescere ,

rendit, reperitque vectem, qui decedente o-  
pertorio, inter ipsum ac labium sepulchri re-  
manerat. Quem paulatim commouens, sen-  
sit cooperante dei adiutorio, lapidem amo-  
ueri. Verum vbi ita remotus fuit, vt presbyter  
caput foras educeret, maiorem quo totus e-  
grederetur aditū liberius patefecit: interea o-  
perientibus nocturnis tenebris diem, nec ad-  
huc vsquequaq; diffusis, aliud cryptæ ostium  
petit. erat enim seris fortissimis clauisque fir-  
missimis obseratum. veruntamen non erat ita  
leuigatum, vt inter tabulas aspicere homo nō  
posset. Ad hos aditus presbyter caput reclinat,  
aduertitque hominem viam prætereuntem.  
Hunc, licet voce tenui, vocat. Exaudit ille,  
nec mora, securem manu tenens, sudes li-  
gneas quibus seræ continebantur, incidit: adi-  
tūque presbytero patefecit. At ille de nocte  
cōsurgens, ad domum pergit, satis virum ob-  
secrans, ne de eo cuiquam aliquid enarraret.  
Domū igitur suam ingressus, inquisitis char-  
tis quas ei memorata regina tradiderat, ad  
Chlotharium regem defert, indicans qualiter  
ab episcopo suo viuens sepulturæ fuerat mā-  
cipatus. Stupescuntibus autem omnibus, &  
dicentibus, nunquam vel Neronem vel Hero-  
dem tale facinus perpetrasse, vt homo viuens  
sepulchro recondideretur, aduenit ad Chlotha-  
rium regē Cautinus episcopus. Sed accusan-  
te presbytero, victus confususque discessit.

scopus ab vrbe cum magno fletu, metuens ne aliquid in itinere aduersi perferret: intendebat enim & ipse rex Chramnus minas. Qui dum iter ageret, misit rex Imnacharium & Scaptarium primos de latere suo, dicens: Ire & vi abstrahite Firminū, Cæsariamque focrū eius de Ecclesia. Descendente verò episcopo cum psallentio, sicut supra memorauimus, hi qui missi fuerant à Chramno, ingrediuntur Ecclesiam, ac Firminum Cæsariamque variis conlocutionum dolis mulcere tentant. Verum vbi diutissime, alia ex aliis deambulantes per Ecclesiam conloquuntur, & in hoc qui confugerant, intenderent ex animo quæ dicebantur, ad regias ædis sacræ quæ tunc reserata fuerant, adpropinquant. Tunc Imnacharius Firminum, Scaptarius Cæsariam adprehensos, inter brachia ab Ecclesia eiiciunt, paratis pueris qui susciperent: quos statim in exilium direxerunt. Sed die altera depressis somno custodibus, ipsi se liberos sentientes, ad beati Iuliani basilicam confugiunt, & sic ab exilio liberantur: res tamen eorum fisco conlatæ sunt. Cautinus autem episcopus, cum suspectus esset, quòd & ipse iniuriaretur, ac memoratum iter terens equum haberet stratum, vidit post tergum homines venientes cum caballis, qui ad occursum eius veniebant & ait: Væ mihi, quia hi sunt quos Chramnus direxit ad me comprehendendum. Et ascēso

equo, relicto pfallentio, solus vsque in porticū basilicę sancti Iuliani, ambobus vrgens calcaneis cornipedem, pene exanimis percurrit. Sed nos hæc narrantes, Salustii sententiam, quam in detractores historiographorum, protulit memoramus. ait enim: Arduum videtur res gestas scribere primum, quòd facta dictis exæquanda sunt: deinde quia plerique delicta quæ reprehenderis malevolentia & inuidia dicta putant. Sed cœpta sequamur.

14 I G I T V R Chlotharius post mortē Theodoualdi, cū regnum Franciæ suscepisset, atque illud circūiret, audiuit à suis iterata infania efferuescere Saxones, sibique esse rebelles, & quòd tributa quæ annis singulis consueuerant ministrare, contemnerēt reddere. His incitatus verbis, ad eos dirigit. Cūque iam prope terminum illorum esset, Saxones legatos ad eum mittunt, dicentes: Non enim sumus contemptores tui, & ea quæ fratribus ac nepotibus tuis reddere consueuimus, non negamus, & maiora adhuc si quæsieris reddemus: vnū tantum exposcimus, vt sit pax, ne tuus exercitus & noster populus cōlidatur. Hęc audiēs Chlotharius rex, ait suis: Bene loquuntur hi homines, non incedamus super eos, ne forte peccemus in deum. at illi dixerunt: Scimus enim, eos mendaces, nec omnino quod promiserint impleturos: eamus super eos.

Rursum Saxones obtulerunt medietatem facultatis suæ, pacem petentes. Et Chlotharius rex ait suis: Desistite quæso ab his hominibus, ne super nos dei ira cõcitetur. Quod illi non adqueuerunt. Rursum Saxones obtulerunt vestimenta, pecora, vel omne corpus facultatis suæ, dicentes: Hæc omnia tollite cum medietate terræ nostræ: tantum vxores & paruulos nostros relinquite liberos, & bellum inter nos non committatur. Franci autem nec hoc adquiescere voluerunt. Quibus ait Chlotharius rex, Desistite quæso, desistite ab hac intentione. verbum enim directum non habemus. nolite ad bellum ire in quo disperdamini. Tamẽ si eo ire volueritis, spontanea voluntate ego non sequar. Tunc illi ira cõmoti contra Chlotharium regem, super eum inruunt & scindentes tentorium eius, ipsum quoque conuiciis exasperantes, ac vi detrahentes, interficere voluerunt, si cum illis abire differret. Hęc vidēs Chlotharius, inuit<sup>9</sup> fuit cum eis. At illi inuito certamine, maxima ab aduersariis internecione cæduntur: trãaq; ab vtroque exercitu multitudo cecidit, vt nec æstimari nec numerari penitus possit. Tunc Chlotharius valde cõfusus pacem petiit, dicens, se non sua voluntate super eos venisse. Qua obteta, ad propria rediit.

15 TVRONICI autẽ audientes regressum fuisse regem de cæde Saxonũ, facto consensu in Eufonium presbyterũ, ad eum pergunt;

datáque suggestione, respondit rex: Præcepta enim vt Cato presbyter illic ordinaretur, & cur est spreta iussio nostra? Respõderunt ei: Petiuimus enim eum, sed noluit venire. Hæc illis dicentibus, aduenit subito Cato presbyter, deprecans regem, vt eiecto Cautino, ipsum Aruernum iuberet institui. Quod rege iridente, petiit iterum vt Turonis ordinaretur, quod ante despexerat. Cui rex ait: Ego primùm præcepi, vt Turonis te ad episcopatum cõsecraret: sed quantum audio, despectui habuisti ecclesiam illam: ideoque elõgaberis à dominatione eius. Et sic cõfusus abscessit. De sancto vero Eufronio interrogans, dixerunt eum nepotem esse beati Gregorii, cuius supra meminimus. Respõdit rex, Prima hæc est & magna generatio. Fiat voluntas dei, & beati Martini electio compleatur: & data præceptione, XVIII. post beatum Martinum sanctus Eufronius ordinatur episcopus.

16 CHRAMNVS autem apud Aruernos, diuersa vt diximus, exercebat mala, semper aduersus Cautinum episcopum inuidiam tenens. Eo tempore grauiter ægrotauit, ita vt capilli eius à nimia febre deciderent. Habebat autem tunc secum virum magnificum, & in omni bonitate perspicuum, ciuem Aruernum, Antiscouindum nomine, qui eum vi ab hac malitia quererebat auertere, sed non poterat. Habebat enim & Leonem Pictaensem, ad omnia

mala perpetranda grauem stimulum, qui no-  
 minis sui tanquam leo erat, in omni cupidi-  
 tate sæuissimus. Hic fertur quadam vice di-  
 xisse, quòd Martinus & Martialis confesso-  
 res domini, nihil fisci viribus vtile reliquis-  
 sent. Sed statim percussus à virtute confesso-  
 rum, surdus & mutus effectus, amens est mor-  
 tuus. Venit enim miser ad basilicam sancti  
 Martini Turonos, celebrauitque vigilias, de-  
 dit munera: sed non eum respexit virtus con-  
 sueta. cū ipsa enim qua venerat infirmitate,  
 regressus est. Chramnus autē ab Aruernis re-  
 gressus ad Pictauorum ciuitatem venit. Vbi  
 cum in magna potētia resideret, seductus per  
 malorum cōsiliū, ad Childebertum patru-  
 um suum transire cupit, patri insidias parare  
 disponens. Ille verò dolose quidem, sed susci-  
 pere illum promittit, quem monere spiritali-  
 ter debuerat, ne patri existetet inimicus. Tūc  
 per occultos nuncios inter se coniurati, con-  
 tra Chlotharium vnanimiter conspirarunt.  
 Sed nec memor fuit Childebertus, quod quo-  
 tienscunque aduersus fratrem suum egit, sem-  
 per confusus abscessit. Chramnus verò hoc  
 fœdere inuito, Lemouicinum rediit, & illud  
 per quod prius ambulauerat, in regno pa-  
 tris sui in sua dominatione redegit. Tunc  
 Aruernus populus intra muros tenebatur  
 inclusus, & diuersis infirmitatibus op-  
 pressus grauiter interibat. Porro Chlotharius

rex duos filios suos, id est Charibertū & Gūthramnum ad eum dirigit. Qui per Aruernū venientes, audientésque quòd in Lemouicino esset, vsque ad montem quem Nigrum nomine dicunt, accedunt, eúmque reperiunt. Figentésque tentoria, contra se resederūt, mittentes legationem, vt res paternas quas male peruaserat, reddere deberet: sin autem aliud, campum præpararet ad bellum. Cúmque ille patri subditum se esse cõfingeret, dicerétque, Omne quod circūiui laxare non potero, sed sub mea hoc potestate cum gratia patris mei cupio retinere, illi vt prælium hoc inter ipsos diiudicaret, postulant. Cúmque moto vtrique exercitu cum magno armorum apparatu ad bellum conuenissent, subito exorta tēpesta cū graui coruscatione atque tonitruo, eos ne pugnarent, inhibuit. Redeuntés autem ad castra Chramnus dolose per extraneam personā, patris mortem fratribus pronunciat. Eo enim tempore bellum contra Saxones, quod supra diximus, gerebatur. At illi timētes, cum summa velocitate Burgundiā redierunt. Chramnus verò cum exercitu post eos dirigens, vsque ciuitatem Cauillonensem venit, eamque obsidens adquisiuit. Exinde vsque Diuionense castrum pertendit, ibique cū die dominico aduenisset, quid gestum fuerit dicam. Erat ibi tunc sanctus Tetricus episcopus, cuius in superiori libello memoriam fecimus,

positis

positis clerici tribus libris super altariũ, id est Prophetiæ, Apostoli atque Euāgeliorum, orauerunt ad dominum, vt Chramno quid eueniret ostēderet: aut si ei felicitas succederet, aut certe si regnare posset, diuina potentia declararet. Simulque vnam habentes conuiuentiã, vt vnusquisque in libro quod primum aperiebat, hoc ad Missas etiam legeret. Aperto ergo primũ omniũ, prophetarum libro, reperiũt:

„ Auferam maceriam eius, & erit in desolatio-

„ nẽ: pro eo quod debuit facere vnam, fecit au-

„ tem labruscam. Reseratõq; Apostoli libro in-

„ ueniũt: Ipsi enim diligenter scitis fratres, quia

„ dies domini sicut fur in nocte, ita veniet. cum

„ dixerint, Pax & securitas, tunc repẽtinus illis

„ superueniet interit<sup>o</sup>: sicut dolores parturiẽtis,

„ & non effugient. Dominus autem per euang-

„ gelium ait: Qui non audit verba mea, ad simi-

„ labitur viro stulto, qui ædificauit domum

„ suam super arenam: descẽdit pluuia, aduene-

„ runt flumina, flauerunt venti, & inruerunt in

„ domum illam, & cecidit, & facta est ruina eius

„ magna. Chramnus verõ ad basilicas ab antedi-

„ cto sacerdote susceptus est, ibique comedens

„ panem ad Childebertum pertendit. Intra tamen

„ muros Diuionenses nõ est permissus intrare.

„ Fortiter tunc rex Chlotharius cõtra Saxones decertabat. Saxones enim vt adserunt, per Childebertum commoti atque indignantes, contra Francos superiori anno, exeuntẽs-

que de regione sua in Franciam venerunt, & vsque ad Nutiam ciuitatem prædas egerunt, nimiúmque grande scelus perpetrati sunt.

17 TVNC Chramnus iam accepta Vuiliacharij filia, Parisios accedens, secum Childebertum regem constringit in fide atque charitate, iurans se patri esse certissimum inimicum. Childebertus autem rex, dum Chlotharius contra Saxones decertaret, in Campaniam Remensem accedit, & vsque Remos ciuitatem properans, cuncta prædis atque incendio deuastauit. Audierat enim fratrem suum à Saxonibus fuisse peremptum, & regno suo cuncta subiici æstimans, quæ adire potuit, vniuersa peruasit.

18 TVNC & Austrapius dux Chramnum metuens, in basilicam sancti Martini confugit: cui tali in tribulatione posito, non defuit diuinum auxilium. nam cum Chramnus ita eum constringi iussisset, vt nullus illi alimenta præbere præsumeret: & ita arctius custodiretur, vt nec aquam quidem ei haurire liceret, quo facilius compulsus inedia, ipse sponte sua de basilica sancta periturus exiret, accedens quidam vasculum illi cum aqua semiuuio detulit ad potandum. Quo accepto, velociter iudex loci aduolauit, creptúmque de manu eius, terræ diffudit. Quod velox dei vltio, & beati antistitis virtus est subsecu-

ta. ea namque die iudex qui ista gesserat, correptus à febre, nocte media expirauit. Nec peruenit in crastinum, ad illam horam quæ in basilica sancti poculum de manu excuserat fugitiui. Post istud miraculum, omnes ei opulentissimè quæ erant necessaria, detulerunt. Redeunte autem in regnum suum rege Chlothario, magnus cum eo est habitus. Tempore verò eius, ad clericatum accedens apud Sellense castrum, quod in Pictauiâ habetur diœcesi, ordinatur. Futurum ut decedente Pientio antistite, qui tunc Pictauam regebat Ecclesiam, ipse succederet. Sed rex Charibertus in aliud vertit sententiam. Denique cum Pientius episcopus ab hac luce migrasset, apud Parisios ciuitatem Pascentius, qui tunc abbas erat basilicæ sancti Hilarij, ei succedit, ex iussu regis Chariberti, clamante Austrapio sibi hunc redhiberi locum: sed parum ei iactati profuere sermones. Ipse quoque regressus ad castrum suum, mota super se Theifalorum seditione, quos sæpe grauaerat, lancea fauciatus crudeliter vitam finiuit. Diœceses verò suas ecclesia Pictauiâ recepit.

19 T E M P O R E quoque Chlotharij regis, sanctus Dei Medardus episcopus, consummato boni operis cursu, & plenus dierum, sanctitate præcipuus, diem obiit.

Quem Chlotharius rex, cum

M ij

acies locustarum apparuerūt, quæ per Aruernum atq; Lemouicinū transeuntes, vt ferunt, Romaniacum campum venerunt, in quo prælio magno inter se acto maximæ sunt confisæ. Chlotharius autē rex, contra Chramnū frendens, cum exercitu aduersus eum in Britanniam dirigit. Sed nec ille contra patrē egredi timuit. Cūque in vno campo conglobatus vterque resideret exercitus, & Chranus cū Britannis contra patrem aciē instruxisset, incumbente nocte à bello cessatum est. ea quoq; nocte Conoaber comes Britannorum dicit ad Chramnum: Iniustum censeo te contra patrē tuum debere egredi. Permite me hac nocte, vt intruam super eum, ipsūque cum toto exercitu prosternā. Quod Chramnus vt credo virtute dei præuentus, fieri non permisit: mane autem facto vterq; commoto exercitu ad bellum contra se properant. Ibātq; Chlotharius rex tanquā nouus Dauid contra Absalonem filium pugnaturus, plangēs atq; dicens: Respice domine de cælo, & iudica causam meā, quia iniuste à filio iniurias patior. respice & iudica iuste. illudque impone iudicium, quod quondā inter Absalonē & patrem eius Dauid posuisti. Cōsurgentibus igitur pariter, Britannorum comes terga vertit, ibique & cecidit: deniq; Chramnus fugam iniit, naues in mari paratas habēs. sed dū vxorē & filias suas liberare voluit, ab exercitu patris oppressus,

captus atque ligatus est. Quod cum Chlothario Regi nunciatum fuisset, iussit eum cum vxore & filiabus igni consumi: inclusis que in tugurio cuiusdam pauperulæ, Chramnus super scamnum extensus oratio suggillatus est, & sic postea super eos incensa casula, cum vxore & filiabus interiit.

- 21 REX vero Chlotharius anno quinquagesimo primo regni sui, cum multis muneribus limina beati Martini expetiit, & adueniens Turonos ad sepulchrum ante dicti antistitis, cunctas actiones quas fortasse negligenter egerat replicans, & orans cum grandi gemitu, vt pro suis culpis beatus confessor domini misericordiam exoraret, & ea quæ inrationabiliter commiserat, suo obtentu dilueret. Exin regressus, quinquagesimo primo regni sui anno, dum in Cotia silua venationem exerceret, à febre corripitur, & exinde Compendium villam rediit: in qua cum grauiter vexaretur à febre, aiebat, Vua, quid putatis? qualis est ille rex cælestis, qui sic tam magnos reges interficit. in hoc enim tadio positus, spiritum exhalauit. Quem quatuor filij sui cum magno honore Sueffionas deferentes, in basilica beati Meda di sepelierunt. Obiit autem post vnum decurrentis anni diem, quo Chramnus fuerat interfectus.

22 CHILPERICVS verò post patris funera, thesauros qui in villa Brannaco erant congregati, accepit, & ad Francos utiliores petiit, ipsosque muneribus mollitos sibi subdidit. Et mox Parisios ingreditur, sedemque Childeberti regis occupat, sed nò diu hoc ei licuit possidere. nam coniuncti fratres eius, eum exinde repulere, & sic inter se hi quatuor, id est Charibertus, Guntchramnus, Chilpericus, atque Sygibertus, diuisionem legitimam faciunt: deditque fors Chariberto regnum Childeberti, sedemque habere Parisios: Guntchramno verò regnum Chlodomeris, ac tenere sedem Aurelianensem: Chilperico verò, regnū Chlotharij patris eius, cathedrámque Suessionas habere: Sygiberto quoque, regnum Theodorici, sedemque habere Remensem.

23 NAM post mortem Chlotharii regis Chuni Gallias adpetunt, contra quos Sygibertus exercitum dirigit, & gesto contra eos bello, vicit atque fugauit: sed postea rex eorum amicitias cum eodem per legatos meruit. Dum autem cum eis turbatus esset Sygibertus, Chilpericus frater eius Remos peruadit, & alias ciuitates quæ ad eum pertinebant, abstulit. Ex hoc enim inter eos, quod peius est, bellum ciuile surrexit. Rediens autem Sygibertus victor à Chunis Sues-

25 GUNTCHRAMNVS autem rex bonus, primo Veneradam cuiusdam suorum ancillam, pro concubina thoro subiunxit, de qua Gundobaldum filium suscepit. Postea verò Marcatrudem filiam Magnarij in matrimoniū accepit. Gundobaldum verò filium suum Aurelianis transmisit. Æmula autem Marcatrudis post habitum filium, in huius mortem grassatur. Exactis ab Leontio episcopo mille aureis, reliquos iuxta possibilitatem condemnauit episcopos, & sic principis est vltima iniuria. Post hæc Marcouei Famerofledis scilicet sororem, coniugio copulauit. Pro qua causa à sancto Germano episcopo excommunicatus vterque est. Sed cùm eam rex relinquere noller, percussa iudicio dei obiit. Nec multo post & ipse rex post eam decessit Charibertus: cuius post obitum Theodogildis vna reginarum, eius nuncios ad Guntchramnum regem dirigit, se vltro offerens matrimonio eius. Quibus rex hoc reddidit in responsis: Accedere ad me ei non pigeat cum thesauris suis. ego enim accipiã eam, faciã que magnã in populis, vt scilicet maiore mecum honore quàm cum germano meo, qui nuper defunctus est, potiatur. At illa gauisa, collectis omnibus, ad eũ profecta est. Quod cernens rex ait: Rectius est enim, vt hi thesauri penes me habeantur, quàm apud hanc que indigne germani mei thorum adiuit. Tunc ab-

latis multis, paucis relictis, Arelatēsi eam monasterio destinavit. Hæc verò ægrè adquiescens, ieiuniis ac vigiliis adfici, per occultos nuncios Gothum quendam adiuit, promittēs si se in Hispanias deductā cōiugio copularet, quòd cum thesauris suis de monasterio egrediens, libenti eum animo sequeretur. Quòd ille nihil dubitans, repromisit. Cùmque hæc collectis rebus factisque volucris, à cœnobio pararet egredi, anticipavit voluntatem eius industria abbatissæ: deprehensaque fraude, eam grauter cæsam custodię mancipare præcepit, in qua vsque ad exitum vitæ præsentis, non mediocribus adtrita passionibus, perduravit.

27 PORRO Sygibertus rex, cùm videret, quòd fratres eius indignas sibi met uxores acciperent, & per vilitatem suam etiam ancillas in matrimonium sociarent, legationem in Hispaniam mittit, & cum multis muneribus Brunichildem Atanagildi regis filiam petiit. Erat enim puella elegans opere, venusta aspectu, honesta moribus atque decora, prudens consilio, & blanda conloquio. Quam pater eius non denegans, cum magnis thesauris ante dicto regi transmisit. Ille verò congregatis senioribus secum, præparatis epulis cum immensa lætitia atque iocunditate eam accepit uxorem. Et quia Arrianæ legi subiecta erat, per prædicationem sacerdotum atque ipsius regis

commotionem conuersa, beatam in vnitatem confessam Trinitatem credidit, atque chrisinata est, quæ in nomine Christi catholica perseverauit.

- 28 QVOD videns Chilpericus rex, cum iam plures haberet vxores, sorore eius Galsuintham ex petiit, promittens per legatos se alias relicturum: tantum condignam sibi, regisque prolemereretur accipere. Pater vero eius has promissiones accipiens, filiam suam sicut anteriorem, similiter ipsi cum magnis opibus destinavit. Nam Galsuintha ætate senior quam Brunichildis erat. Quæ cum ad Chilpericum regem venisset, cum grandi honore suscepta, eiusque est sociata coniugio. A quo etiam magno amore diligebatur. detulerat enim secum magnos thesauros: sed per amore Fredegundis, quam prius habuerat, ortum est inter eos grande scandalum. Iam enim in lege catholica conuersa fuerat, & chrisinata. Cumque se regi quereretur assidue iniurias perferre, diceretque nullam se dignitatem cum eodem habere, petiit ut relictis thesauris quos secum detulerat, liberam redire permitteret ad patriam. Quod ille per ingenia dissimulans, verbis eam lenibus demulserit. Ad extremum eam suggillavit iussit à puero, mortuamque reperit in strato. Post cuius obitum, deus virtutem magnam ostendit. Lychnus enim ille qui fune suspensus coram sepulchro eius ardebat, nullo tan-

gente, sine disrupto in pavementum conruit: & fugiente ante eum duritia pavementi, tanquam in aliquod molle elementum descendit, atq; medius est suffusus, nec omnino cōtritus: quod non sine magno miraculo vidētibz fuit. Rex autem cū eam mortuam deflisset, post paucos dies Fredegundem recepit in matrimonio. Post quod factum reputantes ei fratres, quōd sua emissionē antedicta regina fuerit interfecta, eam à regno deiiciunt. Habebat autem tunc Chilpericus tres filios de Audouera priore regina sua: id est Theodobertum, cuius supra meminimus, Meroueam atque Chlodoueam. Sed ad cœpta redeamus.

29 CHUNI verò iterū in Gallias venire conabātur, aduersus quos Sygibertus cum exercitu dirigit, habens secum magnam multitudinem virorum fortium. Cūmq; confligere deberent, isti magicis artibus instructi, diuersas eis fantasias ostendunt, & eos valde superāt. Fugiente autem exercitu Sygiberti, ipse inclusus à Chunis retinebatur, nisi postea ut erat elegans & versutus, quos nō potuit superare virtute prælij, superauit arte donādi. Nā datis muneribus fœdus cum rege inuit, ut omnibus diebus vitę suę, nulla inter se prælia cōmouerēt: idque ei magis ad laudem, quàm ad aliquod pertinere obprobrium iusta ratione pensatur. Sed & rex Chunorum multa munera regi Sygiberto dedit. vocabatur autem Ga-

ganus. omnes enim reges gentis illius hoc appellantur nomine.

30 SYGIBERTVS verò rex Arelatensem urbem capere cupiens, Aruernos commoueri præcepit. Erat enim tunc Firminus comes urbis illius, qui cum ipsis in capite abiit. sed & de alia parte Adouarius cum exercitu aduenit, ingressiq; urbem Arelatensem, sacramenta pro parte Sygiberti regis exegerunt. Quod cum Guntchranus rex cõperisset, Celsum patritium cum exercitu illuc dirigit : qui abiens Auennicam urbem abstulit. Accedens autem Arelatem, & vallans eam, impugnare exercitum Sygiberti qui intra muros continebatur, cœpit: tunc Sabaudus episcopus dixit ad eos: Egredimini foras, & inite certamen, quia nõ poteritis sub murorum conclusione degentes, neque nos, neque urbis istius subiecta defendere. Quòd si vos deo propitio illos deuincitis, nos fidem quam promissimus custodimus : si verò illi contra vos inualuerint, ecce referatas reperietis portas. Ingredimini ne pereatis. Hoc illi dolo delusi, egressi foras bellum parant. sed superati ab exercitu Celsi, fugam ineunt, venientisque ad urbem, portas reperiunt obseratas. Cumque exercitus à tergo iaculis foderetur, operireturque lapidibus ab urbanis, ad amnem Rhodanum dirigunt, ibique parmis superpositis, vltiorẽ ripam expetunt. Sed multos ex his violentia amnis

direptos enecauit, fecitque Rhodanus tunc Aruernis, quod fecisse quondam Simois legitur de Troianis, - correpta sub vndis Scuta virū galeasq; & fortia corpora voluit.

Apparēt rari nantes in gurgite vasto. Qui vix nādi, vt diximus, impulsu, parmarūque adiuti adminiculo, litoris alterius plana contingere potuerunt. Qui nudati à rebus, ab equis destituti, non sine grandi contumelia patriæ restituti sunt. Firmino tamen & Adouario discedendi via indulta est. Multi ibi tunc viri ex Aruernis, non solūm torrentis impetu rapti, verum etiam gladiatorū ictibus sunt prostrati. Ac sic Guntchramnus rex recepta vrbe illa, iuxta consuetudinem bonitatis suæ, Auennicam ditionibus patris sui restituit.

31 I G I T V R in Galliis magnum prodigium de Taureduno castro apparuit. super Rhodanum enim fluuium in monte collocatum erat. Qui cum per dies amplius sexaginta nescio quem mugitum daret, tandem scissus atque separatus mons ille ab alio mōte sibi propinquo, cum hominibus ecclesiis opibūsq; ac domibus in fluuium ruit, exclusoque amnis illius litore, aqua retrorsum petiit. Locus etenim ille ab vtraque parte à montibus conclusus erat, inter quorum angustias torrens defluit. Inundans ergo superiorem partem, quæ ripæ insidebant, operuit atque deleuit. accumulata enim aqua erūpens deorsum inopinā-

tos reperiens homines, vt desuper fecerat, ip-  
 sos enecauit, domos euertit, iumenta deleuit,  
 & quæ cuncta litoribus illis insidebant, vsque  
 ad Ianobam ciuitatem, violentia atque subita  
 inundatione diripuit vel subuertit. Traditur  
 à multis tantam congeriem inibi aquæ fuisse,  
 vt in antedictam ciuitatem super muros in-  
 grederetur. Quod dubium non est, quia, vt di-  
 ximus, Rhodanus in locis illis inter angustias  
 mōrium defluit, nec habuit in latere cūm fuit  
 exclusus, quo se diuerteret: commotūque  
 montem qui descenderat adsemel erupit, &  
 sic cuncta deleuit. Quod cūm factum fuisset,  
 triginta monachi, vnde castrum ruerat, adue-  
 nerunt: & terram illam quæ monte diruente  
 remāserat, fodientes, æs siue ferrū reperiunt.  
 Quod dum agerēt, mugitum montis, vt prius  
 fuerat, audierunt. Sed dum à sæua cupiditate  
 retinentur, pars illa quæ nondum ruerat, su-  
 per eos cecidit, quos operuit atque interfecit,  
 nec vltra inuenti sunt. Similiter & ante cladē  
 Aruernam, magnā regionem illam prodigia  
 terruerunt. nam plerunque tres aut quatuor  
 splēdores magni circa solē apparuerunt, quos  
 rustici Soles vocabant, dicentes: Ecce tres vel  
 quatuor soles in cælo. Quadam tamen vi-  
 ce in calendis Octobribus, ita sol obscuratus  
 apparuit, vt nec quarta quidem pars in codē  
 lucēs remaneret, sed teter atq; decolor appa-  
 rens quasi saccus videbatur. nam & stella quā

quidam cometen vocant, radium tanquã gladium habens super regionem illam, per annũ integrũ apparuit, & cælum ardere visum est, & multa alia signa apparuere. In ecclesia verò Aruernã, dum matutinã celebrarentur vigiliã, in quadam festiuitate, auis corydalus, quã alaudam vocamus, ingressa, omnia luminaria quæ lucebant, alis superpositis in tanta velocitate extinxit, vt putares ea in vnus hominis manu posita, aqua fuisse submersa: in sacrum autem sub velo transiens, cicindilem extinguere voluit, sed ab ostiariis prohibita atque occisa est. Simile & in basilica beati Andree de lychnis lucetibus auis alia fecit. Iam verò adueniente ipsa clade, tanta strages de populo illo facta est per totam regionem illã, vt nec numerari possit quantæ ibidem ceciderint legiones. nam cum iam sarcofagi aut tabulæ defecissent, decem aut eo amplius in vna humi fossa sepeliebantur. Numerata sunt autem quadam dominica in vna beati Petri basilica, trecenta defunctorum corpora. erat enim & ipsa mors subita. Nam cum nascente in inguine aut in ascella vulnere in modum serpentis, ita interficiebatur homo ille à veneno, vt die altera aut tertia spiritum exhalaret. Sed & sensum vis illa veneni auferbat ab homine. Tunc & Cato presbyter mortuus est. nam cum de hac lue multi fugissent, ille tamen populum sepeliens, & Missas dicens,

nun-

virum, nunquã ab eo loco discessit. Hic autẽ presbyter multę humanitatis, & satis dilector pauperũ fuit : & credo hæc causa ei si quid superbię habuit, medicamẽtum fuit. Cautinus autem episcopus, cum diuersa loca hanc cladem timens, circũisset, ad ciuitatem regressus est, & hanc incurrens parasceue Passionis dominicę obiit. Nam ipsa hora & Tetradius cõsobrinus eius mortuus est. Tunc & Lugdunum, Biturix, Cauallonnum atque Diuionum oppida ab hac infirmitate valde depopulata sunt.

32 EO autem tempore, mortuo apud Hispaniam Athanoldo rege, Leuan cum Leuieldo fratre regnũ accepit. Defuncto igitur Leuane, Leuieldus frater eius, totum regnum occupauit. Qui vxore mortua, Gunsuintham reginę Brunichildis matrem accepit, duos filios de prima vxore habens, quorum vnus Sygiberti, alius Chilperici filiam desponsauit. Ille quoque inter eos regnum æqualiter diuisit, interficiens omnes illos qui reges interire consueuerant, non relinquẽs ex eis min gentem ad parietem.

33 DEFUNCTO igitur apud urbem Constantinopolitanam Iustiniano imperatore, Iustinus ambiuit imperium, vir nimicę auaritię deditus, contemptor pauperum, senatorum spoliator : cui tanta fuit cupiditas, vt arcas iuberet fieri ferreas, in quas numismatis aurei

talenta congereret:quem etiam ferunt in hęc  
resin Pelagianā dilapsū. Nam non post mul-  
tum tempus, demens effectus, Tyberium Cę-  
sarem sibi adsciuit ad defensandas prouin-  
cias suas, hominem iustum, eleemosynarium,  
æquum discernentem, obtinentēque vi-  
ctorias: quod omnibus supereminet bonis,  
etiam verissimum Christianum. Denique Sy-  
gibertus rex, legatos ad Iustinianum impera-  
torem misit, pacem petēs, id est Vuarniarium  
Francum, & Firminum Aruernum, qui eun-  
tes euectu nauali, Cōstantinopolitanam sunt  
urbem ingressi, locutique cum imperatore,  
quæ petierant obtinuerunt. Ad sequentem ta-  
men annum in Galliam sunt regressi. Post hęc  
autem Antiochia Ægypti, & Appamia Syrię,  
maximæ ciuitates, à Persis captæ sunt, & po-  
pulus captiuus abductus. Basilica tunc sancti  
Iuliani Antiochensis martyris graui incendio  
concremata est. Ad Iustinianum autem im-  
peratorem cum magni auri pondere venerūt,  
petentes amicitias eius, atque narrātes se im-  
peratori Persarū esse infensos. Venerat enim  
ad eos, dicens: Sollicitudo imperialis scitatur  
si fœdus inicum cum eo custodiatis intactum.  
Respondentibus illis, omnia ab his pollicita  
inlibata seruari. dixerunt legati, In hoc appa-  
rebit vos eius amicitias custodire, si ignem vt  
ille veneratur, & vos veneremini. Respondē-  
te populo, nequaquam se hęc facturum, ait e-

pisopus, Quæ est in igne deitas, vt venerat<sup>i</sup> queat? quem deus ad vsus hominum procreauit, qui fomentis accenditur, aqua restinguitur: at vbi erit neglectus, tepescit: hæc & his similia episcopo prosequente, legati furore succensi, actum conuitiis, fustibus cædunt. Cernens autem populus sacerdotem suū sanguine cruentum, super legatos inruunt, manus iniiciunt, interimuntq;, & sicut diximus, huius imperatoris amicitias petierunt.

Hoc loco desunt aliquot capita, etiam in antiquis exemplaribus.

- 43 ALBOINVS verò Longobardorū rex, qui Chlothosindam regis Chlotharij filiam habebat, relicta regione sua, Italiam cū quatuor milium Longobardorum gente petiit. Nam commoto exercitu, cum vxoribus & liberis abire, illic manere deliberantes. Quam regionem ingressi, maxime per septem annos peruagantes, spoliatis ecclesiis, sacerdotibus interfectis, in suam redigūt potestatem. Mortua autem Chlothosinda vxore Alboini, aliam duxit coniugem: cuius patrem ante paucum tempus interfecerat. Qua de causa mulier in odio rem per virum habens, locum operiebatur, in quo posset iniurias patris vlcisci: vnde factum est, vt vnum ex famulis concupiscens, virum veneno necaret: quo de-

functo, cum famulo abiit: sed adprehensi, pariter interfecti sunt. Longobardi deinceps alium super se regem statuunt.

42 EVNIUS quoque cognomento Mummolus, à rege Guntchramno patritiatū promeruit. De cuius militiæ origine, altius quædam repetenda putavi. Hic crenim Pœnio patre ortus, Altiſiodorensis vrbis incola fuit. Pœnius verò huius municipij comitatum regebat. Cùmque ad renouandam actionem, munera regi per filium transmisiſit, ille datis rebus paternis, comitatum patris ambiuit, ſupplantauitque genitorem quem ſubleuare debuerat. Ex hoc verò gradatim proficiens, ad maius culmen euectus eſt. Igitur prorumpentibus Longobardis in Gallias, armatur Pericius qui nuper Celfi ſucceſſor. Còcurruntque ibi, tantàmque tunc ſtragem Lõgobardi feruntur feciſſe de Burgundionibus, vt non poſſit colligi numerus occiſorum: oneratique præda aſcenderunt iterum in Italiam: quibus aſcendentibus Eunius qui & Mummolus, arceſſitus à rege, patritiatuſ culmen meruit. Inruentibus iterum Longobardis in Gallias, & vſque Muſcias Calmes accedentibus, quod adiacet ciuitati Ebredonenſi, Mummolus exercitum mouet, & cum Burgundionibus illuc proficiſcitur. Circundatiſque Longobardis cum exercitu, actiſque concidibus, per diuortia ſiluarum inruit

super eos: multos interfecit, nonnullos cepit, & regi direxit. Quos ille per loca dispersos, custodire præcepit, paucis quodammodo per fugam elapsis qui patriæ nunciarent.

43 FVERVNTQUE in hoc prælio Saluinus & Sagittarius fratres atque episcopi, qui non cruce cælesti muniti, sed galea aut lorica seculari armati, multos manibus propriis, quod peius est, interfecisse referuntur. Hæc prima Mummoli certaminis victoria fuit. Post hæc Saxones, qui cum Longobardis in Italiam venerant, & iterum proruperant in Gallias, & infra territorium Regensê, id est apud Stablonem villam, castra ponunt, discurrentes per villas vrbium vicinarum, diripientes prædas, captiuos abducentes, vel etiam cuncta vastantes. Quod cum Mummolus comperisset, exercitum mouet, inruensque super eos multa ex his milia interfecit, & vsque ad vesperam cedere non destitit, donec nox quietê faceret. ignaros enim repererat homines, & nihil de his quæ accesserunt autumantes. Mane autem facto statuunt Saxones exercitum, præparantes se ad bellum, sed intercurrentibus nunciis pacem fecerunt. Datîsq; muneribus Mummolo, relicta vniuersa regionis præda, cum captiuis discesserunt, iurantes prius, quòd ad subiectionem regnûmque Francorum redire deberent in Gallias, Igitur regressi Sa-

xones in Italiam, adsumptis secum vxoribus & paruulis, vel omni supellectile facultatis, redire in Gallias destinant. Scilicet vt à Sygiberto rege collecti, in loco vnde egressi fuerant, stabilirentur. Feceruntque ex se duos, vt aiunt, cuneos: & vnus quidem per Niceam urbem, alius verò per Ebredunensem venit, illam reuera tenentes viam, quam anno superiore tenuerant: coniunctique sunt in Aruernico territorio. Erat enim tunc tempus messium, & locus ille maxime fructus terræ sub dio habebat, nec quicquam ex his domi incolæ recondiderat: deniq; accedentes hi in areas, segetes inter se diuidunt. Colligentesque ac triturantes, frumeta dabant, nihil ex his eis qui laborauerant relinquentes. Verum postquam expensis fructibus ad litus Rhodani amnis accesserunt, vt transacto torrente, regno se regis Sygiberti conferrent, occurrit eis Mummolus, dicens: Non transibitis torrentem hunc: ecce res domini mei regis depopulastis, collegistis regis pecora, deuastastis, trucidastis, non ascendetis, nisi satisfaciatis prius his quos exiguos reliquistis, alioquin non effugietis manus meas, nisi ponam gladium super vos, & vxores & paruulos vestros, & vlciscar iniuriam domini mei Guntchramni regis. Tunc illi timentes valde, dantes multa numismatis aurei milia pro redemptione sua, transire permitti sunt: & sic Ar-

uernum peruenerunt . Erat tunc tempus, quo ferebant ibi tegulas æris incisas pro auro : quas quisque videns , non dubitat aliud, nisi quòd aurum probatum atque examinatum esset . Sic enim coloratum ingenio nescio quo fuit : vnde nonnulli hoc dolo seducti , aurum dantes & æs accipientes , pauperes facti sunt . Hi verò ad Sygibertum regem transeuntes, in locum vnde prius egressi fuerant, stabiliti sunt.

43 IN REGNO autem Sygiberti regis, remoto ab honore Iouino rectore prouinciæ , Albinus in loco eius subrogatur , Magnam inter eos inimicitiam hæc causa gessit . Igitur aduenientibus transmarinis, Vigilij archidiaconi homines , septuaginta vasa, quæ vulgo Orcas vocant , olei liquaminisque furati sunt , nesciente domino . Negotiator autem cum cognouisset sibi rem furto ablatam fuisse , inquirere diligenter cœpit , quo furtum fuisset conditum . Hæc querens , audit à quodam , quòd homines Vigilij archidiaconi perpetrassent : perueniunt hæc ad archidiaconum , qui inquirens & inueniens , nequaquam publicare , sed excusare suos cœpit , dicens : Nunquam de domo mea egressus est qui tale auderet admittere . Taliter, inquam, excusante archidiacono, negotiator ad Albinum pergit : causam exerit , & archidiaconum in crimine fraudis

huius mixtum accusat. Die autem sancto Natalitij episcopo in ecclesia adueniente, archidiaconus indutus alba adest, episcopū, vt mos est, inuitans ad altare debere procedere, ac solennitatem diei sancti opportuno debere tempore celebrare. Nec mora, Albinus de sede exiliens, adprehēsum archidiaconum carētat. Pro quo nunquam obtinere potuerūt, nec episcopus, nec ciues, nec vllus maior natu, nec ipsa vox totius populi adclamantis, vt datis fideiussoribus, diem sanctum archidiacono liceat cum reliquis celebrare, atque accusatio eius in posterum debere audiri: sed nec ob ipsa sacrosancta solēnia metum habuit, vt ministrum dominici altaris tali in die non auderet adripere. Quid plura? Quatuor milibus solidorum archidiaconum condemnauit: quod in praesentia regis Sygiberti veniens, quadrupla satisfactione, insequente Iouino, composuit.

44

POST hæc tres Longobardorum duces, id est Amo, Zaban, ac Rhodanus Gallias inrupere. Et Amo quidem Ebredunensem carpens viam vsque Machao uillam Auennici territorij, quam Mummolus munere meruerat regio, accessit, ibique fixit tentoria. Zaban verò per Deinssem descendens urbem, vsque Valentiam venit: ibique castra posuit. Rhodanus autem Gratianopolitanam urbem adgressus est, ibique papiliones ex-

tendit . Et Amo quoque Arelatensem debellauit prouinciam cum urbibus quæ circumscriptæ sunt . Et vsque ipsum Lapideum campum, qui adiacet urbi Massiliensi accedens, tam de pecoribus, quam de hominibus denudauit: Aquensibus autem obsidionem parauit : de quibus viginti duabus libris argenti acceptis abscessit. Sicque & Rhodanus ac Zabam in locis quibus accederant fecerunt. Quæ cum Mumolo perlata fuissent, exercitum mouit, & Rhodano qui Gratianopolitanam urbem debellabat, occurrit. Sed cum Eseram fluuium exercitus laboriose transfiret, nutu dei animal amnem ingreditur, vadum ostendit : & sic populus in ulteriorem ripam ingreditur. Quod uidentes Longobardi, nec morati, euaginatiis gladiis hos adpetunt. Commissoque bello, intantum caesi sunt, ut Rhodanus sauciatus lancea, ad montium excelsa confugeret. Exinde cum quingentis uiris qui ei remanserant, per deuia siluarum prorumpens, ad Zabanem peruenit, qui tunc urbem Valentiam obsidebat: narrauitque ei omnia quæ acta fuerant. Tunc datis pariter cunctis in praedam, ad Ebredunensem urbem regressi sunt: ibique eis cum innumero exercitu Mummolus in faciem uenit. Commissoque praelio, Longobardorum phalangam usque ad internecionem caesam: cum paucis duces in Italiam sunt regressi. Cumque usque Sigusium urbem perlata fuissent, & eos incolae loci dure susciperent, pra-

sertim cum Sisinnius magister militum à parte imperatoris in hac vrbe resideret, simulatus Mummoli puer in conspectu Zabani, Sisinnio literas protulit, salutemq; ex nomine Mummoli dedit dicēs, En ipsum in proximo. Quod audiens Zaban, cursu veloci ab vrbe ipsa digressus, præteriiit. His auditis Amo collecta omni præda, in itinere proficiscitur: sed resistētibus niuibus, relicta præda, vix cum paucis erumpere potuit. Exterriti enim erant virtute Mummoli.

45 **M V L T A** enim Mummolus bella gessit, in quibus victor extitit. Nam post mortē Chariberti, cū Chilpericus Turonos ac Pictauos peruasisset, quæ Sygiberto regi per pactum in partem venerant, coniunctus rex ipse cum Guntchramno fratre suo, Mummolū eligunt, qui has vrbes ad verum dominium reuocare deberet. Qui Turonos veniens, fugato exinde Chlodoueo Chilperici filio, exactis à populo ad partem regis Sygiberti sacramentis, Pictauos accessit. Sed Basilius ac Sygarius Pictaui ciues, collecta multitudine, resistere voluerūt: quos de diuersis partibus circūdatos oppressit, obruit, interemit, & sic Pictauos accedens, sacramenta exegit. Hæc interim de Mummolo dicta sufficiāt: reliqua in posterum sunt digerenda.

46 **D E** Andarchij verò interitu locuturus, prius genus ordiri placet & patriam. Hic igitur,

vt adferūt, Felicis senatoris seruus fuit, qui ad  
 obsequium domini deputatus, ad studia lite-  
 rarum cum eo positus, bene institutus emi-  
 cuit. Nam de operibus Virgilij, legis Theodo-  
 sianæ libris, artéque calculi ad plene eruditus  
 est. Hac igitur scientia tumens, despiciere  
 dominos cœpit: & se patrocínio Lupi du-  
 cis, cūm ad urbem Massiliensem ex iussu regis  
 Sygiberti accederet, commendauit. De qua  
 regressus, hunc secum abire præcepit, insinu-  
 auitque eum diligenter Sygiberto regi, atque  
 ad seruiendum tradidit. Quem ille per lo-  
 ca diuersa dirigens, locum præbuit militan-  
 di. Ex hoc quasi honoratus habitus, Aruer-  
 num venit: ibique cum Vrsō ciue vrbis e-  
 ius, amicitias inligat. Interim vt erat acris in-  
 genij, filiam eius desponsare desiderans, lori-  
 cam vt ferūt, in libellari quo carthæ abdi soli-  
 tæ sunt, recondit, dicens mulieri coniugique  
 Vrsi, quia multitudinem aurcorum meorum  
 amplius quàm sexdecim milia in hoc libellari  
 reconditam tibi commendo, quod tuum esse  
 poterit, si mihi filiam tuam præstiteris despō-  
 sari. - sed quid non mortalia pectora cogis  
Auri sacra fames? - Promisit mulier hæc  
 simpliciter credens, absente viro, huic de-  
 sponsari puellam. At ille regressus ad regem,  
 præceptionem ad iudicem loci exhibuit, vt  
 puellam hanc suo matrimonio sociaret di-  
 cēs, Quia dedi arram in desponsatione eius.

Negavit autem vir ille dicens: Quia neque te noui unde sis, neque aliquid de rebus tuis habeo. Quæ intentione pullulante ac vehemētius incremente, Andarchius expetiit Vrsū regis præsentia arcessiri. Cūque venisset apud villam Brennacum, requirit hominem alium Vrsū nomine. quem ad altare clā adductū, iurare fecit ac dicere: Per hunc locum sanctū & reliquias martyrum beatorum, quia si filiam meā tibi in matrimonio non tradidero, sexdecim milia solidorum tibi satisfacere non morabor. Stabant enim testes in sacrario, auscultantes occulte verba loquentis, sed personam quæ loqueretur penitus non videntes. Tūc Andarchius demulsi verbis lenibus Vrsū, fecitque eum sine regis præsentia reuerti ad patriam. Factoque ex hoc iuramento, breue sacramentorum, regi illo protulit discedente dicēs: Hęc & hæc mihi Vrsus scripsit: & ideo gloriæ vestræ præceptionem depono, vt filiam suam mihi tradat in matrimonio. Alioquin mihi liceat res eius possidere, donec sexdecim milibus solidorum acceptis, me ab hac causa remoueam. Tunc adeptis præceptionibus, Aruernum rediit: ostēdit iudici iussionem regis. Vrsus autem se in Villauum territorium contulit. Cūque res eius huic cōsignaretur, & hic in Villauum accessit. Ingressusque vnam Vrsi domum, cœnam sibi præcepit præparari, atque aquas quibus ablueretur calefieri iubet. Sed

cum serui domus minime rudi domino parent, alios fustibus, alios virgis cædit, nonnullis capita percutiens sanguinem elicuit. Turbata ergo familia, præparatur cœna, abluitur hic aquis calidis, inebriatur vino, & se collocat super stratum. Erât autem cum eo septem pueri tantum. Cùmque nõ minus somno quã vino sepulti altius obdormissent, congregata familia, ostia domus quæ erat ex ligneis fabricata tabulis, claudit. Acceptisq; clauibus, metas annonæ, quæ aderant elidit: ac circa domũ & supra domum adgregatis his aceruis annonæ quæ tunc in manipulis erat, ita vt operta ex his domus cerneretur omnino, tũc immisso per partes diuersas igne, cùm iã super hos infelices materia ædificij exusta dirueret, excitantur, emittunt voces: sed non fuit qui exaudiret, donec tota domo adusta ipsos pariter ignis absorberet. Vrsus verò metuens, basilicã sancti Iuliani expetiit: datisque regi muneribus, res suas in solidum recepit.

- 47 CHLODOVEVS verò Chilperici filius de Turonico eiectus, Burdegalam abiit. Denique cum apud Burdegalã ciuitatem nullo prorsus inquietante resideret, Sigulfus quidã à parte Sygiberti, se super eum obiecit. quem fugientem cum tubis & buccinis quasi labentem ceruum fugans, insequabatur. qui vix ad patrem regredi liberum habuit aditũ. Tamen per Andegauos regressus, ad eum re-

diit. Cum autem contentio inter Guntchramnum & Sygibertum reges verteretur, Guntchramnus rex apud Parisios omnes episcopos regni sui congregat, ut inter utrosque quid veritas haberet, edicerent. Sed ut bellum civile in maiori pernicitate cresceret, eos audire peccatis facientibus distulerunt. Chilpericus autem rex in ira commotus, per Theodobertum filium suum seniore, qui à Sygiberto quondam adprehensus sacramentum dederat ut ei fidelis esset, ciuitates eius peruadit, id est Turonos & Pictauos, & reliquas citra Ligerim sitas. Qui Pictauos veniens contra Gundobaldum duce[m] pugnavit. Terga autem vertente exercitu partis Gúdobaldi, magnam ibi stragem de populo illo fecit. Sed & de Turonica regione maximam partem incendit, & nisi ad tempus manus dedissent, totam continuo debellasset. Commoto autem exercitu Lemouicinum, Cadurcinum, vel reliquas illorum prouincias peruadit, vastat, euertit, ecclesias incendit, ministeria detrahit, clericos interficit, monasteria virorum deiicit, puellas deludit, & cuncta deuastat, fuitque illo in tempore peior in ecclesiis gemitus, quam tempore persecutoris Diocletiani,

48 ET adhuc obstupescimus & admiramur, cur tantæ super eos plagæ inruerát: sed recurramus ad illud quod parentes eorum egerunt, & isti perpetrant: illi post prædicationem sa-

cerdotum, de fanis ad ecclesias sunt conuer-  
si: isti quotidie de ecclesiis prædas detrahunt.  
illi sacerdotes domini ex toto corde venerati  
sunt, & audierunt: isti non solum non audi-  
unt, sed etiam persequuntur. illi monasteria  
& ecclesias ditauerunt: isti eas diruunt ac  
subuertunt. Quid de Latta monasterio re-  
feram, in quo beati Martini habentur reli-  
quæ? cum ad eum vnus cuneus hostium ad-  
uentaret, & fluium qui propinquus est, tran-  
sire disponderet, vt monasterium expoliaret,  
clamauerunt monachi dicentes: Nolite ô  
barbari, nolite huc transire. Beati enim  
Martini istud est monasterium. Hæc au-  
dientes eorum multi compuncti à dei timo-  
re regressi sunt. Viginti tamen ex ipsis, qui  
non metuebant deum, neque beatum con-  
fessorem honorabant, ascendentes nauem il-  
luc transgrediuntur, & inimico stimulante,  
monachos cædunt, monasterium euertunt,  
résque diripiunt, de quibus facientes sarcin-  
as, nauis imponunt. Ingressique fluium,  
protinus vibrante carina huc illucque ferun-  
tur. Cùmque amisso auxilio remorum, hasti-  
libus lancearum in fundum aluei defixis re-  
meare conarentur, nauis sub pedibus eorum  
dehiscit, & vniuscuiusque ferrum quod con-  
tra se tenebat, pectori defigitur, transuer-  
beratique cuncti à propriis iaculis interi-  
muntur. Vnus tantum ex ipsis qui eos

increpabat, ne ista committerent, remansit in-  
 laesus. Quod si hoc quis fortuito euenisse iudi-  
 cat, cernat vnu in fontem plurimis euasisse de  
 noxiis. Quibus interfectis, monachi ipsos &  
 res suas ex alueo detrahentes, illos sepelientes  
 res domi restitunt.

49 DV M hæc agerentur, Sygibertus rex gen-  
 tes illas quæ ultra Rhenum habentur, commo-  
 uet, & bellum ciuile ordiens, contra fratrem  
 suum Chilpericum ire destinat. Quod audiens  
 Chilpericus, ad fratrem suum Guntchramnū  
 legatos mittit. Qui cōiuncti pariter fœdus in-  
 cunt, vt nullus fratrem suum perire sineret. Sed  
 cum Sygibertus gentes illas adducēs venisset,  
 & Chilpericus de alia parte cum suo exercitu  
 resideret, nec haberet rex Sygibert<sup>9</sup> super fra-  
 trem iturus, vbi Sequanā fluuium trāsmearet,  
 fratri suo Guntchramno mandat dicens: Nisi  
 me permiseris per tuam sortem hunc fluuium  
 transire, cum omni exercitu meo super te per-  
 gam. Quod ille timens, fœdus cum eodē iniit,  
 eūmque transire permisit. Denique sentiens  
 Chilpericus, quod Gūtchrammus, scilicet re-  
 licto eo ad Sygibertum transisset, castra mouit  
 & vsque Aualocium Carnotēsem vicū abiit.  
 Quem Sygibertus insecutus; campū sibi præ-  
 parari petiit. Ille verò timens, ne conliso vtro-  
 que exercitu, etiam regnum eorum cōrueret,  
 pacem petiit, ciuitatēque eius quas Theodo-  
 bertus male peruaserat, reddidit, deprecās vt  
 nullo

nullo casu culpantur earū habitatores, quos ille iniuste igni ferroque obprimēs adquisierat. Vicos quoque qui circa Parisios erant, maxime tunc flamma consumpsit, & tam domus quàm res reliquæ ab hoste direptæ sunt, vt etiam & capriui ducerentur. Obtestabatur enim rex, ne hæc fierent: sed furorem getium quæ de vltiore Rheni amnis parte venerat, superare non poterat. sed omnia patienter ferebat, donec redire posset ad patriam. Tūc ex gētilibus illis contra eum quidam murmurauerūt, cur se à certamine substraxisset. Sed ille vt erat intrepidus, ascenso equo, ad eos dirigit, eosque verbis lenibus demulsit, multos ex eis postea lapidibus obrui præcipiens. Sed nec hoc sine beati Martini fuisse virtute ambigitur, vt hi sine bello pacificarentur. Nam in ipsa die qua hi pacem fecerunt, tres paralytici ad beati basilicam sunt directi, quod in sequētibz libris domino iuuante disseremus.

50 DOLOREM enim ingerit animo, ista ciuilia bella referre. Nam post annum iterum Chilpericus ad Gunrtramnum fratrem suum legatos mittit dicens: Veniat frater meus, & videamus nos, & pacificati persequamur Sygibertum inimicum nostrum. Quod cum fuisset factum, seque vidissent, ac muneribus honorassent, commoto Chilpericus exercitu vsque Rhemos accessit, cuncta incendens atque debellans. Quod audiens Sygibertus, ite-

○

rum conuocatis gentibus illis quarum supra memoriam fecimus, Parisios venit, & contra fratrem suum ire disponit, mittens nuncios Dunensibus & Turonicis, vt contra Theodobertum ire deberent. Quod illi dissimulantes, rex Godegisilum & Guntchramnum duces in capite dirigit. Qui commouentes exercitum aduersus eum, pergunt. At ille derelictus à suis, cum paucis remansit: sed tamen ad bellum exire non dubitat. Incuntes autem prælium, Theodobertus euictus, in campo prosternitur, & ab hostibus exanime corpus, quod dici dolor est, spoliatur. Tunc ab Arnulfo quodam collectus, ablutusque ac dignis vestibus est indutus, & ad Engolismensem ciuitatem sepultus. Chilpericus verò cognoscens, quòd iterum se Guntchramnus cum Sygiberto pacificasset, se infra Tornacenses muros cum vxore & filiis suis communiuit.

- 51 IN eo anno fulgur per cælum discurrisse visum est, sicut quondam ante mortem Chlotharij factum vidimus. Sygibertus verò obtentis ciuitatibus illis, quæ citra Parisios sunt positæ, vsq; Rothomagensem urbem accessit, volens eadem vrbes hostibus cedere. Quod ne faceret, à suis prohibitus est. regressus inde, Parisios est ingressus: ibique ad eum Brunichildis cum filiis venit. Tunc Fráci, qui quòdam ad Childebertum aspexerant seniore, ad Sygibertum le-

gationem mittunt, vt ad eos veniēs, derelicto Chilperico, super seipsum regē stabilirent. Ille verò hæc audiens, misit qui fratrem suū in suprā memorata ciuitate obsiderēt, ipse illuc properare deliberās. Cui sanctus Germanus episcopus dixit, Si abieris, & fratrem tuū interficere nolueris, viuis & victor redies : si autē aliud cogitaueris, morieris : sic enim dominus per Salomonem dixit : Foueam quam fratri tuo parabis, in eam conruēs. Quod ille peccatis facientibus, audire neglexit. Veniente autem illo ad villam, cui nomen est Victoriacum, collectus est ad eum omnis exercitus, impositoque super clypeo sibi regem statuunt. Tunc duo pueri cum cultris validis, quos vulgo Scramafaxos vocant, infecti vino, maleficati à Fredegunde regina, cum aliam causam se gerere simularent, vtraque ei latera feriunt. At ille vociferans, atque conruens, non post multo spacio emisit spiritum : ibique & Charegisilus cubicularius eius conruit : ibi & Sygila qui quondam ex Gothia venerat, multum laceratus est : & postea ab Chilperico rege comprehensus, incensis cum cauteriis candentibus omnibus iuncturis, ac membratim separatus, crudeliter vitam finiuit. Fuit autem Charegisilus ille tam leuis opere, quàm grauis cupiditate : de minimis confurgens, magnus per adulationes cum rege effectus est : competitor rerum alienarū, testamētōrūq; effractor :

Martini, anni ccccxii. A transitu sancti Martini vsque ad transitum Chlodouei regis, anni cxij. A transitu Chlodouei regis vsque ad transitum Theodoberti, anni xxxvij. A transitu Theodoberti vsque ad exitum Sygiberti, anni xxix. Qui sunt simul anni, quinquies mille septingenti septuaginta quatuor.

GREGORII TVRONICI HISTORIARVM

Liber quintus.



Edet me bellorum ciuiliū diuersitates quæ Francorum gentem & regnum valde proterunt, memorare: in quo quod peius est, tempus illud quod dominus de dolorum prædixit initio, iam videmus.

Consurgit pater in filium, filius in patrem: frater in fratrem, proximus in propinquum. Debebant enim eos exempla anteriorum regum terrere, qui vt diuisi, statim ab inimicis sunt interempti. Quotiens & ipsa vrbs vrbium, & totius mundi caput, iniens bella ciuilia diruit: quo cessante, rursus quasi ab humo surrexit. Vtinam & vos ô reges in his

prælia in quibus parentes vestri defudauerūt, exerceremini, vt gentes vestra pace cōterritæ, vestris viribus premerentur. Recordamini quid caput victoriarum vestrarum Chlodo-ueus fecerit, qui aduersos reges interfecit, noxias gentes elisit, patrias gentes subiuga-uit: quarum regnum vobis integrum inlēsū-que reliquit. Et cum hoc faceret, neque au- rum, neque argentum sicut nunc est, in the- sauris vestris habebatur. Quid agitis? quid quæritis? quid non abundatis? In domibus delicia supercrescunt: in promptuariis, vi- num, triticū, oleūque redundat: in thesau- ris aurum atque argentum coaceruatur. Vnū vobis deest, quod pacem non habentes, dei gratia indigetis. Cur vnus tollit alteri suum? cur alter concupiscit alienum? Cauete illud  
 „ quæso apostolī: Si inuicem mordetis & co-  
 „ meditis, videte ne ab inuicem consumamini. Scrutamini diligenter veterum scripta, & videbitis quid ciuilia bella parturiant. Re- quirite quid de Carthaginēsis scribat Oro- sius: qui cum post septingentos annos subuer- sam dicat ciuitatem & regionem eorum, ad- didit: Quæ res eam tandiu seruauit? concor- dia. Quæ res eam post tanta destruxit tempo- ra? discordia. Cauete discordiam, cauate bel- la ciuilia quæ vos populūque vestrum ex- pugnant. Quid aliud sperandum erit, nisi cum exercitus vester ceciderit, vos sine sola-

rio relictū, atque à gentibus aduersis obpressi protinus conruatis? Si te ô rex, bellum ciuile delectat, illud quod apostolus in hominem agi meminit, exerce, vt spiritus concupiscat aduersus carnem, & vitia virtutibus cedant, & tu liber capiti tuo, id est Christo seruias, qui quondam radici malorum seruieras comeditus.

IGITUR interempto Sygiberto rege apud Victoriacū villam, Brunichildis regina cum filiis Parisiis residebat. Quod factum cum ad eam perlatum fuisset, & conturbata dolore ac luctu, quid ageret, ignoraret, Gundobaldus dux adprehensum Childebertum filium eius paruulum furtim abstulit: ereptūque ab imminente morte, collectisque gentibus, super quas pater eius regnum tenuerat, regem instituit, vix lustro ætatis vno iam peracto. qui die dominici natalis regnare cœpit. Anno igitur primo regni eius, Chilpericus ex Parisios venit, adprehensamque Brunichildem, apud Rothomagensē ciuitatem in exilium trussit, thesaurosque eius quos Parisios detulerat, abstulit. Filias verò eius Meladis vrbe teneri præcepit. Tunc Rucculenus cum Cœnomānicis Turonos venit, & prædis egit, & multa scelera fecit: quod insequenti qualiter à virtute beati Martini protantis malis quæ gessit, percussus interiit, memoramus.

vt Chilpericus rex comperit, cum exercitu il-  
 luc dirigit, mittens nuncios ne sibi iniuriam  
 facerent, & excidium de utroque eueniret  
 exercitu. Illi autem hæc negligentes, præ-  
 parantur ad bellum: commissioque prælio in-  
 ualuit pars Chilperici, atque fugauit par-  
 tem sibi aduersam, multos ex ea strenuos at-  
 que vtilis viros prosternens, fugatisque reli-  
 quis Sueffionas ingreditur. Quæ postquam  
 acta sunt, rex propter coniugationem Bru-  
 nichildis, suspectum habere cœpit Meroueu  
 filium suum, dicens hoc prælium eius nequi-  
 tia surrexisse: spoliatumque armis, datis cu-  
 stodibus liberè custodiri præcepit, tractans  
 quid de eo in posterum ordinaret. Godinus  
 autem, qui à sorte Sygiberti se ad Chilperi-  
 cum transtulerat, & multis ab eo muneribus  
 locupletatus est, caput belli istius fuit: sed in  
 campo victus, primus fuga dilabatur: villas  
 verò quas ei rex à fisco in territorio Sueffioni-  
 co indulserat, abstulit, & basilicæ contulit bea-  
 ti Medardi. Ipse quoque Godinus non post  
 multum tempus repentina morte præuentus,  
 interiit. Cuius coniugem Rauchingus acce-  
 pit, viromni vanitate repletus, superbia tumi-  
 dus, elatione proteruus: qui se ita cum subie-  
 ctis agebat, vt nõ cognosceret in se aliquid hu-  
 manitatis habere, sed ultra modum humanæ  
 malitiæ atque stultitiæ in suos defæuiens, ne-  
 fanda mala gerebat. Nam si ante eum, vt ad-

solet, conuiuio vtentē puer cereū tenuisset, nu-  
dari eius tibias faciebat, atq; tādiu in his cereū  
cōprimi donec lumine priuaretur: iterū cū in-  
luminatus fuisset, similiter faciebat, vsq; dum  
totē tibię famuli tenentis exurerētur. Quòd si  
vocem emittere, aut se de loco illo alia in par-  
te mouere conatus fuisset, nudus ilico gladius  
imminebat: fiebatq; vt hoc flente, iste magna  
lētitia exultaret. Aiebant enim quidam, eo tē-  
pore duo de famulis eius, vt sæpe contingit,  
mutuo se amore dilexisse, virum scilicet &  
puellam. Cūque hæc dilectio per duorum  
annorum aut eo amplius spacia traheretur,  
coniuncti pariter ecclesiam petierunt. Quod  
cū Rauchingus comperisset, accedit ad sa-  
cerdotem loci: rogat sibi protinus reddi suos  
famulos excusatos. Tūc sacerdos ait ad eum:  
Nosti enim quę veneratio debeat impēdi ec-  
clesiis dei: non enim poteris eos accipere, nisi  
vt fidē facias de permanente eorum coniu-  
ctionē: similiter & vt de omni pœna corpora-  
li liberi maneat, repromittas. At ille, cū diu  
ambiguus cogitatione siluisset, tandem con-  
uersus ad sacerdotē, posuit manus suas super  
altare cum iuramēto, dicens: Quia nunquam  
erunt à me separandi, sed potius ego faciam,  
vt in hac coniunctione permaneāt: quia quā-  
quam mihi molestum fuerit, quòd absq; mei  
consilij conuiuētia talia sint gesta, illud tamē  
libens amplector, quod nec hic ancillam alte-

rius, neque hæc extranei seruum acceperit. Credidit sacerdos ille simpliciter promissionē hominis callidi, reddiditque homines excusatos. Quibus ille acceptis, & gratias agēs, accessit ad domū suā: & statim iussit elidi arbore, trūcatamq; columnā eius per capita cuneo scissam præcepit excuari: effossāq; in altitudine triū aut quatuor pedū humo, deponi vas iubet in foueā. Ibique puellā vt mortuā cōponēs, puerū desuper iactari præcepit: positōq; operitorio, fossam humo repleuit, sepeliuitque eos viuētes dicens, Quia non frustraui iuramentū meū, vt nō separarētur hi in sempiternū. Quæ cū sacerdoti nūciata fuissent, cucurrit velociter: & increpās hominē vix obtinuit vt detegerētur. Verūtamen puerū viuū extraxit, puellā verò reperit suffocatā. In talib⁹ enim operibus valde nequissimus erat, nullā aliam habēs potius vtilitatē, nisi in cachinnis ac dolis, omnibusq; peruersis rebus. Vnde nō immerito taliter excessit à vita qui talia gessit, cū fruere- tur hac vita, quod in posterum digesturi sumus. Syggo quoque referēdarius qui anulum regis Sygiberti tenuerat, & ab Chilperico rege ita prouocatus erat, vt seruitium quod tempore fratris sui habuerat, obtineret, ad Childebertū regem Sygiberti filium relicto Chilperico transfuit, resque eius quas in Suesioni- co habuerat, Ansoualdus obtinuit. Multi autem & alij de his qui se de regno Sygiberti ad

Chilpericū tradiderāt, recesserunt. Vxor quoque Syggonis non pōst multo tēporis spacio obiit: sed ille aliam rursus accepit.

- 4 HIS diebus Rucculenus ab Chilperico missus, Turonos aduenit cum magna iactantia, & vltra Ligerim castra ponens, nuncios ad nos direxit, vt scilicet Guntchramnū, qui tunc de morte Theodoberti impetebatur, à basilica sancta deberemus extrahere. Quod si non faceremus, & ciuitatem, & omnia suburbana eius iuberet incēdio concremari. Quo audito mittimus ad eum legationem, dicentes: Hæc ab antiquo facta non fuisse quæ hic fieri deprecabatur: sed nec modo permitti posse, vt basilica sancta violaretur. Quod si fieret, nec sibi fore prosperum, nec regi qui hæc iussa mādasset: metueretque magis sanctitatem antistitis, cuius virtus hesternā die paralyticam direxisset. Nihil ex his ille formidans, cū in domo ecclesiæ vltra Ligerim resideret, domum ipsam quæ clavis adfixa erat, dissecat. Ipsos quoque clauos Cœnomannici qui tunc cum eodem aduenerant, impletis follibus portāt, annonas euertunt, & cuncta deuastant. Sed dum hæc Rucculenus agit, à deo percutitur, morboque regio croceus effectus, mandata aspera remittit, dicens: Nisi hodie proieceritis Guntchramnum ducē de basilica, ita cuncta virentia quæ sunt circa urbem adteram, vt dignus fiat aratro locus ille. Interim aduenit

dies sanctus Epiphaniæ: & hic magis ac magis torqueri cœpit. Tunc accepto à suis consilio, amne tráfacto, ad ciuitatem accedit. Denique cùm psallétes de ecclesia egressi ad sanctam basilicam properarent: hic post crucem præcedentibus signis, equo superpositus ferebatur. Verùm vbi basilicam sanctam introiit, mox furor minantis intepuit: regressusque ab ecclesia, nihil cibi ea die accipere potuit. Exinde cùm valde anhelus esset, Pictauum abiit. Erát enim dies sanctæ quadragesimæ, in qua fœtus cuniculorum sæpe comedit. Dispositis verò actionibus, quibus in calendis Martiis ciues Pictauos vel adfligeret, vel damnaret, pri die animam reddidit: & sic superbia, tumorq; quieuit.

5 E O tempore Felix Namneticæ vrbis episcop<sup>o</sup>, literas mihi scripsit, plenas obprobriis, scribens etiam fratrem meum ob hoc interfectú, eo quòd ipse cupidus episcopatus, episcopum interfecisset. Sed vt hæc scriberet, villam ecclesiæ concupiuit. Quam cùm dare nollem, euomuit in me, vt dixi, plenus furore, obprobria mille. Cui aliquãdo ego respõdi, Memen  
 „ to dicti prophetici: Vx his qui iungunt domũ  
 „ ad domum, & agrum ad agrum copulât. nun  
 „ quid soli inhabitabunt terram? O si te habuisset Massilia sacerdoté, nũquam naues oleum, aut reliquas species detulissent, nisi tantũ char tam quo maiorem opportunitatem scribendi

ad bonos infamandos haberes. Sed paupertas chartæ, finem imponit verbositati: immensæ enim erat cupiditatis atque iactantiæ. Sed ego ista postponens, ne illi similis appaream, illud explicabo, qualiter germanus meus ab hac luce migrauerit, & quàm velocem in percussorem eius dominus præstitèrit ultionem. Consenscète beato Tetrico ecclesiæ Lingonicæ sacerdote, cum Lampadium diaconum quem creditorem habuit, deiecisset, & frater meus dum pauperibus quos ille male spoliauerat, opitulari cupiens cōsensisset in eius humiliationem, odium ex hoc incurrit. Interea beatus Tetricus à sanguine sauciatur: cui cū nulla medicorum fomenta valerent, conturbati clerici, & à pastore utpote destituti, Mondericum expetunt: qui à rege indultus ac tōfuratus, episcopus ordinatur, sub ea specie, ut dum beatus Tetricus viueret, hic Ternodorése castrum, ut archipresbyter regeret, atq; in eo commoraretur: migrante verò decessore, iste succederet. In quo castro dum habitaret, iram regis incurrit: adferebatur enim contra eū, quòd ipse Sygiberto regi aduersus fratrem suum Guntchramnum venienti, alimēta & munera præbuisset. Igitur extractus à castro, in exilium super ripam Rhodani in turri quadam arcta atq; detecta retruditur: in qua per duos ferè annos cum grandi cruciatu cōmoratur. Obtinente beato Nicetio episco-

po, Lugdunū regreditur : habitauitq; cum eo per duos menses. Sed cū obtinere non posset à rege, vt in locum vnde deiectus fuerat, restitueretur, nocte per fugam lapsus ad Sygiberti regnum transit, & apud Arisitensem vicum episcopus instituitur, habens sub se plus minus diœceses quindecim, quas primū Gothi quidam tenuerant, nunc verò Dalmatius Ruthenensis episcopus vendicabat. Quo abeunte iterum Lingonici Siluestrum propinquum, vel nostrum, vel beati Tetrici episcopū expetunt. Sed vt eum peterēt, fratris mei hoc instinctu fecerunt. Interea transeunte beato Tetrico, hic rōso capite, presbyter ordinatur, accepta omni potestate de rebus ecclesiæ: qui verò vt benedictionem episcopalem Lugduni accipiat, iter parat. Quæ dum aguntur, ipse quia iam diu epilepticus erat, ab hoc morbo correptus, asperius extra sensum factus, & per dies duos assiduè dans mugitū, tertia die spiritum exhalauit. Quibus peractis, Lampadius, vt superius diximus, ab honore & facultate priuatus in odio Petri diaconi, cum filio Siluestri coniungitur, machinans atque confirmans patrem suum ab ipso fuisse maleficiis interfectum. At ille ætate iuuenis, sensu leuis, contra eū cōmouetur, ipsum impetēs publicè parricidā. Porrò ille hæc audiēs, facto placito in præsentia sancti Nicetij episcopi auunculi matris meæ, Lugdunum dirigitur: & ibi Sya-

grio episcopo coram adstante, & aliis sacerdotibus multis cum secularium principibus, se sacramento exiit: nunquam se in mortem Siluestri mixtum fuisse. Post duos verò annos instigatus iterum à Lampadio filius Siluestri, adsequutus in via Petrum diaconum, lancea fauciatum interfecit. Quod cum factum fuisset, de eo loco eleuatus, & ad Diuionense delatus castrum, secus sanctum Gregorium proauum nostrum sepelitur. Iste verò fugam iniés, ad Chilpericum regem transit, facultatibus suis fisco regis Guntchramni dimissis. Cúmque per diuersa vagaretur pro commisso scelere, nec ei esset locus firmus ad commorandum: tandem, vt credo, contra eum sanguine insonante ad diuinam potètiám proclamáte, in quodam loco dum iter ageret, innocentem hominem euaginato gladio interemit. Cuius parètes condolentes propinqui exitum, commota seditione, extractis gladiis, eum in frustra concidunt, membratimque dispergunt. Talem iuxta iudicium dei exitum miser accepit, vt qui propinquum innocentem interemerat, ipse nocens diutius non maneret: nam tertio hæc ei euenerūt anno. Denique Siluestri post transitum, Lingonici iterum episcopum flagitantes, Pappolum qui quondam archidiaconus Augustidunensis fuerat, accipiunt: qui multa, vt adserunt, egit iniqua, quæ à nobis prætermittuntur, ne detractatores fratrum esse

esse videamur. Tamen qualem habuerit exitum, non omittam. Anno octauo episcopatus sui, dum diœceses ac villas ecclesiæ circumiret, quadam nocte dormienti apparuit illi B. Terricus vultu minaci. Cui ita, Quid tu, inquit, hic Pappole? vt quid sedem meâ poluis? vt quid ecclesiam peruadis? vt quid oues mihi creditas sic dispergis? cede loco, relinque sedem, abscede longius à regione. Et hæc dicens, virgam quam habebat in manu, pectori eius cum ictu valido impulit. In quo ille euigilans, dum cogitat quid hoc esset, ficta in loco illo defigitur, ac dolore maximo cruciatur. Abhorret cibum potumque, & mortem iam sibi proximam præstolatur. Quid plura? Tertia die cum sanguinem ore proiceret, expirauit. Exinde elatus Lingonas, est sepultus. In cuius locum Mummolus abbas quem Bonum cognomento vocant, episcopus substituitur: quem multi magnis laudibus sequuntur, esse cum castum, sobrium, moderatum, ac in omni bonitate promptissimum, amantem iustitiam, charitatem, omni intentione diligentem. Qui accepto episcopatu, cognoscens quòd Lampadius multum de rebus fraudasset ecclesiæ, ac de spoliis pauperum, agros, vineasque, vel mancipia congregasset, eum ab omni re nudatum à præsentia sua iussit abigi. Qui nunc in maxima paupertate degens, manibus propriis victum quaerit. Hæc

de his sufficient.

- 6 ANNO verò quo supra, id est quo mortuo Sygiberto Childebertus filius eius regnare cœpit, multæ virtutes ad sepulcrum beati Martini apparuerunt, quas in illis libellis scripsi, quos de ipsis miraculis componere tentavi. Et licet sermone rustico, tamen celare passus non sum, quæ aut ipse vidi, aut à fidelibus relata cognoui. hic tantum quid negligentibus euenerit, qui post virtutem cælestem terrena medicamenta quæsierunt, exsoluam, quia sicut per gratiam sanitarum, ita & per castigationem stultorum virtus eius ostenditur. Leonastes Biturigis archidiaconus decidentibus cataractis, lumine caruit oculorum. Qui cùm per multos medicos ambulans, nihil omnino visionis recipere posset, accessit ad basilicam beati Martini: vbi per duos aut tres menses consistens, & ieiunans assiduè, lumen vt reciperet flagitabat. Adueniente autem festiuitate, clarificatis oculis cernere cœpit: regressus quoque domum, vocato quodam Iudæo, ventosas quorum beneficio oculis lumen augeret, humeris superponit. Decedente quoque sanguine, rursus in recidiuam cecitatem redigitur. Quod cùm factum fuisset, rursus ad templum sanctum regressus est. Ibique iterum longo spacio cōmoratus, lumen recipere non meruit. Quod ei ob peccatum non præstitum reor, iuxta il-

„ Iud dominicū oraculum, Qui habet, dabitur  
 „ ei, & abundabit: & qui nō habet, ipsum quod  
 „ habet auferetur ab eo. & illud, Ecce sanus fa-  
 „ ctus es, iā noli peccare, ne quid tibi deterius e-  
 „ ueniat. Nā perstitisset hic in sanitate, si Iudēū  
 „ non induxisset super diuinam virtutem. Tales  
 „ enim admonet & arguit apostolus, dicēs, No-  
 „ lite enim iugum ducere cum infidelibus. Quę  
 „ enim participatio iustitię cum iniquitate? aut  
 „ quę societas lucis cum tenebris? Quę autem  
 „ communicatio Christi cum Belial? aut quę  
 „ pars fidei cum infidei? quis autem consen-  
 „ sus templo dei cum idolis? Vos estis enim tē-  
 „ plum dei viui: propterea exite de medio eo-  
 „ rum, & separamini ab his, ait dominus. Ideo  
 „ doceat vnumquenque Christianum hęc cau-  
 „ sa, vt quando cęlestem accipere meruerit me-  
 „ dicinam, terrena non requirat studia.

7 SED & illud commemorare libet, qui vel  
 quales viri hoc anno à domino sunt conuoca-  
 ti. Vnde magnum eum & deo acceptabilem  
 ego censeo, qui tales de nostra terra suo para-  
 diso collocauit. Nā benedictus Senoch pre-  
 sbyter, qui apud Turonos morabatur, sic mi-  
 grauit à seculo. Fuit autem genere Theifalus,  
 & in Turonico clericus factus, in cellulam  
 quam ipse inter parietes antiquos composue-  
 rat, se remouit: collectisque monachis, ora-  
 torium quod multo tempore dirutum fuerat,  
 reparauit. Idem super infirmos multas virtu-

bibebat, præter aquam parumper melle lini-  
tam: sed nec pulmento aliquo utebatur. Cu-  
ius victus erat panis in aquam infusus atq; sale  
respersus: huius oculi nunquam caligauerūt.  
Erat autem in oratione assiduus: quam si pa-  
rúper prætermisisset, aut legebat aliquid, aut  
scribebat. Frigoriticis pustulis laborantibus,  
vel reliquis morbis, sæpe per orationem reme-  
dia conferebat. Sed & alia signa multa fecit,  
quæ per ordinem longū est enarrare. Cilicium  
semper puro adhibebat corpori. Qui octoge-  
naria ætate abscedens à seculo, migravit ad  
Christum. Scripsimus & de huius vita libellū.

II ET quia semper deus noster sacerdotes  
suos glorificare dignatur, quid Arverno de  
Iudæis hoc anno contigerit, pandam. Cum  
eosdem plerunque beatus Auitus episcopus  
commoneret, vt relicto velamine legis Mo-  
saicæ, spiritualiter lecta intelligerent, & Chri-  
stum filium viuientis dei prophetica & legali  
auctoritate promissum, corde purissimo in  
sacris literis contemplarentur, manebat in pe-  
ctoribus eorum, iam non dicam velamen il-  
lud quo facies Moysi obūbrabatur, sed paries:  
sacerdote quoque orante vt conuersi ad do-  
minū, velamē ab eis literæ rumperetur, quidā  
ex his ad sanctum pascha, vt baptizaretur  
expetiit, renatusque deo per baptismi sacra-  
mentum, cum albatis reliquis in albis & ipse  
procedit. Ingrediētibus autē populis portam

ciuitatis, vnus Iudæorum super caput conuerſi Iudæi oleum fœtidum diabolo instigante diffudit. Quod cùm cunctus abhorrens populus voluisset eum vrgere lapidibus, pontifex vt fieret non permisit. Die autem beato quo dominus ad cælos post redemptum hominem ascendit gloriosus: cùm sacerdos de ecclesia ad basilicam psallendo procederet, inruit super synagogam Iudæorum multitudo tota sequentium, destruensque à fundamentis, campi planitie loci adsimilatur. Alia autē die sacerdos eis legatos mittit, dicens: Vi ego vos confiteri dei filium non impello, sed tamen prædico, & salem scientiæ vestris pectoribus trado. Pastor sum enim dominicis ouibus superpositus, & de vobis ille verus pastor qui pro nobis passus est, dixit habere se alias oues quæ non sunt ex ouili suo, quas cum oporteat adducere, vt fiat vnus grex & vnus pastor. Ideoque si vultis credere vt ego, estote vnus grex, custode me posito: sin verò aliud, abscedite à loco. Illi autem diu æstuantēs atq; dubitantes, tertia die, vt credo, obtentu pontificis coniuncti in vnum, ad eum madata remittunt dicentes, Credimus Iesum filium dei viui nobis prophetarū vocibus repromissum. & ideo petimus vt abluamur baptismo, ne in hoc delicto permaneamus. Gaudius autē nuncio pontifex, nocte sancta Pentecostes vigiliis celebratis, ad baptisterium foras muraneum

egressus est: ibique omnis multitudo coram eo prostrata, baptismum flagitavit. At ille præ gaudio lachrimans cunctos aqua abluens, chrismate liniens, in sinu matris ecclesiæ cōgregavit. Flagrabant cerei, lāpades refulgebant albicabat tota ciuitas de grege candido: nec minus fuit vrbi gaudiū, quā quondā spiritus sancto descendente super apostolos, Hierusalē videre promeruit. Fuerunt autem qui baptizati sunt, amplius quingenti. Hi verò qui baptismum percipere noluerunt, discedentes ab illa vrbe, Massiliæ redditi sunt.

12 **T R A N S I I T** post hæc & Brachio abbas cellulæ Manatensis. Fuit autem genere Thoringus, in seruitium Sygiualdi quondam ducis venationem exercens, sicut alibi scripsimus.

13 **E R G O** vt ad propositum reuertamur, Chilpericus rex Chlodoueuum filium suū Turonos transmisit, qui congregato exercitu inter terminum Turonicum, & Andegauum vsque Sanctonas transiit, eamque peruasit. Mummolus verò patritius Gūthramni regis, cum magno exercitu vsq; Lemouicinū trásiit: & cōtra Desiderium ducem Chilperici regis bellū gessit. In quo prælio cecidere de exercitu eius quinq; millia. de Desiderij verò viginti quatuor inilia. Ipse quoq; Desiderius fugiens vix euasit. Mummolus verò patritius per Aruernum rediit, eamq; per loca exercitus eius

deuastauit, & sic in Burgundiam peraccessit.  
 14 POST hæc Meroueus cùm in custodia à  
 patre retineretur, tonsuratus est, mutataque  
 veste qua clericis vti mos est, presbyter or-  
 dinatur, & ad monasterium Cœnomanni-  
 cum quod vocatur Aninsula, dirigitur, vt  
 ibi sacerdotali erudiretur regula. Hæc au-  
 diens Guntchramnus Boso, qui tunc in basili-  
 ca sancti Martini, vt diximus, residebat, niisit  
 Riculfum subdiaconũ, vt ei consilium occul-  
 tẽ præberet expetendi basilicã sancti Martini.  
 Qui cùm abiisset ab alia parte, Gaïlenus puer  
 eius aduenit. Cùmque paruum solatium qui  
 eum ducebant haberet, ab ipso Gaïleno in iti-  
 nere excussus est, opertoque capite, indutusq;  
 veste seculari, beati Martini templum expe-  
 tiit. Nobis autem Missas celebrantibus, in san-  
 ctam basilicam, aperta reperiens ostia, ingres-  
 sus est. Post Missas autem petiit, vt ei eulogias  
 dare deberemus. Erat autem tunc nobiscum  
 Ragnemodus Parisiacæ sedis episcopus, qui  
 sancto Germano successerat. Quod cum refu-  
 raremus, ipse clamare cœpit & dicere, quod  
 non rectè eum à cõmunionem sine fratrum cõ-  
 niuentia suspenderemus. Illo autem hæc di-  
 cente, cum consensu fratris qui præsens erat,  
 cõtestata causa canonica, eulogias à nobis ac-  
 cepit. Veritus autem sum, ne dum vnum à cõ-  
 munionem suspendebam, in multos existerẽ ho-  
 micida. Minabatur enim aliquos de populo

nostro interficere, si' communionem nostram non meruisset. Multas tamen pro hac causa Turonica regio sustinuit clades. His diebus Nicetius vir neptis meæ, propriam habēs causam, ad Chilpericum regem abiit cum diacono nostro, qui regi fugam Merouci narraret. Quibus visis Fredegūdis regina ait: Exploratores sunt, & ad sciscitandum quid agat rex aduenerunt, vt sciant quid Meroueo renuncient. Et statim spoliatos in exiliū retrudi præcepit, de quo mēse septimo relaxati sunt. Igitur Chilpericus nuncios ad nos direxit dicēs: Eiicite apostatam illum de basilica: si autem aliud, totam regionem illam igni succendam. Cūque nos rescripsissemus, Impossibile esse quod temporibus hæreticorum non fuerat, Christianorum nūc temporibus fieri, ipse exercitum commouet, & illuc dirigit. Anno autem secundo Childeberti regis, cū videret Meroueus patrem suum in hac deliberatione intentum, adsumpto secum Guntchramno duce ad Brunichildem pergere cogitat, dicens: Absit vt propter meam personam basilica domini Martini violentiam perferat, aut regio eius per me captiuitati subdatur. Et ingressus basilicam, dum vigilias ageret, res quas secum habebat, ad sepulchrum beati Martini exhibuit, orans vt sibi sanctus succurreret, atque ei concederet gratiam suam, vt regnum accipere posset. Leudastes tunc comes cum multas ei

in amore Fredegundis infidias tēderet, ad extremum pueros eius qui in pago egressi fuerant, circunuentos dolis gladio trucidauit, ipsumque interimere cupiens, si reperire loco opportuno potuisset. Sed ille consilio vsus Guntchramni, & se vlcisci desiderās, redeūte Marileiso archiatro de præsētia regis, comprehendi præcipit: cæsūmque grauissimè, ablatο auro argentōque eius, & reliquis rebus quas secum exhibebat, nudū reliquit. Et interfecisset vtique, si non inter manus cædentium elapsus, ecclesiā expetisset: quē nos postea indutum vestimentis, obtenta vita Pictauum remisimus. Meroueus verò de patre atq; nouerca, multa crimina loquebatur: quæ cū ex parte vera essent, credo acceptū non fuisse deo, vt hæc per filium vulgarentur, sicut in sequentibus cognoui. Quadam enim die ad conuiuū eius aditus, dum pariter sederemus, suppliciter petiit aliqua ad instructionem animæ legi. Ego verò referato Salomonis libro, versiculū qui primus occurrit arripui, qui hæc continebat: Oculum qui auersus aspexerit patrem, cefodiant eum corui de conuallibus. Illo quoque non intelligente, considerāui hunc versiculum à domino præparatum. Tunc direxit Guntchramnus puerū ad mulierē quandā sibi iam cognitā à tempore Chariberti regis, habentem spiritū Phitonis, vt ei quæ erant euentura narraret. Adferebat præterea ipsam sibi

ante hoc tempus, nō solum annum, sed & diē & horā, in qua rex Charibertus obiret, denunciasset. Quę hęc ei per pueros mandata remisit: Futurum est enim vt rex Chilpericus hoc anno deficiat, & Meroueus inclusis fratribus omne capiat regnum. Tu verò ducatum totius regni eius annis quinque tenebis. Sexto verò anno in vna ciuitatum quę super Ligeris alueum sita est, in dextra eius parte fauente populo episcopatus gratiam adipisceris, ac senex & plenus dierum ab hoc mundo migrabis. Cúmque hęc pueri redeuntes domino nunciassent, statim ille vanitate elatus tanquā si iā in cathedra Turonicę ecclesię resideret, ad me hęc detulit verba. Cuius ego inridens stultitiam, dixi: A deo hęc poscenda sunt. nam credi non debent quę diabolus repromittit. ille autem ab initio mēdax est, & in veritate nunquā stetit. Illo quoque cum confusione discedente, valde inridebam hominem qui talia credi putabat. Denique quadam nocte vigiliis in basilica sancti antistitis celebratis, dum lectulo decubans obdormissem, vidi angelum per aëra volantem: cúmque super sanctam basilicam præteriret, voce magna ait: Heu heu, percussit deus Chilpericum, & omnes filios eius: nec superabit de his qui processerunt ex lumbis eius, qui regat regnum illius in æternum. Erant ei eodem tempore de diuersis vxoribus filij quatuor, exceptis filiabus. Cum

autem hæc in posterum impleta fuissent, tunc ad liquidum cognoui falsa esse quæ promiserant arioli. Igitur commorantibus his apud basilicam sancti Martini, misit ad Guntchramnum Bosonem Fredegūdis regina, quæ ei iam pro morte Theodoberti patrocinebatur, occulte, dicens: Si Meroueam eiicere poteris de basilica ut interficiatur, magnum de me munus accipies. At ille præsto putans esse interfectores, ait ad Meroueam: Ut quid hic quasi segnes & timidi residemus, & ut hebetes circa basilicam oculimur? Veniant enim equi nostri, & acceptis accipitribus, cum canibus exerceamur venatione, spectaculisque patulis iocundemur. hoc enim aiebat callide, ut eum à sancta basilica separaret. Guntchramnus verò alias sane bonus (nam ad periuria nimium præparatus erat, veruntamen nulli amicorum sacramentum dedit, quod non protinus omisisset) egressi itaque, ut diximus, de basilica, ad Iocundiacensem domum ciuitati proximam progressi sunt: sed à nemine Meroueus nocit<sup>o</sup> est. Et quia impetebatur tunc Guntchramnus de interitu, ut diximus, Theodoberti, misit Chilpericus rex epistolam scriptam ad sepulcrum sancti Martini, quæ habebat insertum, ut ei beatus Martinus rescriberet, vtrum liceret extrahi Guntchramnum de basilica eius, an non. Sed Baudinus diaconus qui hanc epistolam exhibuit, chartam puram cum eadem quæ

detulerat, ad sanctum tumulum misit. Cúm-  
que per triduum expectasset, & nihil rescri-  
pti reciperet, rediit ad Chilpericum. Ille  
verò misit alios qui à Guntchramno sacramen-  
ta exigent, vt sine eius scientia basilicam  
nō relinqueret. Qui ambienter iurans pallam  
altaris fideiussorem dedit, nunquam se exin-  
de sine iussione regia egressurum. Meroueus  
verò nō credens phytonissæ, tres libros super  
sancti sepulcrum posuit, id est Psalterij, Regū,  
Euangeliorum: & vigilans tota nocte, petit  
vt sibi beatus confessor, quid eueniret osten-  
deret, & vtrum possit regnum capere, an non,  
vt domino indicante cognosceret. Post hæc  
continuato triduo in ieiuniis, vigiliis, atque  
orationibus, ad beatum tumulum iterum ac-  
cedens, reuoluit librum qui erat Regum. Ver-  
sus autem primus paginæ quam referauit, hic  
" erat: Pro eo quòd dereliquistis dominum de-  
" um vestrum, & ambulastis post deos alienos,  
" nec fecistis rectum ante cōspectum eius, ideo  
" tradidit vos dominus deus vester in manibus  
" inimicorum vestrorum. Psalterii autem versus  
" hic est inuentus: Veruntamen propter dolo-  
" sitatem posuisti eis mala: deiecisti eos, dum al-  
" leuarentur. Quomodo facti sunt in desolatio-  
" nem? subito defecerunt: perierunt propter ini-  
" quitates suas. In Euangelij autē hoc est reper-  
" tum: Scitis quia post biduum pascha fiet, & fi-  
" lius hominis tradetur vt crucifigatur. In his

responſionibus ille confuſus, flens diutiſſime  
 ad ſepulchrum beati antiſtitis, adſumpto ſecū  
 Guntchramno duce cum quingentis aut eo  
 amplius viris diſceſſit. Egreſſus autem baſili-  
 cam ſanctam, cum iter ageret per Altifiodo-  
 renſe territorium, ab Erpone duce Guntchra-  
 mni regis comprehenſus eſt. Cūmq; ab eo de-  
 tineretur, caſu neſcio quo, dilapſus, baſilicam  
 ſancti Germani ingreſſus eſt. Audiens hæc  
 Guntchramnus rex in ira cōmotus Erponem  
 ſeptingētis aureis dānat, & ab honore remo-  
 uet, dicēs: Retinuisti, vt ait frater meus, inimi-  
 cum ſuū. quod ſi hoc facere cogitabas, ad me  
 eū debuisti prius adducere: ſinautē aliud, nec  
 tangere debueras quem tenere diſſimulabas.  
 Exercitus autem Chilperici regis vſque Tu-  
 ronos accedens, regionem illam in prædas  
 mittit, ſuccendit, atque deuasta: nec rebus  
 ſancti Martini pepercit, ſed quod manu teti-  
 git, ſine vllō dei intuitu, aut timore, diripuit.  
 Meroueus prope duos meſes, ad ante dictam  
 baſilicā reſidens, fugam iniit, & ad Brunichil-  
 dem reginam vſq; peruenit, ſed ab Auſtraſiis  
 non eſt collectus. Pater verò eius exercitum  
 contra Campanenſes commouit, putans eum  
 ibidem occultari: ſed nihil nocuit, nec eū po-  
 tuit reperire.

15 E T. quia tempore illo quo Alboinus in  
 Italiam ingreſſus eſt, Chlotharius & Sygiber-  
 tus Suauos, & alias gentes in loco illo poſue-

runt, hi qui tempore Sygiberti regressi sunt, id est qui cum Alboino fuerant, contra hos consurgunt, volentes eos à regione illa extrudere ac delere. At illi obtulerunt eis tertiam partem terra, dicentes: Simul viuere sine consensione possumus. Sed illi contra eos irati, eo quòd ipsi hoc antea tenuissent, nullatenus pacificare voluerunt. Dehinc obtulerunt eis iterum isti medietatem: post hæc duas partes, sibi tertiam relinquentes. Nolentibus autem illis, obtulerunt cum terra omnia pecora, tantum vt à bello cessarent. Sed nec hoc illi adquiescentes, certamen expetunt. Et inter se ante certamen, qualiter vxores Suauorum diuiderent, & qui quam post eorum exitum acciperet, tractant, putantes eos iam quasi interfectos habere. Sed domini miseratio quæ iustitiam facit, in aliam partem voluntatem eorum retorfit. Nam cõfligentibus illis: erant autem viginti sex milia Saxonum, ex quibus viginti milia ceciderunt: Suauorum quoq; sex milia, ex quibus quadringenti & octoginta tantum prostrati sunt: reliqui verò victoriam obtinuerunt. Illi quoque qui ex Saxonibus remanserant, detestati sunt, nullum se eorum barbam, neque capillos incisurum, nisi prius se de aduersariis vlciscerentur. Quibus iterum decertantibus: in maiore excidio conruerunt: & sic à bello cessatum est.

16 IN Britannis hæc acta sunt. Macliauis

quondam & Bodiccus Britannorum comites, sacramentum inter se dederant, ut qui ex eis superuiveret, filios partis alterius tanquam proprios defensaret. Mortuus autem Bodiccus reliquit filium Theodoricum nomine. Quo Macliæus oblitus sacramenti, expulso à patria, regnum patris eius accepit. Hic verò multo tempore profugus vagusque fuit. Qui tandem miserante deo, collectis secum à Britannia viris, se super Macliæum obiecit, eumque cum filio eius Iacob gladio interemit, partemque regni quam quondam pater eius tenuerat, in sua potestate restituit: partem vero aliam Vuaroch? Macliæi filius vindicauit.

- 17 GVNTRHAMNVS verò duos Magnacharij quodam filios gladio interemit, pro eo quòd in Austrigildem reginam, eiusque sobolem multa detestabilia atque execranda proferrerent: facultatesque eorum fisco suo rededit. Ipse quoque duos filios suos subito morbo oppressos perdidit. de quorum funere valde contristatus est, eo quòd orbus absque liberis remansisset. Eo anno dubietas paschæ fuit. In Galliis verò nos cum multis ciuitatibus, quartodecimo calendas Maias sanctum pascha celebrauimus. Alij verò cum Hispanis, duodecimo calendas Aprilis, solennitatem hanc tenuerunt: tamen ut ferunt, fontes illi qui in Hispaniis nutu dei complentur, in nostro pascha repleti sunt Cænone, verò Turonico vico

vico, dum ipso glorioso Resurrectionis dominicæ die Missæ celebrarentur, ecclesia cōtremit, populúsq; cōterritus à pauore, vnâ vocē dedit dicēs, quòd ecclesia caderet: cunctíq; ab ea etiam effractis ostiis per fugam lapsi sunt. magna post hæc lues populú deuastauit. Post hæc Guntchramnus rex ad Childebertum nepotem suum legatos mittit, pacem petens, ac deprecans eum videre. Tūc ille cum proceribus suis ad eū venit: qui ad pōtem quē Petreū vocant, coniuncti sunt, consalutantes atq; inuicem osculantes se. Guntchramnus rex ait, Euenit impulsu peccatorū meorū, vt absq; liberis remanerē: & ideo peto, vt hic nepos meus mihi sit filius. Et imponens eū super cathedrā suam, cunctū ei regnū tradidit dicēs, Vna nos parma protegat, vnāque hasta defendat. Quòd si filios habuero, te nihilominus tanquā vnū ex his reputabo, vt illa cum meis, tecúmque permaneat charitas, quam tibi hodie ego polliceor, teste deo. proceres verò Childeberti similiter pro eodē polliciti sunt. Et manducantes simul atque bibentes, dignísque se muneribus honorantes, pacifici discesserunt, ad Chilpericum regem legationem mittentes, vt redderet quod de eorum regno minuerat. Quod si differret, campum præpararet ad bellum. Quod ille despiciens, apud Sueffionas atque Parisios, circos ædificare præcepit, eos populis spectaculum præbens.

à me sæpius muneratos, sed non hæc causa exitit, vt rex eiiceretur à regno. Nam & cum vos mihi & equos optimos, & res alias præberetis, nunquid poteram aliud facere, nisi & ego vos simili sorte remunerarè? Recedente verò rege ad metatum suum, nos collecti in vnum, sedebamus in secretario basilicæ beati Petri. Confabulantibusque nobis, subito aduenit Aëtius archidiaconus Parisiacæ ecclesiæ: salutatisq; nobis, ait, Audite me ô sacerdotes domini, qui in vnum collecti estis: aut enim hoc tempore exaltabitis nomen vestrum, & bonæ famæ gratia refulgebitis: aut certè nullus vos amodo pro dei sacerdotibus est habiturus, si personas vestras sagaciter non erigitis, aut fratrem perire permittitis. Hæc eo dicente, nullus sacerdotum ei quicquam respondit. timebant enim reginæ furorem, cuius instinctu hæc agebantur. Quibus intentis & ora digito comprimentibus, ego aio, Ad tenti estote quæso sermonibus meis, ô sanctissimi sacerdotes dei, & præsertim vos qui familiariores esse regi videmini: adhibete ei consilium sanctū atque sacerdotale, ne exardescens in ministrum dei, pereat ab ira eius, & regnū perdat, & gloriam. Hæc me dicente, silebant omnes. Illis verò silentibus, adieci, Mementote domini mei sacerdotes, verbi prophetici quod ait, Si viderit speculator iniquitatem hominis, & non dixerit, reus erit ani-

mæ pereuntis. Ergo nolite filere, sed prædica-  
 te, & ponite ante oculos regis peccata eius, ne  
 forte ei aliquid mali contingat, & vos rei sitis  
 pro anima eius. An ignoratis quid nouo gestû  
 fuerit tempore? quomodo adprehensum Sy-  
 gimundû Chlodomeris retrusit in carcerem?  
 dixitq; ei Auitus dei sacerdos, Ne iniicias ma-  
 num in eum, & cum Burgundiam petieris, vi-  
 ctoriam obtinebis. Ille verò abnuens quæ ei à  
 sacerdote dicta fuerant, abiit, ipsûmque cum  
 vxore & filiis interemit: petiitque Burgundiã:  
 ibique oppressus ab exercitu, interemptus est.  
 Quid Maximus imperator? nonne cum beatû  
 Martinum cõpulisset communicare cuidam  
 homicidæ episcopo: & ille quo facilius addi-  
 ctos morti liberaret, Regi impio consensisset,  
 prosequente Regis æterni iudicio, ab imperio  
 depulsus Maximus, morte pessima condem-  
 natus est? Hæc me dicente, non respondit vl-  
 lus quicquam, sed erant omnes intenti & stu-  
 pentes. Duo tamen adultores ex ipsis, quod  
 de episcopis dici dolendum est, nunciauerunt  
 regi dicetes, quia nullum maiorem inimicum  
 in suis causis, quàm me haberet. Ilico vnus ex  
 aulicis, cursu rapido ad me representandû di-  
 rigitur. Cûq; venissem, stabat rex iuxta taber-  
 naculû ex ramis factû, & ad dexterã eius Bert-  
 chramnus episcopus, ad læuam verò Ragne-  
 modus stabat: & erat ante eos scamnum pa-  
 ne desuper plenum cum diuersis ferculis. Vi-

ſoque me rex ait, O epifcope, iuſtitiam cunctis largiri debes, & ecce ego iuſtitiam à te nō accipio: ſed vt video, conſentis iniquitati, & impletur in te prouerbium illud, quòd Coruus oculus corui non eruet. Ad hæc ego, Si quis de nobis, ô rex iuſtitie tramitem tranſcendere voluerit, à te corrigi poteſt: ſi verò tu exceſſeris, quis te corripiet? Loquimur enim tibi, ſed ſi volueris, audis: ſi autem nō ueris, quis te cōdemnabit, niſi is qui ſe pronunciauit eſſe iuſtitiam? Ad hæc ille, vt erat ab adulatoribus contra me accēſus, ait, Cum omnibus enim inueni iuſtitiam, & tecum inuenire nō poſſum. ſed ſcio quid faciam, vt noteris in populis, & iniuſtum te eſſe omnibus per pateſcat. Conuocabo enim populū Turonicū, & dicam eis, Vociferamini contra Gregorium quòd ſit iniuſtus, & nulli hominū iuſtitiam præſtēt. Illis quoq; hæc clamantibus, reſpondebo, Ego qui rex ſum, iuſtitia cū eodē inuenire nō poſſum, & vos qui minores eſtis inuenietis? Ad hæc ego, Quòd ſim iniuſt⁹, tu neſcis. ſcit enim ille conſcientiam meam, cui occulta cordis ſunt manifeſta. Quòd verò falſo clamore populus te inſultante vociferatur, nihil eſt, quia ſciunt omnes à te hæc emiſſa. Ideòque non ego, ſed potius tu in adclamatione notaberis. Sed quid plura? Habes legem & canones: hæc te diligenter rimari oportet: & tunc quæ præceperint, ſi non obſeruaeris, noueris tibi dei iudi-

cium imminere. At ille, quasi me demulcens, quod dolose faciens putabat me non intelligere, conuersus ad iuscellum quod coram erat positum, ait, Propter te hæc iuscella parauit: in quibus nihil aliud præter volatilia, & parumper ciceris continetur. Ad hæc ego, cognoscens adulationes eius, dixi, Noster cibus esse debet, facere voluntatem dei, & non his deliciis delectari: vt ea quæ præcipit, nullo casu prætermittamus. Tu verò qui alios de iustitia culpas, pollicere prius quòd legem & canones nō omittas: & tunc credimus quòd iustitiam prosequaris. Ille verò porrecta dextera, iurauit per omnipotentem deum, quòd ea quæ lex & canones edocebant, nullo prætermitteret pacto. Post hæc accepto pane, hausto etiam vino discessi. Ea verò nocte, decantatis nocturnalibus hymnis, ostium mansionis nostræ grauibus audio cogi verberibus. Missoque puero, nuncios Fredegundis reginæ adstare cognosco. Quibus introductis, salutationem reginæ suscipio. Deinde precantur pueri, vt in eius causis contrarius non existam, simulque ducentas argenti promittunt libras, si Prætextatus me impugnante obprimeretur. dicebant enim, iam omnium episcoporum promissionem habemus, tantum tu aduersus non incedas. Quibus ego, Si mihi mille libras auri argentique donetis, nunquid aliud facere possum, nisi quod dominus agi præ-

cipit? vnum tantum polliceor, quòd ea quæ  
 cæteri secundum canonum statuta consen-  
 serint, sequar. At illi non intelligentes quæ di-  
 cebam, gratias agentes discesserunt, Mane au-  
 tem factò, aliqui de episcopis ad me venerūt,  
 simile mandatum ferentes: quibus ego similia  
 respondi. Conuenientibus autem nobis in ba-  
 silyca sancti Petri, mane rex adfuit, dixitque,  
 Episcopus enim in furtis deprehensus ab epi-  
 scopali officio, vt auellatur canonum auctori-  
 tas sanxit. Nobis quoq; respòdentibus, Quis  
 ille sacerdos esset, cui furti crimen inrogare-  
 tur: respondit rex, Vidistis enim species quas  
 nobis furto abstulit. Ostenderat enim no-  
 bis ante diem tertiam rex duo volucra, spe-  
 ciebus & diuersis ornamentis referta: quæ  
 preciabantur amplius quàm tria milia soli-  
 dorum. Sed & sacculum cum numismatis  
 auri pondere tenentem quasi milia duo: hæc  
 enim dicebat rex, sibi ab episcopo fuisse fura-  
 ta. Qui respondit, Recolere vos credo, dis-  
 cedente à Rothomagensi vrbe Brunichilde  
 regina, quòd venerim ad vos, dixique vobis,  
 quia res eius, id est quinque sarcinas commē-  
 datas haberem: & frequentius aduenire pue-  
 ros eius ad me, vt ea redderem, & nolui sine  
 còsilio vestro. tu autem dixisti mihi ô rex, Eti-  
 ce hæc à te, & reuertantur ad mulierem res  
 suæ: ne inimicitia inter me & Childebertum  
 nepotem meū pro his rebus debeat pullulare.

Reuersus ergo ego ad urbē, vnum volucrum tradidi pueris : non enim valebant amplius ferre. Reuersi iterum requirebant alia: iterum consului magnificentiam vestram : tu autem præcepisti dicens, Eiice eiice hæc à te ô sacerdos, ne faciat scandalum hæc causa. Iterum tradidi eis duo ex his: duo autem alia remanserunt mecum. Tu autem, quid nunc calumniaris, & me furti arguis, cum hæc causa non ad furtum, sed ad custodiam debeat deputari? Ad hæc rex, Si hoc depositum penes te habebatur ad custodiendum, cur soluisti vnum ex his, & limbum aureis contextum filis, in partes dissecasti, & dedisti per viros qui me à regno deiicerent? Prætextatus episcopus respondit, Iam dixi tibi superius, quia munerum eorum acceperam, ideóque cum non haberem de præsentis quòd darem, hinc præsumpsi, & eis vicissitudinem munerum tribui. proprium mihi esse videbatur quod filio meo Meroueo erat, quem de lauacro regenerationis excepi. Videns autem rex Chilpericus, quòd cum his calumniis superare nequirit, ad tonitruum valde ac conscientia confusus, discessit à nobis: vocauitque quosdam de adulteribus suis, & ait, Victum me verbis episcopi fateor, & vera esse quæ dicit scio: quid nunc faciam vt reginæ de eo voluntas adimpleatur? Et ait, Ite, & accedentes ad eum dicite, quasi consilium ex vobis metipsis dantes: No-

sti quòd sit rex Chilpericus pius atque compunctus, & cito flectatur ad misericordiam: humiliare sub eo, & dicito ab eo obiecta à te perpetrata fuisse: tunc nos prostrati omnes coram pedibus eius, dari tibi veniam impetramus. His seductus Prætextatus episcopus, pollicitus est se ita facturum. Mane autem factò, conuenimus ad consuetum locũ: adueniẽsque & rex, ait ad episcopum, Si munera pro muneribus his hominibus es largitus, cur sacramenta postulasti, vt fidem Meroueo serua- rent? Respondit episcopus, Petij fateor amicitias eorum haberi cum eo: & non solum hominem, sed si fas fuisset, angelum de cælo euo cassẽm, qui esset adiutor eius: filius enim mihi erat, vt sæpe dixi, spiritalis ex lauacro. Cũ que hæc altercatio altius tolleretur, Prætextatus episcopus prostratus solo, ait, Peccaui in cælum & coram te, ô rex misericordissime: ego sum homicida nefandus: ego te interficere volui, & filium tuum in folio tuo erigere. Hęc eo dicente, prosternitur rex coram pedibus sacerdotum, dicens, Audite, ô piissimi sacerdotes, reum crimen execrabile confitentem. Cũque nos flentes regem eleuassemus à solo, iussit eum basilicam egredi. Ipse verò ad metatum discessit, transmittens librum canonum, in quo erat quaternio nouus adnexus, habens canones quasi apostolicos, continentes hæc, Episcopus in homicidio, adulterio, &

sic reliqui qui secuti fuerant, euanuerunt. Credo interitum Merouei pronunciaſſe. Meroueus verò dum in Remenſi Campania latitaret, nec palàm ſe Auſtraſiis crederet, à Tarabanneniſibus circumuentus eſt, dicentibus, quòd relicto patre eius Chilperico, ei ſe ſubiugarèt, ſi ad eos accederet. Qui velociter adſumptis ſecum viris fortiffimis, ad eos venit. Hi præparatos detegètes dolos, in villam eum quandam concludunt, & circumſeptum cum armatis, nuncios patri dirigunt. Quod ille audiens, illuc properare deſtinat. Sed hic cùm in hoſpitiolo quodam retineretur, timens ne ad vindictã inimicorũ multas lueret pœnas, vocato ad ſe Gaïleno familiari ſuo, ait, Vna nobis vſq; nunc & anima & cõſilium fuit: rogo ne patiaris me manibus inimicorũ tradi: ſed accepto gladio inruas in me. quod ille nec dubitans, eũ cultro confodit. Adueniēte autem rege, mortuus eſt repertus. Extiterũt tunc qui adſererent verba Merouei, quæ ſuperius diximus, à regina fuiſſe cõfiſta: Meroueũ verò ei⁹ fuiſſe iuſſu clam interemptum. Gaïlenũ verò adprehenſum, abſciſſis manibus & pēdibus, auribus, & narium ſummitatibus, & aliis multis cruciatibus adfectum, infeliciter necauerunt. Grindionem quoque intextum rotæ, in ſublime ſuſtulerunt: Gucilionem, qui quondam comes palatij Sygiberti regis fuerat, abſciſſo capite interfecerunt. Sed & alios multos

qui cum eodem venerant, crudeli nece diuersis mortibus adfecerunt. Loquebantur etiam tunc homines, in hac circunventione Egidiū episcopum & Guntchramnū Bosonem fuisse maximum caput, eo quòd Guntchramnus Fredegundis reginæ occultis amicitijs poteretur pro interfectione Theodoberti: Egidius verò, quòd ei iam longo tempore esset charus.

- 19 CVM autem Iustinus imperator amisso sensu amens effectus esset, & per solā Sophiam Augustam eius imperium regeretur, populi vt in superiore libro iam diximus, Tyberium Cæsarem elegerunt, vtilem, strenuum, atque sapientem, eleemosynarium, inopumque opimum defensorem. Qui cum multa de thesauris quos Iustinus adgregauit, pauperibus erogaret, & Augusta illa eum frequentius increparet, quòd rem publicā redegisset in paupertatem: diceretque, Quod ego multis annis congregaui, tu infra paucum tempus prodigè dispergis, aiebat ille, Non deerit fisco nostro: tantum pauperes eleemosynam accipiant, aut captiui redimantur. Hic est enim
- .. magnus thesaurus, dicente domino, Thesaurizate vobis thesauros in cælo, vbi neque arugo, neque tinea corrumpit, & vbi fures non effodiunt nec furantur. Ergo de quo deus dedit, congregemus per pauperes in cælo, vt dominus nobis augere dignetur in seculo. Et

quia ut diximus, magnus & verus Christianus erat, dum hilari distributione pauperibus opem præstat, magis ac magis ei dominus subministrat. nam deambulans per palatium, vidit in pavimento domus tabulam marmoræ, in qua crux dominica erat scalpta, & ait, Cruce tua domine frontem nostram munimus & pectora, & ecce crucem sub pedibus conculcamus. Et dicto citius, iussit eam auferri, defossæque tabula atque erecta, inveniunt subter & aliam hoc signum habentem. Nunciantesque iussit & illam auferre. Qua amota, reperiunt & tertiam: iussuque eius & hæc auferitur. Qua ablata, inveniunt magnum thesaurum habentem supra mille auri centenaria. Sublatumque aurum, pauperibus adhuc abundantius ut consueverat, subministrat: nec ei dominus aliquid deficere permittebat pro bona voluntate sua. Quid ei in posterum dominus transmiserit, non omittam. Narfes ille dux Italiæ, cum in quadam ciuitate domum magnam haberet, in Italiam cum multis thesauris egressus, ad supra memoratam urbem aduenit: ibique in domo sua occultè cisternam magnam fodit, in qua multa milia centenariorum auri argentique reposuit: ibique interfectis consciis, vni tantummodo seni per iuramentum condita commendauit. Defunctoq; Narfete, hæc sub terra latebant. Cumque supradictus senex, huius eleemosynas assidue cerne-

ret, pergit ad eum dicens, Si, inquit, mihi aliquid prodest, magnam rem tibi Cæsar edicã. Cui ille, Dic, ait, quod volueris. Proderit enim tibi, si quiddam nobis profuturum esse narraueris. Thesaurum, inquit, Narsetis recõditum habeo, quod in extremo vitæ positus celare non possum. Tunc Cæsar Tyberius gaudius, mittit vsque ad locum pueros suos. Præcedente verò sene, hi sequuntur adtoniti. Peruenientésque ad cisternam, deopertãque ingrediuntur. in qua tantum aurum argentúmque reperiunt, vt per multos dies vix euacuetur à deportantibus. Ex hoc ille amplius hilari erogatione dispensauit egenis.

20 **IGITVR** contra Salonium Sagittariúm que episcopos, tumultus exoritur. hi enim à sancto Nicetio Lugdunensi episcopo educati, diaconatus officium sunt sortiti: huiúsque tempore Salonius Ebredunensis vrbs, Sagittariúsque Vapingensis ecclesiã, sacerdotes stantuntur. Sed adsumpto episcopatu in propriũ relati arbitrium, cœperunt in peruationibus, cædibus, homicidiis, adulteriis, diuersisque in sceleribus, infano furore grassari: ita vt quodam tempore celebrante Victore Tricassinorum episcopo solennitatem natalitij sui, emissa cohorte, cum gladiis & sagittis inruerent super eum. Venientésque, sciderunt vestimẽta eius, ministros ceciderũt, vasa & omnem adparatum prandij auferentes, relin-

quentes episcopum in grandi contumelia. Quod cum rex Guntchramnus comperisset, congregari synodum apud urbem Lugdunensem iussit. Coniunctique episcopi cum patriarcha Nicetio beato, discussis causis, inuenerunt eos de his sceleribus quibus accusabantur, valde conuictos: præceperuntque ut qui talia commiserant, episcopatus honore priuarentur. At illi cum adhuc propitium sibi regem esse nossent, ad eum accedunt, implorantes se iniuste remotos: sibi que tribui licentiam, ut ad Papam urbis Romanæ accedere debeant. Rex verò annués petitionibus eorum, datis epistolis eos abire permisit. Qui accedentes coram Papa Ioanne, exponunt se nullius rationis existentibus causis dimotos. Ille verò epistolas ad regem dirigit, in quibus locis suis eosdem restitui iubet. Quod rex sine mora, castigatis prius illis verbis multis, impleuit, Sed nulla, quod peius est, fuit emendatio subsequuta: tamen Victoris episcopi pacem petierunt, traditis hominibus quos in seditione direxerant. Sed ille recordatus præcepti dominici, non debere reddi inimicis mala pro bonis, nihil his mali faciens, liberos abire permisit. Vnde in posterum à communionem suspensus est, pro eo quòd publicè accusans, clam inimicis pepercisset absque cõsilio, quibus accusauerat, fratrum. Sed per fauorem regis iterum in communionem reuocatus est.

Hi verò in maioribus sceleribus quotidie miscbantur : & in præliis illis , sicut iam supra meminimus , quæ Mummolus cum Longobardis gessit, tanquam vnus ex laicis, accincti arma , plurimos propriis manibus interfecerunt . In ciues verò suos nonnullos commoti felle, verberantes fustibus vsq; ad effusionem sanguinis, sæuiebant. Vnde factum est, vt clamor populi ad regē denuò procederet . Eosdēque rex arcessiri præcepit . Quibus aduenientibus, noluit suis obtutibus præsentari, scilicet vt prius habita audientia, si idonei inuenirentur, sic regis præsentiam mererentur. Sed Sagittarius felle commotus, hanc rationem durè suscipiens, vt erat leuis ac vanus, & in sermonibus inrationabilibus profluus, declamare plurima de rege cœpit, ac dicere, quòd filij eius regnum capere non possent, eo quòd mater eorum ex familia Magnacharrij quondam adscita , Regis thorum adiisset: ignorans quòd prætermittis nunc generibus fœminarum , regis vocitatur liberi, qui de regibus fuerint procreati. His auditis, rex commotus valde, tã equos quàm pueros vel quęcunque habere potuerant, abstulit, ipsosque in monasteriis à se longiori accessu dimotis, in quibus pœnitentiam agerent, includi præcepit, non amplius quàm singulos eis clericos relinquens, iudices locorum terribiliter commonens, vt ipsos cum armatis custodire debeant,

beant, ne cui ad eos visitandos vllus pateat aditus . Superstites enim erant his diebus filij regis , ex quibus senior ægrotare cœpit . Accedentes autem ad regem familiares eius, dixerunt , Si propitius audire dignaretur rex verba seruatorum suorum, loquerentur in auri- bus tuis. Qui ait, Loquimini quælibet. dixe- rûntque, Ne fortè innocentes hi episcopi exi- lio cõdemnati fuissent, & peccatum regis au- geatur in aliquo : & ideo filius domini no- stri pereat. Qui ait, Ite quantocyus, & laxate eos, deprecâtes vt orent pro paruulis nostris. Quibus abeuntibus, dimissi sunt. Egressi igitur de monasteriis, coniuncti sunt pariter, & se osculantes , eo quòd olim à se visi non fue- rant, ad ciuitates suas regressi sunt : & intan- tum compuncti sunt, vt viderentur nunquam à psallentio cessare, celebrare ieiunia, eleemo- synas exercere, librum Dauidici carminis ex- plere per diẽ, noctesque in hymnis à lectioni- bus meditando deducere . Sed non diu hæc sanctitas inlibata permanfit : conuersiq; sunt iterum retrorsum:& ita plerunque noctes e- pulando atque bibendo ducebant, vt clericis matutinas in ecclesia celebrantibus, hi pocu- la poscerent , & vina libarent . Nulla prorsus de deo erat mētio, nullus omnino cursus me- moriæ habebatur . Renitente aurora surgen- tes à cœna , mollibus se indumentis operien- tes, somno vinoque sepulti, vsque ad horam

diei tertiam dormiebant . Sed nec mulieres deerant cum quibus polluerentur. Exurgentes igitur abluti balneis, ad conuiuium discubebant : de quo vespere surgentes, cœnæ inhiabant vsque ad illud lucis tempus quod superius diximus. Sic faciebant singulis diebus, donec ira dei diruit super eos, quod in posterum memoraturi sumus.

- 21 TVNC Vinnochus Britto in summa abstinentia à Britanniiis venit Turonos, Hierosolyma accedere cupiens, nullum aliud vestimentum nisi de pellibus ouium lana priuatis habens : quē nos quo facilius teneremus, quia nobis religiosus valde videbatur, presbyterij gratia honorauimus. Ingetrudis autem religiosa, consuetudinem habebat aquam de sepulcro sancti Martini colligere : qua aqua deficiente, rogat vas cum vino ad beati tumulum deportari. Transacta autem nocte, id exinde, hoc presbytero præsente, adsumi mandauit : & ad se delato, ait presbytero, Aufer hinc vinum, & vnā tantum guttam de aqua benedicta vnde parum superest funde. Quod cum fecisset, mirum dictu, vasculum quod semiplenum erat, ad vnus guttæ descensum impletum est. Idem bis aut tertio vacuatum, per vnā tantū guttam est impletū: quod nō ambigitur & in hoc B. Martini fuisse virtutem.
- 22 HIS ita gestis, Samson filius Chilperici regis iunior, à dysenteria & febre comprehensus,

è rebus humanis excessit. Hic verò cùm Chilpericus rex Tornaci à fratre obsideretur, natus est: quem mater ob metū mortis, à se abiecit, & perdere voluit. Sed cùm non potuisset obiurgata à rege, eum baptizari præcepit. Qui baptizatus, & ab ipso episcopo susceptus, lustrato vno nec perfecto, defunctus est. nam & mater eius Fredegundis, in his diebus grauius ægrotauit, sed conualuit.

23 POST hæc in nocte quæ erat tertio idus Nouembris, apparuit nobis beati Martini vigiliis celebratibus magnum prodigium. nam in medio lunæ stella fulgens visa est elucere: & super ac subter lunam aliæ stellæ propinquæ apparuerunt. Sed & circulus ille qui pluuiam plerunque significat, circa eam apparuit. Sed quæ hæc figurauerint, ignoramus. nam & lunam hoc anno sæpe in nigredinem versam vidimus, & ante natalem domini grauius fuere tonitrua. Sed & splendores illi circa solem, sicut iam ante cladem Aruernam fuisse commemorauimus, quos rustici soles vocant, adparuerūt: & mare ultra modū egressum adferunt, & multa alia signa apparuerūt.

24 GVNTCHRAMNVS Boso Turonos cum paucis armatis veniens, filias suas quas in basilica sancta reliquerat, vi abstulit, & eas Pictauos ciuitatem, quia erat Chilberti regis, perduxit. Chilpericus quoque rex Pictauum peruasit, atq; nepotis sui homines

ab eius sunt hominibus effugati. Ennodium ex comitatu ad regis præsentiam perduxerunt. Quo exilio damnato, facultates eius fisco subdiderunt. Sed post annum, & patriæ & facultatibus redditus est. Guntchramnus Boso relictis filiabus suis in basilica beati Hilarij, ad Childebertum regem transit.

25 A N N O quoque tertio Childeberti regis qui erat Chilperici & Guntchramni septimusdecimus annus, cū Dacco Dagarici quondam filius, relicto rege Chilperico, huc illucque vagaretur, à Draccoleno duce qui dicebatur Industrius, fraudulenter adprehensus est: quem vinctum ad Chilpericum regem, Brannacum deduxit, dato ei sacramēto, quòd vitam illius cum rege obtineret. Sed oblitus sacramenti, egit cum principe, nefarias res afferens, vt moreretur. Ille quoque cū vinctus detineretur, & cerneret se penitus non euasurum, à presbytero rege nesciente pœnitentiam petiit. Qua accepta, interfectus est. Cū autē idē Draccolenus velociter reverteretur in patriam, his diebus Guntchramnus Boso filias suas à Pictauo auferre conabatur. Quod audiens Draccolenus, se super cum obiecit. Sed illi sicut erant parati resistentes, se defensare nitebatur. Guntchramnus verò misit vnum de amicis suis ad eum dicens, Vade & dic ei, Scis enim quòd fœdus inter nos initum habemus: rogo vt te de meis remoueas

insidiis. Quantum vis de rebus tollere non prohibeo : tantum mihi etſi nudo liceat cum filiabus meis accedere quo voluero. At ille, vt erat vanus ac leuis, Ecce, inquit, funiculum in quo alij culpabiles ligati, ad regem me ducēte directi ſunt : in quo & hic hodie ligandus, il- luc deducitur vinctus. Et hæc cū dixiſſet, cal- caneorum ictibus vrgens equum, ad illum ve- loci curſu dirigit : & caſſo eum verberans i- ctu, haſtili diuiſo enſis ad terram ruit. Gunt- chramnus verò cū ſuper ſe mortem cerne- ret imminere, inuocato nomine domini, & virtute magna beati Martini, eleuatōque con- to, Diacolenum arctat in faucibus. Suspen- ſumque de equo ſuſum, vnus de amicis ſuis eum læcea latere verberatum finiuit. Fugatiſ- que ſociis, ipſoq; ſpoliato, Guntchramnus cū filiabus liber abſceſſit. Poſt hæc Seuerus ſocer eius à filiis apud regē grauiter accuſatur. Hæc ille audiēs, cum magnis muneribus ad regem petit. Qui in via adprehenſus & ſpoliatus, at- que in exilium deductus, morte peſſimam vitam finiuit. Sed & dum filij eius Burſolenus & Do- do ob crimen maieſtatis læſæ iudicio mortis ſuſcepto, ab exercitu vi oppreſſus eſt : alius in fuga adprehenſus, truncatis manibus & pe- dibus interiit: rēsque omnes tam corū quàm patris, fiſco conlatæ ſunt. Erāt enim eis ma- gni theſauri.

fini, Cœnomannici, Andegau, cum aliis multis in Britannia ex iussu Chilperici regis abierunt: & contra Varochū filium quondam Macliaui ad Vicinoniam fluuium resident. Sed ille dolose per noctē super Saxones Baiocasinos ruens, maximam exinde partem interfecit. Pōst die autem tertia, cum ducibus regis Chilperici pacem faciens, & filium suū in obfidatū donans, sacramēto se constrinxit, quōd fidelis regi Chilperico esse deberet. Venetos quoque ciuitatem refudit, sub ea conditione, vt si mereretur eam per iussionem regis regere, tributa vel omnia quæ exinde debebātur, annis singulis nullo admonente dissolueret. Quod cū factū fuisset, exercitus ab eo loco remotus est. Post hæc Chilpericus rex de pauperibus & iunioribus ecclesiæ vel basilicæ bānos iussit exigi, pro eo q̄ in exercitū non ambulassent. non enim erat cōsuetudo, vt hi vllā exsoluerēt publicā functionē. Post hæc Varochus obliuiscens promissionis suæ, volēs inrūpere quod fecerat, Euniū episcopū Veneticæ vrbs, ad Chilpericū regē dirigit. At ille ira cōmotus, obiurgatū eum exilio dānari præcepit.

27 ANNO quoque quarto Childeberti, qui fuit decimus octauus Guntchramni & Chilperici regum, apud Cauillonum ciuitatem synodus acta est, ex iussu principis Gūtchrāni: discussisq; diuersis causis cōtra Salonium & Sagittarium episcopos, iteratur illa antiqua

calamitas: obtriciuntur eis crimina: & non solum de adulteris, verum etiam de homicidiis accusantur. Sed hæc per pœnitentiam purgari censentes episcopi, illud est additum, quod essent rei maiestatis, & patrię proditores. Quæ de causa ab episcopatu discincti, in basilicam beati Marcelli sub custodia detruduntur. Ex qua per fugam lapsi, discesserunt per diuersa vagantes, donec in ciuitatibus eorum alij subrogati sunt.

28 CHILPERICVS verò rex, descriptiones nouas & graues in omni regno suo fieri iussit. Quæ de causa multi relinquentes ciuitates illas, vel possessiones proprias, alia regna petierunt, satius ducentes alibi peregrinari, quàm tali periculo subiaceret. statutum enim fuerat, vt possessor de propria terra, vnã amphorã vini per aripennẽ redderet. Sed & alię functiones infligebantur multæ, tam de reliquis terris, quàm de mancipiis: quod impleri nõ poterat. Lemouicinus quoq; populus cùm se cerneret tali fasce grauati, cõgregatus in calẽdis Martiis, Marcum referendarium, qui hæc agere iussus fuerat, interficere voluit: & fecisset vtique, nisi eum episcopus Ferreolus ab imminente discrimine liberasset. Arreptis quoque libris descriptionũ, incendio multitudo coniuncta cremavit: vnde multum molestus rex, dirigens de latere suo personas, immensis damnis populum adflixit, suppliciumque conterruit, morte mul-

ctauit. Ferunt etiam tunc abbates atque presbyteros, ad stipites extēfos diuersis subiactis se tormentis. Calumniantibus regalibus missis, quod in seditione populi ad incendendos libros satellites adfuissent, acerbiora quoque deinceps infligentes tributa.

29 BRITANNI quoque grauiter regionē Redonicam vastauerunt, incendio, pręda, captiuitate: qui vsq; Cornutium vicū debellādo progressi sunt. Eunius verò episcopus de exilio reductus, Andegauo ad pascendū delegatur, nec ad ciuitatē suā Veticam redire permittitur. Byppolenus verò dux contra Britanos dirigitur, & loca aliqua Britannię ferro incendiōque obprimit: quę res maiorem infaniam excitauit.

30 DVM hæc gererentur in Galliis, Iustinus impleto imperij octauodecimo anno, ameniam quam incurerat, cum vita finiuit. Quo sepulto Tyberius Cęsar arripuit iam olim adgressum imperium. Sed cū cum secundum consuetudinem loci ad spectaculū circi prestolaretur popul⁹ processurū, parere ei cogitās prò parte Iustiniani insidias, qui tunc nepos Iustini habebatur, ille per loca sancta processit. Completāque oratione, vocato ad se vrbis Papa, cum consulibus ac præfectis, palatium est ingressus. dehinc indutus purpura, diademate coronatus, throno imperiali impositus, cū immēsis laudib⁹ imperiū cōfirmavit.

Factionarij quoque operientes ad circū, cum cognouissent quę acta fuerant, pudore confusi sine effectu regressi sunt, nihil homini qui in deo spem posuerat, aduersari valentes. Transactis igitur paucis diebus, adueniens Iustinianus, pedibus se proiecit Imperatoris, quindecim ei centenaria auri deferens ob meritū gratiæ. Quem ille secundum patientiæ suæ ritum colligens, in palatium iussit adsistere. Sophia verò Augusta, immemor promissionis, quam quondam in Tyberium habuerat, insidias ei tentauit intendere. Procedente autem eo ad villam, vt iuxta ritum imperialem, xxx. diebus ad vindemiam iocundaretur, vocato clam Iustiniano Sophia, voluit eum erigere in imperium. Quo cōperto, Tyberius cursu veloci ad Constantinopolitanam ciuitatem regreditur. Adprehēsamque Augustam, ab omnibus thesauris spoliauit, solum ei victus quotidiani alimentum relinquens. Segregatisque pueris eius ab ea, alios posuit de fidelibus suis, mandans prorsus vt nullus de anterioribus ad eam haberet accessum. Iustinianum verò obiurgatum tanto in posterum amore dilexit, vt filio eius filiam suam promitteret: rursumque filio suo filiam eius expeteret: sed non est res fortitā effectum. Exercitus eius Persas debellauit, victorque regressus, tāram molē prædæ derulit, vt crederetur cupiditati humanæ posse sufficere. Viginti elephanti capti ad Im-

peratorem deducti sunt.

31 BRITANNI eo anno valde infesti circa urbem fuere Namneticam atque Redonicam, qui immensam auferentes prædam, agros peruadunt, vineas à fructibus vacuant, & captiuos abducunt. Ad quos cum Felix episcopus legationem misisset, emendare promittentes, nihil de promissis implere voluerunt.

32 A P V D Parisios autè mulier quædam ruit in crimen, adserentibus multis, quasi quòd relicto viro cū alio misceretur. Igitur parètes illius accesserūt ad patrè dicentes, Aut idoneã redde filiam tuã, aut certe moriatur, ne stuprũ hoc generi nostro notã infligat. Noui, inquit pater, ego filiam meã bene idoneã, nec est verũ verbũ hoc quod mali homines proloquuntur. Tamen ne crimen confurgat vltèrius, innocentẽ eam faciam sacramento. Et illi, Si, inquit, est innoxia, super tumultũ hoc B. Dionysij martyris sacramẽtis adfirma. Faciã, inquit pater. Tunc inuito placito ad basilicã martyris sancti conueniunt, eleuatisque pater manibus super altarium, iurauit filiam nõ esse culpabilem. Econtrario verò periurasse eũ alij à parte viri pronunciant. His ergo altercãtibus euaginatĩs gladiis in se inuicem prouunt, atq; ante ipsum altarium se trucidant: erant autem maiores natu & primi apud Chilpericum regem. Sauciantur multi gladiis, respergitur sancta

humano cruore basilica, ostia iaculis fodiuntur & ensibus, atque vsque ad ipsum sepulcrum tela iniqua defæuiunt. Quod dum vix mitigatur, locus officium perdidit, donec ista omnia ad regis notitiam peruenirent. Hi verò properantes ad præsentiam principis, non recipiuntur in gratiam: sed ad episcopū loci illius remitti eos iussum est: vt si de hoc facinore culpabiles non inuenirentur, sociaretur cōmunioni. Tunc ab episcopo Ragnemodo qui Parisiacæ ecclesiæ præerat, componentes quæ male gesserant, in communionem ecclesiasticam sunt recepti. Mulier verò non pòst multis diebus cum ad iudiciū vocaretur, laqueo vitam finiuit.

- 33 ANNO quinto Childeberti regis, Aruernorum regionem diluuiā magna presserunt, ita vt per dies duodecim nō cessaret à pluuiā: tantāque inundatione Limane est infusum, vt multos ne sementem iacerent prohiberet. Flumina quoque Liger Flauarisque, quem Elacrem vocitant, vel reliqui torrentes decurrentes in eum, itā intumuerunt, vt terminos quos nunquam excefferant, præterirent. Quæ grande de pecoribus excidium, de culturis detrimentum, de ædificiis fecere naufragium. Pari modo Rodanus cum Arari coniunctus, ripas excedens, graue damnum populis intulit, muros Lugdunensis ciuitatis aliqua ex parte subuertit. Quiescentibus

verò pluuiis, arbores denuo floruerunt. erat enim mensis september. In Turonico verò eo anno mane priusquam dies inlucesceret, fulgor per cælum cucurrisse visus est, & ad orientis plagam cecidisse. Sed & sonitus tanquã dirucntis arboris, per totam terram illam auditus est: quod ideo non est de arbore æstimãdũ, quia in quinquaginta aut amplius miliaria est auditum. Ipso anno grauiter vrbs Burdegalensis à terræ motu concussa est, mœniãque ciuitatis in discrimine euerfionis extiterunt: atque ita omnis populus metu mortis exteritus est, vt si nõ fugeret, putaret se cũ vrbe dehiscere. Vnde & multi ad ciuitates alias trãsierũt. Qui tremor ad vicinas ciuitates porrectus est, & vsque Hispaniã attigit, sed nõ rã valide. Tamen de Pyrenæis montibus immensi lapides sunt commoti, qui pecora hominẽsq; prostrauerunt. Nã & vicos Burdegalenses incendium diuinitus ortum exussit, ita vt subitò cõprehensã igni tam domus quàm arẽ cum annonis, incendio cremarentur: nullum penitus incitamentum habens ignis alieni, nisi forsitã iussione diuina. nam & Aurelianensis ciuitas, graui incendio conflagrauit, intantum vt ditioribus nihil penitus remaneret: & si aliquis ab igne quicquam eripuit, ab insistentibus furibus est direptum. Apud terminum Carnotenum, verus de effracto pane sanguis effluxit. Grauiter tunc & Biturica ciuitas à grandine

verberata est.

94 SED hæc prodigia grauissima lues est subsecuta. nam discordantibus regibus, & iterum bellum ciuile parantibus, dysentericus morbus pene Gallias totas præoccupauit. Erat enim his qui patiebantur, valida cū vomitu febris, renūmque nimius dolor, caput graue vel ceruix. Ea verò que ex ore proiiciebantur, colore croceo, aut certe viridia erāt: à multis autem adferebatur venenum occultum esse. Rustiores verò, corales hoc pusulas nominabāt: quod non est incredibile, quia missæ in scapulis siue cruribus ventosæ, procedentibus erumpētibusque vesicis, decursa sanie multi liberabantur: sed & herbæ quæ venenis medentur, potui sumptæ, plerisque præsidia contulerūt. Et quidē primum hæc infirmitas à mens. Augusto initiata, paruulos adolescentes arripuit, letoque subegit. Perdidimus dulces & charos nobis infantulos, quos aut gremiis fouimus, aut vlnis baiulauimus, aut propria manu ministratis cibis ipsos studio sagaciore nutriuimus: sed absterfis lachrimis cū beato Iob

» diximus, Dominus dedit, dominus abstulit:

» quomodo domino placuit, ita factum est. sit

» nomen eius benedictum: in secula. Igitur in his diebus Chilpericus rex grauiter egrotauit: quo conualecente filius eius iunior necdum ex aqua & spiritu sancto renatus, ægrotare cœpit. quē in extremis videntes, baptismo ablue-

runt. Quo parumper melius agēte, frater eius senior nomine Chlodobertus, ab hoc morbo corripitur: ipsūmq; in discrimine mortis Fredegundis mater cernens, fero pœnitens ait ad regē, Diu nos male agentes pietas diuina sustētat. nam saepe nos febribus & aliis malis corripuit, & emendatio non successit. Ecce iam perdim<sup>9</sup> filios: ecce iam eos lachrymæ pœuperū, lamenta viduarū, suspiria orphanorū interimunt. nec spes remanet cui aliquid congregemus: thesaurizamus, nescientes cui congregemus ea. ecce thesauri remanent à possessore vacui, rapinis ac maledictionibus pleni. Nunquid non exundabant promptuaria vino? nūquid nō horrea replebantur frumēto? nūquid non erant thesauri referti auro, argento, lapidibus preciosis, monilibus, vel reliquis imperialibus ornāmētis? ecce quod pulchrius habebamus, perdimus. Nunc si placet venite, incēdam<sup>9</sup> omnes descriptiones iniquas: sufficiātq; fisco nostro, quod suffecit patri regique Chlothario. Hæc effata regina, pugnis verberās pectus, iussit libros exhiberi qui de ciuitatibus suis per Marcum venerāt: proiectisq; in ignem, iterū ad regē cōuersa, Quid tu, inquit, moraris? Fac quod vides à me fieri, vt & si dulces natos perdimus, vel pœnā perpetuā euadamus. Tunc rex cōpunctus corde, tradidit omnes libros descriptionū igni, cōflagratisque illis misit qui futuras prohiberent descriptiones. Post

hęc infantulus iunior dum nimio labore tabescit, extinguitur. quem cum maximo mœrore deducentes à villa Brennaco Parisios, ad basilicam sancti Dionysii sepelire mandauerunt. Chlodobertum verò cõponentes in feretro, Sueffionas ad basilicam sancti Medardi duxerunt: proiicientésque eum ad sanctum sepulcrum, vouerunt vota pro eo, sed media nocte anhelus iã & tenuis spiritũ exhalauit: quẽ in basilica sanctorum Crispini atq; Crispiniani martyru sepelierunt: magnúsque hic plãctus omni populo fuit. nam viri lugẽtes mulieresque lugubribus vestimentis indutæ, vt solet in coniugũ exequiis fieri, ita hoc funus sunt prosecutę. Multa postea Chilpericus rex, ecclesiis siue basilicis vel pauperibus est largitus.

35 HIS diebus Austrigildis Gũtchramni principis regina, ab hoc morbo consumpta est: sed priusquam nequam spiritũ exhalaret, cernens quòd euadere nõ posset, alta trahens suspiria, voluit leti sui habere participes, agēs vt in exequiis eius aliorũ funera plangeretur. Fertur enim Herodiano more regẽ petiisse dicēs, Adhuc spes viuẽdi fuerat, si non inter iniquorum medicorũ manus interissem. nam potiones ab illis acceptę, mihi vi abstulerũt virã, & fecerũt me hanc lucẽ velociter perderẽ: & ideo ne inulta mors mea prẽtereat, quãso & cum sacramenti interpositione coniuro, vt cũ ab hac luce discessero, statim ipsi gladio trucidetur: vt si-

cut ego ampli<sup>9</sup> viuere nō queo, ita nec illi post meū obitū gloriētur, sed sit vnus dolor nostris pariter ac corū amicis. Hęc effata, infelicē animā tradidit. Rex verò peracto ex more iustitio, obpressus iniquę cōiugis iuramēto, impleuit pręceptum iniquitatis. nam duos medicos qui ei studium adhibuerant, gladio feriri pręcepit: quod non sine peccato factū fuisse, multorum censet prudentia.

36 H A C itaque ægritudine & Nantinus Engolismensis comes exinanitus interiit: sed quę cōtra sacerdotes vel ecclesias dei egerit, altius repetēda sunt. Deniq; Maracharius auunculus eius, diu in ipsa vrbe vsus est comitatu. quo officio expleto, ecclesię sociatur, clericusq; factus ordinatur episcopus. Qui multū vigileret vel ecclesias, vel ecclesię domos, & erigēs, & cōponens, septimo sacerdotij anno, iniecto ab inimicis in caput piscis veneno, simpliciter accipiēs crudeliter enecat. Sed nō diu inultam eius mortē pertulit diuina clemētia. nam Frontonius, cuius consilio hoc scelus est perpetratum, adsumpto confestim episcopatu, vno in eo degens anno, pręcurrente iudicio dei interiit. Cuius post obitum Heraclius Burdegalensis presbyter, qui quondam legatus Childeberti senioris fuerat, episcopus ordinatur. Nantinus verò ob requirendam auunculi sui mortem, comitatum in ipsa vrbe expetiit. Quo accepto, multas episcopo iniurias

rias inrogauit. aiebat enim, Homicidas illos qui auunculum meum interfecerunt tecum retines: sed & presbyteros huic noxæ admixtos, ad conuiuium recipis. Deinde inimicitia increfcēte, paulatim cæpit villas ecclesię quas Maracharius testamento scripto reliquerat, violenter inuadere, adserens nõ debere ecclesiam eius facultatem adipisci, à cuius clericis testator fuerat interfectus. Post ista verò iam aliquibus ex laicis interfectis, addidit vt apprehensum presbyterum adligaret, ac conto perfoderet. Cui adhuc viuēti retortis post tergum manibus, ad penso ad stipitē elicere quærebant si in hac causa fuisset admixtus. Quod cum ille negaret, profluente cruore de vulnere, reddidit spiritum. Qua de causa cõmotus episcopus, iussit eum ab ecclesię foribus prohiberi. Conuenientibus autē apud ciuitatē Sanctonas sacerdotibus, deprecabatur Nantinus, vt pacem episcopi mereretur, promittēs se omnes Ecclesię res quas sine ratione abstulerat, redditurū, atq; humilē exhibere se sacerdoti. At ille fratrū iussioni obaudire procurans, cuncta quæ petebātur indulsit: causam tamē presbyteri omnipotēti deo cõmēdans, comitē in charitate recepit. Qui post ista regressus vrbe, domos illas quas male peruaferat, spoliat, elidit, ac disicit dicēs, Et si hoc ab Ecclesia recipitur, vel desertū inueniatur. Qua de causa iterū motus episcopus, eū à cõmunionē suspēdit.

Quæ dum aguntur, impleto beatus pontifex vitæ cursu, migravit ad dominum. Nantinus quoque ab aliquibus episcopis, intercedentibus præmiis atque adulationibus, communicatur. Post paucos verò menses à supradicto morbo corripitur, qui nimia exustus febre, clamauit dicens, Heu heu, ab Heraclio antistite exuror, ab illo crucior, ab illo ad iudicium vocor. cognosco facinus, reminiscor me iniuste iniurias intulisse pontifici: mortem deprecor, ne diutius crucier hoc tormento. Hæc cum maxima in febre clamaret, deficiente robore corporis, infelicem animam fudit, indubia relinquens vestigia, hoc ei ad ultionem beati antistitis euenisse. nam exanimum corpus ita nigredinem duxit, vt putares cum prunis superpositum fuisse combustum. Ergo omnes hæc obstupescant, admirètur, & metuant, ne inferant iniurias sacerdotibus, quia vltor est dominus seruorum suorum sperantium in se.

37 HOC tempore & beatus Martinus Galliciensis episcopus obiit, magnum populo illi faciente planctum. nam hic Pannoniæ ortus fuit, & exinde ad visitanda loca sancta in orientem properans, intantum se literis imbuit, vt nulli secundus suis temporibus haberetur. Exinde Galliciam venit, vbi cum beati Martini reliquiæ portarentur, episcopus ordinatur: in quo sacerdotio impletis plus minus triginta annis, plenus virtutibus migravit ad domi-

nū. Versiculos qui super ostiū sunt à parte meridiana in basilica S. Martini , ipse cōposuit.

38 MAGNA eo anno in Hispaniis Christianis persecutio fuit : multique exiliis dati , facultatibus priuati , fame decocti , carcere mancipati , verberibus adfecti , ac diuersis suppliciis trucidati sunt . Caput quoque huius sceleris Goisuintha fuit , quam post Athanachildi regis connubium , rex Leuichildus acceperat : sed quæ dei seruis notam humilitatis infixerat , prosequente ultione diuina , ipsa quoque est omnibus populis facta notabilis . nam vnum oculum nubes alba contegens , lumen quod mens non habedat , pepulit à palpebris . Erāt autē Leuichildo regi ex alia vxore duo filij , quorum senior Sygiberti , iunior Chilperici regis filiam despōsauerat . Sed Ingundis Sygiberti regis filia cum magno apparatu in Hispanias directā , ab auia Goisuintha cū gaudio magno suscipitur : quā nec passa est in religione Catholica diu cōmorari , sed vt rebaptizaretur in Arriana hēresi blādis cœpit sermonibus inlicere : sed illa viriliter relictās , cœpit dicere , Suffecit satis me ab originali peccato baptismo salutari semel ablutā fuisse , & sanctā trinitatē in vna equalitate esse cōfessam : hæc me credere ex toto corde confiteor , nec vnquā ab hac fide ibo retrorsum . Hæc illa audiēs , iracūdię furore succēsa , adprehensam per comā capitis puellā in terrā cōlidit , & diu

calcibus verberatam, ac sanguine cruētatam, iussit spoliari & piscinæ immergi: sed vt adfuerunt multi, nunquam animum suum à fide nostra reflexit. Leuichildus autē dedit eis vnā de ciuitatibus, in qua residentes regnarēt. Ad quam cum abiissent, cœpit Ingūdis prædicare viro suo, vt relicta hæresis fallacia, catholicæ legis veritatem agnosceret. Quod ille diu refutans, tandem cōmotus ad eius prædicationē conuersus est ad legē catholicam: ac dū christmaretur, Iohānes est vocitatus. Quod cū Leuichildus audisset, cœpit causas quærere qualiter eū perderet. Ille vero hæc intelligens, ad partē se imperatoris iungit, ligans cū præfecto eius amicitias, qui tūc Hispaniā impugnabat. Leuichildus autē direxit ad eū nūcios, dicēs, Veni ad me, quia extant causę quas cōferamus simul. Et ille, Non ibo, quia infensus es mihi, pro eo quòd sim Catholicus. At ille datis præfecto imperatoris triginta milibus solidorū, vt se ab eius solatio reuocaret, cōmoto exercitu cōtra eū venit. Herminichild<sup>9</sup>, verò vocatis Græcis, cōtra patrem egreditur, relicta in vrbe cōiuge sua. Cūque Leuichildus ex aduerso veniret, relictus à solatio, cum videret nihil se præualere posse, ecclesiā quæ erat propinqua, experit dicēs, Non veniat super me pater meus: nefas est enim aut patrē à filio, aut filium à patre interfici. Hæc audiēs Leuichildus, misit ad eū fratrem eius qui dato sacramento, ne

humiliaretur, ait, Tu ipse accede, & proster-  
nere pedibus patris nostri, & omnia indulget  
tibi. At ille poposcit vocari patrem suū. Quo  
ingrediente, prostravit se ad pedes illius: ille  
vero adprehēsum osculatus est eum, & blan-  
dis sermonibus delinitū duxit ad castra: obli-  
tūsq; sacramenti, innuit suis, & adprehēsum  
spoliavit eū indumentis suis, induitq; illū veste  
vili: regressūsq; ad urbē Toletū, ablatis pueris  
eius, misit eū in exiliū cum vno tantū puerulo.

39 I G I T V R post mortem filiorum Chilpe-  
rici, rex mense Octobri in Coria situa plenus  
luctu cum coniuge residebat. Tunc Chlodo-  
ueum filium suum, Brennacum, faciente regi-  
na, transmisit, vt scilicet & ipse ab hoc inter-  
itu deperiret. Grauiter ibi his diebus morbus  
ille qui fratres interfecerat, sæuiebat, sed nihil  
ibidem incommodi pertulit: ipse enim rex  
Calam Parisiacę ciuitatis villam aduenit. Post  
paucos verò dies Chlodoucum ad se venire  
præcepit. Cui qualis interitus fuerit, dicere  
nō pigebit. Igitur cū in supradicta villa apud  
patrem habitaret, cœpit immaturè iactare vel  
dicere, Ecce mortuis fratribus meis ad me re-  
stitit omne regnum: vniuersæ Galliæ subiicien-  
tur, imperiūque vniuersum mihi fata largi-  
ra sunt. Ecce inimicis in manu positis, inferā  
quæcunque placuerit. Sed & de nouerca sua  
Fredegunde regina non condecibilia detre-  
ctabat. Quæ illa audiēs, pauore nimio terre-

batur. Post dies verò aliquot, adueniens quidã ait reginæ, vt orbata filiis sedecas, dolº id Chlodouei est operatus. nam ipse concupiscens vnus ancillarum tuarum filiam, maleficiis tuos per matrem eius filios interfecit: ideoque moneo, ne speres de te melius, cum tibi spes per quam regnare debueras sit ablata. Tunc regina timore perterrita, & furore succensa, noua orbitate compuncta, adprehensa puella in quam oculos iniecerat Chlodoueus, & grauius verberata, incidi comam capitis eius iussit: ac scissa, sudi impositam defigi ante metatum præcepit Chlodouei: matre quoque puellæ religata, & tormentis diu cruciata, elicit ab ea professionem quæ hos sermones veros esse firmaret. Regi exinde hæc & alia huiuscemodi insinuas, vindictam de Chlodoueo poposcit. Tunc rex in venationem directus, eum præcepit arcessiri secretius. Quo adueniente ex iussu regis adprehensus in manicis à Desiderio atq; Bobone ducibus, nudatur armis & vestibus, ac vili indumento cõtectus reginæ vincº adducitur. At illa in custodia eum retineri præcepit, elicere ab eo cupiẽs, si hæc ita vt audierat se haberent, vel cuius cõsilio vsus fuerit, aut cuius hæc instinctu fecisset, vel cum quibº maximè amicitias conligasset. At ille reliqua denegans, amicitias multorum detexit. Deniq; post triduum, regina vincºtum iussit eum trãsire Matronam fluuium, & in villa cui Noceto nomẽ est,

custodiri. In qua custodia cultro percussus, interit: ipsoque in loco sepultus est. Interea aduenerunt nuncij ad regem qui diceret, quod ipse se ictu proprio perfodisset: & adhuc ipsum cultrum de quo se perculit, in loco stare vulneris adfirmabant. Quibus verbis rex Chilpericus inlusus, nec fleuit, quem ipse, ut ita dicam, morti tradiderat, instigante regina. Seruientes quoque illius per diuersa dispersi sunt. Mater autem eius crudeli morte necata: soror illius in monasterium reclusa, à pueris reginæ transmittitur: in quo nunc veste mutata consistit: opesque eorum omnes reginæ delatæ sunt: Mulier quæ super Chlodoueam locuta fuerat, diiudicatur incendio concremari. Quæ cum euceretur, reclamare cœpit misera, se mēdacia protulisse: sed nihil proficientibus verbis, ligata ad stipitē, viuens exuritur flāmis. Theofaurari<sup>9</sup> Chlodouei à Cuppane stabuli comite de Bjturico retract<sup>9</sup>, vinctus reginæ trāsmissus est, diuersis cruciatibus exponendus: sed eū regina & à suppliciis, & à vinculis iussit absolui, liberumque nobis obtinētibz abire permisit.

POST hæc Elafius Catalaunēsis episcopus propter causas Brunichildis reginæ in Hispanias in legationem directus, correptus à febre nimia, spiritū exhalauit: & exinde delat<sup>9</sup> mortuus, ad ciuitatē suā sepultus est. Eonius quoque episcopus, quē legatū Britānorū supra meminimus, ad ciuitatē suā regredi nō permissus, ut

Andegavis pasceretur de publico, à rege præceptū est. Qui Parisios adueniens, dū die dominica sacrosancta solēnia celebraret, emissā cum hinnitu voce terræ conruit. Erumpente vero ab ore eius & narib<sup>9</sup> sanguine, inter manus deportatus est: sed conualuit: nimiū enim vino deditus erat, & plerumq; ita deformiter inebriabatur, vt gressum facere non valeret.

41 M I R V S rex Galliciēsis legatos ad Guntchramnum regem direxit. Cūmq; per Pictauum terminum præterirent, quem tunc Chilpericus rex tenebat, nunciata sunt ei. At ille sub custodia sibi eos exhiberi præcipit & Parisiis custodiri. Eo tempore apud Pictauēsem ciuitatem lupus ex siluis veniens, per portam ingressus est: clausisq; portis intra muros ipsius vrbis oppressus, occisus est. Adferebant enim quidam & cælum ardens se vidisse. Liger fluius maior ab anno superiore fuit, postquā ei Caris torrens se adiunxit. Ventus-auster nimium violenter cucurrit, ita vt siluas prosterneret, domos erueret, sepes efferret, ipsosq; homines ad interneccionem vsq; volutaret. Erat enim spacium eius in latitudinem quasi iugera septem. Longitudo autem non potuit æstimari. nam & galli plausum cātus in initio noctis sæpe dederunt. Luna contenebricata est, & comeres stella apparuit. Grauis autem lues in populo subsecuta est. Legati autem Sueuorum post annum dimissi, ad propria redierūt.

- 42 MAVRILIO Cadurcensis vr̄bis episcopus grauit̄er ægrotabat ab humore podagrico, sed super hos dolores quos ipse humor cōmouit, magnos sibi cruciatus addebat. nā sæpe candens ferrum tibiis ac pedibus defigebat, quo facilius cruciatum sibi amplius adderet. Sed cū episcopatum eius multi expeterent, ipse Vrsicinum qui quondam referendarius Vltrogotho reginæ fuerat, elegit. Quē dum adhuc viueret, benedici deprecans, migravit à seculo: fuit autem valde eleemosynarius, in scripturis ecclesiasticis valde instructus, ita vt seriem diuersarum generationum, quæ in libris veteris Testamenti describitur, quod à multis difficile retinetur, hic plerunq; memoria recenseret. Fuit etiam & in iudiciis iustus, ac defendens pauperes ecclesiæ suæ de
- » manu malorum iudicum, iuxta illud Iob, Cō-
  - » seruaui egenum de manu potētis, & inopi cui
  - » non erat adiutor, auxiliatus sum: os viduæ be-
  - » nedixit me, cū essem oculus cæcorum, pes
  - » claudorum, & invalidorum pater.
- 43 LEVVIELDVS verò rex Agilanem legatum ad Chilpericum mittit, virum nullius ingenij aut dispositionis ratione peritum, sed tantum voluntate in catholica lege peruersum: quem cū via Turonos detulisset, laceſſire nos de fide, & impugnare ecclesiastica dogmata cœpit. Iniqua enim, inquit, fuit antiquorum episcoporum lata sententia, quæ

æqualem adseruit filium patri. nam qualiter,  
 inquit, poterit esse patri æqualis in potestate  
 qui ait, Pater maior me est? Non est ergo æ-  
 quum vt ei similis æstimeretur quo se minorem  
 dicit, cui tristitiã mortis ingemit, cui postre-  
 mo moriens, spiritum quasi nulla præditus po-  
 testate commendat. Vnde patet eum & ætate  
 & potestate paterna minorẽ. Ad hæc ego in-  
 terrogo, si crederet Iesum Christũ filium dei  
 esse, si eundẽque esse dei sapientiam, si lu-  
 men, si veritatem, si vitam, si iustitiam fateretur.  
 Qui ait, Credo hæc omnia esse filium dei.  
 Et ego, Dic ergo mihi, quando pater sine sa-  
 pientia? quando sine lumine? quando sine  
 vita? quando sine veritate? quando sine iusti-  
 tia fuerit? sicut enim pater sine istis esse non  
 potuit, ita & sine filio esse non potuit, quæ ma-  
 xime ad dominici nominis mysterium coap-  
 tantur: sed nec pater esset vtique, si filium nõ  
 haberet. Quod autem eum dixisse ais, Pater  
 maior me est, scias eum hoc ex adsumptæ  
 carnis humilitate dixisse, vt cognoscas nõ po-  
 testate, sed humilitate te fuisse redemptum.  
 nam tu qui dicis, Pater maior me est, oportet  
 te meminisse quod alibi ait, Ego & pater vnũ  
 sumus. nam & mortis timor & commendatio  
 spiritus ad infirmitatem corporis est referen-  
 da, vt sicut verus deus, ita & verus homo cre-  
 datur. Et ille, Cuius quis implet voluntatem,  
 eo & minor est. semper filius minor est patre,

quia ille facit voluntatem patris, nec pater il-  
 lius voluntatem facere comprobatur. Ad hæc  
 ego, Intellige quia pater in filio, & filius in pa-  
 tre, in vna semper deitate subsistit. nam vt  
 cognoscas patrem filij facere voluntatem, si  
 in te fides euangelica manet, audi quid ipse  
 Iesus deus noster cùm ad resuscitandum ve-  
 nit Lazarum, ait, Pater gratias ago tibi, quo-  
 niam audisti me: & ego sciebam quia semper  
 me audis: sed propter turbam quæ circumstat,  
 dixi, vt credant quia tu me misisti. Sed & cùm  
 ad passionem venit, ait, Pater clarifica me cla-  
 ritate quã habui apud te metipsum, priusquã  
 mundus fieret, Cui pater de cælo respondit,  
 Et clarificauit, & iterum clarificabo. Æqualis  
 est ergo filius in deitate, non minor: sed neq;  
 aliquid minus habens. nam si deum confite-  
 ris, necesse est integrum fatearis, & nihil egē-  
 tem: si verò integrum esse negas, deum esse  
 non credis. Et ille, Ex adsumpto homine cœ-  
 pit dei filius vocitari. nam erat quando non  
 erat. Et ego, Audi Dauid dicentem ex perso-  
 na patris, Ex vtero ante luciferum genui te.  
 Et Ioannes euangelista ait, In principio erat  
 verbum, & verbum erat apud deum, & deus  
 erat verbum: hoc ergo verbum caro factum  
 est, & habitauit in nobis: per quem facta sunt  
 omnia. nam vos cæcati veneno persuasionis,  
 nihil dignum de deo sentitis. Et ille, Nunquid  
 & spiritum sanctum deum dicitis, aut æqua-

lem patri filiôque decernitis? Cui ego, Vna in tribus est voluntas, potestas, operatio: vnus deus in trinitate, & trinus in vnitare. Tres personæ, sed vnum regnum, vna maiestas, vna potentia omnipotentiâque. Et ille, Spiritus sanctus, inquit, quem æqualem patri profer- tis ac filio, vtrisque mīnor accipitur, quia & à filio promissus, & à patre legitur missus. nemo enim promittit, nisi quod suæ dominationi subsistit: & nemo mittit, nisi inferiorem se,

• sicut ipse ait in euangelio, Nisi ego abiero, pa-  
 • raclerus ille non veniet: si autem abiero, mit-  
 • tam illum ad vos, Ad hæc ego respondi, Bene filius ante passionem ait, quia nisi ille ad patrē victor remeauērit, ac proprio sanguine redē- pro mundo dignum deo ex homine præparet habitaculum, nō potest sanctus spiritus idem deus in pectore fanatico, & originalis crimi-  
 • nis labe infecto descēdere. Spiritus enim san-  
 • ctus, ait Salomon, fugiet fictum. Tu autem si spem aliquam resurrectionis habes, noli loqui aduersus spiritum sanctum, quia, iuxta sentē- tiam domini, spiritum sanctum blasphemāti non remittetur, neque in hoc seculo, neq; in futuro. Et ille, Deus est qui mittit, nō est deus qui mittitur. Ad hæc ego interrogo, si crede- ret doctrinam Petri Paulique apostolorum. respondente autem eo, Credo, adieci, Cū argueret Petrus apostolus Ananiam pro frau- de fundi, vide quid dicat, Quid tibi visum est

mentiri spiritui sancto? non es enim mentitus  
hominibus, sed deo. Et Paulus, cum gratiarū  
spiritaliū distingueret gradus, Hæc omnia,  
inquit, operatur vnus atque idem spiritus, di-  
uidens vnicuique prout vult. Qui enim quod  
voluerit facit, in nullius redigitur potestaté.  
nam vos vt superius dixi, nihil rectè de trinita-  
te sancta sentitis, & quàm iniqua sit huius se-  
ctæ peruersitas, ipsius auctoris vestri, id est Ar-  
rij expressit interitus. Ad hæc ille respondit,  
Legem quam nõ colis, blasphemare noli. Nos  
verò quæ creditis, etsi non credimus, non ta-  
men blasphemamus: quia non deputatur cri-  
mini, si & illa & illa colantur. sic enim vulga-  
to sermone dicimus, Non esse noxium si inter  
gentilium aras, & dei ecclesiam, quis transiēs  
vtraque veneretur. Cuius ego stultitiam cer-  
nens, aio, Vt video, & gentilium defensorem,  
& hereticorum adsertorem te esse manifestas,  
cùm & ecclesiastica dogmata maculas, & pa-  
ganorum spurcitas prædicas adorari. Satius,  
inquit, faceres, si ea te armaret fides, quam A-  
braham ad ilicem, Isaac in ariete, Iacob in la-  
pide, Moyses vidit in sente: quam Aaron por-  
tauit in logio, David exultauit in tympano,  
Salomon prædicauit in intellectu: quam om-  
nes patriarchæ, prophetæ, siue lex ipsa, vel o-  
raculis cecinit, vel sacrificiis figurauit: quam  
& nunc præsens suffragator Martinus noster,  
vel possedit in pectore, vel ostendit in opere:

vt & tu conuersus crederes inseparabilem trinitatem, & accepta à nobis benedictione, purgatòque à malæ credulitatis veneno, pectore delerentur iniquitates tuæ. At ille furore còmotus, & nescio quid quasi insanus frendens, ait: Ante anima ab huius corporis vinculis emicet, quàm ab vllò religionis vestræ sacerdote, benedictionem accipiam. & ego, Nec nostram dominus religionem siue fidem ita tepescere faciat, vt distribuamus sanctum eius canibus, ac preciosarum margaritarum sacra porcis squalentibus exponamus. Ad hæc, ille relicta altercatione surrexit, & abiit. Sed post hæc cùm in Hispanias reuersus fuisset, infirmitate debilitatus, ad nostram religionem necessitate cogente conuersus est.

44 P E R idem tempus Chilpericus rex scripsit indiculum, vt sancta trinitas nõ in personarum distinctione, sed tantum Deus nominaretur: adserens indignum esse, vt deus persona, sicut homo carneus nominetur. Adfirmans etiam ipsum esse patrem qui est filius, idemque ipsum esse spiritum sanctum, qui pater & fili<sup>9</sup>. sic, inquit, prophetis ac patriarchis apparuit, sic eum ipsa lex nunciauit. Cùmque hæc mihi recitari iussisset, ait, Sic, inquit, volo vt tu & reliqui doctores ecclesiarum credatis. Cui ego respondi, Hac credulitate relicta, pie rex, hoc te oportet sequi quod nobis post apostolos alij doctores ecclesiæ reliquerunt. Quod

Hilarius Eusebiusque docuerunt, quod & in baptismo es confessus. Tunc iratus rex ait, Manifestum est mihi in hac causa Hilarium Eusebiumque validos inimicos haberi. Cui ego respondi, Obseruare te conuenit, neque deum, neque sanctos eius habere offensos. Nam scias, quia in persona aliter pater, aliter filius, aliter spiritus sanctus. Non pater adsumpsit carnem, neque spiritus sanctus, sed filius: ut qui erat dei filius, ipse ad redemptionem hominis, filius haberetur & virginis. Non pater passus, neque spiritus sanctus, sed filius: ut qui carnem adsumpserat in mundo, ipse offerretur pro mundo. De personis vero quod ais, non corporaliter, sed spiritualiter sentiendum est. In his ergo tribus personis, una gloria, una aeternitas, una potestas. At ille commotus, ait, Sapientioribus te haec pandam, qui mihi consentiant. & ego, Nunquam erit sapiens, sed stultus, qui haec quae proponis sequi voluerit. Ad haec ille frendens, siluit. Non post multos vero dies adueniente Saluio Albigen- si episcopo, haec ei praecipit recenseri, deprecans ut sibi consentaneus fieret. Quod ille audiens, ita respuit, ut si chartam in qua haec scripta tenebantur, potuisset adtingere, in frustra discerperet. Et sic rex ab hac intentione quieuit. Scripsit alios libros idem rex versibus, quasi Sedulium secutus: sed versiculi illi nulli penitus metricè conueniunt ra-

tioni. Addidit autem & literas literis nostris, id est  $\omega$  sicut Græci habent, ac, the, vuui: quarū characteres subscriptim<sup>9</sup> hi sunt: O.  $\psi$ . Z.  $\Pi$ . Et misit epistolas in vniuersas ciuitates regni sui, vt sic pueri docerētur, ac libri antiquitus scripti, planati pumice rescriberentur.

45 **AGROECVLA** autem Cabillonensis episcopus, hoc obiit tempore: fuitque homo valde elegans ac prudens, genere senatorio. multa in ciuitate illa ædificia fecit, domos cōposuit, ecclesiam fabricauit, quam columnis fulciuit, variauit marmore, musuo depinxit. Magnæ autem abstinentiæ fuit. nam nunquā prandio vsus est, nisi tantum cœna: ad quam sic temporiuē residebat, vt sole stante consurgeret. Humanitatis exiguę, facundiæ verò magnę erat. Obiit autem, episcopatus anno quadragesimo octauo, xui autem octogesimo tertio: cui Flauus referendarius Guntchramni regis successit.

46 **EO** tempore & Dalmatius Ruthenæ ciuitatis episcopus, migravit à seculo, vir in omni sanctitate præcellus, abstinens vel à cibis, vel à concupiscentiis carnis: valde eleemosynarius, & cunctis humanus, in oratione & vigiliis satis stabilis: ecclesiam construxit. Sed dum eam ad emendationem sæpius destruit, incompositam dereliquit. Post cuius obitum, multi, vt fit, episcopatum petebant. Transobadus verò presbyter qui quondam archidiaconus

nus

nus eius fuerat , maxime in hoc intendebat ,  
 fidus quòd filium suum cum Gogone , qui  
 tunc regis erat nutritius , commendauerat.  
 Condiderat autem episcopus testamentum ,  
 in quo regi Sexenium , qui post eius obitum  
 acciperet , indicabat , adiurans terribilibus sa-  
 cramentis , vt in ecclesia illa non ordinaretur  
 extraneus , non cupidus , non coniugali vincu-  
 lo nexus , sed ab his omnibus expeditus , qui in  
 solis rãtum dominicis laudibus degebat , sub-  
 stitueretur. Transobadus autem presbyter e-  
 pulum in ipsa vrbe clericis præparat. Residẽ-  
 tibus autem illis , vnus presbyterorum cœpit  
 antistitem memoratum impudicis blasphemare  
 sermonibus , & vsque ad hoc erupit , vt  
 eum delirum & fatuum nominaret . Hæc eo  
 dicente , pincerna poculum oblaturus adue-  
 nit . At ille acceptum dum òri proximat , tre-  
 mere cœpit. Laxatòque de manu calice , su-  
 per alium qui sibi erat proximus caput reclinans ,  
 reddidit spiritum. Ablatúsque ab epulo ,  
 ad sepulchrum humo coniectus est. Post hæc  
 relecto testamẽto antistitis , in præsentia Chil-  
 deberti regis ac procerum eius , Theodosius  
 qui tunc archidiaconatu vrbs illius potiebatur ,  
 episcopus ordinatus est.

47 **A**VDIENS autem Chilpericus omnia  
 mala quæ faciebat Leudastes ecclesis Turo-  
 nicis & omni populo , Ansoualdum illuc di-  
 rigit : qui veniens ad festiuitatem sancti Mar-

tini, data nobis & populo optione, Eunomius in comitatum erigitur. Denique Leudastes cernens se remotum, ad Chilpericum dirigit dicens, Vsq̄ue nunc, ô piissime rex, custodiui ciuitatem Turonicam: nunc autem me abactione remoto, vide qualiter custodiatur. Nam noueris quia Gregorius episcopus, eam ad filiũ Sygiberti tradere destinat. Quod audiens rex, ait, Nequaquam, sed quia remotus es, ideo hæc adponis. & ille, Maiora, inquit, de te ait episcopus: dicit enim reginam tuã in adulterio cum episcopo Bertchramno misceri. Tunc iratus rex, cesum pugnis & calcibus, oneratum ferro, recludi præcepit in carcere.

- 48 SED quia liber finem postulat, narrare aliqua de eius actionibus liber: sed prius videtur, genus ac patriam morésque ordiri. Cracina Pictauiensis insula vocitatur, in qua à Fiscalis vinitoris seruo Leocadio nomine, nascitur. Exinde ad seruitium arcessitus, culinæ regis deputatur. Sed quia lippis erat in adolescentia oculis, quibus fumi acerbitas non congruebat, amotus à pistillo promouetur ad cophinum. Sed dum inter fermentatas massas se delectari consimulat, seruitium fugam iniens dereliquit. Cùmque bis aut tertio reductus à fugæ lapsu, teneri non posset, auris vnus incisione multatur. Dehinc cùm notam inflictam corpori occulere nulla auctoritate valeret, ad

Marcouefam reginam quã Charibertus rex nimium diligens, in loco fororis thoro adsciuerat, fugit. Quæ libenter eum colligens, prouocat, equorúmque meliorum deputat esse custodem. Hinc iam obsessus vanitate, ac superbiæ deditus, comitatum ambit stabulorú: quo accepto, cunctos despicit ac postponit: inflatur vanitate, luxuria dissoluitur, cupiditate succenditur, & in causis patronæ alumnus proprius huc illúq; defertur. Cuius post obitum refertus prædis, locum ipsum cum rege Chariberto oblati muneribus tenere cæpit. Post hæc, peccatis populi ingruentibus, comes Turonus destinatur: ibíque se amplius honoris gloriosi supercilio iactat: ibíq; se exhibet rapacem prædis, turgidum rixis, adulteriis lutulentum: vbi seminando discordias, & inferendo calumnias, non modicos thesauros adgregauit. Post obitum verò Chariberti, cùm in Sygiberti sortem ciuitas illa venisset, transeunte eo ad Chilpericum, omnia quæ inique adgregauerat, à fidelibus nominati regis direpta sunt. Peruadente igitur Chilperico rege per Theodobertum filium urbē Turonicam, cùm iam ego Turonos aduenissem, mihi à Theodoberto strenuè commendatur, vt scilicet comitatu quem prius habuerat potiretur. Multum se nobis humilem subditumque reddebat, iurans sæpius super sepulchrú sancti antistitis, nunquã se contra rationis or-

dinem esse venturum : seq̄; mihi tam in causis propriis, quàm in ecclesię necessitatibus in omnib⁹ esse fidelē. Timebat enim quod postea euenit, ne urbem illam iterum rex Sygibertus in suum dominium reuocaret. Quo defuncto, succedēte iterum Chilpērico in regnū, iste in comitatum accedit. Adueniente autē Turo- nos Meroueo, omnes res eius vsquequaque diripuit. Sed dum Sygibertus duos annos Turo- nos tenuit, hic in Britanniiis latuit: qui adsum- pto, vt diximus comitatu, in tali leuitate elatus est, vt in domo ecclesię cum thoracibus atque loricis, præcinctus pharetra, & contum manu gerens, capite galeato ingrederetur: de nullo securus, quia omnibus erat aduersus. Iam si in iudicio cum senioribus vel laicis, vel clericis resedisset, & vidisset hominē iustitiam prosequentem, protinus agebatur in furias, ructabat conuicia in ciues: presbyteros man- nicis iubebat extrahi, milites fustibus verberari: tantāque vtebatur crudelitate, vt vix referri possit. Discedente autem Meroueo qui res eius diripuerat, nobis calumniator existit, adserens fallaciter Meroueuū nostro vsum con- silio, vt res eius auferret. Sed post inlata dam- na, iterat iterum sacramēta, pallāmque sepul- chri beati Martini fideiussorē donat, se nobis nunquam aduersaturum.

49 SED quoniam longum est per ordinē pro- sequi periuria vel reliqua mala eius, veniamus

ad illud, qualiter me voluit iniquis ac nefariis calūniis subplantare, vel qualiter in eum ultio diuina descendit, vt illud adimpleretur, **Omnis subplantās subplantabitur: & iterum, Qui fodit foueam, incidet in eam.** Igitur post multa mala quæ in me meosque intulit, post multas direptiones rerū ecclesiasticarū, adiun-ctosibi Riculfo presbytero, simili malitia peruerso, ad hoc erupit vt diceret me crimen in Fredegundē reginam dixisse, adserens si archidiaconus meus Plato, aut Gallienus amicus noster, subderetur pœnæ; cōuinceret me utiq; hæc locutū. Tunc rex iratus, vt supra diximus, iussit eum pugnis calcibusq; cęsum, oneratum catenis, recludi in carcerē. Nam Riculsum clericum se habere dicebat, per quē hæc locutus fuisset. Hic verò Riculfus subdiaconus, simili leuitate perfacilis, ante hunc annū consilio cū Leudaste de hac causa habito, causas offensionis requirit, quibus scilicet me offenso, ad Leudastem trāsiret: nactúsq; tādē, ipsum adiuit, ac per mēses quatuor dolis omnibus ac muscipulis preparatis, ad me cum ipso Leudaste reuertitur, deprecans vt eum debeā recipere excusatum. Feci, fateor, & occultū hostē publicē in domum suscepi. Discedēte verò Leudaste, ipse se pedibus meis sternit, dicens, Nisi succurras velociter, periturus sum. Ecce instigāte Leudaste, locutus sum quod loqui non debui: nunc verò aliis me regnis emitte: quod nisi fe-

ceris, à regalibus comprehensus, mortales pœnas sum luiturus. Cui ego aio, Si quid incongruum rationi effatus es, sermo tuus in caput tuū erit. nam ego alteri te regno non mitram, ne suspectus habear coram rege. Post ista Leudastes extitit accusator eius, dicens se sermones iam dictos à Riculfo audisse subdiacono. At ille iterum vincētus, relaxato Leudaste, custodię deputatur, dicens, Gallienum eadem die & Platonem archidiaconos fuisse præsentēs, cū hæc est episcopus elocutus. Sed Riculfo presbyter, qui iam promissionem de episcopatu à Leudaste habebat, intantum elatus fuerat, vt magi Simonis superbię æqua retur. Qui tertio aut eo amplius mihi sacramentum super sepulcrum sancti Martini dederat, in die sexta Paschæ intantum me conuiciis & sputis egit, vt vix manibus temperaret, fidus scilicet doli quem præparauerat. In crastina autem die, id est sabbari, in ipso Pascha, venit Leudastes in vrbē Turonicam, ad simulānq; aliud negocium agere, adprehēsos Platonem archidiaconum, & Gallienū in vincula connectit: catenatosque ac exutos veste, iubet eos ad reginā deduci. Hęc ego audiens, dum in domo ecclesię residerem, mœstus turbatusque, ingressus oratoriū, Dauidici carminis sumo librum, vt scilicet apertus aliquem consolationis versiculum daret. In quo ita re-  
 » pertū est, Eduxit eos in spe, & non timuerūt,

• & inimicos eorum operuit mare. Interea ingressi in fluuium super pontem qui duabus lincibus tenebatur, nauis illa quæ Leudastem uehebat, demergitur: & nisi nandi fuisset ad miraculo liberatus, cum sociis forsitan interfisset. Nauis verò alia quæ huic innexa erat, quæ & vincos uehebat, super aquas, dei auxilio, eleuatur. Igitur deducti ad regem qui uincti fuerant, incusantur instanter, ut capitali sententia finirentur. Sed rex recogitans absolutos à vinculo, libera custodia reseruat inlaxos. Ad ciuitatem verò Turonicam Berulfus dux cum Eunomio comite fabulam fingit, quòd Guntchramnus rex capere uellet Turonicam ciuitatem: & idcirco ne aliqua negligètia accederet, oportere ait urbem custodia cõsignari. Ponunt portis dolose custodes, qui ciuitatem tueri adsimulantes, me utiq; custodirent. Mittunt etiam qui mihi consiliũ ministrarent, ut occultè adsumptis melioribus rebus ecclesiæ, Aruernum fuga secederem: sed nõ adqueui. Igitur rex arcessitis regni sui episcopis, causam diligenter iussit exquiri. Cùmque Riculfus clericus sæpius discuteretur occultè, & contra me uel meos multas fallacias promulgaret, Modestus quidã faber lignarius ait ad eũ, O infelix qui contra episcopum tuũ tam contumaciter ista meditaris. Satius tibi erat silere: & petit uenia episcopi gratiã impetrare. Ad hæc ille clamare cœpit uoce magna

ac dicere: En ipsum qui mihi filētium indicit,  
 ne prosequar veritatem: en reginę inimicum,  
 qui causam criminis eius non finit inquiri.  
 Nunciantur protinus hęc reginę . Adpre-  
 henditur Modestus, torquetur, flagellatur: &  
 in vincla cōpactus, custodię deputatur. Cūm-  
 que inter duos custodes catenis & cippo te-  
 neretur vinctus, media nocte dormientibus  
 custodibus, orationē fudit ad dominum, vt di-  
 gnaretur eius potentia miserū visitare: & qui  
 innocens conligatus fuerat, visitatione Mar-  
 tini præsulis ac Medardi absolueretur, Mox  
 disruptis vinculis, cōfracto cippo, referato o-  
 stio, sancti Medardi basilicam nocte nobis vi-  
 gilantibus introiuit. Congregati igitur apud  
 Brennacum villam episcopi, in vnam domum  
 residere iussi sunt. Dehinc adueniēte rege, da-  
 ta omnibus salutatione, ac benedictione acce-  
 pta, resedit. Tūc Bertchramnus Burdegalēsis  
 ciuitatis episcopus, cui hoc cū regina crimen  
 impactū fuerat, causam proponit, mēq, inter-  
 pellat, dicens, à me sibi ac reginę crimē obie-  
 ctum: negaui ego in veritate me hęc locutū: &  
 audisse quidē hęc alios: nam non excogitasse.  
 Nā extra domū rumor in populo magnus e-  
 rat dicētium, Cur hęc super sacerdotē dei ob-  
 iiciuntur: cur talia rex prosequitur? nūquid po-  
 tuit episcopus talia dicere vel de seruo? heu,  
 heu domine deus largire auxilium seruo tuo.  
 Rex autē dicebat, Crimen vxoris meę, meum

habetur obprobrium. si ergo censetis ut super episcopum testes adhibeantur, ecce adsunt. Certe si videtur ut hæc non fiant, & in fidē episcopi committantur, dicite: libenter audiam quæ iubetis. Mirati sunt omnes Regis prudentiam vel patientiam simul. Tunc cūctis dicentibus, Nō potest persona inferior super sacerdotem credi, restitit ad hoc causā, ut dictis Missis, in tribus altaribus me de his verbis exuerem sacramēto. Et licet canonibus essent cōtraria, pro causā tamen regis impleta sunt. Sed nec hoc sileo, quōd Rigunthis regina cōdolens doloribus meis, ieiuniū cum omni domo sua celebrauit, quousque puer nunciaret me omnia sic impleisse, ut fuerāt instituta. Igitur regressi sacerdotes ad regem, aiūt, Impleta sunt omnia ab episcopo quæ imperata sunt, ō rex: quid nunc ad te, nisi ut cum Bertchramno accusatore fratris, communione priueris? et ille, Nō inquit, ego nisi audita narraui. Quærentibus illis, Quis hæc dixerit? respōdit, Se hæc à Leudaste audisse: ille autem secundū infirmitatē vel cōsiliij vel propositionis suæ, iā fugā inierat. Tunc placuit omnibus sacerdotibus, ut sator scandali, inficiator reginæ, accusator episcopi, ab omnibus arceretur ecclesiis, eo quōd se ab audiētia subtraxisset. Vnde & epistolā subscriptā, aliis episcopis qui non adfuerant, transmiserūt. Et sic vnusquisque in locum suum regressus est. Leudastes verō hæc

audiens, basilicam sancti Petri Parisius expectit. Sed cum audisset edictum regis, ut in suo regno à nullo colligeretur: & præsertim quòd filius eius quem domi reliquerat, obiisset, Turonos occultè veniens, quæ optima habuit in Biturico, transposuit. Prosequentibus verò regalibus pueris, ipse per fugam labitur. Capta quoque vxor eius, in pagum Tornacense exilio retruditur. At Riculfo clericus ad interficiendum deputatur: pro cuius vita vix obtinui: tamen de tormentis excusare non potui. Nam nulla res, nullum metallum, tanta verbera potuit sustinere, sicut hic miserimus. Ab hora tertia diei, reuinctis post tergum manibus, suspensus ad arborem dependebat: ad horam verò nonam depositus, extensus ad trocleas, cædebatur fustibus, virgis, ac loris duplicibus, & non ab vno vel duobus, sed quot accedere circa miseros potuissent artus, tot cæsores erant. Cum autem iam in discrimine esset, tunc aperuit veritatem, & archana doli publice patefecit. dicebat enim ob hoc reginæ crimè obiectum, ut eiecta de regno interfectis fratribus & patre, Chlodoueus regnum acciperet, Leudastes ducatú: Riculfo verò presbyter qui iam à tempore beati Eufronij episcopi amicus erat Chlodouei, episcopatum Turonicum ambiret, huic Riculfo clerico archidiaconatu promisso. Nos verò cum dei gratia Turonos reuersi, inuenimus ecclesiam conturbatam

per Riculfum presbyterum. nam hic sub Eufonio episcopo de pauperibus prouocatus, archidiaconus ordinatus est. Exinde ad presbyterium admotus, recessit ad propria, semper elatus, inflatus, præsumptuosus: nam me adhuc commorante cum rege, hic quasi iam esset episcopus, in domum ecclesiæ ingreditur impudenter, argentum describit ecclesiæ, reliquasque res sub suam redigit potestatem. Maiores clericos muneribus ditat, largitur vineas, prata distribuit: minores verò fustibus plagisque multis, etiam manu propria adfecit, dicens, *Recognoscite dominum vestrum qui victoriam de inimicis obtinuit, cuius ingenium Turonicam urbem ab Aruernis populis emundauit: ignorans miser, quod præter quinque episcopos, reliqui omnes qui sacerdotium Turonicum susceperunt, parentum nostrorum prosapia sunt coniuncti: illud sæpe suis familiaribus dicere erat solitus, quod hominem prudentem non aliter nisi in perturiis quis decipere possit. Sed cum me reuersum adhuc despiceret, nec ad salutationem meam sicut reliqui ciues fecerant, adueniret, sed magis me interficere minitaretur, cum consilio conprovincialium eum in monasterium remoueri præcepit. Cumque ibidem arctius distringeretur; in cæcedentibus Felicis episcopi missis, qui memorate causæ fautor extiterat, circumuento periuræ abbate, fuga elabatur, & usque ad Felicem accedit episcopum: eumque ille ambiens colligit*

quē execrari debuerat. Leudastes verò in Bituricū pergens, omnes thesauros quos de spoliis pauperū detraxerat, secū tulit. Nec multo post intuentibus Bituricis, cum iudice loci super eum, omne aurum argentūque vel quod secū detulerat, abstulerūt, nihilque ei nisi quod super se habuit relinquentes: ipsamque abstulissent vitam, nisi fuga fuisset elapsus. Resumptis dehinc viribus cum aliquibus Turonicis iterum inruit super prædones suos: interfectoque vno, aliqua de rebus ipsis recepit, & in Turonicum reuertitur. Audiēs hæc Berulfus dux misit pueros suos cum armorum adparatu ad comprehendendum eum. Ille verò cernens se iam iamque capi relictis rebus basilicam sancti Hilarij Pictauiensis expetit. Berulfus verò dux res captas regi transmisit. Leudastes enim egrediebatur de basilica, & intruens in domos diuerforum, prædas publicas exercebat. Sed & in adulteriis sæpe intra ipsam sanctam porticum deprehensus est. Commota autem regina, quòd scilicet locus deo sacratus taliter pollueretur, iussit eum à basilica sancti eiici. Qui eiectus, ad hospites suos iterum in Bituricum expetit, deprecans se oculi ab eis.

50 ET licet de beati Saluij episcopi conlocutione superius memorare debueram, sed quia mentem excessit, esse sacrilegum non arbitror, si in posterum scribatur. Igitur cum Vale post synodum memoratam regi iam die

At, ad propria redire vellemus, non ante discedere placuit, nisi hunc virū libatis osculis linqueremus. Quem quæsitum in atrio Brinnacensis domus reperi. Cui dixi, quia iam erā ad propria rediturus: tunc remoti paululum, dum hinc inde sermocinaremur, ait mihi, Vidēs ne super hoc tectum quæ ego suspicio? cui ego, Video enim super tegulum quod nuper rex poni præcepit. & ille, Aliud, inquit, non aspicias? cui ego, Nihil aliud, inquam, video. suspicabar enim quòd aliquid ioculariter loqueretur: & adieci, Si tu aliquid magis cernis, enarra. at ille alta trahēs suspiria ait, Video ego euaginatam iræ diuinæ gladium super domū hanc dependentem. veruntamen non fecellit dictio sacerdotem. nam post dies viginti, duo filij regis quos superius mortuos scripsimus, obierunt.

Explicitus est liber quintus, finitus in anno quinto Childeberti regis.

Incipit liber sextus, inchoatus ab anno sexto eiusdem Childeberti.

GREGORII TVRO-  
NICI HISTORIARVM  
Liber sextus.

**I** Nno igitur sexto regni sui  
Childebertus rex, reiecta  
pace Guntchramni regis  
cum Chilperico coniun-  
ctus est. Non post multū  
tempus Gogo moritur, in  
cuius locum Vuādelinus  
subrogatur. Mummolus

à regno Guntchramni fuga dilabitur, & se in-  
tra mutorum Auennicorum nūtionē con-  
cludit. Apud Lugdunum synodus episcopo-  
rum cōiungitur, diuersarum casarum alter-  
cationes incidēs, negligentioresque iudicio  
damnans. synodus ad regem reuertitur, mul-  
ta de fuga Mummoli ducis, nonnulla de dis-  
cordiis tractans.

**2** INTEREA legati Chilperici regis qui  
ante triēnium ad Tyberium imperatorē abie-  
rant, regressi sunt, non sine graui damno atq;  
labore. Nam cum Massiliensem portū propter  
regū discordias adire ausi nō essent, Agathen  
urbē quę in Gothorum regno sita est, aduene-  
rūt. Sed priusquā litus adtingerent, nauis acta  
veto, impulsā terris in frustra minuitur. Legati  
verò cum pueris se in periculo cernentes, arre

ptis tabulis vix ripæ relati sunt, multis puero-  
rum amissis: sed plurimi euaserunt: res autem  
quas vnde litori inuexerant, incolæ rapuerūt.  
Ex quibus quod melius fuit recipientes, ad  
Chilpericum regē retulerunt. multa tamen ex  
his Agathenses secum retinuerūt. Tunc ego  
Nouigentū villā, ad occursum regis abieram:  
ibique nobis rex missorium magnū, quod ex  
auro gēmisque fabricauerat in quinquaginta  
librarū pondere, ostendit, dicens, Ego hæc ad  
exornandā atq; nobilitandam Francorū gen-  
tem feci. Sed & plurima adhuc si vita comes  
fuerit, faciā. Aureos etiam singularū librarum  
podere, quos imperator misit, ostendit, habē-  
tes ab vna parte iconē imperatoris pictam, &  
scriptū in circulo, TYBERII CON-  
STANTINI PERPETVI AV-  
GVSTI: ab alia verò parte habentes qua-  
drigam & ascensorem, continentésq; scriptū,  
GLORIA ROMANORVM. mul-  
ta autem & alia ornamenta quæ à legatis sunt  
exhibita, ostendit.

- 3 DENIQUE cū apud eandē villam cō-  
moraretur, Egidius Rhemensis episcopus cū  
primis Childeberti proceribus, in legationem  
ad Chilpericum regem venit, ibique conlocu-  
tione facta, vt ablato Guntchrāni regis regno,  
hi se coniūgere debeāt in pace, ait Chilperi-  
cus rex, Filij mihi peccatis increscētibus non  
remāserunt, nec mihi nūc alius superest hères,

nisi fratris mei Sygiberti filius, id est Childebertus rex. Ideoque in omnibus quæ laborare potuero, hic hæres existat. tantum dum aduixero liceat mihi sine scrupulo aut disceptatione cūctā tenere. At illi gratias agētes, pactionibus subscriptis ea quæ locuti fuerant, firmauerunt, & ad Childebertum cum magnis muneribus sunt regressi. Quibus discedentibus, Chilpericus rex Leudoualdum episcopū cum primis regni sui direxit. Qui dato susceptoque de pace sacramento, pactionibusque firmatis, munerati regressi sunt.

4 LVPVS verò dux Campanēsis, cum iam diu à diuersis fatigaretur & spoliaretur assidue, & præsertim ab Vrsione & Bertefredo, ad extremum conuentione facta vt occideretur, commouerunt exercitum contra eum. Quod cernens Brunichildis regina, condolens fidelis sui insecutiones iniustas, præcingens se viriliter, inrupit medios hostium cuneos, dicēs, Nolite ô viri nolite malum hoc facere, nolite persequi innocētē: nolite pro vno homine committere prælium, quo solatium regionis intereat. Hæc illa loquente, respondit Vrsio, Recede à nobis ô mulier, sufficiat tibi sub viro tenuisse regnum. Nunc autē filius tuus regnat, regnumque eius non tua, sed nostra tuitione saluatut. Tu verò recede à nobis, ne te vngulæ equorum nostrorum cum terra confodiant. Hæc & alia cū diutissimè inter se protulissent

sent, obtinuit reginæ industria ne pugnarent. Tamen ab illo loco discedentes, inruerunt in domos Lupi. Et direpto omni præsidio, fingentes se illud in thesauro regis recondere, suis eū domibus intulerunt, intendētes Lupo minas, atque dicentes, Viuus virtutem nostram non euadet. At ille cernens se in discrimine, tutata intra vr̄bis Lugduni clauati muros coniuge sua, ad Guntchramnum regē cōfugit. A quo benigne susceptus cum eo latuit, expectans vt Childebertus ad legitimā perueniret atatem.

5 I G I T V R Chilpericus rex, cū adhuc apud supradictam villam moraretur, impedimenta moueri præcipiens, Parisios venire disponit. Ad quem cum iam Vale dicturus accederem, Iudæus quidam Priscus nomine, qui ei ad species coemēdas familiaris erat, aduenit. Cuius cēsarie rex blandē adprehēsa manu, ait ad me dicēs, Veni sacerdos dei, & impone manū super eum. illo autem renitente, ait rex, O mens dura, & generatio semper incredula, quæ non intelligit Dei filium sibi prophetarū vocibus repromissum: non intelligit ecclesiastica mysteria in suis sacrificiis figurata. Hęc eo dicēte, Iudæus ait, Deus non eget coniugio, neq; prole ditatur, neque vllum consortem regni habere patitur, qui per Moysen ait, Videte, videte quia ego sum dominus, & absq; me nō est deus. Ego occidā, & viuere faciam: percutiā, & ego sanabo. Ad hęc rex ait, Deus ab spiritali

vtero filium genuit sempiternum, non ætate  
 iuniorem, non potestate minorem, de quo ipse  
 ait, Ex vtero ante luciferum genui te. Hunc  
 ergo ante secula natum, in nouissimis seculis  
 mudo misit sanatorē, sicut ait propheta tuus,  
 Misit verbū suum, & sanauit eos. Quod autem  
 ais, quia ipse nō generet, audi prophetā tuum  
 dicentē ex voce dominica: Nūquid ego qui ali  
 os parere facio, ipse non pariam? hæc enim de  
 populo qui in eum per fidē renascitur, ait. At  
 hæc Iudæus respōdit, Nūquid deus homo fieri  
 potuit, aut de muliere nasci? verberibus subdi?  
 morte damnari? Ad hæc rege tacente, in me  
 dium me ingerens dixi, Vt deus dei filius ho  
 mo fieret, non suæ, sed nostrę necessitatis exti  
 tit causa. Nam captiuum peccato hominem,  
 & diaboli seruitute subiectum redimere non  
 potuerat, nisi hominem adsumpsisset. Ego  
 verò non de Euangeliis & Apostolo quæ non  
 credis, sed de tuis libris testimonia præbens,  
 proprio te mucrone confodiam, sicut quondā  
 David Goliā legitur trucidasse. Igitur quòd de  
 homo futurus esset, audi prophetam tuum: Et  
 deus, inquit, & homo, & quis cognouit eū? Et  
 alibi. Hic deus noster, & nō reputabitur alius  
 præter eum, qui inuenit omnē viam scientię, &  
 dedit illā Iacob puero suo, & Israel dilecto suo.  
 post hæc in terris visus est & cū hominibus cō  
 uersatus est. Quòd autem de virgine nascitur,  
 audi similiter prophetā tuū dicentē, Ecce vir-

„ go in vtero cōcipiet, & pariet filiū, & vocabi-  
 „ tur nomē eius emmanuel, quod est interpreta-  
 „ tū, nobiscū deus. Quod verberib<sup>9</sup> subdi, quod  
 „ clavis adfigi deberet, & aliis iniuriis vel subia-  
 „ cere, vel adfici, alius propheta ait: Foderūt ma-  
 „ nus meas & pedes meos: diuiserunt sibi vesti-  
 „ mēta mea, &c. & iterū, Dederunt in escā me-  
 „ am fel, & in siti mea potauerunt me aceto. Et  
 „ quod per ipsum crucis patibulū labentē mun-  
 „ dū & diaboli ditioni subiectū restitueret in re-  
 „ gno suo, idem Dauid ait, Dominus regnauit à  
 „ ligno. Nō quod antea nō regnauerit apud pa-  
 „ trē, sed super populū quem à diaboli seruitute  
 „ liberauerat, rude regnū accepit. Iudæus ad hæc  
 „ respōdit, Quæ deo fuit necessitas, vt ista patere-  
 „ tur? Cui ego, Iā dixi tibi, Deus hominē creauit  
 „ innoxiiū, sed astu serpētis circūscriptus, præua-  
 „ ricator præcepti fact<sup>9</sup> est: & ideo à sede Paradisi  
 „ eiectus, mūdanicis laboribus deputatus est: qui  
 „ per mortē vnigeniti dei Christi, deo recōciliat<sup>9</sup>  
 „ est patri. Iudæus dixit, Nō poterat de<sup>9</sup> mittere  
 „ prophetas aut apostolos, qui eū ad viā reuoca-  
 „ rēt salutis, nisi ipse humiliatus fuisset in carne?  
 „ Ad hæc ego, A principio genus semper deli-  
 „ quit humanū: quē nunquā terruit, nec submer-  
 „ sio diluuij, nec incendiū Sodomæ, nec plagæ  
 „ Ægypti, nec miraculū maris Iordanisq; diuisi,  
 „ qui semper legi dei restitit, prophetis nō cre-  
 „ didit: & nō solū non credidit, verum etiā ipsos  
 „ prædicatores pœnitētię interemit. Ideo nisi ip-

se cum descēdisset redimere, hęc explere non  
 poterat alter. Cuius nos natiuitate renati, ba-  
 ptismo abluti, vulnere curati, resurrectione  
 erecti, ascensione glorificati sumus. Quod au-  
 tem morbis nostris mederi vĕturus erat, pro-  
 pheta tuus ait: Liuore eius sanati sumus: &  
 alibi, Ipse peccata nostra portabit, & orabit  
 pro trāsgressoribus: & iterum, Sicut ouis ad  
 occisionē ductus est: & quasi agnus coram ton-  
 dente se sine voce: sic non aperuit os suum. In  
 humiliatione iudicium eius sublatum est. Ge-  
 nerationem eius quis enarrabit? Dominus  
 exercituum nomen eius. De hoc & Iacob  
 ille, de cuius te iactas venisse generatione, in  
 illa filij sui Iudæ benedictione, quasi ad ipsum  
 Christum filium dei loquens, ait, Adorabunt  
 te filij patris tui. Catulus leonis Iuda: de ger-  
 mine filij mi ascendisti, recubās dormisti qua-  
 si leo, quasi catulus leonis. quis suscitabit eum?  
 Pulchriores oculi eius vino, & dentes eius la-  
 cte candidiores. Quis inquit suscitabit eum?  
 Et licet ipse dixerit, Potestātē hābeo ponendi  
 animam meam, & potestatem habeo iterum  
 sumendi eam, tamē Paulus apostolus ait, Qui  
 non crediderit quòd deus illum suscitauit à  
 mortuis, saluus esse non poterit. Hęc & alia  
 nobis dicentibus, nunquam compunctus est  
 miser ad credendum. Tunc rex silēte illo, cum  
 videret eum his sermonibus non cōpungi ad  
 me conuersus, postulat vt accepta benedictio-

ne discederet. ait enim, Dicam, inquit, tibi, ô sacerdos, quod Iacob dixit ad angelum qui ei loquebatur, Non dimittam te nisi benedixeris mihi. Et hæc dicens, aquam manibus porrigi iubet. quibus ablutis, facta oratione, accepto pane, gratias deo agentes, & ipsi accepimus, & regi porreximus. Haustoque mero, Vale dicentes, discessimus. Rex verò ascenso equo Parisios est regressus, cum coniuge & filia, & omni familia sua,

6 F V I T autem apud urbem Nicensẽ eo tempore, Hospitius reclusus magnæ abstinentiæ, qui constrictus catenis ad purum corpus ferreis, induto desuper cilicio, nihil aliud quàm purum panem cum paucis dactylis comedebat. In diebus autem quadragesimæ, de radicibus herbarum Ægyptiarum: quibus eremita vtuntur, exhibētibus sibi negociatoribus alebatur. Et primum quidem ius in quo coxerant hauriēs, ipsas sumebat in posterum. Magnas enim per eum dominus virtutes dignatus est operari. Nam quodam tempore reuelante sibi spiritu sancto aduentum Longobardorū in Gallias, hoc modo prædixit: Veniēt inquit, Longobardi in Gallias, & deuastabūt ciuitates septem, eo quòd increuerit malitia eorum in conspectu domini, quia nullus est intelligens, nullus est qui faciat bonum, quo ira dei placetur. Est enim omnis populus infidelis, periuriis deditus, furtis obnoxius, in ho-

micidiis prōptus, à quibus nullus iustitiæ fructus vllatenus gliscit: non decimę dantur, non pauper alitur, non tegitur nudus, non peregrinus hospitio recipitur, aut cibo sufficienti satiatur: ideo hæc plaga superuenit. Nunc autem dico vobis, congerite omnem substantiã vestrã intra murorũ septa, ne à Longobardis diripiatur: & vos ipsos in locis firmissimis cõmunite. Hęc eo loquẽte, omnes obstupefacti, & Vale dicentes, cum magna admiratione ad propria sunt regressi. Monachis quoque dixit, Abscedite & vos à loco, auferẽtes vobiscũ quæ habetis. ecce enim appropinquat gens quam prædixi. Dicẽtibus autẽ illis, Nõ relinquimus te sanctissime pater, ait, Nolite timere pro me: futurũ est enim, vt inferant mihi iniurias, sed non nocebũt vsque ad mortẽ. Discendentibus autẽ monachis, venit gens illa: & dum cuncta quæ reperit vastat, peruenit ad locũ vbi sanctus dei reclausus erat. At ille per fenestrã turre ostendit se eis. Illi vero circumeuntes turrem, aditũ per quem ingrederentur ad eũ, inuenire non pōterant. Tunc duo ascendẽtes detexerũt tectũ, & videntes eum cinctũ catenis, indutumq; cilicio dicũt, Hic malefactor est & homicidiũ fecit: ideo in his ligaminibus vinctus tenetur: vocatõque interprete, sciscitantur ab eo quid mali fecerit, vt tali supplicio arẽtaretur. At ille fatetur, se homicidã esse, omnisque criminis reũ. Tunc vnus extracto gladio, vt in

caput eius libraret, dextera in ipso ictu suspēsa diriguit, nec eam ad se potuit reuocare. Tunc gladiū laxans, terræ deiecit. Hæc vidētes socij eius, clamorē in cælum dederunt, flagitātes à sancto, vt quid agi oporteret, clementer insinuaret. Ipse verò imposito salutis signo, brachium sanitati restituit. Ille autē in eodē loco cōuersus, rōsurato capite fidelissimus monachus nunc habetur. Duo verò duces qui eum audierunt, incolumes patriæ redditi sunt: qui verò contēpserūt præceptū eius, miserabiliter in ipsa prouincia sunt defuncti. Multi autē ex ipsis à dæmoniis correpti, clamabant, Cur nos sancte & beatissime sic crucias & incēdis? sed imposita eis manu, mūdabat eos. Post hæc homo erat Andegauensis incola, qui per nimiam febrem eloquium pariter auditūque perdiderat. Et cum de febre conualuisset, surdus permanebat ac mutus. Igitur diaconus ex prouincia illa Romam directus est, vt beatorum apostolorum pignera, vel reliquorum sanctorum qui vrbe[m] illam muniunt, exhiberet. Qui cum ad parentes infirmi illius peruenisset, rogant vt eum sibi comitem itineris sumere dignaretur, confisi quòd si beatissimorum apostolorum adiret sepulchra, protinus posset adsequi medicinam. Euntibus autē illis, venerunt ad locū vbi beatus Hospitius habitabat. Quo salutato ac deosculato, causas itineris diacon⁹ pandit, ac proficisci se Romā indicat,

feseque his qui sancto viro de naucleris amici  
 essent commendari deposcit. Cúmque ibi ad-  
 huc moraretur, sensit vir beatus per spiritum  
 domini adesse virtutem. Et ait diacono, Infir-  
 mum qui comes tui nunc est itineris, rogo vt  
 meis conspectibus repræsentes. At ille nihil  
 moratus, velociter ad metatum vadit, inue-  
 nitque infirmú febre plenum, qui per nutum  
 aures suas dare tinnitum indicabat: adprehé-  
 sumque ducit ad sanctum dei. At ille adpre-  
 hensa manu cæsarie, adtraxit caput illius in fe-  
 nestram, assumptoque oleo benedictione san-  
 ctificato, tenens manu sinistra linguam eius,  
 ori verticique capitis infudit, dicés, In nomi-  
 ne domini mei Iesu Christi aperiátur aures tuę,  
 referétq; os tuú virtus illa quæ quondã ab ho-  
 mine surdo & muto noxiú eiecit dęmoniú. Et  
 hæc dicés, interrogat nomē. Ille verò clara vo-  
 ce ait, Sic dicor. Cú hæc vidisset diaconus, ait,  
 Gratias tibi immensas refero Christe, qui talia  
 per seruum tuú dignaris ostédere. Quærebã  
 Petrú, quærebam Paulú, Laurentiúmq; vel  
 reliquos qui Romã proprio cruore inlustrãt:  
 híc omnes reperi, hic cunctos inueni. Hæc eo  
 cum maximo fletu & admiratione dicéte, vir  
 dei omni intétione vanam vitans gloriam, ait,  
 Sile file, dilectissime frater, non hæc ego facio,  
 sed ille qui mundum ex nihilo condidit, qui  
 pro nobis hominē suscipiens cæcis visum, sur-  
 dis auditum, mutis præstat eloquium, qui le-

proſis cutem priſtinã, mortuis vitã, & omni-  
 bus infirmis adfluentẽ medicinam indulget.  
 Tunc diaconus gaudẽs, & Vale dicẽs, abſceſ-  
 ſit cum comitibus ſuis. Quibus diſcedẽtibus,  
 homo quidam Dominicus (ſic enim erat viro  
 nomẽ) à natiuitate cæcus, aduenit ad iſtius mi-  
 raculi virtutem probandam. Qui dum in mo-  
 naſterio duobus aut tribus mẽſibus reſideret,  
 orationi ac ieiuniis vacans, tãdem vocat eum  
 ad ſe vir dei, & ait, Vis recipere viſum? Cui  
 ille ait, Voluntas, inquit, mea erat, ignota co-  
 gnoſcere. Nã quẽ ſit lux ignoro. Vnum tãtum  
 ſcio, q̄ ab omnibus conlaudatur. ego autem ab  
 initio ætatis meæ uſq; nũc videre non merui.  
 Tunc cum oleo benediçto ſuper oculos eius  
 crucem ſanctam faciens, ait, In nomine Ieſu  
 Chriſti redemptoris noſtri, aperiãtur oculi  
 tui. Et ſtatim aperti ſunt oculi eius: & erat ad-  
 mirans, cernẽsque magnalia dei quæ in hoc  
 mũdo videbat. Dehinc mulier quẽdam, quæ  
 vt ipſa reclamabat, tria habens dæmonia, ad  
 eum adducta eſt: quam cum tactu ſacro be-  
 nedixiſſet, atque ex oleo ſancto crucem fronti  
 eius impoſuiſſet, eieçtis dæmonibus purgata  
 diſceſſit. Sed & aliam puellam ab ſpiritu im-  
 mundo vexatam, benediçtione ſanauit. Cum  
 autem iam dies obitus eius adpropinquaret,  
 vocauit ad ſe præpoſitum monaſterij, dicens,  
 Exhibe ferramentum, & inrumpe parietem,  
 & mitte nuncios ad epiſcopũ ciuitatis, vt ve-

niat ad me sepeliendum. Die enim tertia ab hoc egredior mundo, & vado in requiem destinatam, quã mihi dominus repromisit. Hęc eo dicente, misit præpositus ad episcopum civitatis Nicensis, qui ei hęc nunciarent. Post hęc Crescens quidam venit ad fenestram, & videns eum catenis vinctum, vermibus plenũ ait, O domine mi, qualiter tam valida tormẽta tolerare tam fortiter potes? Cui ille ait, Cõfortat me ille pro cuius nomine hęc patior. Dico autem tibi, quia iam absoluo ab his vinculis, & vado in requiem meam. Adueniente autem die tertia, deposuit catenas quibus vinctus erat, prostravit se in orationem: & cum diutissimè cum lachrimis orasset, conlocans se super scamnum, extensis pedibus, elevatisque ad cælum manibus, gratias agens deo, tradidit spiritum. Et statim omnes vermes illi qui sanctos artus perforabant, evanuerunt. Adueniens autem Austadius episcopus, beatũ corpus studiosissimè sepulture mandavit. Hęc omnia ab ipsius ore cognoui, quẽ superius mutum & surdum ab eo sanatum exposui: qui multa mihi & alia de eius virtutibus narrauit, sed prohibuit me res illa loqui, quia audivi vitam ipsius à multis fuisse conscriptam.

- 7 E O tempore Ferreolus Vcecenensis episcopus, magnæ vir sanctitatis, obiit, plenus sapientia & intellectu: qui libros aliquos epistolarum, quasi Sidonium secutus, cõposuit.

Post cuius obitum, Albinus ex præfecto per Dynamium rectorem prouinciæ extra regis consilium suscepit episcopatum: quo nõ amplius quàm tribus vtens mensibus, cum ad hoc causa restitisset, vt remoueretur, defunctus est. Iouinus iterum qui quondam prouinciæ rector fuerat, regium de episcopatu præceptũ accipit. Sed præuenit eum Marcellus diaconus, Felicis senatoris filius. Qui conuocatis cõprouincialibus, per consiliũ Dynamij episcopus ordinatus est. Sed & ipse vi pulsatus, deinceps à Iouino, vt remoueretur, conclusus in ciuitate, virtute se defendere nitebatur. sed cum non valeret, muneribus vicit.

8. O B I I T & Eparchius reclausus Engolismensis, vir magnificæ sanctitatis, per quem deus multa miracula ostendit: de quibus relictis plurimis, pauca perstringam. Petrogoricæ vrbis incola fuit, sed post conuersionem clericus factus, Engolismam veniẽs, cellulam sibi ædificauit. In qua collectis paucis monachis, in oratione morabatur assidue: etsi ei aliquid auri argentique offerebatur, aut in necessitatibus pauperum, aut in redemptione captiuorum distribuerebat. Panis in cellula illa eo viuente coctus nunquam fuit, sed à deuotis cum necessitas exegisset, inferebatur. Magnã enim cateruam populorum de oblationibus deuotoꝝ redemit: pusularum malarum venenum crucis signo saepe compressit: dæ-

monas de obsessis corporibus oratione abegit : & iudicibus plerunque vt culpabilibus ignoscerent, dulcedine profusa imperauit potius quàm rogauit. nam ita erat dulcis adloquio, vt ei negare non possent, cùm fuisset indulgentiã deprecatus. Quodam verò tempore dum pro furto quis ad p̄dendũ deducere-  
 tur, qui & in aliis multis sceleribus tam in furtis, quàm in homicidiis accusabatur ab incolis criminofus, & hæc ei nunciata fuissent, misit monachum suũ ad deprecandum iudicem, vt scilicet culpabilis ille vitæ concederetur. Sed insultante vulgo atque vociferante, quòd si hic dimitteretur, neque regioni, neque iudici possit esse consultum, dimitti non potuit. In terra extenditur, ad trocleas virgis ac fustibus cæditur, & patibulo condemnatur. Cùm que mœstus monachus abbati renunciaisset, Vade, inquit, ad tēde à longe, quia scito quòd quem homo reddere noluit, dominus suo munere donabit. Tu verò cùm eum cadere videris, protinus adprehensum adducito in monasterium. Monacho verò iussa complente, ille prosternitur in oratione: & tam diu in lachrimis ad dominum fudit preces, quoad usque disrupto obice cum catenis terrę restitueretur adpensus. Tunc monachus adprehensum eum, abbatis conspectibus incolumem repræsentat. At ille gratias deo agens, comitem arcessiri iubet, dicens, Semper me beni-

gno animo solitus eras audire, fili dilectissime, & cur hodie induratus, hominem pro cuius vita rogaueram, non laxasti? At ille, Libenter te, inquit, audio sancte sacerdos: sed insurgente vulgo, aliud facere non potui, timēs super me seditionē moueri. Et ille, Tu, inquit, me non audisti: deus autem audire dignatus est: & quem tu tradidisti morti, ille vitæ restituit. En, inquit, coram te adstat sanus. Hæc eo dicente, prosternitur ad pedes comitis, stupentis, quod videbat viuere quem in mortis interitu reliquisset. Hæc ego ab ipsius comitis ore cognoui: sed & alia multa fecit, quæ insequi longum putauī. Post quadraginta quatuor verò annos reclusionis, suę parumper febre pulsatus, tradidit spiritum. Protractusque à cellula, sepulturæ mandatus est. Magnus autem conuentus, vt diximus, de redemptis, in eius processit exequiis.

9. **DOMNOLVS** verò Cænomanorum episcopus ægrotare cœpit: tēpore enim Chlotharij regis apud Parisios ad basilicam sancti Laurentij gregi monasteriali præfuerat: sed quoniam Childeberto seniore viuente semper Chlothario regi fidelis extitit, & nuncios illius ad speculandum missos, crebrius occultabat, præstolabatur rex locum in quo pontificatus honorem acciperet. Migrante autem Auenniensi ciuitatis pontifice, istū illuc dare deliberauerat. Sed beatus Domnolus hæc

audiens, ad basilicam sancti Martini antistitis, quo tunc Chlotharius rex ad orationem venerat, accessit, & nocte tota in vigiliis excubans, per priores qui aderant regi, suggestionem intulit, vt non quasi captiuus ab eius elongaretur aspectu: nec permetteret simplicitatem illius inter senatores sophisticos ac iudices philosophicos fatigari, adserens hunc locum humilitatis sibi esse potius, quam honoris. Ad hæc rex annuens, migrante Innocentio Cœnomannorum episcopo, ipsum ecclesię illi antistitem destinauit. Iam adsumpto episcopatu, talem se tantumque præbuit, vt in summæ sanctitatis culmen euectus, debili vsum gressuū, cæco restitueret visum. Qui post viginti duos episcopatus annos, dum se cerneret morbo regio calculoque grauissime fatigari, Theodulfum abbatem in locum suum prælegit: cuius adsensui rex præbuit voluntatem: sed non multum post tempus mutata sententia, in Bادهisilum domus regiæ maiorem transfertur electio. Qui tonsuratus, gradus quos clerici sortiuntur, ascendens, post quadraginta dies migrante sacerdote successit.

10 HIS diebus basilica sancti Martini à furibus effracta fuit. Qui ponentes ad fenestram absidæ cancellum, qui super tumulum cuiusdam defuncti erat, ascendentes per eum, effracta vitrea sunt ingressi: auferentésque mul-

rum auri argentique, & palliorum holoseri-  
 corum, abierunt, non metuentes super san-  
 ctum sepulchrum pedem ponere, vbi vix  
 vel os adplicare præsumimus. Sed virtus san-  
 cti voluit hanc temeritatem etiam cum iudi-  
 cio manifestare terribili. nam hi perpetrato  
 scelere ad Burdegalensem ciuitatem venien-  
 tes, orto scandalo, vnus alterum interemit:  
 sicque patefacto opere, furtum repertum est:  
 ac de hospitali eorum argentum comminu-  
 tū, & pallia sunt extracta. Quod cū regi Chil-  
 perico nunciatum fuisset, iussit eos alligari  
 vinculis, & suo conspectui præsentari. Tunc  
 ego metuēs, ne ob illius causam homines ino-  
 rerentur, qui viuens in corpore pro perditio-  
 rum vita sapius deprecatus est, epistolam re-  
 gi precationis transmisi, ne nobis non accu-  
 santibus ad quos prosecutio pertinebat, hi in-  
 terficerentur. Quod ille benigne suscipiens,  
 vitæ restituit. Species verò quæ dissipatæ fue-  
 rant, studiosissimè componens, loco sancto  
 reddi præcepit.

II A P V D Mafsiliensem verò urbem Dy-  
 namius rector prouinciæ, grauitèr insidiari  
 Theodoro episcopo cœpit. at ille ad regem  
 properare disponens, comprehensus ab eo, in  
 medio ciuitatis tenetur: & grauitèr iniuria-  
 tus, tandem laxatus est. Clerici autem Mas-  
 silienses dolum cum Dynamio moliebantur,  
 vt ab episcopatu eiiceretur. Sed dum ad

regem Childebertum ambularet, cum Iouino  
 expræfecto à Guntchramno rege detineri iu-  
 betur. Quod audientes Massilienses clerici,  
 gaudio magno repleti, quòd iam teneretur,  
 iam deputaretur exilio, quòd iam in hoc res  
 perstitisset, vt nunquam Massiliam reuerte-  
 retur, domos ecclesiæ adprehendūt, minist-  
 ria describunt, regestoria referant, promptua-  
 ria expoliant, omnésq; res ecclesiæ, tanquam  
 si iam mortuus esset episcopus, peruadunt, di-  
 uersa crimina de pontifice proloquentes, quæ  
 falsa, Christo auspice, deprehendit. Childe-  
 bertus verò postquam cum Chilperico pacifi-  
 catus est, legatos ad Guntchramnum regem  
 mittit, vt medietatem Massiliæ, quam ei post  
 obitum patris sui dederat, reddere deberet.  
 Quod si nollet, nouerit se multa perditurum  
 pro partis istius retentione. Sed ille cùm hæc  
 reddere nollet, vias claudi præcepit, vt nulli  
 per regnum eius transeundi aditus pandere-  
 tur. Hæc cernens Childebertus, Gundulfum  
 ex domestico duce facto de genere senatorio,  
 Massiliam dirigit. Qui cùm non auderet am-  
 bulare, iam per Guntchramni regnum Turo-  
 nos venit. Quem benigne susceptū, recogno-  
 sco matris meæ auunculum esse: retentūq;  
 mecum quinque diebus, impositisque neces-  
 sariis, abire permisi. Ille verò progressus, Mas-  
 siliam ingredi, obsistente Dynamio non va-  
 lebat. Sed nec episcopus, qui iam tunc cum  
 Gun-

Gundulfo venerat , in ecclesia sua recipiebatur . Dynamius autem vnà cum clericis, portas obserat vrbis, insultans pariter ac vtrūque despiciens, episcopum scilicet & Gundulfum. Tandem ad colloquium ducis adscitus, in basilicam beati Stephani quæ vrbi est proxima, venit . Ostiarij enim custodiebant ædis ingressum, vt introcūte Dynamio, value protinus clauderentur. Quo factō, exclusæ armorum turbæ post Dynamium ingredi nequuerunt . Quo non intelligente , dum diuersa inter se super altarium conferunt, recedentes ab altario, saluatorium ingrediuntur . Introcuntē cum his Dynamium nudatūmq; iam à suorum solatio terribiliter increpāt. Fugatisq; satellitibus, qui cum armis eo abducto circumstrepebant, senioresciuium ad se dux vnà cum episcopo collegit, vt ciuitatem ingrederetur . Tunc Dynamius hæc omnia cernēs , veniam petens datis duci multis muneribus, reddito etiam sacramento , se fidelem episcopo deinceps regiūque futurum, suis induitur indumentis. Tunc referatis tam portarum quàm sacrarum ædium valuis, ingrediuntur vtrique ciuitatem, dux scilicet & episcopus, cum signis & laudibus diuersisq; honorum vexillis. Clerici autem qui sceleri huic mixti fuerant, quorum caput Anastasius abbas, & Proculus presbyter erant, intra Dynamij recta confugiunt, petentes ab eo opem refugij à quo fuerant in-

citati. Multi tamen eorum per idoneos fide-  
 iussores dimissi, ad regem iussi sunt ambula-  
 re. Interea Gundulfus subiugata ciuitate in  
 Childeberti regis ditionem, restitutumque in  
 locum suum antistite, ad regem Childebertum  
 regressus est. Sed Dynamius immemor fidei  
 quam Childeberto regi promiserat, ad Gunt-  
 chramnum regem nuncios dirigit dicens, quod  
 partem sibi debitam ciuitatis per episcopum  
 perderet: nec vnquam Mafsiliensem urbem  
 suo potiretur dominio, nisi hic euellatur ab  
 ea. At ille ira commotus, iubet contra fas re-  
 ligionis, vt pontifex summi dei, arctatus vin-  
 culis sibi exhiberetur, dicens, Trudatur exi-  
 lio inimicus regni nostri, ne nobis nocere am-  
 plius valeat. Sed cum episcopus de his sus-  
 pectus esset, nec facile posset ab vrbe erui, adue-  
 nit festiuitas Dedicationis oratorij ruris sub-  
 urbani. Cumque ad hæc festa egressus ciuita-  
 tem, properaret, subito armati cum magno  
 fremitu ab occultis insidiis scatentes, sanctum  
 vallant antistitem: deiectumque ab equo, fu-  
 gant omnes comites eius, seruiantes alligant,  
 clericos cedunt, ipsumque super miserabilem  
 imponentes caballum, nullum de suis sequi  
 permittentes, ad regis deducunt presentiam.  
 Cumque per Aquensem præterirent urbem,  
 Piencus episcopus loci, condolens fratri, da-  
 tis clericis ad solatium, impositisque necessa-  
 riis, abire permisit. Dum hæc agerentur, cleri-

ci iterum Mafilienses domos ecclesiæ reſerant, arcana rimantur, & alia deſcribunt, alia ſuis domibus inferunt. Epiſcopus verò ad regem deductus, nec culpabilis inuentus, ad ciuitatem ſuam redire permiſſus, cum grandi eſt à ciuitatibus laude ſuſceptus. Ex hoc autem grauis inimicitia inter Guntchramnum regem, & Childebertum nepotem ſuum exoritur, diſruptoque fœdere ſibi inuicem inſidiabantur.

12 **IGITUR** Chilpericus rex, cernens has diſcordias inter fratrem ac nepoté ſuum pulſulare, Deſiderium ducem euocat, iubétque vt aliquid nequitia inferat fratri. At ille, commoto exercitu, Ragnoualdo duce fugato, Petrogoricum peruadit. Exactoque ſacramento, Aginum pergit. hæc audiens vxor Ragnoualdi, quòd ſcilicet fugato viro ſuo, hæc ciuitates in poteſtatem regis Chilperici redigerentur, baſilicam ſancti martyris Capraſij expetiit. Sed extracta exinde & ſpoliata facultate ac ſolatio famulorù, datis fideiuſſoribus Tholoſam dirigitur: ibique iterum in baſilica ſancti Saturnini ingreſſa reſidebat. Deſiderius verò cunctas ciuitates que in parte illa ad regem Guntchramnum aſpiciebant, abſtulit, & ditionibus regis Chilperici ſubegit. Berulfus verò dux, cum Biturigas muſſitare, quòd Turonicum terminum ingrederentur, audiſſet, exercitum commouet, & ſe in ipſos fines

statuit. Grauitè tunc pagi Iſiodorensis ac Ber-  
rauenſis vr̄bis Turonicæ deuaſtari ſunt. Sed  
& poſtea crudeliter qui in hac obſidione ad-  
eſſe non poterant, ſunt damnati. Bladaſtes ve-  
rò dux in Vaſconiam abiit, maximámque par-  
tem exercitus ſui amiſit.

- 13 LVPVS verò vr̄bis Turonicæ ciuis, cùm,  
vxore perſita ac liberis, clericatũ expeteret, à  
fratre Ambroſio prohibitus eſt, timens ne he-  
redem inſtitueret dei eccleſiam, ſi ei coniun-  
geretur: rurfumq; illi vxorẽ prouidit, & diem  
in quo ad ſponſalia donanda coniungerent,  
male ſuaſus frater indicit. Dehinc ad Caino-  
nense caſtrum, vbi hoſpitiũ habebant, pari-  
ter aduenerunt. Sed vxor Ambroſij cùm eſſet  
adultera, & alium amore lupanario exoſo ma-  
rito diligeret, inſidias viro tetendit. Cùmq; hi  
germani pariter epularentur, & nocte vſq; ad  
ebrietatem vino maduiffent, in vno ſtrato pa-  
riter quieuerunt. Tunc mæchus vxoris Am-  
broſij, nocte veniens, quieſcentibus cunctis,  
& vino depreſſis, accenſis igne paleis, vt vide-  
ret quid ageret, extracto gladio, Ambroſiũ in  
capite librat, ita vt descendẽs per oculos gla-  
dius, cervical capitis amputaret: in quo ictu  
expergefactus Lupus, & ſe in ſanguinẽ volu-  
tari decernens, exclamat voce magna dicens,  
Heu heu ſuccurrite, frater meus interfectus  
eſt. Mæchus verò qui iam perpetrato ſcelere  
diſcedebat, hæc audiens, reſreſſus ad lectũ,

Lupum adit. Quo repugnante, multis plagis laceratum obpressit, & mortali ictu fauciatū, semiuivum reliquit. Sed nullus de familia sensit. Mane autē factō, stupebant omnes de tanto scelere. Lupus tamen adhuc vivens inventus, sicut actum fuerat referens, spiritum exhalavit. Sed nec longum meretrix lugendi sumpsit spacium: sed paucis diebus interpositis, coniuncta mœcho discessit.

14 ANNO igitur septimo Childeberti regis, qui erat Chilperici & Gúthramni vicesimus & primus, mēse Ianuario, pluvix, coruscationes, atque tonitrua gravia fuerunt: flores in arboribus ostensi sunt: stella quam cometen superius nominavi, adparuit, ita vt in circuitu eius magna nigredo esset. Et illa tanquam in foramine aliquo posita, ita inter tenebras relucebat, scintillans spargensque comas. Prodebat autem ex ea radius miræ magnitudinis, qui tanquam fumus magnus incendij adparebat à longe. Visa est autem ad partem occidentis in hora noctis prima. In die autem sancto paschæ apud Sueslionas ciuitatem cælum ardere visum est, ita vt duo apparerent incendia: & vnum erat maius, aliud verò minus. Post duarum verò horarum spacium coniuncta sunt simul: factaque pharo magna, euanuerunt. In Parisiaco verò termino, verus sanguis ex nube defluxit, & super vestimenta multorum hominum cecidit, & ita tabe

maculauit, vt ipsi propria indumenta horrentes abnuerent. Tribus enim locis in termino ciuitatis illius hoc prodigium adparuit. In Siluanectensi verò territorio hominis cuiusdam domus, cùm ille mane surgeret, sanguine respersa abintus adparuit. Magna igitur eo anno lues in populo fuit, valitudines variæ, milinæ cum pufulis & vesicis, quæ multum populum adfecerunt morte. Multi tamen adhibentes studium, euaserunt. Audiuimus enim eo anno in Narbonensem urbem inguinarium morbum grauiter desæuire, ita vt nullum esset spaciū, cùm homo correptus fuisset ab eo.

15 FELIX verò episcopus Namneticæ ciuitatis, in hanc valitudinem conruens, grauitè ægrotare cœpit. Tunc vocatis ad se episcopis qui propinqui erant, supplicat vt consensus quem in Burgundionem nepotē suum fecerat, suis subscriptionibus roborarent. Quod cùm factum fuisset, cum ad me dirigunt. Erat tunc temporis Burgundio quasi annorum vigintiquinque. Qui veniens, rogat vt accedēs vsque Namnetas, episcopum cum in locum auunculi qui adhuc superstes erat, tonsuratum consecrare deberem. Quod ego abnui, quia canonibus non conuenire cognoui. consilium tamen præbui, dicens: Habemus scriptum in canonibus filii, Non posse quenquam ad episcopatum accedere, nisi

prius ecclesiasticos gradus regulariter fortiaur. Tu ergo dilectissime, reuertere illuc, & pete vt ipse te qui elegit debeat tonsurare. Cúmque presbyterij honorem acceperis, ad ecclesiam assiduus esto:& cùm eum deus migrare voluerit, tunc facile episcopalem gradum ascendes. At ille regressus, consilium acceptum adimplere dissimulauit, eo quòd Felix episcopus ab incommodo leuius agere videretur. Sed postquam febris discessit, tibię eius ab humore pusulas emisit. Tunc cantharedarum cataplasmã nimium validam ponens, computrescentibus tibiis, anno episcopatus sui tricesimo tertio, atate septuagenaria, vitam finiuit. Cui Nonnichius consobrinus, rege ordinante, successit.

16 A V D I E N S autem Pappolenus eius obitum, neptem illius de qua separatus fuerat, recepit. Ante hoc autem tempus desponsatam eam habuerat: sed dissimulante de nuptiis Felice episcopo, hic cum magna cohorte veniens ab oratorio, puellam abstraxit, & in basilicam beati Albini confugit. Tunc Felix episcopus ira commotus, circumuentam puellam dolis, à marito separauit. Mutatãque veste apud Vasatensem urbem in monasterio posuit: sed illa occultos puero nuncios dirigit, vt scilicet eam ereptam à loco in quo posita erat, acciperet. Quod ille non abnuens, adsumptã de monasterio puellã

suo coniugio copulauit, regalibusq; munitus præceptionibus, timere parentum distulit minas.

- 17 **R E X** verò Chilpericus multos Iudeorum eo anno baptizari præcepit, ex quibus plures excepti à sancto lauacro. Nonnulli tamen eorum corpore tantum, non corde abluti, ad ipsam quã prius perfidiam habuerant, deo mentiti regressi sunt, ita vt & sabbatum obseruare, & diem dominicum honorare videretur. Priscus verò ad cognoscendam veritatem nulla penitus potuit ratione deflecti. Tunc iratus rex, iussit eum custodię mancipari, scilicet vt quem credere voluntariè non poterat, saltem credere faceret vel inuitũ. Sed ille datis quibusdam muneribus, spacium postulat, donec filius eius Massiliensem Hebræam accipiat: pollicetur dolose se deinceps quæ rex iusserat impleturum. Interea oritur intentio inter illum & Pathirem ex Iudæo conuersum, qui iam regis filius erat ex lauacro. Cùmque die sabbati Priscus præcinctus orario, nullum in manu ferens ferramentum, Mosaiacas leges quasi impleturus secretiora compereret, subito Pathir adueniens, ipsum gladio cum sociis qui aderant iugulauit. Quibus interfectis, ad basilicam sancti Iuliani cum pueris suis, qui ad propinquam plateam erant, confugit. Cùmq; ibidem residerent, audiunt, quòd rex domino vitę cesso, famulos tanquã

malefactores à basilica tractos, iuberet interfici. Tunc vnus ex his euaginato gladio, domino iam fugato, socios suos interficit, ipse post modum cum gladio de basilica egressus: sed inruente super se populo, crudeliter interfectus est. Pathir autem accepta licentia, ad regnum Guntchramni vnde venerat est regressus: sed nō post multos dies à parentibus Prisci interfectus est.

- 18 **IGITUR** legati Chilperici regis, id est Ansoualdus & Domichisilus, qui ad conspiciendam dotem in Hispanias fuerāt missi, regressi sunt. His diebus Leuuichildus rex in exercitu contra Hermenichildum filium suum residebat: cui & Emeritam ciuitatem abstulit. Nam hic qualiter cum ducibus imperatoris Tyberij fuerit coniunctus, iam superius exposuimus. Nam & legatis hæc causa nexuit moras, vt tardius regrederentur. Quibus visis, ego sollicitus eram qualiter in ipsis Christianis qui pauci in eo loco remanserant, fides Christi ferueret. Cui hæc Ansoualdus respondit, Christiani qui nunc apud Hispanias commorantur, catholicam fidem integre seruant. Sed rex nouo nunc ingenio eam nititur exturbare, dum dolose & ad sepulchra martyrum, & in ecclesiis religionis nostræ orare constringit. Dicit enim, Manifeste cognoui esse Christum filium dei æqualem patri, sed spiritum sanctum, deū penitus esse non credo, eo quòd

in nullis legatur codicib<sup>9</sup> deus esse . Heu heu  
 quàm iniquam sententiam,quàm venenosum  
 sensum,quàm prauam mentem . Et vbi est il-  
 lud quod dominus ait, Spiritus deus est : & il-  
 lud Petri, quod ad Ananiam ait, Quid tibi vi-  
 sum est tentare spiritũ sanctum? Non es homi-  
 nibus mentitus, sed deo. Vbi est & illud quod  
 Paulus mystica dona commemorans, ait, Hęc  
 enim operatur vnus atque idem spiritus, diui-  
 dens vnicuique prout vult. Qui enim opera-  
 tur quod vult, nulli cognoscitur esse subiectus.  
 Accedēte autem Ansoualdo ad Chilpericum  
 regem, legatio Hispanorũ est subsecuta. Quę  
 de Chilperico ad Childebertum accedens, in  
 Hispanias est regressa.

- 19 A P V D Pontem verò Vrbiensem ciuitatis  
 Parisiacę, Chilpericus rex custodes posuerat,  
 vt insidiatores de regno fratris sui ne nocerēt  
 aliquid, arcerentur . Quo Asclepius ex duce  
 præcognito, nocte inruens, interfecit omnes,  
 pagumque ponti proximum grauiter depo-  
 pulatus est . Cúmque hæc regi Chilperico nun-  
 ciata fuissent , mittit nuncios comitibus, du-  
 cibúsq; , & reliquis agentibus vt collecto  
 exercitu in regnum germani sui inruerēt. Sed  
 prohibitus est consilio bonorum , ne faceret,  
 dicentium sibi , Illi peruerse egerunt, tu verò  
 sapienter age . Mitte fratri nuncios , & si ini-  
 uriam tuam emendare voluerit , nihil mali  
 quæras : si verò noluerit , tractabis deinceps

quid sequaris. Et sic ratione accepta, prohibito exercitu legationem fratri dirigit. Sed ille cuncta emendans, fratris quæsiuit integre charitatem.

20 EO anno Chrodinus obiit, vir magnificæ bonitatis & pietatis, elemosynarius valde, pauperumque refector, profluus ditator ecclesiarum, clericorumque nutritor. nam sæpe à nouo fundans villas, ponens vineas, ædificans domos, culturas erigens, vocatis episcopis quorum erat parua facultas, dato epulo ipsas domos cum cultoribus & cultoris cum argento, peristromatibus, utensilibus, ministris & famulis benigne distribuebat, dicens, Sint hæc ecclesiæ data, vt dum de his pauperes reficiuntur, mihi veniam obtineant apud deum. Multa autem & alia bona de hoc viro audiuimus, quæ insequi longum est. Transit autem ætate septuagenaria.

21 HÆC in hoc anno iteratò signa adparuerunt: luna eclipsin passa est intra Turonicum territorium: verus de effracto pane sanguis effluxit: muri vrbs Sueffionicæ conuerunt: apud Andegauam vrbs terra tremuit: intra muros verò Burdegalensis oppidi ingressi lupi canes deuorauerunt, nequam hominem metuentes: per cælum ignis discurrere visus est. Sed & Vafatensis ciuitas incendio concremata est, ita vt ecclesiæ

epistolam episcopo iubente dictavi. Proclamante verò episcopo & dicente, quòd sapius hic ingenia quæreret, qualiter eum ab episcopatu deiceret, rex misericordia motus, commendâs deo causam suam, cessit vtrisque, deprecans clementer episcopum pro diacono, & supplicans vt pro se sacerdos oraret: & sic cum honore vrbi remissus est. Post duos verò menses Nonnichius comes qui hoc scâdalum seminauerat, sanguine percussus interiit, resque eius quia absque liberis erat, diuersis à rege concessæ sunt.

23 **DE HINC** Chilperico regi post multa funera filiorû, filius nascitur: ex hoc iubet rex omnes custodias relaxari, vinctos absolui, compositionesque negligentum fisco debitas præcepit omnino nō exigi. Sed magnum deinceps dolum hic intulit infans.

24 **NOVA** iterum contra Theodorum episcopum bella consurgunt. nam Gundobaldus qui se filium Chlotharij regis esse dicebat, de Constantinopoli veniens, Massiliam est aduentus: de cuius origine quædam strictim libuit memorare. Hic cum natus esset in Galliis, & diligenti cura nutritus, vt regum istorum mos est, crinium flagellis per terga demissis, literis eruditus, Childeberto regi à matre representatur, dicente ea, Ecce, inquit, nepotem tuum Chlotharij regis filium. Et quia inuisus habetur patri, suscipe eum, quia caro tua est. Quem

ille, eo quòd ei filij non essent, accipiens, retinebat secum. Nunciantur hæc regi Chlothario: misitque fratri nuncios dicens, Dimitte puerum, vt veniat ad me. Nec moratus ille, iuuenem fratri direxit. Quo viso, Chlotharius iussit tonderi comam capitis eius, dicens, Hûc ego non generavi. Igitur post Chlotharij regis obitum, à Chariberto rege susceptus est: quem Sygibertus accessitum iterum amputauit comam capitis eius, & misit eum in Agrippinensem ciuitatem, quæ nunc Colonia dicitur. Ille quoque ab eo loco delapsus, dimissis iterum capillis, ad Narsetem abiit qui tunc Italiæ præerat: ibi accepta vxore, filios procreauit, & ad Constantinopolin accessit. Inde vt ferunt, post multa tempora, à quodam inuitatus vt veniret in Gallias, Massiliam adpulsus, à Theodoro episcopo susceptus est. Et ab eodem etiam acceptis equis, Mummolo duci coniunctus est. Erat autem tunc Mummolus in ciuitate Auennica, sicut supra iam diximus. Guntchramnus verò dux adprehensum Theodorum episcopum, in custodiã pro hac causâ detrusit, reputans cur hominem extraneum intromisisset in Gallias, voluissetque Frâcorum regnum imperialibus per hæc subdere ditionibus. At ille epistolam, vt aiunt manu maiorum Childeberti regis subscriptã, protulit dicens, Nihil per me feci, nisi quæ mihi à dominis nostris & senioribus impera-

ta sunt. Custodiebatur igitur sacerdos in cellula, nec permittebatur ecclesię propinquare. Quadam verò nocte, dum attentius oraret ad dominum, refulsit cellula nimio splendore, ita vt comes qui erat custos eius, ingenti pauore terreretur: visusque est super eum lucis immensę globus per duarum horarum spacium. Mane autem facto, narrabat hæc comes ille cæteris qui cum eo erant. Post hæc autem ductus est ad Guntchramnum regem cum Epiphano episcopo: qui tunc Longobardos fugiens, Massiliæ morabatur, scilicet quòd & ipse conscius huius causæ fuisset. Discussi igitur à rege, in nullo inuenti sunt crimine. Rex tamen iussit eos sub custodia degere, in qua post multa supplicia, Epiphanius episcopus obiit. Gúdobaldus verò in insulam maris secessit, expectans euentum rei. Guntchramnus verò dux cum duce Guntchramni regis res Gundobaldi diuisit, & secum in Aruernum detulit immensum, vt ferunt, argenti pondus, & auri, & reliquarum rerum.

25 ANNO octauo Childeberti regis, pri-diæ calendas februarias, cum die dominico ad urbem Turonicam ad matutinas signum commotum fuisset, & populus surgens, ad ecclesiam conueniret, cælo nubilo cum pluuia globus magnus ignis de cælo dilapsus in spacio multo cucurrit in aëra. Qui tantam lucem dedit, vt tanquam media die omnia cer-

nerentur. Quo iterum in nubem suscepto, nox successit. Aquæ verò extra solitum inualuerūt. nam tantam inundationem Sequana, Matronaque circa Parisios intulerunt, vt inter ciuitatem & basilicam sancti Laurentij naufragia sæpe contingerent.

GVNTCHRAMNVS quoque dux  
 26 Aruernū cum supradiſtis theſauris reuerſus, ad Childebertum regem abiit. Cūmque exinde regrederetur cum vxore & filiis, à Guntchramno rege comprehenſus retinebatur, dicente ſibi rege, Tua inuitario Gundobaldum adduxit in Gallias, & ob hoc ante hos annos abiſti Cōſtantinopolin. Cui ille, Mummolus, inquit, dux tuus ipſe ſuſcepit cum, & in Auenione ſecum retinuit. Nunc autem permittite me, & adducam ipſum tibi, & tunc immunis ero ab his quæ reputātur mihi. Cui rex ait, Nō permittā te abire, niſi dignas luas pœnas pro his quæ commiſiſti. At ille cernens ſe morti propinquum, ait, Ecce filium meum, ſuſcipe illum, & ſit obſes pro his quæ promitto domino meo regi. Et niſi Mummolum adducam tibi, perdam paruulum meum. Tunc rex permittit eum abire, retento ſecum eius infantulo. At ille, adſumptis ſecum Aruernis atque Velauis Auenionem abiit. Sed aſtu Mummoli, naues in Rhodano infirmæ paratæ ſunt. Aſcendentēſque ſimpliciter, vt in medio amnis venerunt, impletis nauibus mergebātur. Tunc  
 in peri-

in periculo positi, alij nando euaserunt, nonnulli verò arreptis ipsarum nauium tabulis attingerunt litus. Plerique autem quorum minor fuit astutia, in amne demersi sunt. Guntchramnus verò dux aduenit Auinionem. prouiderat enim Mummolus, postquam intra muros vrbis illius est ingressus, vt quia pars parua residebat, quę non vallabatur à Rhodano, educta ex eò parte, locus ille totus hoc alluuio muniretur: in quo loco fossas magnę profunditudinis fodit, præparotósq; dolos aqua decurrens operuit. Tunc adueniente Guntchrammo, ait ex muro Mummolus, Si fides est integra, veniat ille ab vna parte ripę, ego ex alia, & quod voluerit eloquatur. Quo cum conuenissent, ait Guntchramnus econtra (hoc enim brachium fluminis inter vtrunque erat positum) Si licet, inquit, vadam: quia sunt aliqua quę inter nos secretius cõferantur. Cui ille, Veni, ait, ne timeas. Ingressus cum vno amicorum suorum, vt erat lorice pondere adgrauatus: illico amicus ille, vt foueam amnis attigit, sub aquis demersus, nusquam comparuit. Guntchramnus verò cum demergeretur atq; portaretur ab vnda veloci, vnus de astantibus porrecta manui eius hasta, cum littori reddidit. Et tunc inlatis sibi cõuiciis ipse & Mummolus discesserunt: obsidente quoque Guntchramno ipsam vrbe[m] cum exercitu Guntchramni, regisnunciata sunt hæc Chil

deberto. At ille ira commotus, cur hæc non iussus ageret, Gundulfum superius dictum illic direxit. Qui amota obsidione, Mummo- lum Aruernos adduxit. sed post paucos dies Auinionem regressus est.

27 CHILPERICVS rex pridie quàm pascha celebraretur, Parisios abiit. Et vt maledicto quod in pactione sua & fratrum suorum conscriptum erat, Vt nullus eorum Parisios sine alterius volúate ingrederetur, carere posset, reliquiis sanctorum multorum præcedentibus, urbem ingressus est: diésque paschæ cū multa iocunditate tenuit, filiúmque suum baptismo tradidit, quem Ragnemodus ipseus vt bis sacerdos, de lauacro sancto suscepit, ipsúmque Theodoricum vocitari præcepit.

28 MARCVS quoque referendarius, cuius supra meminimus, post cōgregatos de iniquis descriptionibus thesauros, subito lateris dolore detentus, caput torōdit, atque pœnitétiam accipiēs, spiritum exhalauit, résque eius fisco conlatæ sunt (nam magni ibidem thesauri ex auro argentóque, & multarum specierum reperiuntur) nihil exinde secum aliud portans, nisi animæ detrimentum.

29 LEGATI de Hispaniis reuersi, nihil certi renunciauerunt, eo quòd Leuichildus cōtra filium suū seniore in exercitu resideret. In monasterio autem beatæ Radegūdis, puella quædam nomine Disciola, quæ beati Saluij

Albigensis episcopi neptis erat, obiit hoc modo: Cum egrotare cœpisset, & ei assidue sorores aliæ defuerent, venit dies ille quo migraret à corpore: & circa horam nonam ait sororibus, Ecce iam leuiorem me sentio: ecce nihil doleo: nunc autem non est necesse sollicitudini vestræ, vt mihi curæ aliquid impédatis, sed potius discedite à me, quo facilius sopori relaxer. Hæc audientes sorores eius, recesserunt parumper à cellula. Et post paululū aduenerunt: denique stantibus illis coram ea, expectabant quid ab illa elocutionis audirent. Ipsa autem expansis manibus, benedictionem à nescio quo efflagitans, ait: Benedic, inquit, mihi, sancte ac famule dei excelsi. ecce enim iam tertio fatigaris hodie mei causa. Et cur sancte pro infima muliercula crebras iniurias sustines? Interrogantibus verò illis, ad quem hæc verba proferret, penitus non est effata. Tunc facto modico interuallo, emisit vocem magnam cum risu: & sic tradidit spiritum. Et ecce quidam energumenus qui tunc ad beatæ crucis gloriam mundandus aduenerat, arrepta manibus cæsarie, conlisit se in terrâ, dicēs, Heu heu heu nobis qui tale damnū perpessi sum⁹: vel licuisset prius causas inquirere, & sic de potestate nostra fuisset ablata hæc anima. Inquirentibus verò his qui aderant, quod esset hoc verbum quod loquebatur, respondit, Ecce animā puellę Michael angelus suscepit.

& ipse eam ad cęlos euehit. Princeps verò noster quem vos Diabolum nominatis, nihil in ea patticipatur. Post hæc corpus aquis ablutum, ita candore niueo refulgebat, vt nullum linteum reperire abbatissa potuisset in promptu, quod corpore candidius cerneretur: induta tamen linteis mundis, sepulturę mandata est. nam & alia puella huius monasterij visum vidit, quod sororibus retulit. Putabat, inquit, se iter aliquod cõficere, & erat ei votum vt ad fontem viuũ gradiens perueniret. Cũque viam nesciret, vir quidam se obuiam obtulit, dicens: Si, inquit, vis ad fontem viuũ accedere, ego ero præuius itineris tui. At illa gratias agens, sequebatur præcedentem. Quibus ambulanti- bus, peruenerunt ad fontẽ magnũ, cuius aquæ tãquam aurum splendebant, herbę verò in modũ diuersarum gemmarum vernante luce radiabant. Et ait vir ad eam, Ecce fontem viuũ quem multo labore quæsisisti. Satiare nunc ab eius fluëtis, vt fiat tibi fons aquæ viuæ salientis in vitam æternam. Cũque illa auidè ex his aquis hauriret, ecce ab alia parte veniebat abbatissa: & denudatam puellam induit veste regia, quę tãta luce, aurõque, & monilibus refulgebat, vt vix posset intèdi, dicente sibi abbatissa: Spõsus enim tuus mittit tibi hæc munera. Hæc cùm puella vidisset, compuncta est corde, & post dies paucos rogauit abbatissam vt sibi in qua includeretur cellulã præpa-

raret. At illa velociter perfecta ait, Ecce, inquit, cellulā, quid nunc desideras? Puella verò petiit, vt recludi per mitteretur. Quod cum ei præstitum fuisset, congregatis virginibus cū magno psallentio accēsis lampadibus, tenente sibi beata Radegunde manu, ad locum vsq; perducitur. Et sic Vale faciens omnibus, & osculans singulas quasque, reclusa est. Obstru- ctóque aditu per quem ingressa fuerat, ibi nūc orationi ac lectioni vacat.

30 HOC anno Tyberius imperator migra- uit à seculo, magnum luctum relinquens po- pulis de obitu suo. erat enim summæ bonita- tis, in eleemosynis promptus, in iudiciis iu- stus, in iudicando cautissimus: nullum despi- ciens, sed omnes in bona voluntate cōplectēs, omnes diligens, ipse quoque diligebatur ab om- nibus. Hic cum ægrotare cœpisset, & se iam viuere desperaret, vocauit Sophiam Augustā dicēs, Ecce iā impletū sentio tēpus vitę meę, nunc cum consilio tuo eligam, qui reipublicæ præesse debeat. At illa Mauriciū quēdā elegit, dicēs, Valde strenuus & sagax est vir iste: nam & sēpius cōtra inimicos reipu. dimicās, victo- rias obtinuit. Hæc enim dicebat, vt isto trans- eunte, huius coniugio necteretur. Sed Tybe- rius postquam consensum cognouit Augustæ de huius electione, iussit exornari filiam suam ornamentis imperialibus, & vocato Mauricio ait, Ecce cum consensu Sophiæ Augustæ ad

imperium elegeris : in quò ut firmior sis , fili-  
am meam tradam tibi . Et accedente puella ,  
tradidit eam pater Mauricio dicens , Sit tibi  
imperium meum cum hac puella concessum .  
Ut ere ea felix , memor semper ut æquitate &  
iustitia delecteris . At ille accepta puella , duxit  
eam ad domum suam , & transacta solennita-  
te nuptiarum , Tyberius obiit . Igitur celebra-  
to iustitio , Mauricius indutus diademate &  
purpura , ad circum processit : adclamatísque  
sibi laudibus , largitis populo muneribus , in  
imperio confirmatur .

31 DENIQUE Chilpericus rex legatos ne-  
potis sui Childeberti suscepit , inter quos pri-  
mus erat Egidius Rhemensis episcopus : qui-  
bus intromissis ad regem , data suggestione di-  
xerunt , Pacem quam cum domino nostro ne-  
pote tuo fecisti , petit a te omnimodis conser-  
uari : cum fratre verò tuo pacem habere non  
potest , quia partem Massiliæ ei post mortem  
abstulit patris , fugacesq; suos retinet , nec eos  
vult ei remittere . Ideo Childebertus nepos  
tuus charitatem quam nunc tecum retinet , in-  
tegre vult seruare . Et ille , In multis , inquit , fra-  
ter meus accessit culpabilis . nam si ordinem  
rationis filius meus Childebertus inquirat , co-  
gnoscat protinus , quòd huius concludio pater  
eius est interfectus . Hæc eo dicente , Egidius  
episcopus ait , Si cum nepote tuo coniunge-  
ris , & ipse coniungitur tibi . Commoto exer-

citu, ultio quę debetur super eum velocius infertur. Quod cum iuramento firmassent, obfidēsque inter se dedissent, discesserunt. Igitur fidens in promissis eorum Chilpericus, commoto regni sui exercitu, Parisios venit: ubi cum resedisset, magnum dispendium rerum incolis intulit. Berulfus verò dux cum Turonicis, Pictauis, Andegauisq; atque Namneticis, ad terminum Biturigum venit. Desiderius verò & Bladaſtes cum omni exercitu prouincię sibi commiſſę ab alia parte Bituricum vallant, multum vastantes per quas venerunt regiones. Chilpericus verò iussit exercitum, qui ad eum accessit, per Parisios transire. Quo transeunte & ipse transit atque ad Mecledonense castrum abiit, cuncta incendio tradens atque deuaſtans. Et licet exercitus nepotis sui ad eum non venisset, tamen duces & legati eius cum ipſo erant. Tunc miſit nuncios ad ſupradictos duces, dicens, Ingređimini Bituricum, & accedentes vsque ad ciuitatem, sacramenta fidelitatis exigite de nomine nostro. Biturici verò cum quindecim milibus ad Mecledonense castrũ confluũt: ibique contra Desideriũ ducem conſigunt: facta q; est ibi strages magna, ita vt de vtroq; exercitu amplius quàm ſeptẽ milia cecidissent: duces quoq; cũ reliqua parte populi, ad ciuitatẽ peruenerũt, cuncta diripientes vel deuaſtates.

talisque depopulatio inibi acta est, qualis nec  
 antiquitus est audita fuisse, ut nec domus re-  
 maneret, nec vinea, nec arbores, sed cuncta  
 succiderent, incenderent, debellarent. nam &  
 ab ecclesiis auferentes sacra ministeria, ipsas  
 incendio concremabant. Guntchramnus ve-  
 rò rex cum exercitu contra fratrem suum ad-  
 uenit, totam spem in dei iudicio collocans.  
 Qui die vna iam vespere, misso exercitu ma-  
 ximam partem à germani sui exercitu inter-  
 fecit. Mane autem concurrentibus legatis, pa-  
 cem fecerunt, pollicentes, alter alterutro, ut  
 quicquid sacerdotes vel seniores populi iudi-  
 carent, pars parti componeret quæ terminum  
 legis excesserat: & sic pacifici discesserunt.  
 Chilpericus verò rex cum exercitum suum à  
 prædis arcere non posset, Rhotongensem co-  
 mitem gladio trucidauit: & sic Parisios rediit,  
 omnem relinquens prædam, captiuosq; rela-  
 xans. At isti qui Biturigas obsidebant, accepto  
 mandato ut reuerterentur ad propria, tantas  
 prædas secum sustulerunt, ut omnis regio il-  
 la vnde egressi sunt, valde putaretur euacua-  
 ta, & de hominibus, & pecoribus. Ingres-  
 sus quoque exercitus Desiderij atque Blada-  
 stis per Turonicum, incendia, prædas & ho-  
 micidia tanta fecerunt, sicut solet contra ini-  
 micos fieri. nam & captiuos abduxerunt,  
 de quibus spoliatos plurimos postea dimise-  
 runt. Subsecutus est morbus pecorum hanc

cladem, ita vt vix vnicum remaneret: nouumque esset, si aliquis aut iumentum videret, aut cerneret buculam. Sed dum hæc agerentur, Childebertus rex cum exercitu suo vno in loco residebat. Nocte autem quædam commoto exercitu, magnum murmur contra Egidium episcopum, & dñces regis minor populus eleuauit, ac vociferari cæpit, & publicè proclamare, Tollantur à facie regis qui regnũ eius venundant, ciuitates illius dominationis alteri subdunt, populum ipsius principis alterius dittonibus tradunt. dum hæc & his similia vociferando proferrent, facto mane, adprehensò armorum adparatu, ad tentorium regis properant, scilicet vt adprehensis episcopo & senioribus, vi obprimerent, verberibus adficerent, gladiis lacerarent. Quo comperto, sacerdos fugam iniit, ascensòque equo ad urbem propriam tendit. At populus ille cum clamore sequebatur, proiiciens post eum lapides, euomènsque conuicia. Fuit tunc ei hæc causa præsidium, quòd hi paratos equos non habebant. Attamen lassatis sociorum equis, solus pertendit episcopus, tanto timore perterritus, vt vnã caligam de pede elapsam colligere non curaret: & sic vsque ciuitatem veniens, se intra murorum Rhemèsiũ septa conclusit.

32 ANTE paucos autem menses Leudastes in Turonicum cum præcepto regis aduenit,

vt vxorem reciperet, ibique commoraretur. Sed & nobis epistolam sacerdotū manu subscriptam detulit, vt in communionem reciperetur. Sed quoniam literas reginæ non vidimus, cuius causa maximè à communionem remotus fuerat, ipsum recipere distuli, dicēs, Cūm reginæ mandatum suscepero, tunc eum recipere non morabor. Interea ad eam dirigo, quæ mihi scripta remisit dicens, Comprensa à multis, aliud facere non potui, nisi vt eum abire permitterem: nunc autem rogo, vt pacem tuam non mereatur, neque eulogias de manu tua suscipiat, donec à nobis quid agi debeat, plenius pertractetur. At ego hæc scripta relegens, timui ne interficeretur: accersitōque focero eius hæc innotui, obsecrans vt se cautum redderet, donec reginæ animus leniretur. Sed ille consilium meum quod pro dei intuitu simpliciter insinuauit, dolose suscipiens, cūm adhuc nobis esset inimicus, noluit agere quæ mandauit: impletūque est autem illud prouerbium quod quendam senem narrantem audiui: Amico inimicōque bonum semper præbe consilium, quia amicus accipit, inimicus spernit. Spreto ergo hoc consilio, ad regem dirigit, qui tunc cum exercitu in pago Megledunensi degebat: deprecatusq; est populum, vt regi preces funderet, vt eius præsentiam mereretur. Deprecante igitur omni populo, rex se videndum ei præbuit. Prostra-

túsque pedibus eius, veniam flagitauit: cui rex, Cautú, inquit, te redde paulisper, donec visa regina cōueniat, qualiter ad eius gratiam reuertaris, cui multum inueneris esse culpabilis. At ille, vt erat incautus ac leuis, in hoc fidens, quòd regis præsentiam meruisset, rege Parisios reuertente, die dominico in ecclesia sancta, reginæ pedibus prouoluitur, veniam deprecans. At illa frendens & execrans aspectum eius, à se repulit, fufisq̄ue lachrimis ait, Et quia nō extat de filiis qui criminis mei causas inquirat, tibi eas, Iesu domine, inquirendas committo. Prostratáque pedibus regis, adiecit, Væ mihi quæ video inimicū meum, & nihil ei præualco. Tūc repulso eo à loco sancto, Missarum solennia celebrata sunt. Igitur egresso rege cū regina de ecclesia sancta, Leudastesvsque ad plateã est profecutus, inopinās quid ei accideret: domósque negociantium circumiens, species rimatur, argentū pensat, atque diuersa ornamenta prospicit, dicens, Hæc & hæc comparabo, quia multum mihi aurum argentúmque refedit. Ista illo dicente, subito aduenientes reginæ pueri, voluerūt eum vincire catenis. Ille verò euaginato gladio, vnum verberat: reliqui exinde succensifelle, adprehensis parmis & gladiis super eum ruunt. Ex quibus vnus librans ictum, maximam partem capitis eius à capillis & cute detexit. Cúmque per pontem vrbis fugeret, ela-

pfo inter duos axes, qui pontem faciunt, pede, effracta obpressus est tibia: ligatisque post tergum manibus, custodiae mancipatur: iussitque rex ut studeretur à medicis, quoadusque; ab his ictibus sanatus, diuturno supplicio cruciaretur. Sed cum ad villam fiscalem ductus fuisset, & computrescentibus plagis, extremam ageret vitam, iussu reginae in terram proicitur resupinus, positoque ad ceruicem eius vecte immenso, ab alio ei gulam verberant, sicque semper perfidam agens vitam, iusta morte finiuit.

- 33 ANNO nono Childeberti regis partem Massiliae Guntchramnus rex ipsi nepoti suo refudit. Legati principis Chilperici de Hispaniis regressi, nunciauerunt provinciam Carpitaniam grauius à locustis fuisse vastatam, ita ut non arbor, non vinea, non silua, non fructus aliquis, aut quicquam viride remaneret, quod non à locustis euertetur. Aiebant enim, inimicitias illas quae inter Leuichildum & filium suum pullulauerant, vehementer augeri. per loca enim eius lues vastabat. Sed maxime apud urbem Narbonensem validius desaeuebat, etiam tertio anno, quod ibidem adprehenderat & requieuerat, populique reuertentes à fuga, iterum morbo consumpti sunt. Nam & Albigenensis ciuitas maxime ab hoc incommodo laborabat. His diebus adparuerunt à parte aquilonis nocte media radij multi, ful-

gore nimio relucentes, qui ad se veniētes, iterum separabantur, vsquequo euanuerunt. Sed & cælum ab ipsa septentrionali plaga ita resplenduit, vt putaretur aurora producere.

34 LEGATI iterum ab Hispania venerūt, deferentes munera, & placitum accipientes cum Chilperico rege, vt filiam suam secundum conniuentiam anteriorem, filio regis Leuichildi tradere deberet in matrimoniū: denique dato placito, & omnibus pertractatis, legatus ille reuersus est. Sed Chilperico regi egresso de Parisiis, vt in pagum Suessionicum accederet, nouus luctus aduenit: filius enim eius quem anno superiore sacro baptisate abluerat, à dysenteria correptus, spiritum exhalauit. hoc enim fulgor ille quem superius ex nube dilapsum memorauimus, figurauit. Tunc cum immenso fletu regressi Parisios, sepelierunt puerum, mittentes post legatum, vt reuerteretur, scilicet vt placitū quod posuerat, prolongaret, dicēte rege, Ecce plāctum in domo sustineo, & qualiter nuptias filix celebrabo? Voluit enim tunc aliam filiā illuc dirigere, quā de Audouera habebat, & eā in monasterio Pictauesi posuerat. Sed illa distulit, resistente præcipuè beata Radegunde, & dicente, Non est enim dignum vt puella Christo dicata, iterum ad seculi voluptates reuertatur.

35 DVM autem hæc agerentur, nunciatur

reginæ puerum qui mortuus fuerat, maleficiis & incantationibus fuisse subductum, ibique Mummolum præfectum, quem iam diu regina inuisum habebat, conscium esse. Vnde factum est, vt epulante eo in domo sua, quidam de aulicis regis puerum dilectum sibi, qui à dysenteria correptus fuerat, lamētaretur. Cui præfectus respondit, Habetur mihi herba in promptu, de qua si dysentericus hauriat, quālibet desperatus sit, mox sanatur. Nunciatis his reginæ, maiore furore succenditur. Interea adprehensas mulieres vrbs Parisiæ tormentis applicat, ac verberibus cogit fateri quæ nouerant. At illæ confitentur se maleficas esse, & multos occumbere leto se fecisse testatæ sunt, addentes illud quod nulla ratione credi patior: Filium, aiunt, tuum ô regina pro Mummoli præfecti vita donauimus. Tūc regina tormentis grauioribus mulieribus adfectis, alias enecat, alias incendio tradit, alias rotis ossibus con fractis innectit. & sic Cōpendium villā vnā cū rege secessit: ibiq; vniuersa regi quæ de præfecto audierat reuelauit. Rex verò missis pueris, iussit eum arcessiri, discussumque catenis onerant, & suppliciiis subdūt. Trabi post tergum reuinctis manibus adpenditur, & ibi quid maleficiij nouerit, interrogatur. Sed nihil de his quæ superius memorauimus, confitetur. Hoc tamen protulit, sæpius se inunctiones & potiones quæ ei regis reginæq;

gratiam præberet, ab his mulieribus suscepisse. Depositus igitur de pœna, vocat ad se licto rem dicens, Nuncia domino meo regi, quia nihil mali sentio de his quæ inlata sunt. His auditis rex, Verum ne est, inquit, huc esse maleficum, si de his nihil est læsus pœnis? Tunc extensum ad trocleas, tandiu loriceis triplicibus cæsus est, quoad usque ipsi lassaretur tortores: post hæc sudas vngulis manuum pedumque defigunt. Cumq; in hoc causa ageretur, vt ad decidendam ceruicem eius, gladius immineret, à regina vitam obtinuit, sed non fuit minor morte humilitas subsecuta. Nam impositus plastro, ad Burdegalensem urbem in qua ortus fuerat, ablata omni facultate, transmittitur: in via verò ictuatus sanguine, vix accedere quo iussus est valuit. Sed non post multum tempus, spiritum exhalauit. Post hæc regina adprehensio pueruli thesauro, tam vestimenta quam reliquas species, vel ex serico, aut quocunque vellere inuenire potuit, igne consumpsit: quod ferunt quatuor plaustra leuasse: aurum verò & argentum fornace conflatum reposuit, ne aliquid integrum remaneret quod ei planctum filij in memoriam reuocaret.

36 . ÆTHERIVS verò Lyxoësis episcopus, cuius supra meminimus, hoc ordine à ciuitate suauel expulsus est, vel receptus. Clericus quidam extitit ex Cœnománica vrbe, luxuriosus nimis, amatorq; mulierum, & gulæ ac fornica-

tionis, omniq; immūditæ valde deditus. Hic mulieris cuiusdā sæpius scorto cōmixtus, cōmam capitis torondit, mutatq; virili habitu, secum in aliam ciuitatem deduxit, vt suspicio adulterij auferretur, cū inter incognitos deuenisset. Erat enim mulier ingenua genere, & de bonis orta parentibus. Comperto autem post dies multos propinqui eius quæ acta fuerant, ad vlciscendam humilitatem generis sui velocius properant, repertūmq; clericum vincitum custodiæ mancipant: mulierem vero igni consumunt. Et sicut cogit auri sacra fames, clericum sub precio venundari procurant, ea videlicet ratione, vt aut esset qui redimeret, aut certè morti addiceretur obnoxius. Cūmq; hæc Ætherio episcopo delata fuissent, misericordia motus, datis viginti aureis, eum ab imminente exemit interitu. Igitur postquā vitæ donatus est, profert se literarum esse doctorem, promittens sacerdoti, quòd si ei pueros delegaret, perfectos eos in literis redderet. Gaudius auditu sacerdos, pueros ciuitatis collegit, ipsiq; delegat ad docendum. Denique cū iam honoraretur à ciuibus, & pontifex ei aliquid terræ vinearūque largitus fuisset, ac per domos parentum eorum quos cruditebat, inuitaretur, reuersus ad vomitum, vnus pueruli matrem, immemor anterioris iniuriæ, concupiscit. Quod cū pudica viro mulier declarasset, cōiuncti parentes eius grauiissimis

uissimis clericum tormentis subdentes, interimere voluerūt. Quem sacerdos iterum misericordia motus, castigatum verbis lenibus liberauit, honorique restituit. Sed mens læua nunquam ad bonitatem potuit inclinari, sed potius factus est eius inimicus à quo sapius fuerat de morte redemptus. Cōiunctus est enim archidiacono ciuitatis: & se episcopatu dignum proferens, episcopum molitur occidere: locatōq; clerico qui cum bipēne percuteret, ipsi vbiq; discurrunt, mussitant, amicitias clam inligant, proferūt prēmia, vt si sacerdos obiret, ipse succederet. Sed misericordia domini anticipauit eorū perfidiam, crudelitatemque iniquorum hominū veloci pietate repressit. Die verò quò sacerdos operarios in agro adgregauerat ad sulcandū, clericus ante dictus cum securi prosequitur sacerdotē nihil de his penitus scientē. Tandem igitur hæc aduertēs, Quid tu, inquit, me attentius cū hac bipenne prosequeris? At ille timore perterritus, ad genua viri prouoluitur, dicens, Fortis esto sacerdos dei. Nā scias me emissum ab archidiacono ac præceptore, vt te securi percuterē. Quod cū sepius facere voluissem, & ictū dextra suspensā librarē, tegebantur tenebris oculi mei, & aures obserabātur, totūmq; corpus tremore quatiebatur: sed & manus absque vittute erāt, & quæ optabam implere non poterā. cū verò manus deposuissem, nihil mali

sentiebam omnino: cognoui enim quoniam tecum est dominus, eo quòd nõ potui aliquid tibi nocere. Hæc eo dicente, fleuit sacerdos, imponens silētium clerico: reuersusq; domũ cœnæ discubuit. Qua exacta, in strato suo quieuit, habens circa lectũ suũ multos lectulos clericorum. Denique diffisi hi de clerico, per se nefas perficere cogitantes, noua argumenta machinantur, per quæ aut eum vi extinguerent, aut certè crimẽ quo à sacerdotio diuelleretur, imponerent. Interea quiescentibus cunctis, media ferè nocte cubiculũ sacerdotis intrupũt, exclamantes voce magna atq; dicentes, Vidisse se mulierẽ à cubiculo egredi, ipsamq; ob hoc dimisisse, dum ad episcopũ festinassent. Et sane pars hæc & consiliũ diaboli fuit, vt in tali ætate crimen imponeret sacerdoti, qui erat fere lxx. annorum. Nec mora, coniuncto secum iterũ antedicto clerico, adligatur sacerdos catenis ab eius manibus de cuius collo sapius vincla discusserat, & arduæ custodiæ micipatur ab eo quẽ de cœnosis carceribus plerũque liberauerat. At ille cognoscens inimicos sibi vehementer inualuisse, domini misericordiam cũ lachrimis in vincla cõpactus exorat. Mox opprimuntur somno custodes, solutisque diuinitus vinculis, de custodia procedit innoxius, noxiorum frequentissimus liberator: deinde dilapsus ad regnum Guntchramni regis, trásiit. Quo discedente, liberius iam coniuncti satel-

lites ad regem Chilpericum properant pro episcopatu petēdo, multa crimina de episcopo proloquentes, addentes ista, In hoc cognosce rex gloriosissime, vera esse hæc quæ dicimus, quia mortem pro sceleribus timens ad fratris tui trāsiit regnum. Quod ille non credēs, hos ad ciuitatem redire iubet. Dum hæc agerētur, mæsti ciues de pastoris absentia, cognoscētes omnia quæ de eo acta fuerāt, per inuidiam & auaritiam perpetrata, adprehēso cum satellite archidiacono, iniuriæ subdentes, ad regem petierunt, vt reciperent sacerdotē suum. At rex legatos fratri suo dirigit, adferens nihil se criminis in episcopo reperisse. Tunc Guntchramnus rex, vt erat benignus & proflus ad miserandū, multa ei munera cōtulit, dans etiam epistolas per omnes episcopos regni sui, vt peregrinū aliquo pro dei intuitu consolarentur. Tunc circūiens ciuitates, tanta ei à sacerdotibus dei collata sunt, tam in vestibus quàm in auro, vt vix ciuitati quę meruerat posset inferri: impletūque est illud quod ait apostolus,

37 Quia diligētibus deum omnia concurrunt in bonū. Nam huic peregrinatio diuitias attulit, & exilium opes multas inuexit: post hæc regrediēs, à ciuibus cum tali honore susceptus est, vt pro gaudio flerēt, & benedicerent deū, qui tandem ecclesię tantum restituit sacerdotem.

LVPENTIVS verò abbas basilicæ sancti Priuati martyris vrbis Gabalitanæ, à Bru-

nichilde regina arcessitus, aduenit. Incusatus enim, vt ferunt, fuerat ab Innocentio supradictæ vrbs comite, quòd prophanū aliquid effatus de regina fuisset. Sed discussis causis, cum nihil de crimine maiestatis conscius esset inuentus, discedere iussus est. Verū vbi viam carere cœpit, iterū ab antedicto comite captus, & ad Ponticonem villam deductus, multis suppliciis est adfectus: dimissusque iterum vt rediret, cum super Axonam fluuium tentorium tetendisset, iterū inruit super eum inimicus eius. Cuius vi oppressi amputatum caput in culeum oneratum lapidibus posuit, & flumini dedit: reliquum verò corpus vinctū cum saxo immerisit gurgiti. Post verò paucis adparuit quibusdam pastoribus, & sic extractum à flumine sepulturæ mandatum est. Sed dum necessitates funeris pararentur, & ignoraretur quis esset è populo, præsertim cum caput truncati non inueniretur, subito adueniens aquila leuauit culeum à fundo fluminis, & ripe deposuit: admirantésque qui aderant, adprehenso culeo dum sollicitè quid contineret inquirunt, caput truncati reperiunt: & sic cum reliquis artubus est sepultū. Nam ferunt nunc & lumen ibi diuinitus adparere: & si infirmus ad hunc tumulum fideliter deprecatus fuerit, accepta sospitate recedit.

38 THEODOSIVS Rutenorum episcopus, qui sancto Dalmatio successerat, diem

obiit: in qua ecclesia intātum pro episcopatu intentiones & scandala orta conualuerunt, vt pene sacris ministeriorū vasis & omni facultate meliori nudaretur: veruntamen Transobadus presbyter reicitur, & Innocentius Gabilitanorū comes eligitur ad episcopatum, opitulante Brunichilde regina. Sed adsumpto episcopatu, cōfestim Vrsicinū Cadurcir. & vrbis episcopum, laceffere cœpit, dicens, quia dioceses Rutenę ecclesię debitas retineret. Vnde factum est, vt diuturna intentione gliscente, post aliquot annos cōiunctus metropolitanis cum suis prouincialib<sup>9</sup> apud vrbē Aruernam residens, iudicium emaneret, scilicet vt parochias quas nunquam Rutena ecclesia tenuisse recolebatur, reciperet. quod ita factum est.

39 REMIGIVS Biturigum episcopus obiit: cuius post transitum graui incendio pars maxima ciuitatis cremata est: ibique illa quę hostilitati resederāt, perierunt. Post hæc Sulpitius in ipsa vrbe ad sacerdotium Guntchramno rege fauente, præligitur. Nam cū multi munera offerrent, hæc rex episcopatum quærentibus respondisse fertur, Non est principatus nostri consuetudo, sacerdotium vendare sub precio: sed nec vestrū eum præmiis comparare: ne & nos turpis lucri infamia notemur, & vos mago Simoni comparemini. Sed iuxta dei præscientiā Sulpitius vobis erit episcopus, & sic ad clericatum dedu-

ctus, episcopatum ecclesiæ supradictæ suscepit. Est enim vir valde nobilis, & de primis senatoribus Galliarum in literis bene eruditus rhetoricis, in metricis verò artibus nulli secundus. Hic synodum illam, cuius supra meminimus, pro parochiis Cadurcinis fieri commouit.

- 40 LEGATUS verò Oppila nomine, de Hispaniis aduenit, multa munera Chilperico regi deferens. Timebat enim rex Hispanorum, ne Childebertus exercitum ad vlciscendâ sororis suæ iniuriam commoueret, quia Leuulchildus adprehensum filium suum Herminichildum, qui sororem Childeberti regis acceperat, retruserat in custodiam, ipsaque muliere cum Græcis relicta. Igitur cum die sancto paschæ hic legatus Turonos aduenisset, sciscitati sumus, vtrum nostræ religionis esset. Respondit se hoc credere quod catholici credunt. exinde procedens nobiscum ad ecclesiam, Missarum solennia tenuit, sed neque pacem cum nostris fecit, neque de sacrificiis communicauit. Cognitumque est, mendacium esse quod dixerat se esse catholicum: nihilominus ad cõuiuium inuitatus adfuit. Cùmque ego sollicitus requirerem, quid crederet, respõdit, Credo patrem & filium & spiritum sanctum vnus esse virtutis. Cui ego respondi, Si hæc, vt adferis, credis, quæ obstitit causa vt de sacrificiis quæ deo offerimus, commu-

nicare differres? & ille, Quia, inquit, Gloriam non rectè respondetis. nam iuxta Paulum apostolum nos dicimus, Gloria deo patri per filium: vos autem dicitis, Gloria patri & filio & spiritui sancto: cùm doctores ecclesiarum doceant, patrè per filium nunciatum fuisse in mundo, sicut ipse Paulus ait, Regi autè seculorum immortalì inuisibili soli deo, honor & gloria in secula seculorum, per Iesum Christum dominum nostrum. Et ego respòdi, patrè per filium adnunciatum nulli catholico esse incognitum reor: sed sic prædicauit patrem in seculo, vt & se virtutibus ostenderet deum. deo autem patri hæc necessitas fuit, filium mittèdi ad terras, vt ostenderet deum: vt quia mundus patriarchis, & prophetis, atque ipsi latori legis non crediderat, saltem vel filio crederet. Ideoque necesse est, vt sub significatione personarum, gloriadetur deo. Dicimus ergo, Gloria deo patri qui misit filium: gloria deo filio, qui sanguine suo redemit mundum: gloria deo spiritui sancto, qui sanctificat hominem iam redemptum. Nam tu qui dicis, Gloria patri per filium, adimis gloriam filio, quasi ipse nõ sit gloriosus cū patre: propterea quòd eum adnunciauit in mūdo: nunciauit, vt diximus, filius patrè in mūdo, sed multi nõ crediderunt, dicente Ioanne euāgelista, In propria venit, & sui eum nõ receperūt. Quotquot autè eum receperunt, dedit eis potestatem filios

- „ dei fieri, his qui credunt in nomine eius. Nam  
 tu qui Paulo apostolo derogas, & sensum eius  
 non intelligis, percipe quàm cautè loquitur,  
 & iuxta vt recipere quis potest, aduerte, quali-  
 ter prædicat inter gētes incredulas, vt nulli o-  
 nus graue videatur imponere, sicut quibusdā  
 „ dicit: Lac vobis potum dedi, non escam: non-  
 „ dum enim poteratis, sed nec adhuc quidē po-  
 „ restis: perfectorum est enim solidus cibus. Sed  
 „ & aliis dicit: Nihil vobis prædicaui, nisi Chri-  
 „ stum, & hunc crucifixum. Nunc autem quid  
 vis ô tu hæretice, quia Paulus Christum tantū  
 crucifixum prædicauit, resurrexisse tu dubi-  
 tas? aduerte potius cautelam eius, & vide a-  
 stutiam, quid aliis dicit quos robustiores vi-  
 „ debat in fide: Et si, inquit, nouim⁹ Iesum Chri-  
 „ stum crucifixū, nunc autem iam nō nouimus.  
 Nega ergo tu accusator Pauli, si tāta mentē de-  
 mentia cepit, quia nec crucifixus est: sed que-  
 so relinque ista, & audi cōsiliū melius: adhi-  
 be collyria oculis lippis, & lucē prædicationis  
 apostolicę percipe. Secundū homines enim lo-  
 quebatur Paulus humiliter, vt eos ad celsioris  
 fidei fastigia subleuaret, sicut alibi ait, Omni-  
 bus omnia factus sum, vt omnes lucrifacerē.  
 Nunquid homo mortalis non est daturus glo-  
 riam filio, quē ipse pater non semel, sed bis &  
 tertio glorificauit è cęlo? Ausculta quid de cę-  
 lis loquitur, cū idē filius descēdente spiritu  
 „ sancto sub Ioānis manu baptizaretur: Hic est,

„ ait, filius meus dilectus, in quo bene cōplacui:  
 certe si obpilatas habes aures vt ista nō audias,  
 crede apostolis quid in mōte audierint, cum  
 transfiguratus Iesus in gloria loqueretur cū  
 Moyse & Helia: nēpe de nube splēdida pater  
 „ ait, Hic est filius me<sup>9</sup> charissimus, ipsum audi-  
 „ re. Ad hęc hereticus respōdit, Nihil in his te-  
 stimoniis pater de gloria loquitur filij, nisi tan-  
 tūm ipsum filium mōstrat. & ego: Si enim ista  
 sic recipis, proferā tibi aliud testimonium, in  
 quo pater reddidit filiū gloriosum. Veniente  
 „ autē domino ad pāsiōnē, cum ille diceret, Pa-  
 „ ter glorifica filium tuū, vt filius tuus glorificet  
 „ te, quid ei pater respondit de cælo? Nōne ait,  
 „ Et glorificauī, & iterū glorificabo? Ecce enim  
 pater glorificat eum propria voce, & tu ei glo-  
 riam conaris adimere? Voluntatem quidem  
 ostendis, sed potestas nulla suppetit. Nam qui  
 Pauli apostoli accusator existis, audi ipsum,  
 „ immo Christum in ipso loquētem: Omnis lin-  
 „ gua confiteatur, quia dominus Iesus Christus  
 „ in gloria est dei patris. Quōd si nunc commu-  
 nis est cum patre gloria, & in ipsa qua nūc pa-  
 ter est gloria cōmoratur, qualiter eum tu qua-  
 si in glorium exhonoras? aut cur nō erit ei red-  
 denda gloria inter homines, qui pari gloria cū  
 patre regnat in cælis? Confitemur ergo Chri-  
 stum filium dei deum verū. Ideoque quia dei-  
 tas vna, vna erit & gloria. Post hęc dato silen-  
 tio, ab altercatione cessatum est. Ille quoq; ad

Chilpericum regem accedens, oblati muneribus quæ rex Hispanorum miserat, in Hispaniam est regressus.

41. **COMPERTO** autem Chilpericus rex quòd Guntchramnus frater eius cum Childeberto nepote suo pacem fecerat, & ciuitates quas violenter inuaserat ei, simul vellent auferre, cum omnibus thesauris suis in Camaracensem urbem discessit, & omnia quæ melius habere potuerat, secū tulit. Misit que ad duces & comites ciuitatum nuncios, vt muros componerent urbium, resque suas cum vxoribus & filiis intra murorum munimenta cõcluderent, atq; ipsi, si necessitas exigeret, repugnarent viriliter, ne his pars aduersa noceret, illud addens, Et si aliquid perdidideritis, cum de inimicis vlciscemur, maiora conquiretis, nesciens patratiõnem victoriarum in manu dei cõsistere. Deinde sapius exercitū commouet, & iterum intra terminū requiescere iubet. His diebus ei filius natus est, quē in villa Victoriacēsi nutrire præcepit, dicēs: Ne forte dū publice videtur, aliquid mali incurrat & moriatur.
42. **CHILDEBERTVS** verò rex in Italiã abiit. Quod cū audissent Longobardi, timentes ne ab eius exercitu cæderentur, subdiderunt se ditioni eius, multa ei dâtes munera, ac promittentes se parti eius esse fideles atq; subiectos: patratisque cum his omnibus quæ voluit rex, in Gallias est regressus, atq; exercitū

commoueri præcepit, quæ in Hispaniâ dirigi iussit, sed quieuit. Ab imperatore autè Mauricio ante hos annos quinquaginta milia solidorū acceperat, vt Lōgobardos de Italia extruderet. Audito autem imperator, quòd cum his in pace coniunctus est, pecuniam repetebat: sed hic fidus à solatiis, ne responsum quidem pro hac re voluit reddere.

- 43 IN Gallicia quoque nouæ res actę sunt, quę desuperius memorabuntur. Igitur cum Herminichildus, sicut supra diximus, patri infensus esset, & in ciuitate quadam Hispanię cum coniuge resideret, solatio fretus imperatoris atque Mironis Galliciensis regis patrem ad se cum exercitu venire cognouit, consiliūmq; iniit qualiter veniētem aut repelleret, aut necaret: nesciens miser iudicium sibi imminere diuinum, qui contra genitorem quamlibet hereticum talia cogitaret. Habito ergò tractatu de multis virorum milibus, trecentos viros elegit armatos, & intra castrum Oſſer, in cuius ecclesia fontes diuinitus cōplentur, includit: vt scilicet primo impetu ab his pater territus ac lassatus, facilius ab inferiori manu quę erat plurima, vinceretur. Denique his dolis Leuuichildus rex cognitis, cogitatione maxima fatigatur. Si, inquit, illuc cū omni exercitu abiero, conglobatus in vnum exercitus aduerforū iaculis crudelissimè sauciatur. Si verò cum paucis vadam, virorum fortium manum

nequeo superare : tamen cum omnibus ibo. Et accedens ad locū viros protriuit, castrūmq; combussit, sicut iam superius memoratū est. Patrata quoque victoria, cognouit Mironem regem contra se cum exercitu residere. Quo circumdato, sacramenta exigit sibi in posterū fore fidelem. Et sic datis sibi inuicem muneribus, vnusquisque ad propria est regressus. Sed Miro postquam in patriam rediit, nō multos post dies cōuersus ad lectulum, obiit: infirmatus enim ab aquis Hispaniæ fuerat malis, aëribusque incōmodis. Quo defuncto, filius eius Euricus Leuitchildi regis amicitias expetit. Datōq; vt pater fecerat sacramēto regnū Galliciēse suscepit. Hoc verò anno cognatus eius Auduca qui sororem illius desponsatam habebat, cum exercitu venit. Adprehēsumque clericum facit, ac diaconatus siue presbyterij ei imponi honorem iubet: ipse verò accepta socreri sui vxore, Galliciense regnum obtinuit. Leuichildus verò filium suū Herminichildum cepit, & secum vsque Toletum adduxit, condemnans eum exilio: vxorem tamen eius à Græcis eripere non potuit.

- 44 LOCUSTÆ quoque de Carpitania prouincia, quam per quinque vastauerant annos, hoc anno progressæ, aggetémque publicū tenentes, ad aliam se prouinciam quæ huic vicina erat prouinciæ, contulerunt. Quarum spacio in centum quinquaginta extenditur milia

longitudo : latitudo verò in centum milibus terminatur. Hoc anno multa prodigia adparuerunt in Gallis, vastationesque multæ fuerunt in populo. Nam mense Ianuario rosæ visæ sunt: circa solem quoque circulus magnus adparuit diuersis coloribus mixtus, vt solet in illo cælestis Iris ambitu pluuia discedente móstrari. Pruina grauitè vineas exussit: tempestas etiã subsecuta vineas segetesque per plurima loca vastauit, residuum quoque grandinis siccitas immensa consumpsit. Exiguusque fructus in aliquibus vineis visus, in aliis verò nullus, ita vt irati cõtra deum homines patefactis aditibus vinearum, pecora vel iumenta intromitterent, noxias sibi immiscentes miserè preces, atque dicentes, Nunquam in his vineis palmes nascatur in sempiternum. Arbores verò quæ mense Iulio poma protulerant, mense Septembri fructus alios ediderunt. Morbus pecorum iteratus inualuit, ita vt vix quicquam remaneret.

45 INTERIM aduenientibus calèdis Septembribus, Gothorum magna legatio ad regem Chilpericum accedit. Ipse verò iam regressus Parisios, familias multas de domibus fiscalibus auferri præcipit, & in plaustris componi. Multos quoque flentes & nolentes abire, in custodiam retrudi iussit, vt eos facilius cum filia transmittere posset. Nam ferunt multos sibi ob hanc amaritudinem vitam laqueo extor-

fisse, dum de parentibus propriis auferri metuebant. Separabatur autem filius à patre, mater à filia, & cum graui gemitu ac maledictionibus discedebant, Tantúsque planctus in vrbe Parisiaca erat, vt pláctui cōpararetur Ægyptio. Multi verò meliores nati qui vi compellebantur abire, testamenta condiderunt, résq; suas ecclesiis deputantes, atque petentes vt cū in Hispanias puella introisset, statim testamēta illa tanquā si iam essent sepulti, referarētur. Interea legati regis Childeberti Parisios aduenērūt, contestātes Chilperico regi, vt nihil de ciuitatibus quas de regno patris sui tenebat, auferret, aut de thesauris eius in aliquo filiam muneraret, ac non mancipia, non equos, non iuga boum, neque aliquid huiuscemodi de his auderet adtingere. De quibus legatis vnū ferūt clam interēptum: sed nescitur à quo. suspicio tamen vertebaratur ad regem. Promittens verò Chilpericus rex, nihil de his cōtingere, cōuocatis melioribus Fráncis reliquísque fidelibus, nuptias celebrauit filiæ suæ. Traditáq; legatis Gothorū, magnos ei thesauros dedit: sed & mater eius immēssum pondus auri argentíq; siue vestimentorū protulit, ita vt vidēs hęc rex, nihil sibi remansisse putaret. Quē cernens regina commotū, conuersa ad Francos, ita ait, Ne puteris ô viri, quicquā híc de thesauris anteriorum regū haberi: omnia enim quę cernitis, de mea proprietate oblata sunt, quia mihi glo-

riosissimus rex multa largitus est. Et ego non-  
 nulla de proprio congregavi labore, & de do-  
 mibus mihi concessis tam de fructibus quã de  
 tributis, plurima reparavi. Sed & vos plerun-  
 que me muneribus vestris ditastis, de quibus  
 sunt ista quę nunc coram videtis. nam hic de  
 thesauris publicis nihil habetur: & sic animus  
 regis delusus est. nam tanta fuit multitudo re-  
 rum, vt aurum argentũque, & reliqua orna-  
 menta, quinquaginta plaustra leuarent. Frãci  
 verò multa munera obtulerũt: alij aurum, alij  
 argentũ, nonnulli equos, plerique vestimẽta:  
 & vnusquisque vt potuit, donatiuũ dedit. Iam  
 verò Vale faciens puella, post lachrimas &  
 oscula cum de porta egrederetur, vno carrucę  
 effracto axe, omnes Mala hora dixerũt. Quod  
 à quibusdã pro auspicio susceptũ est. Denique  
 hęc de Parisiis progressa, octauo ab vrbe milia  
 rio tentoria figi præcepit. surgẽtes enim quin-  
 quaginta viri de nocte, adprehensis centum  
 equis optimis, totidẽmque frãnis aureis, ac  
 duabus catenis magnis, ad Childebertum re-  
 gem fuga dilapsi abierunt. Sed & per totum  
 iter cum labi quis potuisset, effugiebat, ferens  
 scũ quę arripere potuisset. Adparatus quoq;  
 magnus expensæ de diuersis ciuitatibus in iti-  
 nere congregatus est: in quo nihil de fisco suo  
 rex dari præcepit, nisi omnia de pauperũ cõie-  
 cturis. Sed quoniã suspicio erat regi, ne frater  
 aut repositas aliquas insidias puellę in via pararẽt,

vallatam ab exercitu pergere iussit. Erant autem cū ea viri magnifici, Bobo dux filius Mūmoleni cum vxore quasi paranympus, Domigifilus, & Ansoualdus, maior dom<sup>o</sup> Vuaddo, qui olim Sanctonicum rexerat comitatū: reliquum verò vulgus, super quatuor milia erat. Ceteri autem duces & camerarij, qui cum ea properauerāt, de Pictauro regressi sunt: isti verò iter conficientes, pergebant vt poterant. Per quam viam tanta spolia tantæque prædæ factæ sunt, vt vix valeant enarrari: nam hospitio pauperum spoliabant, vineas deuastabant: ita vt incisis codicibus cum vuis auferrent, leuātes pecora, vel quicquid inuenire potuissent: nihilque per viam qua gradiebantur relinquentes: impletumque est quod dictū est

” per Iohel prophetam, Residuum locustæ comedit eruca, & residuum erucæ comedit bruchus, & residuum bruchi comedit rubigo. Ita & hoc actum est tempore, vt residuum pruinæ protereret tempestas, & residuum tempestatis exureret siccitas, & residuum siccitatis auferret hostilitas.

46 HIS itaque cum hac præda pergentibus, Chilpericus, Nero nostri temporis & Herodes, ad villam Calensem quæ distat ab vrbe Parisiaca quasi centum stadiis, accedit, ibique venationes exercet. Quadam verò die regressus de venatione, iam subobscura nocte, dum de equo susciperetur, & vnam manum super scapulam

scapulam pueri retineret, adueniens quidam, eum cultro percutit sub ascellâ, iteratôq; ictu ventrem eius perforat. Statimque profluente copia sanguinis, tam per os quàm per aditum vulneris, iniquum fudit spiritum. Quam verò malitiam gesserit, superior lectio docet. nam regiones plurimas sæpius deuastrauit atq; succendit. De quibus nihil doloris, sed lætitiã magis habebat, sicut quondam Nero cum inter incēdia palatij tragœdias decantaret. Pæpe homines pro facultatibus eorum iniuste puniuit: in cuius tempore pauci quodãmodo episcopatum clerici meruerūt. erat enim gulę deditus, cuius deus venter fuit: nullumque se asserebat esse prudentiorem: confecitq; duos libros, quasi Seduliũ meditatus, quorum versiculi debiles nullis pedibus subsistere possunt: in quibus dum non intelligebat, pro longis syllabas breues posuit, & pro breuibus longas statuebat: & alia opuscula vel hymnos siue missas, quę nulla ratione suscipi possunt. Causas pauperum exosas habebat: sacerdotes domini assidue blasphemabat: nec aliunde magis dum secretus esset, exercebat ridicula vel iocos, quàm de ecclesiarum episcopis: illum ferebat seuem, alium superbum: illum abundantem, istũ luxuriosum: illum asserebat elatũ, hunc tumidum, nullam rem plus odio habens quàm ecclesias. aiebat enim plerunque, Ecce pauper remansit fuscus noster, ecce diuitiũ no-

stræ ad ecclesias sunt translata. Nulli penitus, nisi soli episcopi, regnant: perit honor noster, & translatus est ad episcopos ciuitatum. Hæc agens assidue, testamenta quæ in ecclesiis cõscripta erant, plerunque dirupit, ipsasque patris sui præceptiones, putans quod non remaneret qui voluntatem eius seruaret, sæpe calcavit. Iam de libidine atque luxuria non potest reperiri in cogitatione, quod non perpetrasset in opere. Nouaque semper ad lædendũ populũ ingenia perquirebat. nam si quos hoc tempore culpabiles reperisset, oculos eis iubebat erui, & in præceptionibus quas ad iudices pro suis vtilitatibus dirigebat, hæc addebat: Si quis præcepta nostra contempserit, oculorum auulsione mulctetur. Nullum vnquam purè dilexit, à nullo dilectus est: ideoque cum spiritum exhalasset, omnes eum reliquerunt sui. Mallulfus autem Siluanectensis episcopus, qui iam tertia die in tentorio residebat, & ipsum videre non poterat, vt eum interemptum audiuit, aduenit: ablutumq; vestimentis melioribus induit. noctem in hymnis deductam, in nauim leuauit, & in basilica sancti Vincentij, quæ est Parisiis, sepeliuit, Fredegunde regina in ecclesia derelicta.

GREG. TVRONICI  
HISTORIARVM

Liber septimus.



Icet sit studium, histori-  
am prosequi, quam prio-  
rum librorum ordo reli-  
quit, tamen prius aliqua  
de beati Saluij episcopi  
obitu exposcit loqui de-  
uotio, qui hoc anno obiit  
se probatur. Hic enim,  
vt ipse referre erat solitus, diu in habitu secu-  
lari commoratus, cum iudicibus seculi mun-  
diales causas est executus: nunquam tamen se  
in his concupiscentiis obligans, quibus ado-  
lescentum animus solitus est implicari. Iam  
cum diuini spiramenti odor interna viscerum  
adtigisset, relicta seculari militia monasteriũ  
expetiuit, intellexitq; vir iam tunc diuinitati  
deditus, melius esse vti paupertate cum dei  
timore, quàm seculi pereuntis lucra sectari:  
in quo monasterio diu sub regula à patribus  
instituta versatus est. Iam verò cum in robore  
maiori tam intellectus quàm ætatis euectus  
esset, defuncto abbate qui huic monasterio  
preerat, alendi gregis suscipit officium. Et qui se  
magis fratribus publicum pro correctione red-  
dere debuerat, sit adsumpto honore remotior:

ilico sibi secretiorem cellulam quærit. Nam in  
 priore, ut ipse adseribat, amplius quam nouē  
 vicibus nimia exesus abstinentia, pellem cor-  
 poris demutauit. Denique accepto honore,  
 cum in hac contētius parsimonia orationi &  
 lectiōni vacaret, illud plerunque reuoluebat,  
 melius sibi fieri si esset inter monachos occul-  
 tus, quam nomē acceperit abbatis in populos.  
 Quid plura? Includitur, Vale dicēs fratribus,  
 sibi que ipsis Vale dicentibus: in qua inclusio-  
 ne in omni abstinentia magis quam prius ege-  
 rat, commoratur: studens pro charitatis obse-  
 quio, ut cū quisque venisset extraneus, & ora-  
 tionem tribueret, & eulogias gratia plenissi-  
 ma ministraret, quæ multis infirmis plerunq;  
 salutem integram detulerunt. Quodam au-  
 tem tempore, febre nimia exhaustus, anhelus  
 iacebat in lectulo. Et ecce subito, magno lu-  
 mine cellula clarificata cōtremuit. At ille ex-  
 tēsis ad cælum manibus, cum gratiarū actione  
 spiritum exhalauit. Mixto quoq; vlulatu mo-  
 nachi cū ipsius genitrice corpus defuncti ex-  
 trahunt, aqua diluunt, vestimentis induunt,  
 & feretro superponunt, atque in psallētio fle-  
 rūtque labentem exigunt noctem. Mane au-  
 tem factō, funeris officio præparato, corpus  
 moueri cæpit in feretro. Et ecce malis rube-  
 scentibus, vir quasi de graui somno suscitatus,  
 excutitur: apertisque oculis & manibus ele-  
 uatis, ait, O domine misericors, quid fecisti

mihi, vt me in hunc tenebrosum mūdānā habitationis locum redire permitteres, cū mihi melior esset in cælo tua misericordia, quā istius mundi vīta nequissima? Stupentibus autem suis, & interrogantibus, quid fuerit tale prodigium, nihil interrogantibus ille respondit. Surgens autem de feretro, nihil mali sentiens de incommodo quo laborauerat, triduo absque cibi ac poculi perstitit alimento. Die autē tertio, cōuocatis monachis & matre ait, Audite ō dilectissimi & intelligite, quia nihil est quod cernitis in hoc mundo: sed sunt iuxta id quod Salomō propheta cecinit, Omnia vanitas: felix est enim qui ea agere potest in seculo, vt gloriā dei cernere mereatur in cælo. Et cū hęc diceret, dubitare cœpit, vtrum loqueretur amplius an sileret. Quo tacete implicitus fratrum precibus, vt quid vidisset exponeret, ait, Cum me ante hos quatuor dies cōtremiscete cellula exanimē vidistis, adprehēsus à duobus angelis in cælorū excelsa sublātus sum, ita vt non solum hoc squalidū seculū, verū etiam solem ac lunā, nubes & sidera sub pedibus habere putarē: deinde per portā luce ista clariorem introductus sum in illud habitaculum, in quo omne pauimentū erat quasi aurū argentūque renitēs, lux ineffabilis, amplitudo inenarrabilis: quā itā multitudo promiscui sexus obtexerat, vt longitudo ac latitudo cateruæ prorsus petuideri non possit. Cūque nobis via

inter cōprimētes ab his qui præcedebant angelis pararetur, peruenimus ad locum quem iam de longinquo contēplabamur: in quo superpēdebat nubes omni luce lucidior, in quo non sol, non luna, non astrū cerni poterat, sed super his omnibus naturali luce splēdidius effulgebat. Et vox procedebat de nube, tanquā vox aquarum multarū. Ibi etiam me peccatorem humiliter salutabāt viri in veste sacerdotali ac seculari, quos mihi qui præcedebant enarrauerūt esse martyres ac confessores, quos hīc summo excolimus famulatu. Stās igitur in loco, in quo iūssus sum, operuit me odor nimie suauitatis, ita vt ab hac suauitate refectus, nullum adhuc cibū potūque desiderem. Et audiui vocem dicentē, Reuertatur hic in seculū, quoniā necessarius est ecclesiis nostris. Vox enim audiebatur, nam qui loqueretur, penitus cerni nō poterat. Et ego prostrat⁹ super pauimentū, cum fletu dicebā, Heu heu domine, cur mihi hęc ostēdisti, si ab his frustrandus eram? Ecce hodie eiicis me à facie tua, vt reuertar ad seculum fragile, & huc vltra redire nō valeam. Ne quæso domine auferas misericordiā tuā à me, sed deprecor vt permittas me hīc habitare, ne illuc decidens pereā. Et ait vox quæ loquebatur mihi, Vade in pace: ego enim sum custos tuus, donec reducā te in hunc locū. Tunc relictus à comitibus meis, descendens cū fletu, per portā qua ingressus fuerā huc sum regressus,

Hęc eo loquēte stupētibz cūctis qui aderant, cępit iterū sanctus dei cum lachrimis dicere, Væ mihi quia tale mysteriū ausus sum reuelare. Ecce enim odor suauitatis quę de loco sancto hauseram, & in quo per hoc triduum sine vlllo cibo potūq; sustentatus sum, recessit à me. Sed & lingua mea grauibz est operta vulnēribz, & ita tumefacta, vt omne os meū videatur implere. Et scio quia non fuit beneplacitū domino deo meo, vt hęc arcana vulgarentur. Sed tū nosti domine, quia in simplicitate cordis hęc feci, nō in iactantia mentis. Sed quāso indulgeas, & nō me derelinquas iuxta pollicitationē tuā. Et hęc dicens siluit, & accepit cibū potūq;. Ego verò hęc scribēs, vereor ne alicui legenti sit incredibile, iuxta id quod Salustius historiā scribens ait, vbi de virtute atq; gloria bonorū memor est: Quę sibi quisq; facilia factu putat, æquo animo accipit: supra ea, veluti ficta pro falsis ducit. Nā testor deū omnipotentē, quia ab ipsius ore omnia quę retuli, audita cognoui. Post multū verò tēpus ipse vir beatus cellula sua extractus, ad episcopatum electus, iauitus est ordinatus: in quo vt opinor, decimum annū cum ageret, inualefcēte apud Albigensem vrbe inguinario morbo, & maxima iam parte de populo illo defuncta, cum iam pauci de ciuibz remanerēt, vir beatus tanquā bonus pastor, nunquā ab illo loco recedere voluit, sed semper hortabatur eos qui relictī erāt,

orationi incumbere, ac vigiliis instāter insistere: & bona semper tam in operibus quā in cogitatione versare dicēs, Hęc agite, vt si vos deus de hoc mundo migrare voluerit, non in iudiciū, sed in requiem introire possitis. Cū autem vt credo, iam reuelante domino, tēpus suæ vocationis agnosceret, ipse sibi sarcophagum composuit, corpus abluit, vestem induit: & sic intentum semper cælo beatū spiritū exhalauit. Fuit autē magnę sanctitatis minimęq; cupiditatis, aurū nunquam habere volēs. nam si coactus accepisset, protinus pauperibus erogabat. Cuius tempore cum Mummolus patrius multos captiuos ab ea vrbe duxisset, profecutus ille omnes redemit. Tantāq; ei dominus gratiā cum populo illo tribuit, vt ipsi etiā qui captiuos duxerāt, & de precio ei cōcederēt, & in reliquo munerarēt: & sic patriæ suæ captiuos libertati pristinę restaurauit. Multaque de hoc viro bona audivi: sed dū ad historię cœptum reuerti cupio, plurima prætermitto.

2 DEFVNCTO igitur Chilperico, inuentaque quā diu quæsierat morte, Aurelianēses cū Blefensibus iūcti super Dunenses inruunt, eosque inopinātes proterūt, domos, annonaque, vel quæ mouere facile non poterāt, incendio tradūt, pecora diripiūt, atq; res quas levare poterāt, sustulerūt: quib<sup>9</sup> discedentibus, cōiūcti Dunēses cū reliquis Carnotenis, de vestigio subsequuntur, simili sorte eos adficiētes qua

ipsi adfecti fuerant, nihil in domibus, vel extra domos, vel de domibus relinquētes. Cū- que adhuc inter se iurgia commouentes desauirent, & Aurelianenses contra hos arma concuterent, intercedentibus comitibus pax vsque in audientiam data est, scilicet vt in die quo iudicium erat futurum, pars quæ contra partem iniuste exarserat, iustitia mediante componeret, & sic à bello cessatum est.

3 VEDASTES cognomento Auo, qui ante hos annos Lupum Ambrosiūque pro amore vxoris Ambrosij interfecerat, & ipsam sibi quæ consobrina sua esse dicebatur, in matrimonium acceperat, dum multa scelera infra Pictauum terminum perpetraret, quodā loco cum Childerico Saxone cōiunctus, dum se inuicem conuiciis lacesirent, vnus ex pueris Childerici Auonem hasta transfixit. Qui ad terram ruens, plerisque adhuc ictibus sauciatus, iniquam animam sanguine defluente refudit: fuitque vltrix diuina maiestas sanguinis innocentis, quem propria effuderat manu. Multa enim furta, homicidia, adulteria- que miserrimus sepe commiserat, quæ silere melius puto. Composuit tamen filiis Saxo ille mortem eius.

INTEREA Fredegundis regina iam viduata, Parisios aduenit, & cum thesauris quos intra murorum septa cōcluserat, ad ecclesiam cōfugit, atque à Ragnemodo fouetur episco-

po: reliquos verò thesauros, qui apud villam Calam remāserant, in quibus erat missorium illud aureū, quod nuper fecerat, thesaurarij leuauerunt, & ad Childebertum regem, qui tunc apud Meldensem commorabatur urbē, velociter transferunt.

5 : F R E D E G V N D I S igitur regina accepto cōsilio, legatos ad Guntchramnum regem mittit, dicens, Veniat dominus meus, & suscipiat regnum fratris sui. Est, inquit, mihi infans paruulus, quē in eius vlnis ponere desiderans, me ipsam eius humiliō ditioni. Comperto autem Guntchramnus rex de fratris excessu, amarissimè fleuit. Moderato quoque planctu, commoto exercitu Parisios dirigit. Cūque ille intra muros susceptus fuisset, Childebertus rex nepos eius, ab alia aduenit parte.

6 S E D cū eum Parisiaci recipere nollent, legatos ad Guntchramnum regem dirigit, dicens, Scio, piissime pater, non latere pietatem tuam, qualiter vtrunq; vsque p̄sens tempus pars oppresserit inimica, vt nullus de rebus sibi debitis possit inuenire iustitiā: idcirco supplex nunc deprecor, vt placita quæ inter nos post patris mei obitum sunt innexa custodiantur. Tunc Guntchramnus rex legatis illius ait, O miseri & semper perfidi, nihil in vobis verum habentes, neque in promissis permanentes, ecce omnibus quæ mihi

polliciti estis relictis, cum Chilperico regem nouam pactiōnem scripsistis, ut me à regno depulso, ciuitates meas inter se diuiderent. Ecce pactiōnes ipsas, ecce manus vestræ subscriptiones, quibus hanc conuenientiam confirmastis: & qua nunc fronte quæritis, ut nepotem meum Childebertum suscipere debeā, quem mihi vestra peruersitate voluistis facere inimicum? Cui legati dixerunt, Si tantū mentem iracundia cœpit, ut nihil nepōti tuo de his quæ pollicitus es indulgeas, vel illa quæ de regno Chariberti debentur, auferte desiste. Quibus ille ait, Ecce pactiōnes quæ inter nos factæ sunt, ut quisquis sine fratris volūtate Parisios urbē ingrederetur, amitteret partē suā, essetq; Polioctus martyr cū Hilario atq; Martino confessoribus iudex, ac retributor eius. Post hæc ingressus est in eam germanus meus Sygibertus, qui iudicio dei interiens, amisit partē suam. Similiter & Chilpericus gessit, per has ergo trāsgressiones, amiserūt partes suas: ideōq; quia illi iuxta dei iudicium & maledictiones pactiōnum, defecerūt, omne regnū Chariberti cum thesauris eius, meis ditionibus, lege opitulante, subiiciam: nec exinde alicui quicquam nisi spontanea voluntate indulgeam. Absistite igitur vos semper mēdaces ac perfidi, & hæc regi vestro referte.

7 Q V I B V S discendentibus, legati iterum Childeberti ad antedictum regem veniunt,

Fredegundem reginam requirentes atque dicentes, Redde homicidam quæ amitâ meam suggillauit, quæ patrem interfecit, & patrum: quæ ipsos quoque consobrinos meos gladio interemit. At ille, In placito, inquit, quod habemus, cuncta decernimus, tractantes quid oporteat fieri. Nam Fredegundé patrocínio suo fouebat, ipsâque sapius ad cõniuium euocans, promittens se ei fieri maximum defensorem. Quadam verò die dum pariter ad mensam epularentur, regina consurgens, & Vale dicens, à rege detinebatur dicente sibi, Adhuc aliquid cibi sume. Cui illa, Indulge, inquit, deprecor domine mi, quia iuxta consuetudinem mulierum contigit mihi, vt pro conceptu consurgam. Hæc ille audiens, obstupuit, sciens quartum esse mensem, ex quo alium ediderat filium & tamen permisit eam consurgere. Priores quoque de regno Chilperici, vt erat Ansoualdus & reliqui, ad filium eius qui erat, vt superius diximus, quatuor mensium, se collegerunt, quem Chlotharium vocitauerunt, exigentes sacramenta per ciuitates quæ ad Chilpericum prius aspexerant, vt scilicet fideles esse debeant Guntchramno regi, ac nepoti suo Chlothario. Guntchramnus verò rex omnia quæ fideles regis Chilperici, non recte diuersis abstulerant, iustitia intercedente restituit. Multa & ipse ecclesiis cõferens, testamenta quoque defunctorum qui

ecclesias hæredes instituerant, & ab Chilperico compressa fuerant, restaurauit: multisque se benignum exhibens, ac multa pauperibus tribuens.

8 S E D quia non erat fidus ab omnibus inter quos venerat, armis se munuit, ne vnquã ad ecclesiam aut reliqua loca, quã ire delectabat, sine grandi pergebat custodia. Vnde factum est, vt quadam die dominica, postquam diaconus silẽtium populis vt Missæ auscultarentur, indixit: rex conuersus ad populum diceret, Adiuro vos, ô viri cum mulieribus qui adestis, vt mihi fidem inuiolatam seruare dignemini, nec me vt fratres meos nuper fecistis, interimatis: liceâtq; mihi vel tribus annis nepotes meos, qui mihi adoptiui facti sunt filij enutrire, ne fortè contingat quod diuinitas æterna non patiatur, vt cum illis paruulis me defuncto, simul pereatis, cum de genere nostro robustus non fuerit qui defenset. Hæc eo dicente, omnis populus orationem pro rege fudit ad dominum.

9 D V M hæc agerentur Rigunthis Chilperici regis filia, cum thesauris supra scriptis, vsque Tholosam accessit: & cernens se iam ad terminum Gothorum esse propinquã, moras innectere cœpit, dicentibus sibi tum præterea suis, oportere eam ibidem commorari, cum ipsi fatigati de itinere, vestimenta haberent inculta, calciamẽta scissa, ipsosque equo-

rum atque cartucarum adparatus adhuc sicut plaustris euecti erant, seorsum esse disunctos. Oportere potius omnia hæc prius diligenter stabiliri, & sic itinere proficisci, ac suscipi cum omni elegantia ab sponso, ne fortè si inculti inter Gothos adparent, inriderentur ab ipsis. Dum ergo his retardarentur ex causis, mors Chilperici regis in aures Desiderij ducis inlabitur. Ipse quoque collectis secum viris fortissimis, Tholosam urbem ingreditur, repertisque thesauros abstulit de potestate reginæ, & in domum quædam sub sigillorum munitione ac virorum fortium custodia mancipat, deputans reginæ victum arctum, donec ad urbem regrederetur.

10 IPSE verò ad Mummolum cum quo fœdus ante duos annos inierat, properauit. Morabatur tunc Mummolus intra muros Auenicæ urbis cum Gundobaldo, cuius in libro superiore meminimus. Qui coniunctus cum supradictis ducibus Lemouicinum accedens, Briuam Curretiam vicum, in quo sanctus Martinus nostri, ut aiunt, Martini discipulus, requiescit, aduenit: ibique parmæ superpositus, rex est leuatus. Sed cum tertio cum eodem gyrarent, cecidisse fertur, ita ut vix manibus circumstantium sustentari potuisset. Deinde ibat per ciuitates in circuitu positas. Rigunthis verò in basilica sanctæ Mariæ Tholosæ, in quam Ragnoualdi vxor, cuius supra

meminimus , Chilpericum metuens confu-  
gerat,refidebat. Ragnoualdus verò de Hispa-  
niis rediens , vxori facultatiq̃e restituitur.  
Legationis enim caufa , Hispaniam petierat  
à rege Guntchramno direptus . Magno ea  
tempeftate incendio basilica antedicti Mar-  
tini beati apud Briuam vicum ab imminente  
hoſte cremata eſt, ita vt tam altarium quàm  
columnæ quę de diuerſis marmorum generi-  
bus aptatæ erant, ab igne diſſoluerentur. Sed  
ita hæc ædes in poſterum à Ferreolo epiſcopo  
reparata eſt, tanquam ſi nihil mali pertulerit :  
vehementer enim admirantur venerâturque  
hunc ſanctum incolæ, eo quòd plerûque vir-  
tutes eius experiantur.

II ERAT enim cùm hæc agebantur, men-  
ſis decimus . Tunc adparuerunt in codicibus  
vinearum, palmites noui cum vuis deforma-  
tis: in arboribus flores, pharus magna per cæ-  
lum diſcurrens, quæ priuſquam lux in die fie-  
ret, latè mundum illuminauit . Adparuerunt  
etiam in cælo & radij : à parte ſeptentriona-  
li, columna ignea quaſi de cælo pendens per  
duarum horarum ſpacium viſa eſt , cui ſtella  
magna ſuperpoſita erat. In Andegauo autem  
terra tremuit : & multa alia ſigna adparuerūt,  
quæ, vt opinor , ipſius Gundobaldi interitum  
nunciauerunt.

I 2 IGITUR Guntchramnus rex, comi-  
tes ſuos ad comprehendendas ciuitates, quas

quondam Sygibertus de regno Chariberti fratris sui acceperat, direxit, vt exigentes sacramenta, suis eas ditionibus subiugarent. Turonici verò atque Pictaui ad Childebertum Sygiberti filium, transire voluerunt, Sed comoti Biturici contra eos venire disponūt, atque intra terminum Turonicum incendia facere cœperunt. Tunc Maroialéssem ecclesiam termini Turonici, in qua sancti Martini reliquiæ habebantur, incendio concremarunt: sed virtus beati adfuit, vt in tam valido incendio pallulæ quæ super altarium fuerāt positæ, non consumerentur ab igne. Et non solum ipse, sed etiam herbulæ olim collectæ, altariq; locatæ, nequaquam exustæ sunt. Quæ incendia videntes Turonici, legationem mittunt, dicētes, Melius sibi esse ad tempus Guntchramno regi subdi, quàm cuncta incendio aut ferro vastari.

- 13 CONFESTIM autem post mortem Chilperici, Gararicus dux Lemouicas acceperat, & sacramenta de nomine Childeberti susceperat. Exinde Pictauos veniens, ab ipsis receptus est, & ibi morabatur. Audiens autem quæ Turonici patiebantur, mittit legationē, obtestans ne nos ad partem Guntchramni regis tradere deberemus, si nobis vellemus esse consultum: sed meminerimus potius Sygiberti, qui quondam genitor Childeberti fuit. Nos verò hæc rursus episcopo & ciuibus mā-  
data

data remisimus, quòd nisi se ad tempus Guntchramno regi subderent, similia paterentur, adserétes hunc esse nunc patrē super duos filios, Sygiberti scilicet & Chilperici, qui ei fuerant adoptati: & sic tenere regni principatū, vt quondam Chlotharius rex fecerat pater eius. His quoque non adquiescentibus, Gararius de ciuitate egreditur quasi exercitum adducturus, in vrbe verò Eberonem cubicularium Childeberti regis relinquens. Sicharius verò cum Vuillachario Aurelianensi comite, qui tunc Turonos acceperat, exercitum contra Pictauos commouit, vt scilicet ab vna parte Turonici, ab alia Biturici commoti, cuncta vastarēt. Qui cū ad terminum propinquassent, ac domos cremare cœpissent, miserunt ad eos Pictaui legatos, dicentes, Petimus vt vsque in placito quod inter se Guntchrānus & Childebertus reges habēt, sustineatis. Quod si conuenit vt pacis bonus rex Guntchramnus accipiat, non resistimus: sin aliud, dominum nostrum recognoscimus, cui seruire plenius debeamus. Ad hæc illi responderunt, Nihil ad nos de hac causā pertinet, nisi tantum iussa principis adimplere. Nam si nolueritis, cuncta vt cœpimus deuastamus. Cūque in hoc res ageretur, vt vniuersa incendio, præde atque captiuitati traderentur: eiectis de ciuitate hominibus Childeberti, sacramēta Guntchramno regi dederunt, non longo tempo-

re ea custodientes.

14 I G I T V R adueniente placito, directi sunt à Childeberto rege Egidius episcopus, Guntchramnus Boso, Sygualdus, & alij multi, ad Guntchramnum regem: ingressisque ad eum, ait episcopus: Gratias agimus deo omnipotenti, ô piissime rex, quòd te post multos labores regionibus tuis, regnòque restituit. Cui rex ait, Illi enim dignæ sunt gratiæ referendæ qui est rex regum, & dominus dominorum: qui hæc sua miseratione operari dignatus est. Nam non tibi, cuius consilio doloso ac periuriis, regiones meæ anno superiore incensæ sunt, qui nunquam fidem integram cum vlllo homine habuisti: cuius dolositas vbique dispergitur: qui non sacerdotem, sed inimicum regni nostri te esse declaras. Ad hæc verba episcopus iracundia commotus siluit. Vnus autem ex legatis dixit, Supplicat nepos tuus Childebertus, vt ciuitates quas pater eius tenuit, reddi iubeas. Ad hæc ille respondit, Iam dixi vobis prius, quia pactioes nostræ mihi hæc conferunt: ideòque eas reddere nolo. Alius quoque legatorum ait, Rogat nepos tuus vt Fredegundem maleficam, per quam multi reges interfecti sunt, reddi iubeas ad vlciscendam mortem patris, patris & consobrinorum suorum. Ait ille, Tradi ei, inquit, in potestatem non poterit,

quia filium regem habet. Sed & ea quæ contra illam adferitis, vera esse non credo. Post hos Guntchramnus Boso, quasi aliquid suggesturus, ad regem accedit. Et quia sonuerat Gundobaldum manifeste regem leuatum, anticipans rex verba eius ait, O inimice regionis regniq̄ue nostri, qui propterea ante hos annos orientem adgressus es, vt Ballomerem quendam ( sic enim vocabat rex Gundobaldum ) super regnum nostrum adduceres, semper perfide, & nunquam custodiens quæ promittis. Cui ille, Tu, inquit, dominus & rex regali in folio resides, & nullus tibi ad ea quæ loqueris ausus est respondere. Infontem enim me de hac causa profiteor. At si aliquis est similis mihi, qui hoc crimen impingat occulte, veniat nunc palam, & loquatur. Tu, ô rex piissime, pones hoc in dei iudicio, vt ille discernat cum nos in vnus campi planitie viderit dimicare. Ad hæc cunctis silentibus, addidit rex, Omnibus autem hæc causa animos accendere debet, vt repellatur à finibus nostris aduena, cuius pater molendina gubernauit: & vt verè dicam, pater eius pectinibus insedit, lanasque cõposuit. Et quãquam possit fieri, vt vnus homo vtriusq; artificij magisterio subderetur, ad increpationem tamen regis quidam ex ipsis respondit: Ergo duos, vt adferis, patres hic homo habuit, lanarium simul molèdinariumq̄ue. Ab-

fit à te, ó rex, vt tam incultè loquaris. Non enim auditum est, vnum hominem præter spiritalem causam, duos habere posse pariter genitores: dehinc cùm multi soluerentur in risu, respondit alius legatorum dicens, Vale dicimus tibi ó rex. nam quia reddere noluisti ciuitates nepotis tui, scimus saluam esse securim, quæ fratrum tuorum capitibus est defixa: celerius tuum librabit defixa cerebrum. Et sic cum scandalo discesserunt. Tunc rex his verbis succensus, iussit super capita euntium proiici equorum stercora, putrefactas hastulas, paleas, ac fœnum putredine dissolutum, ipsùmque fœtidum vrbis lutum. Quibus de rebus maculati grauiter, non sine immensa iniuria atque contumelia abierunt.

RESIDENTE verò Fredegunde regina in ecclesia Parisiaca, Leonardus ex domestico qui tunc ab vrbe Tholosa aduenerat, ingressus ad eam, causas contumeliæ iniuriarumque filiæ eius narrare cœpit, dicens, Quia iuxta imperium tuum accessi cum regina Rigunthe, ac vidi humilitatem eius, & qualiter expoliata est à thesauris & omnibus rebus: ego verò per fugam dilapsus, veni nunciare dominæ meæ quæ gesta sunt. Hæc illa audiens, furore commota, iussit eum in ipsa ecclesia spoliari, nudatùmque vestimentis ac baltheo, quod ex munere Chilperici re-

gis habebat , discedere à sua iubet præsentia. Cocos quoque siue pistores , vel quoscunque de hoc itinere regressos esse cognouit , cæsos , spoliatosque , ac demancatos reliquit . Nectarium autem Baudegisili episcopi fratrem nefandis accusationibus cum rege tentauit obruere , adserens cum de thesauro regis mortui multa portasse. Sed & de promptuariis tam tergora quàm vina multa eum abstulisse dicebat , petens vt vinctus carceralibus tenebris truderetur . Sed patientia regis , fratrisque auxilium fieri non permisit. Multa quidem ibi vana exercens , non merebat deum , in cuius ecclesia petebat auxilium . Habebat tunc temporis secum Audonem iudicem , qui ei tempore regis in multis consenserat malis . Ipse enim cum Mumolo præfecto , multos de Francis qui tempore Childeberti regis senioris ingenui fuerant , publico tributo subegit. Qui post mortem regis ab ipsis spoliatus ac denudatus est , vt nihil ei præter quod super se auferre potuit , remaneret : domos enim eius incendio subdiderunt : abstulissent vtique & ipsam vitam , ni cum regina ecclesiam expetisset.

PRÆTEXTATVM verò episcopum agrè suscipit , quem ciues Rothomagenses post excessum regis , de exilio expetentes cum grandi lætitia & laude ciuita-

ti suæ restituerunt. Post reditum verò suum, ad urbem Parisiæ aduenit, ac se Guntchramno regi repræsentauit, exorans vt causam suam diligenter exquireret. Adferebat enim regina eum non debere recipi, qui fuisset per iudicium quadragintaquinque episcoporum à sacerdotali officio segregatus. Cùmque rex pro hac causa synodum excitare vellet, Ragnemodus huius urbis episcopus, pro omnibus responsum reddidit, dicens, Scitote ei pœnitentiam indictam à sacerdotibus, non tamen eum prorsus ab episcopatu remotum. Et sic à rege susceptus, atque conuiuio eius adscitus, ad urbem suam regressus est.

- 17 **P R O M O T V S** verò qui in Dunensi castro, ordinante Sygiberto rege, episcopus fuerat institutus, & post mortem regis amotus fuerat, eo quòd castrum illud esset diœcesis Carnotenæ, contra quem ita iudicium latum fuerat, vt presbyterij tantum officio fungeretur, accessit ad regem, deprecans vt ordinationem episcopatus in antedicto castro reciperet. Sed obistente Pappolo Carnotenæ urbis episcopo, ac dicente quia diœcesis meæ est, ostendente præsertim iudicio episcoporum, nihil aliud potuit obtinere cum rege, nisi ea quæ sub ipsius castri termino propria habere reciperet, in qua cum genitrice adhuc superstite moraretur.

18 **COMMORANTE** verò rege apud urbem Parisiacam, venit quidam pauper, dicens, Audi rex verba oris mei. Noueris enim quia Faraulfus cubicularius quondam fratris tui, quærit te interficere. Audiui enim consilium eius, vt eunte te matutina oratione ad ecclesiam, aut cultro adpeteret, aut hasta transfoderet. Obitupefactus autem rex, misit vocari eum. Quo negante de his rex metuens, armis se valde muniuit. Nec penitus ad loca sancta, vel alio, nisi vallatus armatis atq; custodibus procedebat. Faraulfus autem non post multum tempus mortuus est.

19 **CVM AVTEM** clamor fieret magnus aduersus eos qui potentes cum rege fuerant Chilperico, scilicet quòd abstulissent vel villas, vel res reliquas de rebus alienis, omnia quæ iniuste ablata fuerant, rex reddi præcepit, sicut iam superius indicatum est. Fredegundem quoque reginam ad villam Rhotoialensem, quæ in Rothomagensi termino sita est, abire præcepit. Secuti que sunt eam omnes meliores natu regni Chilperici regis: ibique relinquentes eam cum Melanio episcopo, qui de Rothomago submotus fuerat, ad filium eius se transtulerunt, promittentes quòd ab eis studiosissime nutrireretur.

20 **POSTQVAM** autem Fredegundis re-  
b iiij

20 gina ad supradictam villam abiit, cum esset valde mœsta, quod ei potestas ex parte fuisset ablata, meliorem se existimās Brunichildem, misit occultè clericum sibi familiarē, qui eam circumuentam dolis interimere posset, videlicet vt cum se subtiliter in eius subderet famulatum, ab ea credi posset: & sic clam percelleretur. Veniens igitur clericus cum diuersis ingenijs se eidem commendauit, dicens, A facie Fredegundis reginæ fugio, deposcens auxilium tuum. Cœpit se etiam omnibus reddere humilem, charum, obedientem, ac reginæ priuatum. Sed non longo tempore interposito, intellexerunt eum dolose transmissum: vinctusque ac cæsus, cum rem patefecisset occultam, redire permissus est ad patronam: referansque quæ acta fuerant, effatus quod iussa patrare non potuisset, manuum ac pedum abscissione mulctatur.

21 HIS ita gestis cum rex Guntchramnus Cabillonnum regressus, mortem fratris conaretur inquirere, & regina crimen super Eberulfum cubicularium imposuisset (rogatus enim fuerat ab ea, vt post mortem regis cum ipsa resideret: sed obtinere non potuit) hæc ergo inimicitia pullulante adseruit regina ab eodem principe interfectum, ipsumque multa de thesauris abstulisse, & sic in Turonicum abscessisse: ideoque si rex mortem

fratris desideraret vlcisci, nouerit huius causæ hunc esse signiferum. Tunc rex iurauit omnibus optimatibus, quòd non modo ipsum, verum etiam progeniem eius in nonam generationem deleret, vt per horum necem consuetudo auferretur iniqua, ne reges amplius interficerentur. Quod cum Eberulfus comperrisset, basilicam sancti Martini, cuius res sæpe peruaserat, expetiuit. Tunc data occasione vt custodiretur, Aurelianenses atque Blesenses vicissim ad has excubias veniebant: impletisque quindecim diebus, cum multa præda reuertebantur, adducentes iumenta, pecora, vel quodcunque diripere potuissent. Illi verò qui beati Martini iumenta abduxerant, commota altercatione, se inuicem lanceis transfixerunt: duo qui mulas diripiebant, ad domum vicini cuiusdam accedentes, potum rogare cœperunt. Cùmque ille se habere negaret, eleuatis lanceis vt cum transfoderent, hic extracto gladio vtrunque perfodit: cecideruntque ambo & mortui sunt: iumenta tamen sancti Martini reddita sunt. tantaque ibi tunc mala per hos Aurelianenses gesta sunt, vt nequeant explicari.

- 22 DVM autem hæc agerentur, res ipsius Eberulfi diuersis conceduntur, aurum argentumque, vel alias meliores species quas secum retinebat, in medio exposuit. Quod verò commedatum habuit, publicatum est: greges

etiam equorum, porcorum, iumentorumque diripiuntur. Domus verò intramuranea, quam de dominatione ecclesiæ abstulerat, referta annonis, vino, atq; tergōtib; reb;que aliis multis adplene spoliata est. nec ibi aliud quàm parietes vacui remanserunt. Ex hoc nos maxime suspectos habebat, qui in causis eius fideliter currebamus, promittens plerunque, quòd si vnquam ad regis gratiã perueniret, in nobis hæc quæ perferebat vlcisceretur. Deus enim nouit, cui arcana pectoris reuelantur, quia de puro corde in quantum potuimus solatium ministrauimus: & quanquam multas nobis insidias prius de rebus sancti Martini fecisset, extabat tamen causa vt easdem obliuisceret, eo quòd filium eius de sacro lauacro suscepissem. Sed credo infelici ea res maximum fuit impedimentum, quòd nullam reuerentiam sancto præstabat antistiti. Nam sæpe cædes intra ipsum atrium quod ad pedes beati erat, exegit, exercens assidue ebrietates ac vanitates. Presbyterum quoque vnum pro eo quòd ei vinum dare differret, cum iam crapulatus aspiceret, elisum super scamnum pugnis ac diuersis ictibus verberauit, vt pene animam reddere videretur: & fecisset forsitan si ei medicorum ventosæ non subuenissent. Habebat enim pro timore regis in ipso salutorio beatæ basilicę mansionem. Cum autem presbyter qui clauēs ostij retinebat,

clausis reliquis recessisset, per illud saluatorij  
 ostium introeuntes puellæ, cum reliquis pue-  
 ris eius suspiciebant picturas parietum, ri-  
 mabanturque ornamenta beati sepulchri, quod  
 valde facinorosum religiosus erat. Quod  
 cum presbyter cognouisset, defixis clavis su-  
 per ostium, intrinsecus seras aptauit. Hac  
 ille cum post cœnam vino madidus aduertif-  
 set, & nos in basilica in initio noctis ora-  
 tionis gratia psalleremus, furibundus in-  
 greditur, meque conuiciis ac maledictioni-  
 bus urgere cœpit, illud inter iurgia expo-  
 brans, quod ego eum velim à sancti antisti-  
 tis simbriis separare. Sed ego stupens quæ  
 virum cepisset insania, blandis eum sermo-  
 nibus mulcere conatus sum. Sed cum eius fu-  
 rias verbis lenibus superare non possem, sile-  
 re decreui. Ille verò me tacitum intendens,  
 ad presbyterum conuertitur, eumque in  
 eum multa conuicia. nam & illum verbis  
 procacibus, & me diuersis obprobriis impu-  
 gnabat. Nos verò cum vidissemus eum, vt  
 ita dicam, agi à dæmone, egressi à basilica  
 sancta scandalum vigilasque finiuimus, il-  
 lud maxime indignum ferentes, quod ad hoc  
 iurgium absque reuerentia sancti, ante ip-  
 sum sepulchrum antistitis excitauerat. His  
 diebus vidi somnium, quod ipsi in sancta  
 basilica retuli dicens, Putabam me quasi in  
 hac basilica sacrosancta Missarum solennia

celebrare: cùmque iam altarium cum oblationibus pallio serico opertum esset, subito ingredientem Guntchramnum regem conspicio, qui voce magna clamabat, Extrahite inimicum generationis nostræ, euellite homicidam à sacro dei altario. At ego cum hæc audirem, ad te conuersus dixi, Adprehende palliũ altaris, infelix, quo facta munera cõteguntur, ne hinc abiiciaris. Cùmque adprehenderes, laxabas eum manu, & non viriliter detinebas. Ego verò expansis manibus contra pectus regis, meum pectus aprabam dicens, Noli eicere hunc hominem de basilica sancta, ne vitæ periculum patiaris, ne te sanctus antistes sua virtute confodiat. Noli te proptio iaculo interimere: quia hoc si feceris, præsentis vitæ æternæque carebis. Sed cum rex mihi resisteret, tu laxabas pallium, & post me veniebas. Ego verò valde tibi molestus eram. Cùmque reuerteres ad altarium, adprehendebas pallium, sed rursus relinquebas. dum hoc tu tepide retineres, & ego viriliter regi resisterem, euigilaui pauore conterritus, ignarus quid somniũ indicaret. Igitur cum ei ista narraassem, ait, Verum est somnium quod vidisti, quod valde cogitationi meæ concordat. Cui ego, Ecquid prouidit cogitatio tua? Et ille, Deliberatum, inquit, habui, ut si me rex ab hoc loco iuberet extrahi, ab vna manu pallas altaris tenerem: ab alia verò euaginato gladio te

prius interfecto, quátoscunque deinceps clericos reperissem, in morté prosternerem. Nec mihi post hæc erat iniuria, leto succumbere, si de huius sancti clericis acciperem vltionem. Hæc ego audiens & stupens, admirabar quod erat, quia per os eius diabolus loquebatur: nūquam enim in deum vllum timorem habuit. nam dum esset in libertate, equi eius ad pecora per segetes pauperum vineasque dimittebantur. Quòd si expellebantur ab his quorum euertebant labores, statim à suis percellerantur. nam in hac angustia qua erat, sæpe commemorabat, quòd res beati antistitis abstulisset iniuste. Denique anno superiore cōmorum quendam leuem è ciuibus ecclesiæ, actores fecit interpellare. Tunc postposita iustitia, res quas olim ecclesia possidebat, sub specie emptionis abstraxit, data ipsi homini parte aurea balthei sui. sed & talia multa peruerse egit vsque ad finem vitæ suæ, quæ in posterum explanabimus.

23 PRÆSENTI quoque anno Armentarius Iudæus cū vno scētæ suæ satellite, & duobus Christianis ad exigendas cautiones quas ei propter tributa publica Iniuriosus ex vicario, excomite verò Eunomius deposuerant, Turonos aduenit: interpellatisque viris promissionem accepit de reddendo pecuniæ fœnore cum vsuris, dicentibus sibi præterea ipsis, Si ad domum nostram veneris, & quæ de-

bentur exfoluimus, & aliis te muneribus sicut dignum est, honoramus. Eo quoque eunte ab Iniurioso suscipitur, & conuiuio collocatur: expletóque epulo, adpropinquante nocte commoti ab eodem loco ad alium transeunt. Tunc vt ferunt, Iudæi cum duobus Christianis ab Iniuriosi hominibus interfecti, in puteum qui propinquus erat domui eius, proiecti sunt. Auditis his parentes eorum quæ gæsta fuerant, Turonos aduenerunt, datóque quibusdam hominibus indicio puteum reperiunt, virósque extrahunt, multum negante Iniurioso, quòd in hac causa non fuerat inquinatus. Post hæc in iudicium venit: sed cum fortiter, vt diximus, denegaret, & hi non haberent qualiter eum cõuincere possent, iudicatum est, vt se in fontem redderet sacramento. Sed nec hoc his adquiescentibus, placitum in regis Childeberti præsentia posuerunt. Veruntamen neque pecunia, neque cautiones Iudæi defuncti repertæ sunt. Loquebantur tunc multi hominum Medardum tribunum in hoc scelere mixtum fuisse, eo quòd & ipse à Iudæo pecuniam mutuasset. Iniuriosus tamen ad placitum in conspectu regis Childeberti aduenit, & per triduum vsque occisum solis obseruauit. Sed cum hi nõ venissent, neque de causa hac ab vlllo interpellatus fuisset, ad propria rediit.

24 ANNO igitur decimo Childeberti regis

rex Guntchramnus commotis gentibus regni sui, magnum iunxit exercitum. Sed pars maior cum Aurelianensibus atque Bituricis Pictaunum petiit. excefferant enim de fide quam regi promiserant. Miseruntque prius legationem, vt scirent vtrum susciperentur ab his, an non. Sed episcopus loci Maroueus dure suscepit hos nuncios. At illi intra terminum ingressi, prædas, incendia, atque homicidia faciebant. Hi verò qui cum præda reuertebantur, per Turonicum transeuntes, similiter illi qui iam sacramenta dederant, faciebant. Ita vt ipsæ quoque ecclesiæ incenderentur: & quæcunque inuenire potuissent, diriperentur: quod sæpius actum est, dum illi ad regem ægre conuerterentur. Sed cum exercitus propius ad urbem accederet, etiam pars maxima regionis deuastata cerneretur, tunc miserunt nuncios, fideles se regi Guntchramno factentes. At illi intra muros urbis recepti, super episcopum inruerunt, dicentes eum infidelem esse. Ille verò cum se ab his cerneret coarctatum, effracto vno de sacris ministeriis calice aureo, & in numismata redacto, se populumque redemit.

25 MARILEIFVM verò qui primus medicorum in domo Chilperici regis habitus fuerat, ardentissime vallant. Et qui iam à Gargarico duce valde spoliatus fuerat, ab his iterum denudatur, ita vt nulla ei substantia

remaneret. Equos quoque eius, aurum argen-  
tūmque siue species quas meliores habebat,  
pariter auferentes, ipsum ditioni ecclesiasti-  
cæ subdiderunt. Seruitium enim patris eius  
tale fuerat, vt molendina ecclesiastica stude-  
ret, fratresque ac consobrini, vel reliqui pa-  
rentes culinīs dominicis atque pistrino subie-  
cti erant.

26 GVNDOBALDVS verò Pictauium  
accedere voluit, sed timuit. Audierat enim  
iam contra se exercitum commoueri. In ciui-  
tatibus enim quæ Sygiberti regis fuerant, ex  
nomine regis Childeberti sacramenta susci-  
piebat. In reliquis verò quæ aut Guntchramni,  
aut Chilperici fuerant, nomine suo, quòd fidē  
seruarent iurabant. Post hæc Engolismam ac-  
cessit, susceptisque sacramentis, muneratis-  
que prioribus, Petrogoricum adgreditur, gra-  
uiter episcopum tunc iniuriatum reliquit, pro  
eo quòd susceptus ab eodem non fuisset.

27 EXINDE Tholosam digressus, emisit  
nuncios ad Magnulfum episcopum ciuitatis,  
vt ab eo susciperetur. Sed ille non immemor  
prioris iniuriæ, quam per Sigulfum quondam  
qui se in regnum eleuare voluit, pertulerat,  
dixit ciuibus suis: Scim<sup>9</sup> enim regē esse Gunt-  
chramnum ac nepotem eius, hunc autem ne-  
scimus vnde sit. Estote ergo parati: & si vo-  
luerit Desiderius dux hæc calamitatē induce-  
re super nos, simili vt Sigulfus sorte depercat:  
sitque

fitque omnibus exemplum, ne quis extraneorum, Francorum regnum audeat violare. His ita resistentibus & bellum paratibus, adueniente Gundobaldo cum magno exercitu, cum vidissent quod sustinere non possent, susceperunt eum. Post hæc cum ad conuiuium in domo ecclesiæ episcopus vnà cum Gundobaldo resideret, ait, Filium te Chlotharij regis adferis: sed vtrum sit verum an non, ignoramus. Et si possis vindicare cæpta, incredibile habetur apud animos nostros. At ille ait, Ego regis Chlotharij sum filius, & partem regni de presenti sum percepturus, & vsque Parisios velociter accedam, & ibi sedem regni statuam. Cui episcopus ait, Verum ne est ergo, quod nullus de stirpe Francorum remansit, si tu quæ dicis impleueris? Inter has altercationes, cum hæc Mummolus exaudisset, eleuata manu alapis cecidit episcopum, dicens, Non pudet vt tam degener & stultus ita magno regi respondeat? Verum vbi & Desiderius de consilio episcopi comperit quæ fuerat dicta, ira commotus, manus in eum iniecit: cæsumque cõmuniter hastis, pugnis, & calcibus, ac fune reuinctum, exilio damnauerunt, res eius tam proprias quàm ecclesiæ integrè auferentes. Vuadodo autem qui erat maior domus reginæ Rigūthis, se eisdem copulauit. Reliqui verò qui cū eo abierant, per fugam dilapsi sunt.

18 POST hæc exercitus ab vrbe Pictaua re-

motus in antea, post Gundobaldū proficiscitur. Securūq; sunt eum de Turonicis multi lucrī causa. sed Pictavis super eum inruentibus, nonnulli interempti, plurimi verò spoliati redderunt. Hi autem qui de his ad exercitū prius iunxerant, pariter abierūt. Itaque exercitus ad Dorononiā fluviū accedens, præstolari cœpit, quid de Gundobaldo cognosceret. Cui iam ut supradictum est, adhæserant dux Desiderius & Bladastes cum Vuaddone maiore domus Rigunthis reginæ. Erant enim primi cum eo Sagittarius episcopus & Mummolus. Sagittarius enim iam promissionem de episcopatu Tholosano acceperat.

- 29 DVM autem hæc agerentur, misit rex Guntchramnus Claudium quendam dicens, Si abieris, inquit, & eiecūm de basilica Eberulfum aut gladio interemeris, aut catenis vinceris, magnis te muneribus locupletabo. Veruntamen ne sanctæ basilicæ iniuriā inferas omnino, commoneo. Ille verò ut erat vanitati atque avaritiæ deditus, velociter Parisios aduolauit. Vxor enim ei ex Meldensi territorio erat. Voluere animo cœpit, vtrum Fredegundem reginam videret dicens, Si eam videro, elicere ab ea aliquid muneris possum. scio enim eam esse homini ad quem directus sum, inimicam. Tunc accedens ad eam de præsentī munera magna capiens, promissiones multas elicit, ut aut extractum à basilica Eberul-

fum occideret, aut circumuentum dolis, catenis vinciret: aut certe in ipso eum atrio trucidaret. Regressus autem ad Dunense castrum, comitem commonet, ut ei trecetos viros quasi ad custodiendas Turonicæ urbis portas, adiungeret: scilicet ut cum venisset per eorum solatium, Eberulfum posset opprimere. Cumque comes loci viros istos commoneret, Claudius Turonos accessit. Et cum iter ageret, ut consuetudo est barbarorum, auspicia intendere cœpit, ac dicere sibi esse contraria: simulque interrogare multos, si virtus beati Martini de præsentis manifestaretur in perfidis. Aut certe si aliquis iniuriam in eum sperantibus intulisset: si protinus ultio sequeretur. Igitur postpositis ut diximus, viris qui ad solatiû eius venire debuerant, ipse ad basilicam sanctam accessit. Statimque infelici Eberulfo cõiunctus, sacramenta dare cœpit, ac iurare per omnia sacrosancta, vel virtutem præsentis antistitis, nullum in causis eius fore fidelioem, qui ita cum rege causas ei<sup>9</sup> possit exserere. Hoc enim apud se consiliû habuerat miserimus, Nisi cum peierando decepero, non vincam. Verum ubi vidit Eberulfus, quod ei talia cum sacramento in ipsa basilica ac per porticus, & singula loca atrij veneranda promitteret, credidit miser homini peieranti. Die autem altero cum nos in villa quasi milia xxx. ab urbe cõmoraremur, ad conuiuium basilicæ sanctæ cum eodẽ & reliquis

ciuibus est adscitus: ibique cum Claudius gladio ferire voluit, si pueri eius longius adstitissent. Veruntamen nunquam hæc Eberulfus, vt erat vanus, aduertit. Postquam auté conuiuū est finitū, ipse simul ac Claudius per atriu domus basilicæ deambulare cœperunt, sibi inuicem fidē ac charitatem sacramentis intercurrentibus promittētes. His ita loquentibus ait Claudius Eberulfo, Delectat animū ad metatū tuū haurire potū, si vina odoramētis essent immixta, aut certe potētioris vini libationem strenuitas tua requireret. Hæc eo dicēte, gaudius Eberulfus, respōdit habere se, dicēs, & omnia quę volueris ad metatum meum reperies: tantū vt dignetur dominus meus tuguriū ingredi māisionis meæ. Misitq; pueros, vnū post aliū ad requirēda potētiora vina, Laticina videlicet atq; Gatizina. Cūmq; illū à pueris relictum solū Claudius cōspexisset, eleuata cōtra basilicā manu, ait, Martine beatissime fac me vxorem cum parentibus cito videre. Infelix enim in discrimine positus, & hunc interficere in atrio cogitabat, & virtutem sancti antistitis metuebat. Tūc vnus è pueris Claudij qui erat robustior, adprehēsū Eberulfum, à tergo validioribus lacertis adstringit, resupinatūque pectus eius ad iugulandum parat. At Claudius extracto à baltheo gladio, ad eum dirigit. Sed & ille prolatum à cingulo ferrum se ad percutiendum dum teneretur adaptat.

cúmque Claudius eleuata dextera, cultrū eius pectori iniecisset, & ille non segniter sub ascella illius pugionem defixisset, retractoque ad se, librato ictu, pollicē Claudij intercudit. Ex hoc conuenientes pueri eius cum gladiis, Eberulfum diuersis ictibus sauciant. Quorum de manu dilapsus, dum fugere iam exanimis niteretur, extracto gladio caput eius grauissime verberant, effusoque cerebro cecidit, & mortuus est: nec promeruit ab eo saluari, quē fideliter nunquam intellexit exposcere. Igitur Claudius timore perterritus, cellulam abbatis expetiit, ab eo tutari se cupiens, in cuius patronum reuerentiam habere non sapuit. Illo quoque residente, ait, Perpetratum est scelus immensum, & nisi tu subueneris, peribimus. Hæc eo loquente, intruerunt pueri Eberulfi cū gladiis ac lanceis. Obseratūmque reperientes ostium, effractis cellulæ vitreis hastas per parietis fenestras iniiciunt, Claudiumque iam semitiuum ictu transfigunt. Satellites autem eius post hostia & sub lectis abduntur. Abbas adprehensus à duobus clericis, inter gladiatorū acies, vix viuus eripitur. Reseratīsq; ostiis turba gladiatorum ingreditur. Nonnulli etiam matriculariorum & reliquorum pauperū, pro scelere commisso tectum cellulæ conantur euertere. Sed & energumeni ac diuersi egeni cum petris & fustibus ad vlciscendam basilicę violentiam proficiscuntur, indigne ferentes,

cur talia quæ nunquam facta fuerant , essent ibidem perpetrata. Quid plura? Extrahuntur fugaces ex abditis , & crudeliter trucidantur, Pauimétum cellulae tabo maculatur . Postquã vero interempti sunt, extrahuntur foras, & nudi super humum frigidam relinquuntur. Percussores verò nocte sequenti adprehensis spoliis fuga dilabuntur. Adfuit autem dei ultio de præsentis super eos qui beatum atrium humano sanguine polluerunt. Sed nec eius facinus paruum esse censetur, quem talia beatus antistes perferre permisit. Magnam ex hoc rex iracundiam habuit, sed cognita ratione quieuit. Res tamen ipsius infelicis tam mobiles quàm immobiles , quod à prioribus relictum fuerat, suis fidelibus condonauit. Qui uxorem eius valde spoliatam, in sancta basilica reliquerunt. Corpus verò Claudij & reliquorum, parentes proximi auferentes in suam regionem sepelierunt.

30 IGITUR Gundobaldus duos ad amicos suos legatos direxit, clericos utriusque: ex quibus vnus abbas Cadurcinæ urbis, literas quas acceperat, cauata codicis tabula sub cera recondidit. Sed adprehensus ab hominibus regis Guntchramni, repertis literis in regis præsentiam est deductus: qui cæsus grauissimè, in custodiam est retrusus.

31 ERAT tunc temporis Gundobaldus in vrbe Burdegalensi à Bertchramno episcopo

valde dilectus. Inquirens autem quæ ei causæ solatium præbere possent, narravit quidam, quòd aliquis in partibus orientis rex, ablato sancti Sergij martyris pollice, in dextro brachio corporis sui serüisset. Cùmque ei necessitas ad depellendū inimicos obuénisset, in hoc confusus auxilio, ubi dextri lacerti crexisset vlnam, protinus multitudo hostium quasi martyris obpressa virtute, labebatur in fugam. Hæc audiens Gundobaldus, inquirere diligentius cœpit, quisnam esset in eo loco qui reliquias sancti Sergij martyris meruisset accipere. Interea proditus ab episcopo Bertchramno Eufron negociator per inimicitiam, quia inuitum aliquando cum totonderat, inhians facultati eius. Quod ille dispiciens, ad aliam urbem transiens, cæsarie crescente regreditur. Ait ergo episcopus: Est hic quidam Syrus Eufron nomine, qui de domo sua ecclesiam faciens, huius sancti reliquias collocavit: & plurima ex his signa virtute martyris opitulante conspexit. Nam cum tempore quodam Burdegalensis ciuitas maximo flagraret incendio, hæc domus circumdata flammis, nullatenus est adusta. Ista eo dicente, statim Mummolus cursu rapido cum episcopo Bertchramno ad domum Syri accedit: vallatòque homine, pignera sibi sancta præcepit ostendi. Negat ille, tamen cogitans, quòd pro malitia aliqua ei hæc pararentur

insidię, ait, Noli fatigare senem, nec sancto inferre iniuriam : sed acceptis à me centum aureis abscede. Illo quoque insistente, vt sanctas videret reliquias, ducentos aureos obtulit : & nec sic obtinuit eum recedere, nisi ipsa pignora viderētur. Tunc Mummolus eleuari ad parietē scalam iubet. erāt enim in sublimi parietis cōtra altariū in capsula reconditæ. diaconū suum scandere præcepit. Qui per gradus scandens scalæ, adprehēdens capsam, ita tremore concussus est, vt nec viuens putaretur ad terrā reuerti. Attamen accepta vt diximus, capsula quę de pariete pēdebat, derulit. Qua perscrutata Mūmol<sup>o</sup>, os de sancti digito reperit, quod cultro ferire non metuit. Posito enim desuper cultro, & sic de alio percutiebat. Cūmq; post multos ictus vix frangi potuisset, diuisum in tres partes ossiculum diuersas in partes dilabatur. Credo non erat acceptum martyri, vt hæc ille contingeret. Tunc flente vehemētius Eufronio, prosternuntur omnes in orationem, deprecantes vt deus dignaretur ostēdere quæ ab oculis fuerāt humanis ablata. Post orationē autem repertæ sunt particulæ, ex quibus vna Mummolus adsumpta, abscessit : sed non vt credo cum gratia martyris, sicut in sequenti declaratum est. Dum autem in hac vrbe morarentur, Faustianum presbyterum Aquensi vrbi episcopum ordinari præcipiunt. Nuper enim in Aquēsi vrbe episcopus obierat. Et Ni-

cerius comes loci illius, germanus Ructici, vicini Iuliensis episcopi, præceptionem ab Chilperico elicuerat, ut tonsuratus ciuitati illi sacerdos daretur. Sed Gundobaldus destruere nitenseius decreta, conuocatis episcopis iussit eum benedici. Bertchramnus autè episcopus qui erat metropolis, cauens futura, Palladium Sanctonicum iniungit qui eum benediceret. Nam & oculi ei eo tempore à lippitudine grauabantur. Fuit autem ad hanc ordinationem & Orestes Vafatensis episcopus: sed negauit hoc coram rege.

32 POST hæc misit iterum Gundobaldus duos legatos ad regem cum virgis consecratis, iuxta ritum Francorū, ut scilicet non contingeretur ab villo, sed exposita legatione cum responso reuerterentur. Sed hi incauti, priusquam regis præsentiam cernerent, multis quæ petebant explanauerunt. Ex templo sermo currit ad regem: itaque vincti catenis in regis præsentiam deducuntur. Tunc illi quid quærerent, ad quem directi, vel à quo fuerint missi negare nõ ausi, aiunt, Gundobaldus qui nuper ab oriente veniens, dicit se filium esse patris vestri regis Chlotharij, misit nos ut debitam portionem regni sui recipiat: si autem à vobis non redditur, noueritis eum in has partes cum exercitu esse venturum. omnes enim viri fortissimi regionis illius quæ ultra Dorononiã sita ad Gallias pertinet, ei coniuncti sunt.

& ita inquit, Iudicabit tunc deus cùm in vnus campi planitie iunxerimus, vtrum sim Chlotharij filius, an non. Tũc rex furore succensus iussit eos ad trocleas extendi, & fortissime cędi, vt si vera essent quę dicerent, euidentius adprobarent: & si aliquid doli adhuc intra pectorum arcana retinerent, vis tormętorum extorqueret inuitis. Deinde incrementibus suppliciis, aiunt neptę illius, id est regis Chilperici filiam, cùm Magnulfo Tholosanorum episcopo exilio deputatam, thesauros omnes ab ipso Gundobaldo sublato reddidisse: ipsum quoque regę ab omnibus maioribus natu Childeberti regis expetitum esse: sed præferim cùm Guntchramnus Boso ante hos annos Constantinopolin abisset, ipsum in Gallias inuitasse.

33

QVIBVS cęsis & in carcerem reclusis, rex arcessiri nepotem suum Childebertum iubet, vt scilicet coniuncti pariter homines istos audire deberent. Denique cùm simul coniuncti, viros interrogarent, iterauerunt ea regibus simul astantibus, quę prius solus rex Guntchramnus audiuit. Adferebāt etiam constanter hanc causam, sicut iam supra diximus, omnibus senioribus in regno Childeberti regis esse cognitam. Et ob hoc nonnulli de prioribus regis Childeberti, in hoc placitum abire timuerunt, qui in hac causa putabantur esse participes. Post hæc rex Guntchramnus data

in manu regis Childeberti haſta, ait, Hoc eſt iudicium quòd tibi omne regnum meum tradidi. Ex hoc nũc vade & omnes ciuitates meas tanquam tuas proprias, ſub tui iuris dominatione ſubiice. Nihil enim faciẽtibꝫ peccatis, de ſtirpe mea remanſit, niſi tu tantum qui mei fratris es filius. Tu enim hæres in omni regno meo ſuccede, cæteris exhæredibus factis. Tũc relictiſ omnibus, adſumpto ſeorſum puero clam, locutus eſt, prius obreſtãſ diligẽtiſſimè, ne ſecreta conlocutio vlli hominũ panderetur. Tunc indicauit ei quos in cõſilio haberet, aut ſperneret à cõloquio: quibus ſe crederet, quos vitaret, quos honoraret muneribus, quos ab honore depelleret. Interea interdicẽſ vt Egidium epiſcopũ qui ei ſemper inimicus extiterat, nullo modo aut crederet, aut haberet, quia & ipſi patti ſuo ſẽpius peieraſſet. Deinde cũ ad cõuiuium cõueniſſent, cohortabatur Guntchramnus rex omnem exercitum, dicens, Videte, ò viri, quia filius meus Childebertus iam vir magnus effectus eſt. Videte, & cauete, ne eũ pro paruulo habeatis. Relinquitte nũc peruerſitates, atq; præſumptiones quas exercetis, quia rex eſt cui vos nunc deſeruire debetis. Hæc & hiſ ſimilia locutus, per triduũ epulãtes atq; iocundantes, multĩſq; muneribus locupletantes, cum pace diſceſſerunt. Tunc ei reddidit rex Guntchramnus omnia quæ pater eius Sygibertus habuerat, obte-

stans ne ad matrem accederet, ne fortè aliquis daretur aditus, qualiter ad Gundobaldum scriberet, aut ab eo scripta susciperet.

34

IGITVR Gundobaldus cùm audisset sibi exercitum propinquare, relictus à Desiderio duce, Garónam cum Sagittario episcopo, Mummolo, & Bladaste ducibus atque Vuadone transiit, Conuenas petentes. Est enim vrbs in cacumine montis sita, nullique monti contigua. Fons magnus ad radicem montis erumpens, circūdatus turre tutissima: ad quæ per cuniculum descendentes ex vrbe, latèter latices hauriunt. Hanc enim ingressus vrbem, in initio quadragesimæ, locutus est ciuibus dicēs, Noueritis me cum omnibus qui in regno Childeberti habètur, electum esse regem, atq; haberi mecum non modicum solatium. Sed quoniam frater meus Guntchramnus rex, imensum aduersus me mouet exercitum, oportet vos alimèta atque cunctam supellectilem intra murorum munitionem concludere, vt scilicet dum nobis illa pietas diuina auget solatium, non pereatis inopia. Hæc illis credentibus, quæcunque habere potuerunt conlocantes in vrbe, præparabant se ad resistendum. Eo tempore Guntchramnus rex misit literas ad Gundobaldum ex nomine Brunichildis reginæ, in quibus erat scriptum, vt relicto exercitu & in loca sua abire iussu, ipse remotior apud Burdegalensem vrbem hiberna deduce-

ret. Scripserat enim hæc dolose, vt de eo plenius quid ageret, posset agnoscere. Igitur cōmorante eo apud urbem Conuenas, locutus est incolis dicens, Ecce iam exercitus adpropinquat, egredimini ad resistendum. Quibus egredientibus, hi occupantes portas atq; claudentes, excluso foris populo, cum episcopo loci cuncta quę in vrbe inuenire potuerant, suis ditionibus subdiderunt. Tantęque ibi multitudo annonę atque vini reperta est, vt si viriliter stetissent, per multorū annorum spacia, victus alimentis non egerent.

35 AVDIERANT enim eo tempore duces Guntchramni regis, Gundobaldum vltra Garonnam in litore residere cum ingenti hostium multitudine: ipsosque thesauros quos Rigunthis tulerat secum retinere. Tunc impetu facto cum equis Garonnam nando transiere, nonnullis de exercitu in amne demersis. Reliqui in litus egressi, requirentes Gundobaldum, inuenerunt camelos cum ingenti pondere auri atque argenti, siue equos quos fessos per vias reliquerat. Audientes deinceps eos infra muros vrbs Conuenicę comorari, relictis plaustris ac diuersis impedimentis cum populo minore robustiores viri ipsum sicut iam Garonnam transierant, insequi destinant. Quibus properatibus, venerūt ad basilicam sancti Vincentij, quę est iuxta terminum Agennensis vrbs, vbi ipse martyr pro

Christi nomine agonem dicitur consummasse: inueneruntque eam refertam diuersis thesauris incolarum. Erat enim spes incolis non esse à Christianis tãti martyris basilicam violandam: cuius ostia summo studio obserata erant. Nec mora, adpropinquans exercitus cum referare tẽpli valuas non valeret, ignem accendit: consumptisque ostiis, omnem substantiam, cunctamque supellectilem quam in ea inuenire potuerunt, cum sacris ministeriis abstulerunt. Sed multos ibi ultio diuina conterruit. Nam plerisque manus diuinitus vrebantur, emittentes fumum magnum sicut ex incendio surgere solet. Nonnulli arrepti à dæmone per energiam debacchâtes martyrem declamabant. Plurimi verò semoti à seditione, propriis se iaculis sauciabant. Reliquum verò vulgus inante non sine grandi metu progressum est. Quid plura? conuenitur ad Conuenas: sic enim diximus nomen vrbis. Omnisque phalanga in suburbana vrbis campania castra metata est: ibique extensis tentoriis, residebat. Vastabatur in circuitu tota regio: nonnulli autem ab exercitu, quos fortior auaritiæ aculeus terebrabat, longius euagantes perimebantur ab incolis.

36 **ABSCONDEBANT** enim se multi per collem, & cum Gundobaldo sapius loquebatur, inferentes ei conuicia ac dicentes, Tú ne

es pictor ille qui tempore Chlotharij regis per oratoria parietes atq; cameras caraxabas? Tú ne es ille quem Ballomerem nomine sapius Galliarum incolæ vocitabant? Tú ne es ille qui plerunque à regibus Francorum propter has præsumptiones quas profers, tonsuratus, & exilio datus es? Vel quis te infelicissime hominum in hæc loca adduxit, edicito. Quis tibi tantam audaciam præstitit, vt dominorum ac regum nostrorum fines auderes adtingere? Certè si à quoquam es euocatus, clara voce testare. En tibi ante oculos mortem expositam: en ipsam quam diu quæsisisti exitij foueam, in quam præceps deiciaris. Dic satellites vritim, vel à quibus inuiteris enuncia. At ille cùm hæc audiret, propius super portam adstans dicebat, Quòd me Chlotharius pater meus exosum habuerit, habetur incognitum nulli: quòd autem ab eo vel deinceps à fratribus sim tonsuratus, manifestum est omnibus. Et hæc me causa Narseti præfecto Italiae iunxit: ibique vxorem accipiens, duos filios genui. Qua mortua, adsumptis mecum liberis, Constantinopolin abij. Ab imperatoribus vero susceptus benignissime, vsque ad hoc tempus vixi. Ante hos enim annos cùm Gúthramnus Boso Constantinopolin abiisset, & ego sollicitus causa fratrum meorum diligenter rimarer, cognoui generationem nostram valde adtenuatam, nec superesse de stirpe nostra

nisi Childebertum & Guntchramnū, fratrem scilicet & fratris mei filium . Filij enim Chilperici regis cum ipso interierant, vno tantum paruulo derelicto . Gūthramnus frater meus filios nō habebat. Childebertus nepos noster, minime fortis erat. Tunc Guntchramnus Boso his mihi diligenter expositis, inuitauit me, dicēs, Veni quia ab omnibus regni regis Childeberti principibus inuitaris , nec quisquam cōtra te muttire ausus est. Scimus enim omnes te filium esse Chlotharij : nec remansit in Galliis qui regnum illud regere possit, nisi tu aduenias . At ego datis ei multis muneribus per duodecim loca , sancta ab eo suscipio sacramenta, vt securus in hoc regnū accederem. Veni enim Masiliam, ibique me episcopus summa benignitate suscepit : habebat enim scripta seniorum regni nepotis mei. Ex hoc enim Auinionem accessi , iuxta placita patritij Mummoli. Guntchramnus verò immemor sacramenti ac promissionis suæ, thesauros meos abstulit , & in suam ditionem subegit . Nunc autem recognoscite, quia ego sum rex, sicut & frater meus Guntchramnus . Tamen si tanto odio nostro mens vestra grassatur , vel ad regem vestrum deducar, & si me cognoscit fratrem, quod voluerit faciat. Certè si nec hoc volueritis, vel liceat mihi regredi , vnde prius egressus sum. abibo enim , & nulli quicquam iniuriæ inferam. Tamē vt sciatis vera esse quæ dico,

dico, Radegúdem Piétauam, & Ingetrudem Turonicam interrogate: ipſę enim vobis adfirmabunt certa eſſe quę loquor. Hęc eo dicente, multi cum conuiciis & impropriis hęc verba proſequebantur.

37 QVINTVS & decimus in hac obſidione effuſerat dies, & Leudegiſilus nouas ad deſtruendam urbē machinas præparabat: plauſtra enim cum arietibus, clitellis & axibus texta, ſub quibus exercitus properaret ad deſtruēdos muros. Sed cū adpropinquaffent, ita lapidibus obruebantur, vt omnes adpropinquantes muro contruerent. Cuppas cum pice & adipe accenſas ſupra eos proiicientes, alias verò lapidibus plenas ſuper eos deiiciebant. Sed cū nox certamina prohiberet, hoſtes ad caſtra reſreſſi ſunt. Erat autē cum Gundobaldo & Cariuſſus valde diues ac præpotens, cuius apothecis ac præptuariis vibs valde reſerta erat: de cuius ſubſtantia hi maxime alebātur. Bladaſtes autem hęc cernens quę gerebantur, metuens ne Leudegiſilus obtēta victoria eos morti traderet, impoſito igne in eccleſiæ domo, cōcurrentibus ad incendium mitigandum incluſis, ille fuga dilapſus abſceſſit. Mane autē factō, exercitus iterum ad bella cōſurgit, ac ex virgis faſces faciūt, quaſi ad complēdam vallē profundam, quę à parte orientis ſita erat: ſed nocere hęc machina nihil potuit. Sagittarius verò epiſcopus, frequētius muros

cum armis circumibat, & sæpius lapides contra hostem manu propria iecit è muro.

- 38 DENIQVE ij qui urbem impugnabant, cùm viderēt quòd nihil proficere possent, nūcios occultos ad Mūmolū dirigunt, dicētes, Recognosce dominū tuum, & à peruerſitate ista tandē aliquādo desiste. Quę enim te amētia vallat, vt ignoto homini ſubiungaris? Vxor enim tua iam cū filis captiuata est: filij tui vt-pote iam interfecti sunt. Quo ruis? quid ve præſtolaris, niſi vt conruas? Hęc ille mandata accipiens, dixit, iam vt video regnum noſtrum finem accipit, & potētia cadit. Vnū ſuperest, ſi ſecuritatem vitę me habere cognoſcerem, de multo vos labore poterā remouere. Diſcedētibz nūciis, Sagittarius epiſcopus cū Mūmolū, Cariuſo atq; Vuaddone, ad eccleſiam pergit: ibiq; ſibi ſacramēta dederunt, vt ſi de vitę promiſſione certiores fierent, relicta amicitia Gundobaldi, ipſum hoſtibus traderēt. Reuerſi iterum nunciij, promiſerunt eis vitę ſecuritatem. Mūmolus verò dixit, Hoc tantū fiat, ego hunc in manu veſtra tradā: & ego recognoſcens dominū meum regē, ad eius præſentiam properabo. Tunc illi promittunt, quòd ſi hæc impleret, ipſum in charitate ſuſciperent. Et ſi eum regi excuſare nō poſſent, in eccleſiam ponerent, ne vitę amiſſione mulctaretur. Hęc cū ſacramēti interpoſitione polliciti, diſceſſerūt. Mummolus verò, cum Sagittario epiſcopo, &

Vuaddone ad Gundobaldum pergētes, dixerūt, Sacramēta fidelitatis qualia tibi dedimus ipse qui præsens es nosti. Nunc autem accipe salubre consilium: discede ab hac vrbe, & repræsentrare fratri tuo, sicut sæpe quæristi. Iam enim cum his hominibus cōlocuti sumus, & ipsi dixerūt, quia nō vult rex perdere solatium tuum, eo q̄ parū de generatione vestra remanferit. At ille intelligens dolum corū, lacrimis perfusus ait, Inuitatione vestra in has Gallias sum delatus. Thesaurorū verò meorū, in quibus immensum pondus argenti continetur & auri, ac diuersarum specierum, aliquid in Auennica vrbe retinetur, aliquid Guntchrānus Boso diripuit. Ego verò iuxta dei auxilium spe omni in vobis posita, vobis consilium meum credidi: per vos regnare semper optaui. Nūc cum deo vobis sit actio, si quid mihi mendacii dixeritis: ipse enim iudicet causam meā. Hæc eo dicente, respondit Mummolus, Nihil tibi fallaciter loquimur: sed ecce viros fortissimos stantes ad portam, tuum opperientes aduentum. Nunc autem depone baltheum meū aureū quo cingeris, ne videaris in iactantia procedere: & tuum accinge gladium, meūmq; restitue. & ille, Non simpliciter, inquit, hæc verba suscipio, vt ea quæ de tuis vsq; nunc in charitate vsus sum, à me auferantur. Mūmolus verò adserebat cum iuramento, nihil ei molestè fieri. Egressi igitur portā, ab Ollone Biturigū

comite, & Bosone susceptus est. Mummolus autē cum satellitibus in urbem regressus, portam firmissime obserauit. Hic autem cū se in manibus inimicorum cerneret traditum, eleuatis ad cælū manibus & oculis, ait, Iudex æterne, & ultio vera innocentium, deus à quo omnis iustitia procedit, cui mendacium non placet, in quo nullus dolus neque versutia malitiæ continetur, tibi commēdo causam meā, deprecans ut sis velociter ultor super eos qui me in fontem manibus tradiderunt inimicorum. Hęc cū dixisset, cōsignans se cruce dominica, abire cœpit cum hominibus supradictis. Cūque à porta se elongassent, sicut est circa urbem vallis tota in præcipitium, impulsus ab Ol'one cecidit, illo quoque clamante, En vobis Ballomerem vestrum, qui se regis & fratrem dicit, & filium. Et immissa lancea, voluit eum transfigere, sed repulsa à circulis loriceæ nihil nocuit. Denique cū eleuatus ad montē regredi niteretur, Boso emisso lapide caput eius librauit, qui cecidit, & mortuus est. Venitq; omne vulgus, & defixis in eū lanceis, pedes eius fune ligantes, per omnia exercituū castra traxerunt: euellentēsq; cæsariem ac barbam eius, insepultum ipso in loco quo interfectus fuerat, reliquerunt. Nocte verò sequenti, ij qui primi erant, omnes thesauros quos in urbe reperire potuerunt, cum ministeriis ecclesiæ clam abstulerunt. Mane verò referatis

portarum valuis, immisso exercitu, omne vulgus inclusum in ore gladij tradiderunt, sacerdotes quoque domini cum ministris ad ipsa ecclesiarum altaria trucidantes. Postquã autem cunctos interfecerunt; vt non remaneret mingēs ad parietem, omnem urbem cum ecclesiis reliquísque ædificiis succenderunt, nihil ibi præter humum vacuum relinquentes.

39 I G I T V R Leudegisilus rediens ad castra cum Múmolo & Sagittario, Cariulfo, & Vuaddone, nuncios occultè ad regem dirigit, quid de his fieri velit. At ille capitali eos iussit finire sententia. Vuaddo tunc cum Cariulfo, relictis filiis obsidibus, discesserunt ab eis. Delato quoque nuncio de horũ interitu, cum hoc Mumolus aduertisset, accinctus armis tugurium Leudegisili petit. At ille vidēs eum, ait, Quid sic, inquit, quasi fugiēs venis? cui ille, Nihil vt video, de fide promissa seruatur. nã cerno me in mortis exitio positũ. Cui ille, Ego egrediar foras, & omnia mitigabo. Quo egrediente, cõfestim ex iussu eius vallata est domus, vt hic interficeretur. Sed & ille cũ diutissime contra bellantes restitisset, venit ad ostium. Cũque egrederetur, duo cum lanceis vtraq; ei latera feriunt, sicq; cecidit, & mortuus est. Quo viso episcopus, dũ timore cõternatus paueret, ait ad eum quidã de astantibus, Inspice propriis oculis episcope, quæ gerũtur: & recto capite, ne agnoscaris, siluam pete, vt abscondaris pau-

lulum, atque ira labente possis euadere. At ille accepto consilio, domo oblecto capite fugere niteretur, extracto quidam gladio caput eius cum cucullo decidit. Deinde vnusquisque ad propria rediens, magnas per viam prædas & homicidia fecit. Fredegūdis autem his diebus Cuppanem in Tholosanum direxit, vt scilicet filiam suam exinde quocunque modo posset, erueret. Ferebāt enim plerique ob hoc eum transmissum, vt si Gundobaldum reperisset viuum, multis inlectum promissionibus ad eam trāsduceret. Sed cū hoc facere nequiuisset, acceptam Rigunthem à loco illo reduxit, nō sine grandi humilitate atq; cōtumelia.

40 I G I T V R Leudegisilus dux cum thesauris omnibus quos superius nominauimus, ad regem venit : quos postea rex pauperibus & ecclesiis erogauit. Adprehensa verò vxore Mummoli, inquirere rex cœpit, quid thesauri quos ij congregauerant, deuenissent. Sed illa cognoscens virum suum interfectum fuisse, & omnem iactantiam eorum prorsus in terram conruisse, omnia pandit dixitque, Multū adhuc apud urbem Auinionensem auri atque argenti esse, quæ ad regis notitiam non venissent. Statimque misit rex viros qui hæc deferre deberent cum vno puero, quem valde creditum Mummolus habens, hæc ei cōmendaauerat. Abeuntes autem acceperūt omnia quæ in vrbe relicta fuerant. Ferunt autem ducenta

& quinquaginta talenta argenti fuisse: auri verò amplius quàm triginta. Sed hæc, vt ferūt, de reperto antiquo thesauro abstulit. Quod rex diuisum cū Childeberto rege nepote suo, partem suam maximè pauperibus est largitus: mulieri autem nihil amplius quàm ea quæ de parentibus habuerat, relinquens.

4<sup>1</sup> TVNC & homo ille immēsi corporis ad regem de Mūmoli familiaribus adductus est, ita magno corpore elatus, vt duos aut tres pedes super longissimos homines putaretur magnus, lignarius faber qui non multo post obiit.

4<sup>2</sup> POST hæc edictum à iudicibus datum est, vt qui in hac expeditione tardi fuerant, damnarētur. Biturigum quoque comes misit pueros suos, vt in domo beati Martini, quæ in hoc termino sita est, huiusmodi homines spoliare deberēt. Sed agens domus illius resistere fortiter cœpit, dicēs, Sancti Martini homines ij sunt: nihil eis quicquā inferatis iniurię, quia non habuerunt consuetudinē in talibus causis abire. At illi dixerunt, Nihil nobis & Martino tuo, quē semper in causis inaniter profers: sed & tu, & ipsi precia dissoluetis pro eo, q̄ regis imperium ne glexistis. Et hæc dicēs ingressus est atriuū domus. Protinus dolore percussus cecidit, & grauiter agere cœpit. Cōuersusq; ad agentem, voce flebili ait, Rogo vt facias super me crucē domini, & inuoces nomē B. Marti-

ni. Nunc autē cognoui, quòd magna est virtus eius. nam ingrediente me atrium domus, vidī virum senem exhibentem arborem in manu sua, quæ mox extensis ramis omne atrium texit. ex ea enim vnus me attigit ramus, de cuius ictu turbatus conrui: & innuens suis rogabat, vt eiiceretur de atrio. Egressus autem, inuocare nomen beati Martini adtentius cœpit. Ex hoc enim commodius agens, sanatus est.

43 **DESIDERIVS** verò infra castorum munitionem se résque suas tutavit. Vuaddo maior domus Rigūthis ad Brunichildem reginam transit. Et ab ea susceptus, cum muneribus & gratia est dimissus. Cariulfus basilicā sancti Martini expetiit.

44 **FVIT** tunc téporis mulier, quæ spiritum Phitonis habens, multum præstabat dominis diuinando quæstum. Eoque in gratia profecit, vt ab his libera facta, suis voluntatibus laxaretur. Si quis enim aut furtum, aut aliquid mali perferret, statim hæc quo fur abiit, cui tradidit, vel quid ex hoc fecerit, edicebat. Cōgregabat quotidie aurum argētumque, procedens in ornāmētis, ita vt putaretur aliquid esse diuinū in populis. Sed cūm Agerico Viridunensi episcopo hæc nunciata fuissent, misit ad cōprehendendū eam. Qua adprehēsa & ad se adducta, iuxta id quod in Actibus legimus apostolicis, cognouit in ea immūdum spiritū esse Phitonis. Deniq; cūm exorcismum super

eam diceret, ac frōtem oleo sancto perungeret, exclamauit dæmonium, & quid esset prodidit sacerdoti. Sed cum per eum à puella non extruderetur, abire permissa est. Cernens verò puella, quòd in loco illo habitare nō posset, ad Fredegundē reginam abiit, ibiq; & latuit.

45 **MAGNA** hoc anno fames pene Gallias rotas obpressit. nam plurimi vuarum semina, flores auellanorum, nonnulli radices herbæ filicis arefactas redactasque in puluerē, admiscentes parū farine, panem conficiebant. multi etiam herbam segetum decedentes, similiter faciebant. Fuerunt etiam multi quibus non erat aliquid farine, qui diuersas colligentes herbas, & comedentes tumefacti deficiebant. Plurimi enim tunc ex inedia tabescentes, mortui sunt. Grauius tunc negotiatores populum spoliauerunt, ita vt vix, vel modium annonæ, aut semimodium vini vno triente venundarent. Subdebant se pauperes seruitio, vt quantuluncunque de alimēto porrigerent.

46 **HIS** diebus Christophorus negociator ad Aurelianensem urbem abiit. Audierat enim, quòd eo multum vini delatum fuisset. Abiens ergo comparato vino & lintribus inuecto, accepta à focero pecunia multa, cū duobus pueris Saxonibus viam equitando terebat. Pueri verò diu dominum exosum habebant, & plerunque fugerant illum, eo quòd crebrius gra-

uissimè verberarentur. Cum venissent in quãdam siluam, præcedēte domino, puer vnus iaculata validè lancea, dominum suum transfixit. Quo ruente, alius cum framea caput eius dilacerauit, & sic ab vtroque in frustra decusus, exanimis est relictus. Hi verò accipientes pecuniã, fuga dilapsi sunt. Frater verò Christophori sepulto corpusculo, homines suos post pueros dirigit: qui iuniorem comprehensum ligant, seniore cum pecunia fugiente. Quibus redeuntibus, cum vinctum laxius reliquissent, accepta lancea vnum ex his à quibus adducebatur, interemit. Sed deductus ab aliis vsq; Turonos diuersis suppliciis adfectus detrúcatúsque, patibulo valde exanimis est adpensus.

- 47 GRAVIA tunc inter Turonicos ciues bella ciuilia surrexerūt. Ná Sicharius Ioannis quondã filius, dum natalis dominici solennia apud Montalomagésē vicum, cum Austregisilo reliquísque pagensibus celebraret, presbyter loci misit puerum ad aliquorum hominum inuitationem, vt ad domũ eius bibendi gratia venire deberēt. Veniēte verò puero, vnus ex his qui inuitabátur, extracto gladio eũ ferire nõ metuit: qui statim cecidit & mortuus est. Quod cũ Sicharius audisset, qui amicitias cũ presbytero retinebat, quòd scilicet puer ei<sup>9</sup> fuerit interfect<sup>9</sup>, arreptis armis ecclesiã petiit, Austregisilũ operiens. Ille autē hęc audiēs, apprehensó armorũ adparatu, contra eũ dirigit:

mixtisq; omnibus cū se pars vtraq; cōlideret, Sicharius inter clericos ereptus, ad villā suam effugit, relictis in domo presbyteri cū argento & vestimētis quatuor pueris sauciatis. Quo fugiente Austregisilus iterū inruens, interfectis pueris, aurū argentūmque cum reliquis rebus abstulit. Dehinc cum in iudicio ciuū conuenissent, & præceptū esset vt Austregisilus qui homicida erat, & interfectis pueris res sine audiētia diripuerat, cēsura legali condēnaretur: inuito placito paucis infrā diebus Sicharius audiens, quòd res quas Austregisilus diripuerat, cū Aunone & filio atque eius fratre Eberulfo retinerētur, postposito placito, cōiunctus Audino, mota seditione cū armatis viris inruit super eos nocte. Elisq; hospitio in quo dormiebant, patrē cum fratre & filio interemit: resq; eorū cū pecoribus interfectisque seruis abduxit. Quòd nos audiētes, vehemēter ex hoc molesti, adiūcto iudice, mittim⁹ ad eos legationē, vt in nostri præsentia veniētes accepta ratione cum pace discederent: ne iurgium in amplius pullularet. Quibus veniētibus coniunctisque ciuibus ego aio, Nolite ò viri in scelerib⁹ proficere, ne malū longius extēdatur. perdidimus enim ecclesię filios: metuimus nunc, ne & alius in hac intētionē caream⁹. Estote quæso pacifici, & qui malū gessit, stāte charitate cōponat, vt sitis filij pacifici, qui digni sitis, regnū dei ipso domino tribuēte percipere. Sic enim ipse ait,

Beati pacifici, quoniã ipsorum est regnum ca-  
 lorum. Ecce enim & si illi qui noxã subditur,  
 minor est facultas, argẽto ecclesiã redimetur:  
 interim anima viri non pereat. Et hæc dicens,  
 obtuli argẽtum ecclesiã, sed pars Chramnifin-  
 di quã mortem patris fratrisque & patrii re-  
 quirebat, accipere noluit. His descendentibus  
 Sicharius, ita vt ad regẽ ambularet præparat,  
 & ob hoc Piçtauũ ad vxorem cernẽdam pro-  
 ficiscitur. Cũque seruum, vt exerceret ope-  
 ram, cõmoneret, eleuatãque virga ictibus ver-  
 beraret, ille extracto balthei gladio, dominum  
 fauciare non metuit. Quo in terrã ruente, cur-  
 rentes amici, adprehensum seruum crudeliter  
 cæsum truncatis manibus & pedibus, patibu-  
 lo damnauerunt. Interim sonus in Turonicũ  
 exiit, Sicharium fuisse defunctum. Cum autẽ  
 hæc Chramnifindus audisset, cõmonitis parẽ-  
 ribus & amicis, ad domũ eius properat. Qui-  
 bus spoliatis, interemptis nõnullis seruorum,  
 domus omnes tam Sicharij quã reliquorum  
 qui participes huius villæ erant, incendio con-  
 cremauit, abducẽs secum pecora, & quęcunq;  
 mouere potuit. Tunc partes à iudice ad ciui-  
 tatem deductæ, causas proprias proloquũtur:  
 inuentũque est à iudicibus, vt qui nolens ac-  
 cipere prius compositionem, domos incẽdiis  
 tradidit, medietatem precij quod ei fuerat iu-  
 dicatum, amitteret. Et hoc cõtra leges actum,  
 vt tantum pacifici redderẽtur, aliam verò me-

dietatem compositionis Sicharius redderet ,  
Tunc dato ab ecclesia argento, quæ iudicauc-  
rant accepta securitate componunt , datis si-  
bi partes inuicem sacramentis, vt nullo vnquã  
tempore contra alteram pars altera mussita-  
ret: & sic altercatio terminum fecit.

## GREG. TVRONICI HISTORIARVM

Liber octauus,

1



Gitur Guntchramnus rex  
anno xxiiij. regni sui de  
Cabillonno progressus,  
Niuernensem urbem ad-  
greditur. Inuitatus enim  
Parisios veniebat, vt Chil-  
perici filiũ quẽ iam Chlo-  
thariũ vocitabat, à sacro  
regenerationis fonte deberet excipere. Digres-  
sus verò à Niuerno ad Aurelianensem urbem  
venit, magnum se tunc ciuibus suis præbens.  
nam per domos eorũ inuitatus abibat, & præ-  
dia data libabat. Multum ab his muneratus,  
munerãque ipsis proflua benignitate largitus  
est. Sed cum ad urbem Aurelianensem venis-  
set, erat ea die solennitas beati Martini, id est  
iiii. nonas mensis quinti. Processitque in obui-  
am eius immensa populi turba cum signis atq;

vexillis, canentes laudes. Et hinc lingua Syro-  
rum, hinc Latinorum, hinc etiam ipsorum lu-  
dæorum in diuersis laudibus variè concrepa-  
bat, dicēs, Viuat rex, regnūmq; eius in popu-  
lis annis innumeris dilatetur. Iudæi vero qui  
in his laudibus videbantur esse participes, di-  
cebant, Omnes gentes te adorent, tibi que ge-  
nu flectāt, atque tibi sint subditæ. Vnde factū  
est, vt celebratis Missis, cū rex ad conuiuū re-  
sideret, diceret, Væ gēti Iudaicæ malæ & per-  
fidæ, ac subdolo semper sensu viuenti. Ob hoc  
enim mihi, inquit, hodie laudes adulatorias  
adclamabat, vt me cunctę gētes quasi dominū  
adorarent, vt synagogam eorum quæ dudum  
à Christianis diruta est, iuberem ope publica  
subleuari: quod inhibente domino nunquam  
ero facturus. O regem admirabili prudentia  
clarum. Sic intellexit dolositatem hēreticorū,  
vt ei penitus non valerent subripere quę erant  
postmodū suggesturi. Iam enim mediāte epu-  
lo rex locutus est sacerdotibus qui aderant, di-  
cens, Rogo vt in domo mea crastina die vestrā  
promerear benedictionem, fiatque mihi salus  
in ingressū vestro, vt ex hoc saluus fiam cum  
super me humilem vestrarum benedictionum  
verba defluerint. Hæc eo dicente omnes gra-  
tias agentes epulo expleto surreximus.

- 2 M A N E autē factō, dum rex loca sancto-  
rum orationis gratia visitaret, ad metatum no-  
strū aduenit. erat enim ibi basilica sancti Auiti

abbatis, cuius in libro miraculorum meminimus. Surrexi gatisus fateor, ad occursum eius, & data oratione deprecor, vt in māsione meā eulogias beati Martini dignaretur accipere. Quòd ille non respuēs, benigno animo ingressus, hausto poculo, admonitis nobis, ad conuiuū lätus abscessit. Tūc Bertchramnus Burdegalensis episcopus cum Palladio Sāctonico valde regi infensus erat pro susceptione Gundobaldi, cuius supra meminimus: sed & Palladius episcopus ob hoc maxime regis iram incurrerat, quòd ei sæpius fallacias intulisset. Discussi enim ante paululum fuerant ab reliquis episcopis & optimatibus regis, cur Gūdobaldū suscepissent, cur Faustianum Aquis episcopum ad præceptionem eius leuissimam ordinassent. Sed hanc causam ordinationis Palladius episcopus à Bertchramno metropolitano suo auferēs super se deuoluit, dicēs, Oculi metropolitani mei valde doloribus artabātur, & ego spoliatus & contēptus, inuitus in eo loco adductus sum. Nō potui aliud facere, nisi quæ ille qui omnem principatū Galliarū se testabatur accipere, imperabat. Cū hæc regi nūciata fuissent, valde cōmotus est, ita vt vix obtineri posset, vt eos ad cōuiuū cōuocaret quos antea nō viderat. Visoque Bertchramno, interrogat rex: Quis, ait, est iste? diu enim erat q̄ ab eo visus nō fuerat. dixeruntq;,, Hic est Bertchramn<sup>o</sup> Burdegalensis vrbis episcopus. Cui ille, Gra-

tias, inquit, agimus, quòd sic custodisti fidem generationi tuæ. Scire enim te oportuerat dilectissime pater, quòd parens eras nobis ex matre nostra, & super gentem tuam non debueras inducere pestem extraneam. Cùmque talia & his similia Bertchramnus audisset, conuersus ad Palladium rex ait, Nec tibi ò Palladi episcope, nimium sunt gratiæ referendæ. Tertiò enim mihi, quod de episcopo dici iniquum est, peierasti, mittens indiculos dolositate plenos: à me excusabaris per epistolas, & germanum meum cum scriptis aliis inuitabas. Iudicauit enim deus causam meam, cum ego pro uocare vos semper tanquam ecclesiæ patres studui: & vos circa me semper egistis dolose. Nicasio autè & Antidio episcopis dixit, Quid vos ò sanctissimi patres pro regionis utilitate, vel regni nostri sospitate tractastis, edicite. Illis quoq; tacentibus, ablutis rex manibus, accepta à sacerdotibus benedictione, ad mēsam reledit læto vultu & hilari facie, quasi nihil de contemptu suo fuisset effatus.

- 3 INTÈREA iam medio prandii peracto, iubet rex vt diaconum nostrum qui ante diem ad Missas psalmum respōsorium dixerat, canere iuberem. Quo canente, iubet iterum mihi, vt omnes sacerdotes qui aderāt, per meam commonitionem datis ex officio suo singulis clericis, coram rege iuberentur cantare. Per me enim secūdum regis imperium admoniti, quisque

quisque ut potuit in regis presentia psalmum responsum decantavit. Cum autem ferula proferratur, dixit rex, Argentum omne quod cernitis, Mummoli illius periuri fuit. Sed nunc gratia domini tribuente in nostram dominationem translatum est. nam quindecim ex eo catinos, ut istum maiorem cernitis, iam concidi, & non exinde amplius quam hunc & alium de centum septuaginta libris reservavi. Et quid amplius quam ad opus quotidianum necesse est me retinere? Non ego, quod peius est, alium filium praeter Childebertum habeo, cui satis sit de thesauris quos ei pater reliquit: & quae iam de huius miserimi rebus, quae Avinionem inueniuntur sunt, transmittere curavi. Reliqua vero pauperum & ecclesiarum erunt necessitatibus tribuenda.

4 V N V M vos tantummodo sacerdotes domini, deprecor, ut pro filio meo Childeberto domini misericordiam exoretis. Est enim vir sapiens atque utilis, ut de multorum annorum aetate vix ita cautus homo reperiri possit ac strenuus. Quia si hunc deus his Gallis concedere dignabitur, fortassis spes erit de eodem gentem nostram, quae valde exinanita est, posse consurgere. Quod fieri iuxta eius misericordiam non diffido, eo quod tale fuerit pueri natiuitatis praesagium. Nam in die sancto paschae stante fratre meo Sygiberto in ecclesia, procedente diacono cum sancto euangeliorum libro nuncius regi aduenit, unaque vox fuit pronuntiationis lectionem

euangelicam, ac nunciij dicētis, Filius natus est tibi: vnde factum est vt omnis populus in vtraque annunciatione proclamaret pariter: Gloria deo omnipotenti. Sed & baptismum in die sancto pētecostes accepit, & rex nihilominus in die sancto dominicæ natiuitatis est eleuatus Vnde si oratio vestra prosequitur, poterit hic domino annuente regnare. Hæc rege dicente, omnes orationem fuderunt ad dominum, vt vtrunque regem eius misericordia cōseruaret. Adiecitque rex, Verum quia mater eius Brunichildis me minatur interimere: sed nihil mihi ex hoc formidinis est. dominus enim qui me eripuit de manibus inimicorum meorū, & de huius insidiis liberabit me.

- 5 MVLTA tunc & in Theodorum aduersa locutus est, protestans, quòd si ad synodum veniret, iterum exilio truderetur dicens, Scio enim quòd horum causa germanū meū Chilpericum interfici fecit. Denique nec nos pro viris haberi debemur, si eius necem vlcisci nō valemus hoc anno. Cui ego respondi, Et quis Chilpericum interemit, nisi malitia sua tuāq; oratio? multas enim tibi contra iustitiā terendit insidias, quæ ei mortis exitium intulerunt. Quod vt dicam valde hoc per visionē somnij inspexi, cum viderem eum à te tonsurato capite quasi episcopum ordinari, deinde super cathedram puram sola fuligine rectam impositū ferri prælucentibus corā eo lychnis ac ce-

reis. Me hæc narrante, rex ait, Vidi & ego aliã visionem quæ huius interitum nunciauit. Adducebatur enim in cõspectu meo à tribus episcopis vinculus catenis, quorũ vnus Tetricus, alius Agricola, tertius vero Nicetius Lugdunensis erat: è quibus dicebãt duo, Soluite quæsumus eũ, & castigatũ abire permittite. Quibus econtrario cum amaritudine Tetricus episcopus respõdebat, Non fiet ita, sed igni concremabitur pro sceleribus suis. Et cum diu multũque quasi altercantes hæc inter se verba proferrent, conspicio eminus æneum super ignem positum feruere vehementer. Tunc me fiente, adprehensum infelicem Chilpericum cõfractis membris proiiciunt in æneum. Nec mora, inter vndarum vapores ita dissolutus ac liquefactus est, vt nullum ex eo penitus indicium remaneret. Hæc rege dicente, admirantibus nobis, epulo expleto surreximus.

6 REX igitur in crastinum in venationem progressus est: quo redeunte, Garacharius comes Burdegalensis atque Bladastes à nobis præsentati sunt: qui, vt superius diximus, in basilica sancti Martini confugium fecerant, pro eo q̃ Gundobaldo cõiuncti fuissent. Nam cũ prius pro his deprecatus, nihil obtinere potuissem, hæc insequenti locutus sum: Audiat ô rex potestas tua: ecce à domino meo in legatione ad te directus sum, sed quid renũciabo ei qui me misit, cum nihil mihi respõsi reddere velis?

At ille obstupefactus ait. Et quis est dominus tuus, qui te misit? Cui ego subridens, Beatus Martinus, inquit, misit me. Tunc ille iussit sibi repræsentari viros. Sed cum in eius conspectu venissent, multas eis perfidias ac periuria exprobrauit, vocans eos sapius Vulpes ingeniosas: sed restituit eos gratiæ suæ, reddens quæ illis ablata fuerant.

- 7 **ADVENIENTE** quoque die dominico, rex ecclesiam ad spectanda Missarum solennia petit: fratres verò cōsacerdotēsque qui aderant, locum Palladio episcopo ad agenda festa præbuerunt. Quo incipiente prophetiam, rex interrogat, quis esset. Cúmque Palladium episcopum initiasse pronunciaissent, statim commotus rex ait, Qui mihi semper infidelis & perfidus fuit, ille nunc sacrata verba prædicabit? egrediar prorsus ab hac ecclesia, ne inimicum meum audiam prædicantem. Et hæc dicens, egredi cœpit ecclesiam. Tunc cōturbati sacerdotes de fratris humilitate, dixerunt regi, Vidimus enim eum conuivio tuo adesse, ac de eius manu te benedictionem accipere: & cur eum nunc rex aspernatur? si enim scissemus tibi exosum, declinassetus utique ad alium qui hæc agere debuisset. Nunc si permittis, celebret quæ cœpit: in posterū autē si aliquid opposueris, canonicæ sanctionis censure finiatur: iam enim Palladius episcopus in sacrarium cum grandi humilitate discesserat.

Tunc rex iussit eum reuocari, & sic quæ agere cœperat, expediuit. Nam cùm iterato ad conuiuium regis Palladius atque Bertchramnus adsciti fuissent, commoti inuicem, multa sibi de adulteriis ac fornicatione exprobrauerunt, nonnulla etiam de periuriis. Quibus de rebus multi ridebāt, nōnulli verò qui alacrioris erāt scientiæ, lamentabantur, cur inter sacerdotes domini taliter zizania diaboli pullularent. discedentes itaque à regis præsentia, cautiones & fideiussores dederunt, vt decimo calendâs mensis noni ad synodum conuenirent.

- 8 TVNC adparuerunt signa, id est radij à parte aquilonis sicut sæpius adparere solent, fulgor per cælū cucurrisse visus est, florésq; in arboribus ostēsi sunt. erat enim mēsis quintus.
- 9 POST hæc rex Parisios venit, & corā omnibus loqui cœpit dicēs, Germanus meus Chilpericus moriens dicitur filiū reliquisse: cuius nutritores matre deprecāte petierunt, vt cum de sancto lauacro in dominici natalis solennitate deberem excipere: & non venerunt. Rogauerunt deinceps vt ad sanctum pascha baptizaretur: sed nec tunc allatus est infans. Deprecati sunt autem tertio, vt ad festiuitatē sancti Ioannis exhiberetur: sed nec tunc venit. Mouerunt itaque me per tempus sterile de loco vbi habitabam: veni igitur & ecce absconditur, nec ostenditur mihi puer: vnde quantum intelligo nihil est quod promittitur, sed vt

credo, alicuius ex leudibus nostris sit filius. nam si de stirpe nostra fuisset, ad me utique fuisset deportatus. Ideoque noueritis, quia à me non suscipitur, nisi certa de eo cognoscam indicia. Hæc audiens Fredegundis regina, coniunctis prioribus regni sui, idest tribus episcopis & trecentis viris optimis, sacramenta dederunt hunc à Chilperico rege generatum fuisse: & sic suspicio ab animis regis ablata est.

10 DENIQUE cum interitum Merouei atque Chlodouei sæpius lamētaretur, nescirētque vbi eos postquam interfecerant, proiecissent, venit ad regē homo qui diceret, Si mihi cōtrariū in posterum nō habetur, indicabo in quo loco Chlodouei cadauer sit positū: iurauit rex nihil ei molestum fieri, sed potius muneribus ampliari. Tunc ille, Veritatem, inquit, me loqui ō rex ipsa ratio quæ acta est cōprobabit. Nā quando Chlodoueus interfectus est, ac sub stillicidio oratorij cuiusdā sepultus, metuens regina ne aliquādo inuētus cum honore sepeliretur, iussit eum in alueū Matronæ fluminis proiici. Tūc intra capsam quod opere meo ad capiendorum piscium necessitatē preparaueram, reperi. Sed cum ignorare quisnam esset, à cęsarie prolixa cognoui Chlodouicum esse: apprehēsumque in humeris ad litus detuli, ibique eum cespite superposito tumulaui. Ecce saluatīs artibus quod volueris effice. Quod cum rex comperisset, cōsurgens se ad venationem pro-

cedere, detectoque tumulo, reperit corpusculum integrum & inlæsum, vna tantum pars capillorum quę subter fuerat iam defluerat: alia verò cum ipsis crinium flagellis intacta durabat. Cognitumque est, hunc esse quem rex intento animo requirebat. Cõuocato igitur episcopo ciuitatis cum clero & populo ac cereorum innumerabilium ornatu, ad basilicã sancti Vincentij detulit tumulandum, non minus plangens nepotes mortuos, quàm cum vidit filios proprios iam sepultos. Post hæc misit Pappolum Carnotenæ vrbis episcopum, qui Merouei cadauer requirens, iuxta Chlodouei tumulum sepeluit.

II OSTIARIUS vero quidam de alio ostiario dixit, Domine rex, hic accepto præmio cõsensit vt tu interficiaris: adprehensusque ostiarius de quo dixerat, cæsus suppliciiisque multis adfectus, nihil de causa qua interrogabatur aperuit. Loquebantur enim tunc multi hoc insidiis & inuidia factum, quòd ostiarius ille cui hoc crimen impactum fuerat, plurimum à rege diligeretur. Ansoualdus autem nescio qua suspicione tactus, nec Vale dicens, à rege discessit. Rex vero Cabillonum regressus, iussit Boantum qui sibi semper fuerat infidelis, gladio percuti. Qui vallatus in domo sua, ab hominibus regis perreptus interiit, resque suæ fisci ditionibus subiugatæ sunt.

12 DENIQUE cù rex maxima intentione

Theodorū episcopum iterum persequi conaretur, & Massilia iam in Childeberti regis dominationē reuocata fuisset, ad discutiēdas causas Ratharius illuc quasi dux à parte regis Childeberti dirigitur. Sed postposita actione quæ ei à rege iniuncta fuerat, episcopum vallat, fideiussores requirit, & ad præsentiam regis Guntchramni direxit, vt scilicet ad synodum quæ Matiscone futura erat, quasi ab episcopis damnādus adesset. Nec defuit vltio diuina, quæ seruos suos ab ore canū rabidorū defensare cōsuevit. Nam egrediēte episcopo à ciuitate, statim res ecclesiæ diripit: & alia quidem sibi vindicat, alia sub sigillorum munitione cōcludit. Cūq; hoc fecisset, protinus famulos eius sæuissimus inuadit morbus, exhaustósq; febre peremit: filius eius ab hoc incōmodo defecit, quē in suburbano Massiliæ ipsius cū graui gemitu sepeliuit: fuitq; talis domui eius plaga, vt cum ab vrbe illa est digressus, vix ad patriā suā regredi putaretur. Theodorus verò episcopus à Gútchramno rege detētus est. Sed nihil ei nocuit. est enim vir egregiæ sanctitatis, & in oratione assiduus, de quo mihi Magneric<sup>9</sup> Treuerēsis episcopus hæc retulit: Ante hos annos cū ad præsentiam Childeberti regis, ita sub ardua custodia duceretur, vt quādocunq; ad urbē aliquā venisset, neq; episcopū, neq; quenq; de ciuibus videre permitteretur, adueniente Treueros nunciatū est episcopo, hunc iam in

naui positū clam abduci: surrexitque sacerdos tristis, ac velociter profecutus, reperit eum ad litus: caufatusque cum custodibus, cur tanta esset impietas, vt non liceret fratri fratrem aspiciere: visoque tandem, osculatus eum, indulgens aliquid vestimenti, discessit. veniens itaque ad basilicam sancti Maximini proster-nitur sepulcro, illud apostoli Iacobi retinens,  
 • Orate pro inuicem vt saluemini: fusaque diu oratione cum lachrimis, vt fratrem dignaretur dominus adiuuare, egressus est foras. Et ecce mulier quā spiritus erroris agitabat, clamare sacerdoti cœpit ac dicere, O sceleste & inueterate dierū, qui pro inimico nostro Theodoro orationē fundis ad dominum. Ecce nos quotidie quærimus, qualiter ab his Galliis extrudatur, qui nos quotidianis incendiis conflant: & tu pro eo rogare non desinis? Satius enim tibi erat res ecclesiæ tuæ diligenter inquirere, ne pauperibus aliquid deperiret, quàm pro hoc tam intente deprecari. Et aiebat, Væ nobis qui eum non possumus expugnare. Et licet dæmoniis credi non debeat, tamen qualis esset sacerdos de quo hæc dæmon condolens declamabat, adparuit. Sed ad cœpta redeamus.

13 I G I T V R legatos ad nepotē suum Chil debertum rex dirigit, qui morabatur tunc ad castrum Confluentis, quod ob hoc nomen accepit, pro eo quòd Mosella Rhenúsque, amnes

pariter confluentes in eodem loco iungantur. Et quia placitum fuerat, ut Trekas Campanię urbem de utroque regno coniungerent, sacerdotibusque de regno Childeberti congruū non fuit, Felix legatus salutatione præmissa, ostensis literis ait, Patruus tuus, o rex, diligenter interrogat, quis te ab hac promissione retraxit, ut sacerdotes regni vestri ad concilium quod simul decreueratis, venire differrent: an forsitan mali homines aliquam inter vos discordiæ radicem faciant pullulare. Tunc ego rege tacente respondi, Nil mirum, si zizania seratur inter populos. nam inter hos quo radicem obliget, protinus non potest reperire. Nul lum enim latet, quod Childebertus rex alium patrem nisi patruum non habet. Neque ille alium filium nisi hunc habere disponit, iuxta id quod eū anno præsentis audiuimus loqui. Absit ergo ut inter eos radix discordiæ germinet, cum se pariter & tueri debeant & amare. Tūc vocato secretius Felice legato, Childebertus rex rogauit dicens, Deprecor dominū & patrem meum, ut Theodoro episcopo nihil iniuriæ inferat: quod si fecerit, cōfestim inter nos scandalum germinabit, erimusque discordia impediēte disiuncti, qui debemus amorem tuendo esse pacifici. Acceptoque & de aliis causis responso, legatus discessit.

14 NOBIS itaque in antedicto castro cum rege cōmorantibus, dum ad conuiuium prin-

cipis vsque obscura nocte retineremur, epulo expleto surreximus: venientésq; ad fluuium, offendimus nauem in litore qua nobis fuerat præparata: ascendentibusq; nobis inruit turba hominum diuersorum, impletaque est nauis tam hominibus quàm aquis, sed virtus domini adfuit, nõ sine grandi miraculo, vt cum vsq; labium impleta fuisset, mergi non posset: habebamus enim nobiscum beati Martini reliquias cum aliorum sanctorum, quorũ virtute nos credimus fuisse saluatos. At verò naue ad litus vnde egressi fuimus redeũte, euacuata ab hominibus & à lymphis, repulsis extraneis sine impedimento transiuimus. in crastino autem Vale regi dicentes, abcessimus.

15 PRO FECTI igitur in itinere, ad Epesium castrũ accessimus, ibiq; à Vulfilaico diacono nacti, & ad monasterium eius deducti, benignissimè suscepti sumus. Est enim hoc monasterium quasi milibus octo ab antedicto castro, in mōtis cacumine locatũ: in quo mōte magnã basilicam ædificauit, quam B. Martini vel reliquorum sanctorũ reliquiis inlustrauit. Cōmorātes autē ibi, petere ab eo cœpimus, vt nobis aliqua de cōuersionis suę bono narraret vel qualiter ad clericatus officium aduenisset, quia erat genere Lōgobardº. Sed nequibat exponere, vanã tota intētionē cupiens gloriã euitare. Quē ego terribilibus sacramentis coniu-rās, pollicitus primo vt nulli quē referebat ex-

pēderem, rogare cœpi, vt nihil mihi de hisque inter rogabam occuleret. Cúmque diutissime reluctatus fuisset, victus tãdem tam precibus quàm obsecrationibus meis, hæc effatus est, Dum essem, inquit, puer paruulus, audito beati Martini nomine, nesciens adhuc vtrú martyr an confessor esset, vel quid boni in mundo gessisset, vel quæ regio beatos artus tumulo meruisset accipere, iam in eius honorem vigiliis celebrabã, ac si aliquid inter manus numismatis aduenisset, eleemosynas faciebam: iamque in maiori ætate proficiens, literas discere studui. Ex quibus prius scribere potui, quàm ordinem scriptarum literarum scirem. Deinde Aredio abbati coniunctus, ab eoque edoctus, beati Martini basilicam adij. Reuertensque cum eo, ille parumper pulueris beati sepulchri pro benedictione sustulit. Quem in capsula positum, ad collum meum dependit, deuectique ad monasterium eius Lemouicino in termino accepta capsula, vt eam in oratorio suo locaret, in tantum puluis adcreuit, vt non solum totam capsam repleret, verum etiam foris inter iuncturas vbi aditum reperire potuit, scateret. Ex hoc mihi miraculi lumine animus magis accedit totã spem meam in eius virtute defigere: deinde territorium Treuericæ vrbis expetij, & in quo nunc estis monte, habitaculum quod cernitis, proprio labore construxi: reperi tamen hîc Dianæ si-

mulacrū, quod populus hic incredulus quasi deum adorabat. Columnam etiam statui, in qua cum grandi cruciatu sine ullo pedum stabam tegmine. Itaque cum hiemis tempus solitè aduenisset, ita rigore glaciali urebar, ut ungues pedum meorum sæpius vis rigoris excuteret, & in barbis meis aqua gelu cōnexa candelarum more dependeret. Magnam enim hiemem regio illa persæpe dicitur sustinere. Sed cum nos sollicitè interrogaremus, Quis ei cibus aut potus esset, vel qualiter simulacra montis illius subuertisset, ait, Potus cibisque meus erat, parum panis & oleris, ac modicum aquæ. Verum ubi ad me multitudo vicinarum villarum confluere cœpit, prædicabam iugiter, nihil esse Dianam, nihil simulacra, nihilque quæ eis videbatur exerceri cultura: indigna etiam esse ipsa quæ inter pocula luxuriisque profluas cantica proferebant: sed potius deo omnipotenti qui cælum fecit ac terram, dignum sit sacrificium laudis impendere. Orabam etiam sæpius, ut simulacro dominus diruto dignaretur populum ab hoc errore discutere. Flexit domini misericordia mentem rusticam, ut inclinaret aurem suam in verba oris mei, ut scilicet relictis idolis dominum sequeretur. Tunc conuocatis quibusdā ex eis, simulacrum hoc immensum quod elidere propria virtute non poteram, cum eorum adiutorio possem eruere: iam enim reliqua sigil-

lorum quæ faciliora fuerant, ipse confregeram. Conuenientibus autem multis ad hanc Dianæ statuam, missis funibus trahere cœperunt: sed nihil labor eorum proficere poterat. Tunc ego ad basilicam propero, prostratusq; solo, diuinā misericordiam cum lachrimis flagitabam, vt quia id humana industria euertere non valebat, virtus illud diuina destrueret. Egressusq; post orationem, ad operarios veni, adprehensumq; funē vt primo ictu trahere cœpimus, protinus simulacrum ruit in terrā, fractumque cum malleis ferreis in puluerem redegit: ipsa quoque hora, cum ad cibū capendum venissem, ita omne corpus meum à vertice vsque ad plantam pedis pusulis malis repletum est, vt locus quem vnus digitus tegeret, vacuus inueniri non posset: ingressusque basilicam, solus denudaui me coram sancto altario. Habebam enim ibi ampullam cum oleo plenam quā de sancti Martini basilica detulerā: ex qua propriis manibus omnes artus perunxi, moxq; sopori locatus sum: expergefactus verò circa medium noctis, cum ad cursum reddendū surgerē, ita corpus totū incolu-me reperi, ac si nullū super me vlcus apparuisset. Quæ vulnera nō aliter nisi per inuidiā inimici emissā cognoui: & quia semper ipse inuidus, deum quærētibus nocere conatur, aduenientibus episcopis qui me magis ad hoc cohortari debuerant, vt cœptum opus sagaciter

explicare deberē, dixerunt mihi, Nō est æqua hæc via quā sequeris, nec tu ignobilis Simeoni Antiocheno, qui columnæ insedit, poteris comparari. Sed nec cruciatū hunc te sustinere patitur loci positio. descende potius & cū fratribus quos adgregasti, tecū inhabita. Ad quorum verba, quia sacerdotes non obaudire, adscribitur crimini, descendebam fateor, & ambulabam cum eisdem, ac cibum pariter capiebam. Quadam verò die prouocans me episcopus, longius ad villam emisit operarios cum scutis & malleis ac securibus, & eliserunt columnam in qua stare solitus eram: in crastino autem veniens, inueni omnia dissipata, fleuīque vehementer: sed erigere nequiuī quæ destruxerant, ne dicerer cōtrarius iussionibus sacerdotum: & ex hoc sicut nunc habito cum fratribus, habitare contentus sum.

16 C V I cū de virtutibus beati Martini quas in eo loco operatus est, aliqua vt declararet exposcerem, hæc retulit: Franci cuiusdam & nobilissimi in gente sua viri filius mutus surdūsq; erat: adductūsq; à parentibus ad hæc basilicam, iussi eum cum diacono meo & alio ministro, intra ipsum templum sanctū in lectulo requiescere, & per diem quidē orationi vacabat: nocte autē in ipsa, vt diximus, æde dormiebat. quandoq; miserante deo apparuit mihi in visione beatus Martinus, dicens, Eiice agnū de basilica, quia iā sanus factus est. Mane

autem factò, cogitante me quod esset hoc somnium, venit ad me puer, & emittens vocem, gratias agere deo cœpit, cōuersusque ad me ait: Gratias ago deo omnipotenti, qui mihi & eloquium reddidit, & auditum. Ex hoc sanus redditus, ad domum rediit. Alius verò qui plerunque in furtis diuersisque sceleribus commixtus, peierare consueuerat, cùm aliquando à quibusdam pro furto argueretur, ait, Ibo ad basilicam beati Martini, & sacramentis me exuens, innocens reddar. Quo ingrediente elapsa securi de manu eius ad ostium ruit, graui cordis dolore perculsus: confessusque est miser verbis propriis quæ venerat excusare periuriis. Alius simili modo cùm de incendiis domus vicini sui argueretur, ait, Vadam ad templum sancti Martini, & fide data insons rediturus ero ab hoc crimine: manifestum erat enim hunc domum illam incendio concremasse. abiens autem ad sacramenta danda, conuersus ad eum, dixi ei, Quântum vicinorum tuorum dicat adfertio, nõ eris innocens ab hoc scelere: sed tamen deus vbique est, & virtus eius ipsa est forinsecus. Tamen si ita te vana fiducia cepit, quòd deus vel sancti eius in penuriis non vlciscantur, ecce tẽplum sanctum, econtra iura vt libet: nam calcare limen sacrum non permitteris. At ille eleuatis manibus ait, Per omnipotentem deum & virtutem beati Martini antistitis eius, quia hoc incen-

incēdium nō admisi: datis itaq; sacramentis, dum recederet, visum est ei quasi ab igne circū dari. Et statim ruens in terrā, clamare cœpit se à beato antistite vehementer exuri: aiebat enim miser, Testor deum, quia ego vidi ignem de cælo cadere, qui me circundans validis vaporibus conflat. Et dum hæc diceret, spiritum exhalauit. Multis hæc causa documentū fuit, ne in hoc loco auderent vltorius peierare. Plurima quidem de his virtutibus hic diaconus retulit, quæ sequi longum putauit.

- 17 DVM autem in loco illo commoraremur, vidimus per duas noctes signa in cælo, id est radios à parte aquilonis tam clarè splendidos, vt prius sic adparuisse non fuerint visi: & ab vtraque quidem parte, id est ab euro, & zephyro, nubes sanguineæ: tertia verò nocte quasi hora secunda, adparuerunt hi radij. Et ecce dum hos miraremur adtoniti, surrexerūt à quatuor plagis mundi alij horum similes, vix dimúsque totum cælum ab his operiri: & erat nubes in medio cæli splendida, ad quam se hi radij colligebant in modū tentorij, quod ab imo ex amplioribus incœptum fasciis angustatis in altum, in vnum cuculli caput sæpe colligitur. Erantque in medio radiorum & alix nubes ceu coruscum valide fulgurantes. Quod signum magnū nobis ingessit metum. Operiebamur enim super nos aliquam plagam de cælo transmitti.

18 CHILDEBERTVS verò rex compellentibus missis imperialibus, qui aurum quod anno superiore datum fuerat, requirebat, exercitum in Italiam dirigit. Sonus enim erat sororem suam Ingundem iam Constantinopolin fuisse translata. Sed cum duces inter se altercarentur, regressi sunt sine ullius lucri conquisitione. nam Vuinttio dux à pagensibus suis depulsus, ducatu caruit: finisset que vitam, nisi fuga auxilium præbuisset, sed postea pacato populo, ducatum recepit. Itaque Nicetius per emissionem Eulalij à comitatu Aruernò submotus, ducatum à rege expetiit, datis pro eo immensis muneribus. Et sic in vrbe Aruernæ Ruthenæ atque Vcetica dux ordinatus est, vir valde ætate iuuenis, sed acutus in sensu: fecitque pacem in regione Aruernæ, & in reliquis ordinationis suæ locis. Childericus verò Saxo in offensam regis Guntchramni incidens, pro causâ ob quâ superius diximus alios confugisse, beati Martini basilicam expetiit, vxorē in regno regis antedicti relinquens. Cui obtestatus fuerat rex, ne virū videre præsumeret, nisi prius ille regali gratiæ recõciliaretur: ad quem cum pro eo sæpius legationē misissemus, tandem obtinuimus, vt vxorē reciperet, & citra Ligerim fluuium commoraretur. non tamen ad regem Childebertū transire præsumeret. Sed ille accepta libertate recipiendæ vxoris, clam ad eum transit. Adeptaque ordi-

natione ducatus, in ciuitatibus vltra Garonná quæ in potestate supradicti regis habebátur, accessit. Guntchramnus verò rex volés regnú nepotis sui Chlotharij, filij scilicet Chilperici, regere, Theodulphũ Andegauis comitem esse decreuit: introductusque in vrbé à ciuibus & præsertim à Domigisilo, cū humilitate repulsus est. Recurrénsque ad regem, iterũ præceptum accipiés à Sigulfo duce intromissus, comitatum vrbis illius rexit: Gundobaldus auté comitatum Meldéssem super Guerpinum. ingressusque vrbem, causarum actionem agere cœpit. Exinde dum pagum vrbis in hoc officio circumiret, in quadam villa ab Guerpino interficitur. Cuius parentes congregati, super hunc inruunt, inclusumque in pensilem domum interimunt: sicque vterque à comitatu morte imminente discessit.

19 C V M autem sæpius Dagulfus abbas pro sceleribus suis argueretur, quia furta & homicidia plerunque faciebat, sed & in adulteriis nimium dissolutus erat, quodam tempore cū vxorem vicini sui concupiscens, misceretur cum ea, requirens occasiones diuersas, qualiter virum adulteræ intra monasterij huius septa deberet obprimere, ad extremum cōtestatus est ei dicens, quòd si ad vxoré suã accederet, puniretur. Illo quoq; discedēte ab hospitio suo, hic Dagulfus nocte cū vno clerico veniens, domũ meretricis ingreditur,

Postquam autem diutissime bibētes inebriati sunt, in vno strato locantur. Quibus dormiētibz adueniens vir ille accenso stramine, eleuata bipenne vtrunque peremit. Ideoque documentum sit hæc causa clericis, ne contra canonum statuta extranearum mulierum confortio potiantur, cum hæc & ipsa lex canonica & omnes scripturæ sanctæ prohibeāt: præter hæc sœminas de quibus crimen non potest æstimari.

- 20 **I N T E R I M** dies placiti aduenit, & episcopi ex iussu regis Gúthramni apud Martescensem urbē collecti sunt. Faustianus autem qui ex iussu Gundobaldi, Aquensis vrbis episcopus ordinatus fuerat, ea conditione remouetur, vt eū Bertchramnus Orestésque siue Palladius qui eum benedixerant, vicibus pascerent, cētenosq; ei aureos annis singulis ministrarēt. Nicetius tamen ex laico qui prius ab Chilperico rege præceptū elicuerat, in ipsa vrbis episcopatu adeptus est. Vrsicinus Cadurcensis episcopus excōmunicatur, pro eo q̄ Gundobaldum excepisse publicè est cōfessus: accepto huiusmodi placito, vt pœnitētiā tribus annis agens, neque capillū, neque barbam rōderet, vino & carnibus abstineret, missas celebrare, clericos ordinare, ecclesiāsque & christi benedicere, eulogias dare penitus non auderet: vtilitas tamen ecclesiæ per eius ordinationem, sicut solita erat omnino exerceretur.

extitit enim in hac synodo quidam ex episcopis,  
 qui dicebat mulierem, hominem non posse vo-  
 citari. Sed tamen ab episcopis ratione accepta  
 quieuit: eo quod sacer veteris testamenti liber  
 edoceat, quod in principio deo hominem crea-  
 te ait, Masculum & feminam creauit eos: vo-  
 cavitque, nomen eorum, Adam, quod est homo  
 terrenus: sic utique vocans mulierem, ceu vi-  
 rum: utrunque enim hominem dixit. Sed &  
 dominus Iesus Christus ob hoc vocatur fi-  
 lius hominis, quod sit filius virginis, id est mu-  
 lieris. Ad quam cum aquas in vina transferre  
 pararet, ait, Quid mihi & tibi est mulier? & re-  
 liqua. Multisque & aliis testimoniis haec causa  
 conuicta quieuit. Praetextatus vero Rotho-  
 magensis episcopus, orationes quas in exilio  
 positus scalpserat, coram episcopis recitauit. Quae  
 quibusdam quidem placuerant, a quibusdam  
 vero, quia artem secutus minime fuerat, re-  
 prehendebantur. Stylus tamen per loca eccle-  
 siasticus & rationabilis erat. Caedes autem  
 magna tunc inter famulos Priscii episcopi &  
 Leudegisili ducis fuit. Priscus tamen episco-  
 pus ad coemendam pacem multum pecu-  
 niae obtulit. His etiam diebus Guntchta-  
 mnus rex grauiter aegrotauit, ita ut putaretur  
 a quibusdam non posse prorsus euadere: quod  
 credo prouidentia dei fuisset. Cogitabat enim  
 multos episcoporum exilio detrudere. Theo-  
 dorus itaque episcopus, ad urbem suam re-

gressus, fauente omni populo cum laude susceptus est.

21 **ITAQVE** cùm hæc synodus ageretur, Childebertus rex apud Belfonancum villam, quæ in medio Ardoennensis silvæ sita est, cum suis coniungitur. Ibique Brunichildis regina pro Ingunde filia quæ adhuc in Africa tenebatur, omnibus prioribus quæstæ est: sed parû consolationis emeruit. Tunc contra Bosonem Guntchramnum causa exoritur. Ante paucos autem dies mortua propinqua vxoris eius sine filiis, in basilica vrbs Metensis sepulta est cum grandibus ornamentis & multo auro. Factum est autem, vt post dies paucos adesset festiuitas beati Remigij, quæ in initio mensis octobris celebratur: descendentibus autem multis è ciuitate cum episcopo, & præsertim senioribus vrbs cum duce, venerunt pueri Bosonis Guntchramni ad Basilicam, in qua mulier erat sepulta. Ingressi, conclusis super eos ostiis, detexerunt sepulchrum, tollentes, auferentes omnia ornamenta corporis defuncti quæ reperire potuerunt. Sentientes autem hæc monachi basilicæ illius, venerunt ad ostiû, sed ingredi non sunt permisi. Quod videtes, nunciauerunt hæc episcopo suo ac duci. Interea pueri acceptis rebus ascensisque equis, fugere cœperunt: sed timentes ne adprehensi in via diuersis, subigerentur pœnis, regressi sunt ad basilicam. Posueruntque quidem

res super altarium, sed foras egredi non sunt ausi, clamantes atque dicentes, Quia à Guntchramno Bosone transmissi sumus. Sed cum ad placitum in villam quam diximus, Childebertus cum proceribus suis conuenisset, & Guntchramnus de his interpellatus, nullum responsum dedisset, clam aufugit. Ablataeque sunt ei deinceps omnes res quae in Aruerno de fisci munere promeruerat. Sed & diuerforum res quas male peruaserat, cum confusione reliquit.

- 22 LABAN Helosensis episcopus, hoc anno obiit. Cui Desiderius ex laico successit. Cum iureiurando enim rex pollicitus fuerat, se nunquam ex laicis episcopum ordinaturum. Sed quid pectora humana non cogat auri sacra fames? Bertchramnus vero regressus ex synodo, à febre corripitur. Arcessitoque Vualdone diacono, qui & ipse in baptismo Bertchramnus vocitatus est, summam ei sacerdotij deputat: omnesque conditiones tam testamenti quam benemeritorum suorum ipsi committit. Quo discedente, hic spiritum exhalauit. Regressus diaconus cum muneribus & consensu ciuium ad regem properat, sed nihil obtinuit. Tunc rex data praecipione, iussit Gundegisilum Sanctonicum comitem cognomento Dodonem, episcopum ordinari: gestumque est ita. Et quia multi clericorum Sanctonicorum ante synodum consentientes Bertchramno epi-

scopo, in Palladium sacerdotem suum aliqua aduersa conscripserant, quæ ei humilitatem ingererent, post eius obitum adprehensi à sacerdote, grauius cæsi, atque expoliati sunt. Hoc tempore & Vuandelinus nutritor Childeberti regis, obiit: sed in locum eius nullus est subrogatus, eo quòd regina mater curam velit propriam habere de filio. Quæcunque de fisco meruit, fisci iuribus sunt relata. Obit his diebus Bodegisilus dux plenus dierum, sed nihil de facultate eius filiis minutum est. In locum Fausti Auscensis episcopi, Fabius episcopus est subrogatus. Post obitum sancti Saluij hoc anno, Desideratus Albigenfisibus episcopus datus est.

23 MAGNÆ hoc anno pluuiæ fuerunt, amensque intantum conualuerunt, ut plerunque naufragia euenirēt. Ipsique litora excedētes, propinquas segetes ac prata operientes, grauius eliserunt: fueruntque vernales æstiuque menses tam inrigui, ut hiems magis putaretur esse quàm æstas.

24 DVÆ hoc anno insulæ in mari diuinitus incēdio cōcrematae sunt: quæ per dies septem cum hominibus pecoribusque consumptæ subuertebantur. Nā qui in mare confugerant, & se in profundum præcipitarant, aqua consumebantur, grauiorūque supplicio qui non cōfestim emittebant spiritū, vrebantur. Redactisque omnibus in fauillā, cuncta mare operuit.

Ferebāt etiā multi, signa quæ superius nos vidisse octauo mense narrauimus, quasi arderet cælum, ex huius incendij splendore fuisse.

25 IN alia verò insula quæ est proxima ciuitati Veneticæ, erat stagnum validum, piscibusque refertum, quod in vnus vlnæ altitudinem cōuersum est in cruorem: ita per dies multos cōgregata canum atq; auium inestimabilis multitudo, sanguinem hunc lambens, fatiata redibat in vesperum.

26 TVRONICIS verò atque Pictauis Ennodius dux datus est. Berulfus autem qui his ciuitatibus ante præfuerat, pro thesauris Sygiberti regis, quos clam abstulerat, cum Aruegisilo socio suspectus habebatur. Qui cum hunc ducatum in supradictis vrbibus expeteret, à Rauchingo duce factò instrumēto cum satellite alligatur. Nec mora, missi ad domos eorum pueri expillant omnia, multa ibi de proprio, nonnulla de antedictis thesauris sunt reperta: quæ omnia ad Childebertum regem delata sunt. Cùmque in hoc res ageretur, vt gladius ceruicem decideret, interuentu episcoporum obtenta vita laxati sunt, nihil tamen de his quæ eis ablata fuerant, recipientes.

27 DESIDERIVS verò dux cum aliquibus episcopis, & Aredio abbate, & Antestio ad regem Guntchramnū properauit. Sed cùm eum rex ægre vellet accipere, victus precibus sacerdotum in gratiam suam recepit. Tunc ibi

Eulalius adfuit quasi pro cōiuge quę cum spreuerat, & ad Desiderium trāsierat caufaturus: sed in ridiculum & humilitatem redactus, siluit. Desiderius verò remuneratus à rege, cū gratia est reuersus.

- 28 I G I T V R vt superius diximus, Ingundis à viro cum imperatoris exercitu derelicta, dum ad ipsum principem cum filio paruulo duce-retur, in Africa defuncta est & sepulta. Leu- uichildus verò Herminichildum filium suū, quem ante dicta mulier habuit, morti tradi- dit. Quibus de causis commotus Guntchra- mnus rex, exercitū in Hispanias destinat, scilicet, vt prius Septimaniam quę adhuc intra Galliarum terminum habet, eius domina- tioni subderent: & sic inantea profiscisce- rentur. Dum autem hic exercitus mouere- tur, indiculum à nescio quibusdam homi- nibus rusticis est reperiunt. Quod & Gunt- chramno regi legendum miserunt hoc mo- do, quasi Leuichildus ad Fredegundem scri- beret, vt quocunque ingenio exercitum il- luc prohiberet ire dicens, Inimicos nostros, id est Childebertum & matrē eius, velociter in- terimite, & cū rege Guntchramno pacē inite, quam prēmiiis multis coemite. Et si vobis mi- nus est fortassis pecunię, nos clam mittimus: tantum, vt quod petimus impleatis. Cum au- tem de inimicis nostris vlti fuerimus, tunc A melio episcopo, ac Leubę matronę bona tri-

buite. per quos missis nostris ad vos acceden-  
di aditus referatur. Leuba enim est socrus Bla-  
dastis ducis.

- 29 ET licet hæc ad Guntchramnum regē per-  
lata, & nepoti eius Childeberto in notitiã da-  
ta fuissent, tamen Fredegundis duos cultros  
ferreos fieri præcepit: quos etiã caraxari pro-  
fundius, & veneno infici iusserat, scilicet si  
mortalis adfultus vitales nõ dissolueret fibras,  
vel ipsa veneni infectio vitam posset velocius  
extorquere. Quos cultros duobus clericis cū  
his mandatis tradidit, dicens, Accipite hos  
gladios, & quantocyus pergite ad Childe-  
bertum regē adsimulantes vos esse mendicos:  
cūmq; pedibus eius fueritis strati, quasi sti-  
pem postulantes, latera eius vtraque perfodi-  
te, vt tandem Brunichildis, quæ ab illo adro-  
gantiam sumit, eo cadente conruat, mihi que  
subdatur. Quòd si tanta est custodia circa pue-  
rum, vt accedere nequeatis, vel ipsam interi-  
mite inimicã. Merces quoq; operis vestri hæc  
erit, vt si mortui in hoc opere fueritis, parenti-  
bus vestris bona tribuam, ipsosque muneri-  
bus ditans, primos in regno meo consti-  
tuam: interim vos timorem omnem omittri-  
te, nec sit trepidatio mortis in pectore. Nou-  
eritis enim, quòd cunctos homines hæc causa  
cõtinet. Armate virilitate animos, & confide-  
rate sæpius fortes viros in bello cõruere: vnde

nunc parentes eorum nobiles effecti, opibus immensis cunctis supererminent, cunctosque præcellunt. Cùmque hæc mulier loqueretur, clerici tremere cœperunt, difficile putantes hæc iussa posse complere. At illa dubios cernens, medicatos potione direxit quo ire præcepit: statimque robur animorum adcreuit: promiseruntque se omnia quæ præceperat impleturos. Nihilominus vasculum hac potione repletum, ipsos leuare iubet, dicens, In die illa cum hæc quæ præcipio facitis, mane priusquam opus incipiatur, hinc potum sumite. Erit vobis magna constantia ad hæc peragenda. His ita instructis dimisit eos: qui pergentes & ad urbem Sueffionas accedentes, à Rauchingo duce capti, discussique omnia referant, & sic in carcerem relegati sunt. Post dies verò paucos Fredegundis, certa iam quòd fuissent impleta quæ fuerant imperata, misit puerum inquirere, quid aut rumor populi ferret, aut si aliquem inueniret indicantem, qui diceret Childebertum iam interemptum fuisse. Egredus igitur puer ab ea, Sueffionas urbem venit. audiens denique hos in carcerem retineri, ad ostium adpropinquat. Sed cùm loqui satellitibus cœpisset, & ipse captus, custodię mancipatur. Tunc omnes simul ad Childebertum regem directi sunt: discussique veritatem aperiant, indicantes se à Fredegunde missos ad eum interimendum, dicentes: iussa reginæ susce-

pimus, vt nos egenos ad simularemus, cūmq; pedibus tuis prouoluti aliquid stipendij quæreremus, ab his te gladiis transfodere voluimus. Quòd si adsultu segniore gladius defixus esset, ipsum venenum quo ferrum erat infectū animam velociter penetraret. Hæc his dicētib; diuersis suppliciis adfecti, truncatis manibus aurib;que & naribus, variis sunt mortibus interempti.

30 IGITUR Guntchramnus rex commoueri exercitum in Hispanias præcepit, dicens, Prius Septimaniam prouinciam ditioni nostræ subdite: quæ Galliis est propinqua. Indignum est, vt horrendorum Gothorum terminus vsque in Gallias sit extensus. Tunc commoto omni exercitu regni sui, illuc dirigit. Gêtes verò quæ ultra Ararim Rhodanūmq; & Sequanam commanebant, cum Burgundionibus iunctæ, Ararica Rhodaniticæque litora, tam de fructibus, quàm de pecoribus valde depopulati sunt. Multa homicidia, incendia, prædæque in regione propria facientes, sed & ecclesias denudantes, clericos ipsos cum sacerdotib; ac reliquo populo ad ipsas sacratas deo aras interimētes, vsque ad urbem Nemausum processerunt. Similiter & Biturici, Sanctonici cum Petragoricis, Engolismensibus, & reliquarum urbium populo, qui tunc ad antedicti regis imperium pertinebāt, vsque ad Carcaſonam urbē deuecti, similia mala gesserunt.

Sed cum ad urbem accessissent, referatis spōte ab habitatoribus portis, nullo resistēte ingressi, nescio quo cum Carcaſonenſibus scandalo commoto, urbem egressi sunt. Tunc Terētius comes quondam urbis Lemouicinæ, lapide de muro proiecto percussus, occubuit. Cuius caput truncatū est ad vindictam aduersariorum, & vrbi delatum est. Ex hoc omnis populus timore perterritus, ad propria regredi destinans, vniuersa reliquit, quæ vel per viam cœperat, vel quæ secū adduxerat. Sed & Gothi per occultas insidias multis de his spoliatis interemerunt: ex in Tholosanorum manus incidentes, quibus dum pergerēt, multa intulerant mala, spoliati ac cæsi vix propria cōtingere potuerūt. Hi verò qui Nemausum adgressi fuerant, deuastantes vniuersa regionis, succēsis domibus, incēsis segetibus, discissis oliuetis, vinctisque succis, nihil inclusis nocere potentes, ad alias vrbes progressi sunt. Erāt enim valde munitę, & de cibis ac reliquis necessariis ad plenē refertę, & horum urbana depopulantes, vrbes minus inrumpere valuerunt. Tunc & Nicetius dux cum Aruernis in hac expeditione commotus, cum reliquis vrbes adſedit. Sed cum minus valeret, ad castrum quoddam peruenit: datęque fide, spōte inclusi referantes portas, eos creduli tanquam pacificos susceperunt. Illi verò ingressi, postposito sacramento præsidia cuncta diripiunt, animas in

captiuitatem subdentes. Tunc accepto consilio, vnusquisq; ad propria est regressus. Tan-  
tâque per viam scelera, homicidia, prædas, di-  
reptiones per regionem propriam gesserunt,  
vt ea vsquequaque memorari per longum sit.  
Veruntamen quia segetes prouinciæ igni ab  
hisdem succensas dicimus, fame atque inedia  
pereuntes, per viam relinquebâtur exanimés,  
nonnulli in fluminibus demersi, plerique in  
seditionibus interempti sunt. Ferebant enim  
amplius quàm quinque milia in his stragibus  
fuisse peremptos. Sed non eos qui remanse-  
rant, coercebat aliorum interitus. Tunc & Aruer-  
næ regionis ecclesiæ quæ viæ publicæ propin-  
quæ erât, à ministeriis denudatæ sunt. Nec fuit  
terminus male faciendi, nisi cum ad propria  
singuli peruenierunt. Quibus reuersis, magna  
Guntchramnû regem amaritudo cordis obse-  
dit. Duces verò supradicti exercitus ad basi-  
licam sancti Symphoriani martyris expetie-  
runt. Veniente itaque rege ad eius solennita-  
tem, representati sunt sub conditione audien-  
tiæ in postmodum futuræ. Postea verò qua-  
tuor conuocatis episcopis, necnon & maiori-  
bus natu laicorum, duces discutere cœpit dicēs,  
Qualiter nos hoc tēpore victoriâ obtinere pos-  
sumus, qui ea quæ patres nostri cōsecuti sunt,  
non custodimus, illi verò ecclesias ædificâtes,  
in deum spem omnem ponentes, martyres

honorantes, sacerdotes venerantes, victorias obtinuerunt, gentésque aduersas diuino opitulante adiutorio, in ense & parma sæpius subdiderunt. Nos verò non solum deum non metuimus, verumetiam sacra eius vastamus, ministros interficimus, ipsa quoque sanctorum pignera in ridiculo discerpimus, ac vastamus. Non enim potest obtineri victoria, vbi talia p̄pertrantur. Ideo manus nostræ sunt inualidæ, ensis tepefcit, nec clypeus nos vt erat solitus defendit ac protegit. Ergo si hoc meæ culpæ adscribitur, iam id deus capiti meo restituat. Certe si vos regalia iussa contemnitis, & ea quæ præcipio implere differtis, iam debet securis capiti vestro submergi. Erit enim documentum omni exercitui, cum vnus de prioribus fuerit interfectus: veruntamen iam experiri debemus quid agi oporteat. Si quis iustitiam sequi destinat, iam sequatur. Si quis contemnit, iam ultio publica ceruici eius imminet. Satius est enim vt pauci cõtumaces pe-reant, quàm ira dei super omnem regionem dependat innoxiam. Hæc rege dicente, responderunt duces, Bonitatis tuæ magnanimitas rex optime, enarrari facile non potest: qui timor tibi in deum sit, qui amor in ecclesias, quæ reuerentia in sacerdotes, quæ pietas in pauperes, quæ ue dispensatio in egenos: sed quia omnia quæ gloria vestra profert, recta veraque esse censentur, quid faciemus quòd populus  
omnis

omnis in vitium est dilapsus? Omnemque hominem agere quæ sunt iniqua delectat, nullus regem metuit, nullus ducem, nullus comitem reueretur: & si fortassis alicui ista displicent, & ea pro longeuitate vitæ vestræ emendare conatur, statim seditio in populo, statim tumultus exoritur, & intantum vnusquisque contra seniore[m] sæua intentione grassatur, vt vix se credat euadere, si tandem silere nequiverit. Ad hæc rex ait, Si quis sequitur iustitiã, viuat: si quis legem mandatumque nostrum respuit, iam pereat, ne nos diutius hoc blasphemium prosequatur. Hæc eo dicente, aduenit nuncius dicens, Richardus filius Leuieldi de Hispaniis egressus, Caput arietis castra obtinuit, & ex pago Tholosano maximam partem depopulatus est, hominesque captiuos abduxit: Vgernum Arelatense castrum intrupit, resque cunctas cum hominibus abstulit, & sic se intra muros Nemausensis urbis inclusit. Hæc audiens rex, Leudegisilum in locum Calumniosi cognomento Ægilanis, ducem deligens, omnem et prouinciam Arelatensem commisit, custodisque per terminos super quatuor virorum milia conlocavit. Sed & Nicetius Aruernorum dux similiter cum custodibus perrexit, & fines regionis ambiuit.

31 DVM hæc agerentur, & Fredegundis apud Rothomagensis urbem commoraretur, verba amaritudinis cum Prætextato pontifice

habuit, dicens, Venturum esse tempus quādo exilia in quibus detentus fuerat, reuiferet. Et ille, Ego semper & in exilio, & extra exilium episcopus fui, sum, & ero. nam tu non semper regali potentia perfrueris. Nos ab exilio prouehimur tribuente deo in regnum: tu verò ab hoc regno demergeris in abyssum. Rectius enim erat tibi, vt relicta stultitia atque malitia, iam te ad meliora conuerteres, & ab hac iactantia, qua semper ferues, abstrahéris, vt & tu vitam adipiscereres æternam, & paruulum quem genuisti, adducere ad legitimam posses ætatem. Hæc effatus, cum verba illius mulier grauitè acciperet, se à conspectu eius felle feruens abstraxit. Adueniente autem dominicæ Resurrectionis die, cum sacerdos ad implenda ecclesiastica officia, ad ecclesiã maturius properasset, antiphonas iuxta consuetudinem incipere per ordinem cœpit. Cúmque inter psallendum formulæ decumberet, crudelis adfuit homicida, qui episcopum super formulam quiescentem, extracto baltei cultro, sub ascella percutit. Ille verò vocem emittens, vt clerici qui aderant adiuuarent, nullius auxilio de tantis adstantibus est adiutus. At ille plenas sanguine manus super altarium extendens, orationem fundens, & deo gratias agens, in cubiculum suum inter manus fidelium deportatus, & in suum lectulum collocatus est. Statimque Fredegundis cum Bep-

poleno duce & Anfoaldo adfuit, dicēs, Non oportuerat hæc nobis ac reliquæ plebi tuæ, ô sancte sacerdos, vt ista tuo cultui euenirent. Sed vtinam indicaretur qui talia ausus est perpetrare, vt digna pro hoc scelere supplicia sustineret. Sciens autem eam sacerdos hæc dolose proferre, ait, Et quis hæc fecit? nisi is qui reges interemit, qui sæpius sanguinem innocentem effudit, qui diuersa in hoc regno mala commisit: Respondit mulier, Sunt apud nos peritissimi medici, qui huic vulneri mederi possint. Permite, vt accedant ad te. Et ille, Iam inquit, me deus præcipit de hoc mundo vocari. nam tu quæ his sceleribus princeps inuenta es, eris maledicta in seculo, & erit deus ultor sanguinis mei de capite tuo. Cùmque illa discederet, pontifex ordinata domo sua, spiritum exhalauit. Ad quem sepeliendum Romacharius Constantinæ vrbis episcopus aduenit. Magnus tunc omnes Rothomagenses ciues, & præsertim seniores loci illius Francos, mæror obsedit. Ex quibus vnus senior ad Fredegundem veniens, ait, Multa enim mala in hoc seculo perpetrasti, sed adhuc peius non feceras, quam vt sacerdotem dei iuberet interfici: sit deus ultor sanguinis innocentis velociter. nam & omnes erimus inquisitores mali huius, vt tibi diutius non li-

ceat tam crudelia exercere . Cum autem  
 hæc dicens, discederet à conspectu reginæ, mi-  
 sit illa qui eum ad cõuiuium prouocaret. Quo  
 renuente , rogat vt si conuiuium eius vti non  
 velit, saltem vel poculum hauriat, ne ieiunus  
 à regali domo discedat. Quo expectante, ac-  
 cepto poculo , bibit absinthium cum vino &  
 melle mixtum, vt mos barbarorum habet: sed  
 hic potus veneno imbutus erat. Statim autem  
 vt bibit, sensit pectori suo dolorem validum  
 imminere : & quasi si incidereetur intrinse-  
 cus, exclamat suis dicens, Fugite ô miseri,  
 fugite malum hoc, ne mecum pariter peri-  
 mamini. Illis quoque non bibentibus, sed fe-  
 stinantibus abire, ille protinus excæcatus, a-  
 scēsoque equo in tertio ab hoc loco stadio ce-  
 cidit, & mortuus est. Posthæc Leudoualdus  
 episcopus epistolas per omnes sacerdotes di-  
 rexit, & accepto consilio ecclesias Rothoma-  
 genses clausit, vt in his populus solennia diui-  
 na non spectaret, donec indagatione com-  
 muni reperiretur huius auctor sceleris. Sed  
 & aliquos adprehendit, quibus supplicio sub-  
 ditis, veritatem extorsit, qualiter per consi-  
 lium Fredegundis hæc acta fuerant : sed ea  
 defensante, vlcisci non potuit: ferebant etiam  
 ad ipsum percussores venisse, pro eo quòd hæc  
 inquirere sagaciter destinaret : sed custodia  
 vallato suorum, nihil ei nocere potuerunt. Ita-  
 que cum hæc ad Guntchramnum regem per-

lata fuissent, & crimen super mulierem iaceretur, misit tres episcopos ad filium qui esse dicitur Chilperici, quem superius Chlotharium scripsimus vocitatum, id est Artkemium Senonicum, Veranum Cabillonensem, & Agrecium Tricassinum, ut scilicet cum his qui paruulum nutriebant, perquirerent huius sceleris personam, & in conspectu eius exhiberent. Quod cum sacerdotes locuti fuissent, responderunt seniores, Nobis prorsus hæc facta displicent, & magis ac magis ea cupimus vlcisci. nam non potest fieri ut si quis inter nos culpabilis inuenitur, in conspectum regis vestri deducatur, cum nos possimus nostrorū facinora regali sanctione comprimere. Tunc sacerdotes dixerunt, Noueritis enim, quia si persona quæ hæc perpetravit, in medio posita non fuerit, rex noster cum exercitu huc veniens, omnem hanc regionem gladio incendiōque vastabit: quia manifestum est hanc interfecisse gladio episcopum, qui maleficiis Francum iussit interfici: & his dictis discesserunt, nullum rationabile responsum accipiētes, obtestantes omnino ut nunquam in ecclesia illa Melantius qui prius in loco Prætextati subrogatus fuerat, sacerdotis fungeretur officio.

32 **MULTA** enim hoc tempore mala gesta sunt. nam Domnola relicta quondam Burgolini, quæ fuit filia Victorij Redonensis episcopi, quam Nectarius matrimonio copulauerat,

intentionem de vineis cum Boboleno referendario Fredegundis habebat. Audiens eam in has vineas aduenisse, misit nuncios obstantes, ne ingredi penitus in hanc possessionem præsumeret. Quod illa despiciens, & res patris sui fuisse proclamans, ingressa est. Tunc ille commota seditione, super eam cum armatis viris inruit. Qua interfecta, vineas vindemiauit, resque diripuit: & tam viros quàm mulieres qui cum ea erant, interfecit gladio, nec remansit ex his nisi qui fuga labi potuit.

33 EXTITIT autem in his diebus apud urbem Parisiacam mulier quæ diceret incolis, Fugite ab vrbe, & scitote eam incendio concremandam. Quæ cum à multis inrideretur, quòd hæc aut sortium præfagio diceret, aut vana aliqua somniasset, aut certe dæmonij meridiani hæc instinctu proferret, respondit, Nequaquam est ita vt dicitis. nam in veritate loquor, quia vidi per somnium à basilica sancti Vincentij venientem virum inluminatum, tenentem manu cereum, & domos negociantium ex ordine succendentem. Denique post tertiam noctem, quòd hæc mulier est effata, inchoante crepusculo, quidam è ciuibus accenso lumine, in promptuariū est ingressus: adsumptoque eo ac cæteris quæ necessaria erant, abscessit, lumine secus cupellam olei derelicto. Erat enim domus hæc prima secus portam quæ ad medium diem pan-

dit egressum . Ex quo lumine adprehensa domus incendio concrematur , de qua & altæ adprehendi cœperunt . Tunc diruente igne super vinctos carceris, adparuit eis beatus Germanus , & cominuens trabem atque catenas, quibus vincti tenebantur, referato carceris ostio, vinctos abire permisit incolumes. Illi vero egressi se ad basilicam sancti Vincentij , in qua sepulchrum habetur beati antistitis contulerunt. Igitur cum per totam ciuitatem huc atque illuc flante vento flamma ferretur , totisque viribus regnaret incendium, adpropinquare ad aliam portã cœpit, in qua beati Martini oratoriũ habebatur: quod ob hoc aliquando factum fuerat, eo quòd isti lepram maculosi hominis osculo depulisset . Vir autem qui eum intextis virgultis in sublime construxerat , confusus in domino , nec de beati Martini virtute diffusus , se resque suas intra eius parietes ambiuit, dicens, Credo enim & fides mea est, quòd repellat ab hoc loco incēdium , qui sæpius incendiis imperauit : & in hoc loco leprosi hominis cutem osculo medente purgauit. Adpropinquante enim illuc incendio , ferebantur validi globi flammaram qui percutientes parietem oratorij, protinus tepescebant . Clamabat autem populus viro ac mulieri , Fugite ô miseri vt euadere possitis : ecce iam ignium pondus super vos diruit : ecce fauillæ incendij cum carbonibus,

tanquam validus imber ad vos vsque distenditur: egredimini ab oratorio, ne cum eodem incendio concremimini. At illi orationem fundentes, nunquam ab his vocibus mouebantur. Sed nec mulier se vnquam à fenestra per quam interdum flammæ ingrediebantur, amouit, quæ erat spe firmissima de virtute beati antistitis præmunita. Tantæque fuit virtus beati pontificis, vt non solum hoc oratorium cum alumni proprij domo saluaret, verum etiam nec aliis domibus quæ in circuitu erant, nocere flammis dominantibus permisisset: ibique cecidit incendium, quod ab vna parte pontis cæperat desæuire. Ab alia verò parte tam valide cuncta conflagrauit, vt annis finem imponeret. veruntamen ecclesiæ cum domibus suis non sunt adustæ. aiebant enim hanc urbem quasi consecratam fuisse antiquitus, vt non ibi incendium præualeret, non serpens, non glis adparuisset. Nuper autem cum cuniculus pōtis emundaretur, & cænum de quo repletū fuerat, auferretur, serpentem, glirémq; æreum repererūt. Quibus ablatis, & glires ibi deinceps extra numerū, & serpentes adparuerūt, & postea incēdia perferre cæpit.

34

ET quia princeps tenebrarum mille habet artes nocendi, quid de reclusis ac deo deuotis nuper gestum fuerit, pandam. Vennocus Britto presbyterij honore præditus, cuius in alio libro meminimus, tantæ se abstinentiæ

dedicauit, vt indumento de pellibus tantum  
 utoreretur, cibum de herbis agrestibus incoctis  
 sumeret : vini verò tantum vas ad os poneret,  
 quod magis putaretur libare osculoquàm hau-  
 rere. Sed cùm eidem deuotorum largitas fre-  
 quenter exhiberet vasa hoc plena liquore, di-  
 dicit quod peius est, extra modum haurire, &  
 intantum dissolui potione, vt plerùque ebrius  
 cerneretur : vnde factum est, vt inualecente  
 remulencia, tempore procedente à dæmonio  
 correptus, per energiam vexaretur, intantum  
 vt accepto cultro, vel quodcunque genus te-  
 li, vel lapidem, aut fustem potuisset adripere,  
 post homines insano furore discurreret: vnde  
 necessitas exegit, vt catenis vinctus, custodi-  
 retur in cellula. in hac quoque dånatione per  
 duorum annorum spacia debacchãs, spiritum  
 exhalauit. Alius quoque Anatolius Burde-  
 galensis, puer vt ferunt annorum duodecim,  
 cùm esset famulus cuiusdam negociatoris, pe-  
 tit sibi ad reclusionem licentiam tribui. Sed  
 resistente diu domino, putãs eum in hoc tepe  
 scere, atque implere non posse in hac ætate  
 quod nitebatur adpetere, tandem victus pre-  
 cibus famuli facultatem tribuit, vt id quod fla-  
 gitabat impleret. Erat autem ibi crypta ab an-  
 tiquis transuoluto elegantique opere exposi-  
 ta, in cuius angulo erat cellula parua de qua-  
 dratis lapidibus clausa, in quã vix vnus stans  
 homo recipi posset. In hanc cellulam puer in-

greditur : in hac per octo aut eo amplius annos commoratus, tenui cibo potíque contentus, vigiliis orationibúsq; vacabat. Post hæc pauorem validum perpeſſus, clamare cœpit, intrinſecus ſe torqueri. Vnde factum eſt, vt adiuuante eum, vt credo, diabolicę partis militia, amotis quadris quibus concludus tenebatur, elideret parietem in terram, conlidens palmas, & clamás ſe à ſanctis dei peruri. Cúm que diutiſſime in hac inſania teneretur, & ſancti Martini crebrius conſiteretur nomen, ac diceret ſe potius ab eo quàm à ſanctis aliis cruciari, Turonos adducitur. Sed malus ſpiritus, credo, ob virtutem atque magnitudinem ſancti compreſſus, nequaquam hominem mutilauit. Nam in loco ipſo per anni curriculum degens, cùm nihil mali pateretur, regreſſus eſt : ſed ruruſus quibus caruerat, incurrit.

35 **LEGATI** de Hiſpaniis ad regem Guntchramnum venerunt cum multis muneribus pacem petentes, ſed nihil certi accipiunt in reſponſis. nam anno præterito cùm exercitus Septimaniam debelláſſet, naues quæ de Galliciis in Galliciam abierant, ex iuſſu Leuuelidi regis vaſtatæ ſunt, res ablata, homines caſi atque interfecti, nõnulli captiui abducti ſunt. Ex quibus pauci quodammodo ſcaphis erepti, patriæ quæ acta fuerant nunciauerunt.

36 **IGITUR** apud Childebertum regem Magnoualdus cauſis occultis ex iuſſu regis

interficitur hoc modo : Stante intra Metensis vrbis palatium rege, & ludū spectante, qualiter animal caterua canum circumdatum fatigabatur, Magnoualdus arcessitur. Qui veniens & nesciens quæ agenda erant, cum reliquis dissolutus risu, prospicere pecudem cœpit. At is cui iussum fuerat, cum videret eum spectaculo intentum, librata securi, caput eius inlisset. Qui cecidit & mortuus est, ac per fenestram domus proiectus, à suis sepultus est : resque eius protinus direptæ, & ærario publico quantum repertum est, sunt inlatæ. Autumabant tamen quidam, eo quod post mortem fratris diuersis plagis coniugem adfectam interfecisset, & vxorem fratris adscisseret toro, extitisse causam qua interimeretur.

37 POST hæc Childeberto regi filius natus est, qui à Magnerico Treuerorum episcopo de sacro fonte susceptus, Theodobertus est vocitatus : de quo tantum gaudium Guntchramnus rex habuit, vt statim legatos dirigens, multa ei munera transmitteret, dicens, Per hunc enim deus erigere Francorum regnum propria maiestatis suæ pietate dignabitur, si huic pater, aut ipse vixerit patri.

38 ANNO denique vndecimo regni Childeberti regis, legati iterū de Hispaniis venerunt, pacem petentes : sed nihil certi obtinentes, regressi sunt. Richaredus autē filius Leu-

uieldi vsque Narbonam venit, & intra terminum Galliarum prædas egit, & clam regressus est.

- 39 E O anno multi episcoporum obierunt. Badegifilus verò Cœnománorum episcopus, vir valde sæuus in populo, auferens siue diripiens iniustè res diuerforum: ad cuius animũ acerbum atque immitem coniunx accesserat sèuior, quæ illum in committendis sceleribus, nequissimis consilii stimulis perurgebat. Nec præteribat dies aut momentum vllum, in quo non aut in spoliis ciuium, aut in diuersis altercationibus grassaretur. Quotidie autem cum iudiciis causas discutere, militias seculares exercere, sæuire in altos, alios cædibus agere non cessabat, manibus etiam propriis verberare progrediebatur multos, ac dicere, Num ideo quia clericus factus sum, vltor iniuriarũ mearum non ero? Sed quid dicam de cæteris, cum nec ipsis quoque germanis parceret, sed ipsos magis expoliaret. Cum quo nunquã iustitiam de rebus paternis maternisve adsequi potuerunt. Quinto autem anno episcopatus sui expleto, cum iam sextum ingrediens, epulum ciuibus cum immensa læticia præparasset, à febre correptus annum quem cœperat protinus morte imminente finiuit. In cuius locum Bertchramnus Parisiacus archidiaconus subrogatus est. Qui multas altercationes cum relicta illius defuncti habuisse pro-

batur, eo quòd res quæ tempore Badegisili episcopi ecclesiæ datæ fuerant, tanquam proprias retinebat, dicens, Militia hæc fuit viri mei: & licet inuita, tamen cuncta restituit. erat enim ineffabili malitia. nam sæpius viris omnia pudenda cum ipsis ventris pellibus incidit: fœminis secretiora corporis loca laminis candentibus perussit: sed & multa alia iniquè gessit, quæ tacere melius putavi. Obiit & Sabaudus Arelatensis episcopus, in cuius locum Licerius regis Guntchramni referendarius est adscitus. Grauis tunc prouinciam ipsam lues depopulata est, Obiit & Euantius Viennensis episcopus, in cuius sedem Virus presbyter de senatoribus rege eligente substituitur. Multique eo anno sacerdotum ex hoc mundo migrauerunt: quod præterire volui, eo quòd vnusquisque in vrbe sua sui reliquerit monumenta.

40 F V I T autem & in vrbe Turonica Pelagius quidam, in omni malitia exercitatus, nullum iudicem metuens, pro eo quòd iumentorum fiscalium custodes sub eius potestate consisterent. Ob hoc furta superuenta, peruationes, cædes, diuersaque scelera tam in fluminibus quàm in terris agere nõ cessabat. nam plerunque arcessitum & minacibus lenibusque verbis, vt ab hac malitia desisteret, prohibere volui, sed magis odia quàm aliquem fructum iustitiæ ab eo recepi, iuxta illud Salomoniacq

» sapientiæ prouerbium, Argue stultū, adiciet  
 » odire te. Nam tantum in me odiū miser habe-  
 bat, vt sapius spoliatis cæsisq; hominibus san-  
 ctę ecclesię, ex animis reliquerit, causas quali-  
 ter ecclesię vel basilicę sancti Martini damna  
 intenderet, inquirēs. Vnde factum est, vt qua-  
 dam vice venientes homines nostros, atque  
 echinum in vasis deferentes, cæderet, prote-  
 reret, ipsaque vasa caperet. Quod factum cum  
 comperissem, eum à communione suspendi,  
 non quasi vltor iniurię meę, sed vt facilius eū  
 ab hac infamia redderem emendatum. At ille  
 electis duodecim viris, vt hoc scel<sup>9</sup> peieraret,  
 aduenit. Sed cum ego nullū vellem sacramē-  
 tum suscipere, compulsus ab eo, vel à ciuibus  
 nostris, amotis reliquis, ipse tantū iuramen-  
 tum suscepi, iussiq; eum recipi in communio-  
 nem. Erat autem eo tempore mensis primus.  
 Adueniente autem mense quinto quo prata  
 secari solent, pratum sanctimonialium, quod  
 termino prati sui adhærebat, peruadit. In quo  
 statim vt falcē misit, febre correptus, die ter-  
 tia spiritum exhalauit. Deposuerat enim sibi  
 sepulcrum in basilica sancti Martini vici Con-  
 datensis, quod detectum sui & effractum in  
 frustra reperiunt. Sic postea in porticu ipsius  
 basilicę est sepultus: vasa quoque echini, quę  
 peierauerat, post obitum illius ab eius prom-  
 ptuario sunt delata. Manifestata est autem  
 virtus beatę Marię, in cuius basilica miser sa-

cramentum protulit mendax.

41 CVM autem per totam terram sonus ille percurreret, Prætextatum episcopum à Fredegunde fuisse interfectum, illa quoque quo facilius detergeretur à crimine, adprehensum puerum cædi iussit vehementer, dicens, Tu hoc blasphemium super me intulisti, vt Prætextatum vrbis Rothomagensis episcopum gladio adpeteres: & tradidit eum nepoti ipsius sacerdotis. Qui cum eum in supplicio posuisset, omnem rem euidenter aperuit, dixitque, A regina enim Fredegunde centum solidos accepi, vt hoc facerem: à Melantio verò episcopo, quinquaginta: & ab archidiacono ciuitatis, alios quinquaginta: insuper & promissum habui, vt ingenuus fierem, sicut & vxor mea. In hac voce illius, euaginato homo ille gladio, prædictum reum in frustra concidit. Fredegundis verò Melantium quem prius episcopum posuerat ecclesiæ instituit.

42 DVM à Fredegunde Beppolenus dux valde fatigaretur, nec iuxta personam suam ei honor debitus impenderetur, cernens se despici, ad Guntchramnum regem abiit. A quo accepta potestate ducatus super ciuitates illas quæ ad Chlotharium Chilperici regis filium pertinebant, cum magna potentia pergit. sed à Redonicis non est receptus. Andegauos verò veniens, multa mala ibidem

gessit, ita vt annonas, fœnum, vinum, & quicquid reperire potuisset in domibus ciuium ad quas accesserat, nec expectatis clauibus, disruptis ostiis deuastaret. Multosque de habitatoribus loci cædibus adfecit, protriuitque. Domigisilo quoque metum intulit, sed pacificatus est cum eo. Accedens autem ad urbem, dum epularetur cum diuersis in tristega, subito effracto pulpito domus, vix semiuuius euasit, multis debilitatis, in eisdem tamen malis perdurans quæ prius gesserat. Multa tunc & Fredegundis in regno filii sui de rebus eius euertit. Ipse quoque ad Redonicos rediens, & eos regi Guntchramno subdere cupiēs, filium suum in hoc loco reliquit. Qui non multo intercedente tempore, inruentibus Redonicis interemptus est cum multis honoratis viris. Hoc anno multa signa adparuerunt. nam mense septimo arbores visæ sunt floruisse: sed & multæ quæ prius poma habuerant, noua dederunt. quæ vsque ad natalis dominici tempora in ipsis arboribus habitæ sunt. Fulgor per cælum in modum serpentis cucurrisse visus est.

- 43 ANNO quoque duodecimo Childeberti regis, Nicetius Aruernus rector Massiliensis prouinciæ, & reliquarum urbium quæ in illis partibus ad regnum regis ipsius pertinebant, est ordinatus. Antestius verò in Andeuagos à rege Guntchramno dirigitur, multis ibidem  
dam-

dánis adfligens eos qui in morte Domnolę vxoris Nectarij mixti fuerūt: rēsque Bebpoleni eo quòd fuerit huius caput sceleris, in fiscum redigens, Namnetas accessit: ac laceſſire Nōnichium episcopum cępit, dicens, Quia filius tuus in hoc facinore est admixtus, vt dignas pro commissis suis pęnas luat meritum exigit: sed puer conscientia accusante territus, ad Chlotharium filium Chilperici aufugit. Antestius verò acceptis fideiussoribus ab episcopo, vt in pręsentia regis adesset, Sanctonas venit. Sonus autem his diebus exierat, quòd Fredegundis occultos in Hispanias nuncios dirigeret, eosdęmque à Palladio Sãctonicę vrbis episcopo clam susceptos, & inantea transmissos fuisse. Erant autem eo tempore dies quadragesimę sanctę, & episcopus in insulam maris, orationis causã secesserat. Secundum consuetudinem autem dum ad dominicę cęnę festa ad ecclesiam suã populo expectante rediret, ab Antestio in via vallatur. Qui nec discussa rei veritate dicebat, Non ingredieris vrbem, sed exilio cõdemnaberis, quia suscepisti nuncios inimicę domini nostri regis. At ille, Nescio, ait, quid loquaris: tamen quia dies sancti imminent, accedamus ad vrbem, decursisquę solennitatum sanctarũ festis, postea quęcunque volueris obpone, rationem à me accipies: quia quod reputas nihil est. At ille, Nequaquam, inquit, sed nō adtin-

ges limina ecclesiæ tuæ, quia infidelis adparuisti domino nostro regi. Quid plura? teneatur in via episcopus, domus ecclesiæ describitur, rêsq; diripiuntur: ciues cum homine obtinere non queunt, vt saltem vel celebrata solennitate paschali discutiatur. Hîsque supplicanti-  
 bus, & illo renitente, tandem patet facit vulnus quod latebat in pectore. Si, inquit, domum quam intra territorij Biturici terminũ habere dignoscitur, meæ ditioni facta venditione subdiderit, quæ flagitatis facio: alioquin non effugies manus meas, nisi tradatur in exilium. Metuit negare episcopus, scripsit, subscripsitque ac tradidit agrum: & sic datis fideiussoribus de præsentia sua ante regẽ in ciuitatem ingredi permissus est. Transactis igitur diebus sanctis, ad regem pergit: adfuit & An-  
 testius, sed nihil de his quę opponebat episcopo, potuit adprobare. Episcopus autem ad urbem redire iubetur, & vsq; ad synodum futuram dilatatur, si forte aliqua de his quæ opponerentur, euidentius possint agnosci. Adfuit & Nõnichius episcopus, qui datis multis muneribus abscessit.

44 FREDEGVNDIS verò quasi ex nomine filij sui, legatos ad Guntchramnum regem dirigit, qui referata petitione, accepto responso, Valedicentes abscedunt: sed nescio quibus causis paululum apud metatum suum remorati sunt. Manè autem factò, proceden-

te rege ad matutinos, ac præeunte cereo, visus est homo quasi ebrius in angulo oratorij dormitare, accinctus gladio, cuius hasta pariete sustentabatur: hoc viso rex exclamauit, dicēs, Non esse simpliciter hominem sub hoc horrore noctis tali in loco quiescere. Obpressus autem, & loris reuinctus, interrogabatur quid sibi hæc vellent quæ ageret. Nec mora, supplicio subditus, dicit se à legatis qui aduenerant, emissum fuisse, vt rex deberet interfici. Denique adprehensi legati Fredegundis, nihil de his quæ interrogati sunt confidentur, dicentes, Nos nihil ad aliud missos, nisi vt legationē quam suggessimus deferremus, Tunc hominem illum diuersis plagis adfectum, & carceri mancipatum, legatos per diuersa loca exilio condemnari præcipit. Manifestissime enim patuit sub hoc dolo à Fredegūde fuisse directos, vt regem interficere deberent (quod misericordia domini non permisit) inter quos Baddo senior habebatur.

45 CVM autem legati de Hispaniis crebro ad regem Guntchramnū venirent, & nullius pacis gratiam obtinere potuissent, sed magis inimicitia pullularet, rex Guntchramnus Albigensem urbem nepoti suo Childeberto reddidit. Quod cernens Desiderius dux, qui maxime in eiusdē vrbis territorio meliora facultatis suæ condiderat, timens ne ultio expecteretur ab eo propter antiquā inimicitiam, &

aliquando in eadem ciuitate exercitum glorioſæ memoriæ Sygiberti regis grauitèr adſeſſer, cum Tetradia vxore ſua, quam Eulalio tunc Aruernò comiti abſtulerat, in termino Tholoſano cum rebus omnibus tranſiens exercitum cõmouet, & contra Gothos abire diſponit, diuiſis prius, vt ferunt, rebus inter filios & coniugem. Adſumptoque ſecum Auſtroualdo comite, Carcaſonam petiit. Præparauerant enim ſe hoc audito vrbiſ illius ciues, quaſi reſiſtere volentes. audierãt aurem de his prius. Denique inito bello fugere Gothi cœperunt, & Deſiderius cum Auſtroualdo à tergo cædere hoſtem. Illis quoque fugientibus, hic cum paucis ad vrbeſ accessit: laſſati enim fuerant equi ſociorum. Tunc ad portam vrbiſ accedens, vallatus à ciuibus qui intra muros erant, interfectus eſt cum his omnibus qui cum fuerant proſecuti: ita vt vix pauci exinde quodammodo euaderent, qui rem, vt geſta fuerat, nunciarent. Auſtroualdus verò audiẽs Deſiderium mortuum, de via regreſſus, ad regem perrexit, qui mox in eius locum dux ſtatuitur.

- 46 POST hæc Leuieldus rex Hiſpanorum ægrotare cœpit, ſed, vt quidam adſerunt, pœnitentiam pro errore hæretico agens, & obteſtans ne huic hæreſi quiſquam reperiretur cõſenſaneus, in legem catholicam tranſiit: ac per ſeprem dies in ſteru perdurãs, pro his quæ

contra deum iniquè molitus est, spiritum exhalauit : regnauitque Richaredus filius eius pro eo.

## GREGORII TVRONICI HISTORIARVM

Liber Nonus.



**I**GITVR post mortem Leuieldi Hispanorum regis, Richaredus filius eius fædus iniiit cū Goisinthæ relicta patris sui, eamque vt matrem suscepit. Hęc enim erat mater Brunichildis reginæ, matris Childeberti iunioris. Richaredus verò de alia vxore erat filius Leuieldi: denique cum nouerca habito consilio, legatos ad Guntchramnum regem, atque Childebertum dirigit, dicens, Pacem habete nobiscum, & ineamus fædus, vt adiuti præsidio vestro, cū necessitas poposcerit, simili nos cōditione intercedēte charitate muniamus. Venientes verò legati qui ad Guntchramnum regem directi erant, apud Matafense oppidum iussi sunt residere : ibique transmisisse viris rex causas cognouit, sed recipere noluit verba eorū : vnde talis postmodū inter eos inimicitia pul-

h iij

lulauit, vt ad ciuitates Septimaniæ nullum de regno eius transire permetteret. Hi verò qui ad Childebertum regem venerunt, cum charitate recepti sunt, datisque muneribus accepta pace cum muneribus sunt regressi.

2 E O anno beatissima Radegundis ab hoc mundo migravit. Quæ magnum planctum in monasterio quod constituerat dereliquit. fuïque & ego præsens ad eam sepeliendam. Obiit autem mense sexto, tertiadecima die mensis, sepulta post triduum. Quæ autem ibi ipsa die virtutes adparuerunt, & qualiter fuerit funerata, in libro miraculorum plenius scribere studui.

3 I N T E R E A aduenit festiuitas sancti Marcelli, quæ apud urbem Cabillonensem mense septimo celebratur, & Guntchramnus rex adfuit, verum vbi peractis solennibus ad sacrosanctum altarium communicandi gratia accessisset, venit quidam quasi aliquid suggesturus. Qui dum properat contra regem, culter ei de manu delabitur. Adprehensoque repente, alium cultrum euaginatam in manu eius reperiunt. Nec mora, eductus à basilica sancta, vinctus & tormentis addictus, confitetur se emissum ad interficiendum regem, dicens, Sic enim tractauit qui me misit, quia cognouit rex multorum in se odia adgregata, & suspectus ne percutiatur, omnino se à suis vallari præcipit, nec reperi-

tur aditus qualiter ad eum cum gladiis possit accedere, nisi in ecclesia in qua securus & nihil metuens stare dignoscitur, transuerberetur. Sed & his de quibus locutus fuit adprehensus, multis interemptis, hunc verberatum plagis, dimisit viuum, quia nefas putauit, si is qui ab ecclesia eductus fuerat, truncaretur.

4 E O anno Childeberto regi alius filius natus est, quem Veranus Cabillonensis episcopus suscipiens à lauacro, Theodorici nomen posuit. Erat enim eo tempore ipse pontifex magnis virtutibus præditus, ita ut plerunque infirmis signum crucis imponens, statim sanitati, tribuente domino, restauraret.

5 PRODIGIA quoque multa dehinc adparuerunt. Nam vasa per domos diuersorum, signis nescio quibus caraxata sunt, quæ res nullo vnquam modo, aut eradi potuit, aut deleri. Inceptum est autem hoc prodigium ab vrbe Carnotenæ territorio: & veniens per Autelannensem vsque Burdegalensem terminum peraccessit, non prætermittens vllam urbem quæ fuit in medio. In vincis verò mense octauo transacta vindemia, palmites novos cum vis deformatis aspeximus. In aliis arboribus frondes nouæ, & noua visa sunt poma. Radij à parte aquilonis adparuerunt. Adserbant nonnulli vidisse se serpentes ex nube delapsos.

Alij adfirmabāt villā cum casis & hominibus subitanea internecone euanuisse: & multa alia signa adparuerunt, quæ aut regis obitum adnūciare solent, aut regionis excidium. Vindemia eo anno tenuis, aquæ validæ, pluuię immensæ, flumina quoque granditer adaucta fuerunt.

**F V I T** eo anno in vrbe Turonica Desiderius nomine, qui se magnum quendam esse dicebat, adferens se multa posse facere signa. Nam & nuncios inter se atque Petrum Paulumque apostolos discurrere iactitabat: ad quem quia præsens non eram, rusticitas populi multa cōfluxerat, deferentes secum cæcos & debiles, quos non sanctitate sanare, sed errore necromantici ingenij quærebat includere. nam hos qui erant paralytici, aut alia impediti debilitate, iubebat validè extendi, vt quos virtutis diuinæ largitione dirigere non poterat, quasi per industriam restauraret. Denique adprehendebant pueri eius, manus hominum, alij verò pedes, tractósque diuersas in partes ita vt nerui putarētur abrumpi, cum non sanarētur, dimittebantur exanimes. Unde factum est, vt in hoc supplicio multi spiritum exhalarent: tantúmque miser elatus erat, vt minorem se beatum Martinum esse diceret, se verò apostolis cœquaret. Nec mirum, si hic similé se dicat apostolis, cum ille auctor nequitix à quo ista procedunt, Christum se in

fine seculi fallurus fit. nam de hoc animadu-  
uersum est, vt superius diximus, errore ne-  
cromanticę artis fuisse imbutum. Quia, vt ad-  
ferunt qui eum viderunt, cum quisque de eo  
procul & abditę quicquã locutus fuisset mali,  
coram populo adstante improperabat dicens,  
Quia hoc & illud de me effatus est, quę san-  
ctitate mea erant indigna: & quo alio nisi nũ-  
ciantibus dæmoniis id cognoscebat? Habebat  
autem cucullum ac tunicam de pilis caprarũ:  
& in præsentem quidem abstinens erat à cibis &  
potu: clam autem cum in diuersorium venif-  
set, ita infercibat in ore, vt minister non oc-  
curreret tantum poscenti porrigere. Sed de-  
recta dolositate eius, & à nostris deprehensa,  
iectus est extra vrbs terminum. Nec cogno-  
uimus deinceps quo abisset: dicebat tamen ci-  
uẽ se esse Burdegalensem. nam & ante hos se-  
ptẽ annos fuit & alius magnus valde seductor,  
qui multos decepit dolositate sua. Hic enim  
colobio indutus erat, amictus desuper syndo-  
ne, crucẽ ferẽs, de qua depẽdebant ampullulę  
quas dicebat oleũ sanctũ habere. Aiebat enim  
se de Hispaniis aduẽtate, ac reliquias beatissi-  
morũ martyrũ Vincentij leuitę, Felicisq; mar-  
tyris exhibere. Sed cũ iam vespere ad basilicã  
sancti Martini Turonos aduenisset, & nos cõ-  
uiuio resideremus, mandatũ misit, dicens, Oc-  
currãt reliquis sanctis. Cui nos, quia hora iam  
pręterierat, dixim⁹, Requiescãt beatę reliquę

super altariū, donec mane procedamus ad occursum earū: sed hic primo diluculo cōsurgēs, nec expectatis nobis, aduenit cū cruce sua, & in cellula nostra adfuit. Stupēfactus ego & admirās leuitatē, interrogo quid hęc sibi velint? Respōdit quasi superbus & inflata voce, Meliorē, inquit, occursum nobis exhibere debueras. Sed hęc ego in aures Chilperici regis ingeram: ille autem vlciscetur despectionē meā. Et ingressus in oratorium me postposito, ipse capitellum vnum atq; alterum ac tertium dicit: ipse orationem profert, & ipse cōsummar, eleuatāque iterum cruce abiit. Erat enim ei & sermo rusticus, & ipsius linguę latitudo turpis atq; obscœna: sed nec de eo sermo rationabilis procedebat: qui vsque Parisios accessit. His enim diebus rogationes publicæ celebrabantur quæ ante sanctū dominicę ascensionis, diē agi solent. Factū est autem vt procedente Ragnemodo pontifice cum populo suo, & loca sancta circūeunte, vt & hic cum cruce sua adueniens, inusitatū populis exhibens indumentum, adiunctisq; publicanis ac rusticis mulieribus & iste chorū suū faceret, & quasi cū sua multitudine loca sancta circūire tentat. Hęc cernens episcopus, misit archidiaconū suū dicens, Si reliquias sanctorum exhibes, pone eas paululū in basilica, & nobiscū celebra dies sanctos. decursa autē solennitate, proficisceris in viam tuā. At ille paruipédēs quæ ab archidia-

cono dicebantur, cœpit episcopū conuiciis ac maledictionib<sup>9</sup> prosequi. Sacerdos verò intelligēs eum seductorem, iussit eū recludi in cellulam. Perscrutatísq; cunctis quæ habebat, inuenit cum eo sacculū magnum plenū de radicibus diuersarū herbarū : ibiq; & dētes talpæ, & ossa muriū, & vngues atque adipēs vrsinos: vidēsq; hæc maleficia esse, cuncta iussit in flumen proiici. Ablatáq; ei cruce, iussit eū à termino Parisiæ vrbis excludi. Sed hic iterū facta altera cruce, cœpit quæ gesserat exercere. Captúsq; ab archidiacono, & catenis vinctus, iussus est custodiri. His diebus Parisios aduenērā, & ad basilicā beati Iuliani martyris metatū habebam. Nocte igitur insequenti erumpens miser iste de custodia, cum ipsis quibus erat nexus catenis ad antedictā basilicam sancti Iuliani properat: atque in pavimento in loco quo ego stare erā solitus, ruit, ac sopore vinóq; oppressus obdormiuit. Nos verò ignari facti, mēdia surgentes nocte ad reddendas domino gratias, inuenimus eum dormientem: de quo tātus pēdor egrediebatur, vt omniū cloacarū atque secessuum fœtores fœtor ille deuicerit. sed nec nos præ hoc fœtore in basilicam ingredi potueramus. Accedens verò vnus clericorum, clausis naribus eum excitare nititur, nec potuit. ita enim erat miser madefactus vino. Tunc quatuor accedentes clerici, leuantes eū inter manus, in vnum angulū basilicæ proie-

cerunt: & exhibentes aquas abluto pavimento, resperfo etiam herbulis odoratis, sic ingressi fumus explere cursum: nunquam tamé nobis pfallentibus potuit excitari, donec dato terris die altius solis lampas ascēderet: dehinc excusatum reddidi sacerdoti. Conueniētibus autem episcopis apud urbē Parisiacam, dum hæc in conuiuio narrarem, ipsum pro castigationis gratia adesse præcipimus. Quo astate eleuatis Amelius Beorretanę urbis episcop<sup>o</sup> oculis, cognoscit eum suum esse famulum, sibique per fugam dilapsum: & sic excusatum receptum reduxit in patriam. Multi enim sunt qui has seductiones exercentes populum rusticum in errorē ponere non desistunt: de quibus, vt opinor, & dominus in euangelio ait, Cōsurgere in nouissimis tempotibus pseudochristos, & pseudopphetas, qui dantes signa & prodigia etiam electos in errorem inducant. De his ista sufficiat. nos potius ad propositum redeamus.

7 ENNODIVS cum ducatum urbium Turonicę atque Pictauę ministraret, adhuc & vici Iulienſis atque Benarnę urbium principatum accipit. Sed euntibus comitibus Turonicę atque Pictauę urbis ad regem Childebertum, obtinuerūt, eum à se remoueri. Ille verò vbi se remotum de his sensit, ad ciuitates superius memoratas properat: sed dum in illis commoraretur, mandatū accepit vt se ab eis-

dem remoueret: & sic accepto ocio, ad domũ suam reuersus, priuati operis curam gerit. Vascosones verò de montibus prorumpentes, in plana descendunt, vineas, agròsque depopulantes, domos tradentes incendio, nonnullos abducentes captiuos cum pecoribus, contra quos sæpius Austroualdus dux processit, sed paruam vltionem exercuit ab eis. Gothi vero propter superioris anni deuastationem quam in Septimania regis Guntchramni exercitus fecit, in Arelatensem prouinciam proruperunt, egeruntque prædas, & captiuos abduxerunt vsque ad decimum ab vrbe miliarium: vnum etiam castrum Vgernum nomine cum rebus atque habitatoribus desolantes, nullo resistente regressi sunt.

8 GUNTCHRAMNVS verò Boso cum exosus reginæ haberetur, cœpit per episcopos ac proceres discurrere, & veniam misero precari quam ante despexerat. Nam cum rex Childebertus esset iunior, Brunichildem reginam sæpe conuiciis atque impropriis lacessibat: sed & iniuriis quæ ei ab aduersis inferebantur, fautor extiterat. Sed & rex ad vlciscendam iniuriam genitricis, iussit eum persequi atque interfici: ille verò cum se cerneret positum in discrimine, Viridunensem ecclesiam petiit, per Agericum prorsus episcopum qui erat regis pater ex lauacro, veniam impetrare confidens. Tunc pontifex ad regem pro-

perat, deprecaturque pro eo : cui rex cum negare nequirit quæ petebat, ait, Veniat coram nobis, & datis fideiussoribus in præsentia patru mei, quicquid illius iudicium decreuerit, exequamur. Tunc adductus ad locum ubi rex morabatur, nudatus armis, ac per manicas tectus, ab episcopo representatur regi. Ad cuius prouoluto pedes, ait, Peccaui tibi ac genitrici tuæ, non obediendo præceptionibus vestris, sed agendo contra voluntatem vestram atque utilitatem publicam: nunc autem rogo, ut indulgeatis malis meis quæ contra vos gessi. Rex autem iussit eum eleuari à terra, & posuit in manu episcopi dicens, Sit penes te sancte sacerdos, donec in præsentiam Guntchramni regis adueniat: & iussit eum discedere.

- 9 POST hæc Rauchingus coniunctus cum prioribus regni Chlotharij filij Chilperici, confingens se quasi tractaturum de pace, ut inter terminum utriusque regni nulla intetio aut direptio gereretur, consilium habuerunt, ut scilicet interfecto Childeberto rege, Rauchingus cum Theodoberto seniore eius filio regnum Capaniæ teneret. Ursio verò ac Berthefredus iuniore filio nuper genito qui Theodoricus cognominatur, ad se suscepto, & excluso Guntchramno rege, reliquum regni teneret. Multa etiam contra Brunichildem reginam frementes, ut eam in contumeliam redigerent, sicut prius fecerant in uindicta sua. Rauchingus ergo summa elatus

potétia, & vt ita dicã, ad ipsi<sup>9</sup> regalis sceptri se  
iactans gloriã peruenire, iter præparat ad Chil  
debertũ regẽ accedẽdi, vt consiliũ quod inie  
rat posset explere. Sed pietas domini hæc verba  
in aures Guntchramni regis prius imposuit.  
Qui missis nunciis, clam ad Childebertũ regẽ  
omnes ei molitiones has in notitiã posuit, di  
cens, Accelera velociter, vt videamur à nobis:  
sunt enim causæ quæ agi debeant. At ille dili  
genter inquirens quæ ei nunciata fuerant, ve  
ràq; esse cognoscẽs, arcessiri Rauchingũ iussit.  
Qui cum adfuisset, priusquã cum rex suo ius  
sisset adstare conspectui, datis literis & pueris  
destinatis cum euectione publica, qui res eius  
per loca singula deberent capere; iussit eum in  
cubiculum intromitti: locutũsque cum eo alia  
ex aliis, egredi iterũ de cubiculo iubet. Cũq;  
egrederetur à duobus ostiariis pedibus adpre  
hensus ruit in gradibus ostij, ita vt pars corpo  
ris eius esset intrinsecus, pars verò extrinsecus  
extenderetur. Tunc ij qui iussi ad hæc explen  
da parati erant, cum gladiis super eum ruunt:  
atque ita minutatim caput eius conliferunt, vt  
similo totum cerebro putaretur: statimque  
mortuus est. Tunc denudatus & per fenestrã  
eiectus, sepulturæ mandatus est. Erat autem  
leuis in moribus, vltra humanum genus cupi  
ditati, ac facultatibus inhians alienis, & ex ip  
sis diuitiis valde superbus, intantum vt iam in  
ipso interit<sup>9</sup> sui tẽpore Chlotharij regis filiũ se

fateretur. Multum tamen cum eo auri re-  
 per- tum est. Quo interfecto, protinus vnus pue-  
 rorum eius cursu veloci euolans, nunciauit  
 cōiugi eius quæ acta erant. Hæc verò per pla-  
 team Sueffionicę ciuitatis compta, grandibus  
 ornamentis ac gemmarum precio sitatibus, &  
 auri fulgore oblecta, ascensō equo, præceden-  
 tibus pueris aliisque sequentibus ferebatur:  
 atque ad basilicam sancti Crispini Crispinia-  
 nique properabat, quasi spectatura Missas: erat  
 enim eo die passio martyrum beatorum. Sed  
 videns nuncium per aliam plateam gressum  
 retorquens, proiectis in terrā ornamentis in  
 basilicam sancti Medardi antistitis confugit,  
 ibi se tutari confessoris præsidio putans. Pueri  
 verò qui missi à rege fuerant, ad requiren-  
 das res eius, tanta in thesauris illius reperi-  
 unt, quanta nec in ipso ærarij publici rege-  
 sto poterant inueniri, quod totum regis con-  
 spectibus præsentarant. nam eo die quo hic  
 interfectus est, erant cum rege multi Turono-  
 rum atque Pictauiorū, de quibus tale fuit con-  
 silium, vt si malum hoc perficere potuissent,  
 his subditis supplicio dicerent quia ex vobis  
 fuit qui regē nostrum interemit: eisque diuer-  
 sis suppliciis trucidatis, vltorēs se mortis regię  
 esse iactarent. Sed deus omnipotens consilia  
 eorum quia iniqua erant, dissipauit, impleuit-  
 que illud quod scriptum est, Quia foueam quā  
 fratri parabis, incidēs in eam. In locum tamen  
 Rauchingi

Rauchingi Magnoualdus dirigitur dux. iam enim Vrsio atq; Bertefredus certi q̄ Rauching<sup>9</sup> quę cōlocuti fuerāt, possit expleie, collecto exercitu veniebant. Sed audientes, quodd scilicet tali fuisset adfectus interitu, adaucta adhuc secum multitudine hominum quæ ad eos pertinere videbatur, intra castrum Vabrense, quod villæ Vrsionis propinquū erat, cū rebus omnibus se muniunt cōscij consilij sui, tractātes vt si rex Childebertus aliquid cōtra eos agere voluisset, virtute se ab ei<sup>9</sup> exercitu defensarēt. caput enim horū & causā malorū Vrsio erat. Sed Brunichildis regina mandata misit Berthefredo, dicēs, Disiūgere ab homine inimico, & habebis vitam: alioquin cum eodem interibis. filiam enim eius ex lauacro regina susceperat, & ob hoc misericordiam de eo habere voluit. Qui ait, Nisi morte diuellar ab eo, nunquam à me relinquetur.

10 DVM hæc agerētur, iterum misit Guntchramnus rex ad nepotem suū Childebertum dicens, Moræ omnes abscedant, & veni vt te videam. est enim certæ necessitatis causā, tam pro vitæ nostræ cōmodo, quàm pro vtilitatib<sup>9</sup> publicis, vt videamur à nobis. Hæc ille audiēs, adsumpta matre cum sorore & coniuge, ad occursum patruī destinat. Adfuit autem & Magnericus episcop<sup>9</sup> Treuericæ vrbis. Venit etiā Guntchramnus Boso, quē Agericus Viridunēsis episcopus sua in fide susceperat: sed pōtifex

ille qui pro eo fidem fecerat, non adfuit, quia  
 cōuenerat ut absq; vllius defensione regi præ-  
 sentaretur, scilicet ut si ipse decerneret eū mo-  
 ri debere, non excusaretur à sacerdote: sin au-  
 tem ille vitā concederet, liber abiret. Sed con-  
 iūctis regibus pro diuersis falsitatibus culpa-  
 bilis iudicatur: iussum est ut interficeretur.  
 Quod cum ille comperisset, ad mansionē Ma-  
 gnerici episcopi cōuolauit, & clausis ostiis, se-  
 gregatis ab eo clericis ac famulis, ait, Scio te  
 beatissime sacerdos magnum cum regibus ho-  
 norem habere, & nunc ad te confugio ut eua-  
 dam: ecce percussores ad ostium: vnde mani-  
 feste scias, quòd si à te non eruor, interfecto te,  
 egrediar foras, & moriar. Manifestissime enim  
 noueris, quia aut mors vna nos occupat, aut  
 par vita defensat. O sancte sacerdos, scio enim  
 te patrem cōmunem cum rege esse filio eius,  
 & noui quoniā quæcunque petieris ab eo, ob-  
 tinebis: nec negare omnino poterit sanctitati  
 tuæ quæcunq; poposceris: ideóque aut imper-  
 tire veniā, aut moriamur simul. Hæc autē eu-  
 ginato aiebat gladio. Turbatus audito episco-  
 pus, ait, Et quid faciā, si hic à te teneor: dimit-  
 te me, ut eā, & deprecet misericordiā regis, &  
 fortassis miserebitur tui. Et ille nequaquā, sed  
 trāsmitte abbates & creditos tuos, ut hæc quæ  
 loquor exponāt. Veruntamen non hæc regi ut  
 erant, nunciata sunt: sed dixerunt quòd hic ab  
 episcopo defensaretur, vnde factū est ut com-

motus rex diceret, Si episcopus exinde egredi noluerit, pariter cum illo auctore perfidiæ pereat. Hæc audiens episcopus, direxit nuncios ad regē. Qui cū ista narrassent, ait rex Guntchramnus, Iniicite ignē in domū, & si exire nequie rit episcopus pariter cōcremētur. Hęc audientes clerici, effracto vi ostio, sacerdotē eiciūt foras. Tunc miserrimus cūm videret se flāmis validis ab vtraq; parte vallari, accinct⁹ gladio accedit ad ostiū: verum vbi primum limē domus egrediens gressum foris fixit, statim vnus è populo eiecta lācea, frontē eius inlīst. At ille hoc ictu turbatus, quasi amens, gladiū eicere tentās, ab adstantibus ita lancearū multitudine sauciatur, vt defixis in lateribus eius spiculis & sustētantibus hastilibus ad terram ruere non posset. Interfecti sunt & pauci qui cum eo erant, expositique in campo simul. Pro quibus vix obtētum fuit cum principibus, vt terræ recondērētur. Fuit autem hic in actu leuis, aurtiæ inhians, rerum alienarum vltra modum cupidus, omnibus iurās, & nulli promissa adimplens. Vxor autem eius cum filiis exilio data est, resque illius fisco conlatæ sunt. Multitudo autem auri argentique ac diuersarum specierum in eius regestis reperta est. Sed & quæ sub terra absconderat stimulante conscientia iniquitatis suæ, non latuerunt. ariolis ac sortibus sæpius vtebatur, ex quibus futura cognoscere cupiens, remansit inlusus.

11 REX verò Guntchramnus cū nepote suo ac reginis, pacem firmavit, datis sibi inuicem muneribus, ac stabilitis causis publicis, epulati sunt pariter. Laudabat enim dominū Guntchramnus rex dicens, Refero tibi maximas gratias omnipotens deus, qui mihi præstitisti vt videre merear filios de filio meo Childeberto: vnde non me puto vsquequaque à tua maiestate relictum, qui mihi hæc præstitisti vt videam filios filij mei. Tunc Dynamium & Lupum ducem redditos rex Childebertus recepit, cadurcum Brunichildis reginæ refudit. Et sic cum pace & gaudio iterum atq; iterum deo gratias agentes, conscriptis pactionibus, se remunerantes & osculantes, regressus est vnusquisque ad ciuitatem suam.

12 CHILDEBERTVS verò rex, collecto exercitu ad locū dirigi iubet, in quo Vrsio ac Bertefredus inclusi morabantur. Erat enim villa in pago Vabrensi, cui imminebat mons arduus. In huius cacumine basilicā in honore sancti ac beatissimi Martini construxit. ferebant enim ibi castrum antiquitus fuisse: sed nunc non cura, sed natura tantum munitum erat. In hac ergo basilica cum rebus atque vxoribus & familia se ante dicti concluderant. Commoto ergo exercitu, sicut diximus, Childebertus rex illuc dirigi iubet. Veruntamen commoti homines, antequam ad eos accederent, vbicunq; aut villas, aut res eorum repe-

rire potuerunt, omnia incendio ac prædæ tradiderunt. Accedentes autem ad hunc locum ad montem proripiunt, & basilicam cum armis vallant. Habebant autem quasi ducem tunc Godegisilum Lupi ducis generum. Cumque eos extrahere de basilica non valerent, igne adplicare nituntur. Quod cernens Vrsio, accinctus gladio, foras egressus est. Tantaque cæde hos qui adsidebant mactavit, ut quotcumque in eius contemplationem aduenissent, nullus viuens remanere possit. Ibi & Trudulfus palatii regalis comes cecidit, & multi de hoc exercitu prostrati sunt. Cumque iam nullus de cæde Vrsionis cerneretur, percussus à quodam in femore, debilitatus ad terram ruit, & sic inuentibus aliis vitam finiuit. Quod cernens Godegisilus, clamare cepit ac dicere, Fiat nunc pax, ecce maximus inimicus dominorum nostrorum ruit. hic verò Bertefredus vitam habeat. Hæc eo dicente, cum omnis populus ad direptionem rerum quæ in basilica adunatæ fuerat, inhiaret, Bertefredus ascenso equo ad Viridunensem urbem dirigit: ibique in oratorio quod in domo ecclesiastica erat, se tutari putans, præsertim cum & ipse pontifex Agericus in hac domo resideret. Sed cum Childeberto regi nunciatum fuisset, effugisse scilicet Bertefredum, percussus cordis dolore ait, Si hic mortem euaserit, non euadet Godegisilus manus meas. Nesciebat tamen rex, cum in domum ecclesie ingressum fuisse, sed quasi in re-

gionē aliam confugisse. Tunc timēs Godegisil-  
 lus cōmoto iterū exercitu, domū ecclesiæ ar-  
 matis vallat. Sed cū eū pōtifex reddere nequi-  
 ret, sed defensare conaretur, ascendentes su-  
 pra tectū, cum ab ipsis tegulis ac maceris, qui-  
 bus oratorium opertū erat, inlidentes, interfe-  
 cerunt: ibiq; cum tribus famulis mortuus est.  
 Multū ex hoc episcopus dolens, quod eum nō  
 solum defensare non potuit, verum etiā locū  
 in quo orare cōsueuerat, & in quo sanctorum  
 pignera adgregata fuerant, sanguine humano  
 pollui vidit. Misit autem Childebertus rex cū  
 muneribus, vt à mœrore reuocaretur: sed no-  
 luit cōsolari. Multi autem his diebus pertime-  
 scentes regem, in alias regiones abscesserunt.  
 Nonnulli etiā à primatu ducatus remoti sunt,  
 in quorum ordinem alij successerunt.

GVNTCHAMNVS verò Baddonem  
 quem pro crimine maiestatis superius vincitū  
 13 diximus, in præsentiam suam venire iussit, &  
 trāsmittens vsq; Parisios, ait, Si eum cū idone-  
 is hominibus Fredegundis ab hac actione qua  
 impetitur, immunem fecerit, abscedat liber,  
 & quo voluerit eat. Sed veniēs Parisios, nullus  
 de parte memoratæ mulieris adfuit, qui eum  
 idoneum reddere posset. Tunc vincitū & ca-  
 tenis oneratus sub ardua custodia, ad vrbē Ca-  
 billonēsem reductus est. Sed postea intercur-  
 rentibus nunciis, & præsertim Leudoualdo  
 Baiocassino pontifice dimissus, ad propria re-

diit. Grauius tunc morbus dysentericus apud Metensem sæuebat urbem. His diebus nos dū ad occursum regis properaremus, Vuliulfum ciuem Pictauum, plenum febre, hoc morbo laborantem, in via offendimus, id est ad Remensem urbem de qua profectus valde exinanitus cum ad urbem Parisiacam cum filio vxoris sue venisset, apud villā Rigoialensem facto testamento defunctus est: puer verò qui & ipse ab hoc lāgore tenebatur obiit: & sic pariter in vrbis Pictauę delati terminū, tumulati sunt. Vxor quoq; ipsius Vuliulfi tertio copulatur viro, filio scilicet Beppolini ducis: qui & ipse duas iā vt celebre fertur, vxores viuas reliquerat. erat enim leuis atq; luxuriosus, & dū nimio ardore fornicationis arctaretur, ac relicta coniuge cū famulabus accubaret, exhorrens legitimū conubiū, aliud expetebat: sic & secundæ fecit, & huic cui tertio copulatus est, ignorans quòd corruptio incorruptionem non possidebit.

14 · POST hæc cum Egidius Remensis vrbis episcopus, de illo crimine maiestatis quo superius memorati perempti sunt, suspectus haberetur, cum magnis muneribus ad Childebertum accedens, veniam deprecatur: prius tamen sacramenta suscipiens, in basilica sancti Remigij, ne aliquid mali in itinere pateretur: susceptusq; à rege cum pace discessit. Pacē etiam cū Lupo duce obtinuit, quem instinctu eius de Campaniē ducatu supra memorauim⁹,

fuisse depulsum. Vnde rex Gútchramnus valde in amaritudinem excitatus est, eo q̄ ci promiserit Lupus, nunquã se cum eodem pacẽ facturum, quia fuisset regis cognitus inimicus.

15 I G I T V R eo tempore in Hispania Richardus rex cõpunctus miseratione diuina, conuocatis episcopis religionis suæ ait, Cur inter vos & sacerdotes illos qui se catholicos dicunt, iugiter scandalum propagatur: & cum illi per fidem suam signa multa ostendant, vos nihil tale agere potestis? qua de re conuenite quæso simul, & discussis vtriusque partis credulitatibus, quæ vera sunt cognoscamus: & tunc aut accepta illi à vobis ratione ea credant quæ dicitis, aut certe vos ab illis veritatẽ agnoscẽtes, quæ prædicauerint vos credatis. Quod cũ factum fuisset, congregatis vtriusque partis episcopis, proposuerunt hæretici illa quæ sæpius ab ipsis dicta iam scripsimus: similiter responderunt episcopi nostræ religionis ea de quibus hæreticorũ partem plerunq; victam libris superioribus demonstrauimus: & præsertim cùm rex diceret, quòd nullũ signũ sanitatis super infirmos ab hæreticorũ ostenderetur episcopis, ac in memoria replicaret qualiter tẽpore genitoris sui, episcopus qui se iactabat per fidẽ non rectã cæcis restituere lumẽ, tacto cæco & cecitati perpetuẽ dånato discessisset cõfus, quod nos in libro miraculorũ pleni⁹ declarauim⁹: vocauit ad se seorsum sacerdotes dei,

quibus perscrutatis, cognouit vnū deum sub distinctione coli personarum trium, id est patris & filij & spiritus sancti: nec minorē filium patre spiritūque sancto, neque spiritum sanctum minorē patre vel filio, sed in vna æqualitate atque omnipotentia hanc trinitatem verum deum fateri. Tunc intelligens veritatem Richaredus, postposita altercatione, se catholice legi subdidit, & accepto signaculo beatæ crucis cum chrisimatis vnctione, credidit Iesum Christum filium dei æqualem patri cum spiritu sancto regnātem in secula seculorum, Amen. Deinde nuncios mittit ad prouinciam Narbonensem, quibus narrantibus ea quæ ille gesserat, simili credulitate populus ille cōnecteretur. Erat enim tunc temporis Arriane sectæ episcopus Athalocus, qui ita per propositiones vanas ac interpretationes falsas scripturarū, ecclesias dei conturbabat, vt putaretur quòd ipse esset Arrius, quem proiecisse in secessum exta histriographus narrauit Eusebius. Sed cū hęc populo sectæ suæ credere non sineret, & ad consentiendum ei paucorum faueret adulatio, commotus felle, ingressus in cellulam suam inclinato super lectulum capite, nequam spiritum exhalauit. Sicq; hæreticorum populus, in ipsa consistens prouincia, inseparabilem trinitatem confessus, ab errore discessit.

16 POST hæc Richaredus legationem ad

Guntchramnum atque ad Childebertum direxit pacis gratia, vt scilicet sicut in fide se adferebat vnum, ita & charitate se prestaret vnum. Sed à Guntchramno rege repulsi sunt dicente, Qualem mihi fidem promittere possunt, aut quemadmodum à me credi debent, qui neptem meam Ingūdem in captiuitatem tradiderunt, & per eorum insidias & vir eius interfectus est, & ipsa in peregrinatione defuncta? Non recipio ergo legationem Richardi, donec me deus vlcisci iubeat de his inimicis. Hæc legati audientes, ad Childebertū proficiscuntur, à quo & in pace excepti sunt, dicentes, Vult se dominus noster, frater tuus Richaredus de hoc crimine exuere quod ei imponitur, quasi in mortem sororis vestræ fuisset conscius. de quo, sacramento, si vultis, aut qualibet alia conditione idoneus reddi potest. Deinde datis gratiæ vestræ decem milibus solidorum, charitatem vestram habere desiderat, & vt ille vestro vtatur solatio, & vos eius vbi necesse fuerit, beneficiis potiamini. Hæc illis dicentibus, promiserunt Childebertus rex & mater eius pacem & charitatē cum ipso se integrè custodituros. Acceptisque ac datis muneribus, addiderunt legati, Iussit etiā dominus noster ponere verbum in auribus vestris de filia siue sorore vestra Chlodofinda, vt ei tradatur in matrimonium, quo facilius pax quæ inter vos promittitur, confirmetur. Qui

dixerunt, Promissio nostra ex hoc habilis dabitur, sed sine patruī nostri Guntchramni regis consilio hæc facere non audemus: promissum enim habemus de maioribus causis nihil sine eius consilio agere: accepto itaque responso redierunt.

- 17 EO anno verno tempore pluuiæ validæ fuerunt, & cū iam vel arbores vel vineæ frōduissent, nix decidua cuncta operuit. Subsequenti quoque gelu, tam palmites vinearum, quàm reliqui ostensi fructus incensi sunt. Tātūsq̄ rigor fuisse visus est, vt etiam hirundines & alites quæ de externis regionibus venerant, vi aloris extinguerētur. Illud etiam admirabile fuit, quòd vbi nūquam gelu nocuit, tunc omnia abstulit: & eo vbi consueuerat lædere, nō accessit.
- 18 BRITANNI quoque inruentes in terminum Namneticum, prædas egerunt, peruadentes villas, & captiuos abducentes. Quod cum Guntchramno regi perlatum fuisset, iussit commoueri exercitum, dirigens illuc nuncium qui eis loqueretur vt componerēt cuncta quæ malè gesserant, aut certè nouerint se gladio casuros ab exercitu eius. At illi timentes, promittunt se omnia quæ malè gesserant, emendare. His auditis, rex dirigit illuc legationem, id est Namatium Aurelianensem, & Bertchramnum Cœnomannensem episcopū, cum comitibus & aliis viris magnificis. Ad-

fuerunt etiam & de regno Chlotharij Chilperici regis filij viri magnifici: qui euntes in terminum Namneticum locuti sunt cum Vuarocho & Vidinaclo omnia quæ rex præceperat. At illi dixerunt, Scimus & nos ciuitates istas Chlotharii regis filiis reddiberi, & nos ipsis debere esse subiectos: tamen quæ contra rationem gessimus, cuncta componere non moramur: & datis fideiussoribus, atque subscriptis cautionibus, promiserunt se singula milia solidorum Guntchramno regi & Chlothario in compositionem daturus, promittentes nunquam terminum ciuitatum illarum ultra se adgressuros. His ita cõpositis, regressi sunt reliqui, & narrauerunt regi quæ gesserant. Namatius verò episcopus, dum receptis villis intra terminum Namneticæ vrbis, quas olim parentes eius perdididerant, ibidem moraretur, pufulæ malę ei tres oriuntur in capite. Ex hoc valde confectus tẽdio, dum ad ciuitatem suam reuerti cuperet, intra Andegauensis territorii terminum, spiritum exhalauit. Corpusculum eius ad urbem suam delatũ, in basilica sancti Aniani confessoris sepultum est: in cuius cathedram Austrinus Pastoris quondam filius subrogatur. Vuarocus verò oblitus sacramenti & cautionis suæ, omnia postposuit quæ promisit. Vineas Namneticorum abstulit, & vindemiam colligens, vinũ in Veneticum transtulit. Et ex hoc iterum rex

Guntchramnus valde furens, exercitum com-  
moueri iussit, sed quieuit.

- 19 BELLVM verò illud quod inter ciues  
Turonicos superius diximus, terminatum, in  
rediuuam rursus insaniã surgit. Nam Sichar-  
ius cum post interfectionem parëtum Chra-  
misindi, magnam cum eo amicitiam patra-  
uisset, & intantum se charitate mutua dilige-  
rent, vt plerunque simul cibum caperent, ac  
in vno pariter strato recumberent, quadam  
die cœnam sub nocturno tempore preparat  
Chramisindus, inuitãs Sicharium ad epulum  
suum. Quo veniente, resident pariter ad con-  
uiuium. cumque Sicharius crapulatus à vino,  
multa iactaret in Chramisindum, ad extremũ  
dixisse fertur, Magnas mihi debes referre gra-  
tes, ô dulcissime frater, eo quòd interfecerim  
parentes tuos, de quibus accepta composi-  
tione, aurum argentũmq, superabundant in do-  
mo tua: & nudus nunc esses & egens, nisi hæc  
te causa paululũ roborasset. Hæc ille audiens,  
amaro suscepit animo dicta Sicharii, dixitque  
in corde suo, Nisi vlciscar interitũ parentum  
meorum, amittere nomen viri debeo, & mu-  
lier infirma vocari. Et statim extinctis lumi-  
naribus, caput Sicharii sica diuidit. Qui par-  
uulam in ipso vitæ termino vocem emittens,  
cecidit & mortuus est. Pueri verò qui cum eo  
venerant, dilabuntur. Chramisindus exani-  
mum corpus nudatum vestimentis adpendit

in seipis stipite, ascensisque equis eius ad regem pergit, ingressusque ecclesiam ad pedes prosternitur regis, dicens, Vitam peto, ô gloriose rex, eo quod occiderim homines qui parentibus meis clam interfectis res omnes diripuerunt. Cumque expositis per ordinem causis, regina Brunichildis grauiter accepisset, eo quod in eius verbo Sicharius positus, taliter fuerat interfectus, frendere in eum coepit. At ille cum vidisset eam aduersam sibi, Vosagensem territorij Biturici pagum expetiit, in quo eius parentes degebant, eo quod in regno Guntchramni regis haberetur: Tranquilla quoque coniunx Sicharij relictis filiis & rebus viri sui, in Turonico siue in Pictauro ad parentes suos Mauriopes vicum expetiit: ibique & matrimonio copulata est. Obiit autem Sicharius quasi annorum xx. Fuit autem in vita sua leuis, ebriosus, homicida, qui nonnullis per ebrietatem iniuriam intulit. Chramisindus verò iterum ad regem abiit, iudicatumque est ei ut conuinceret super se eum interfecisse. quod ita fecit. Sed quoniam, ut diximus, regina Brunichildis in verbo suo posuerat Sicharium, ideo res huius confiscari precepit: sed in posterum à Flauiano domestico reditæ sunt. sed & ad Aginnum properas, epistolam eius elicit, ut à nullo contingeretur. Ipsi enim res eius à regina concessæ fuerant.

20 EO anno quoque xij. regis Childebetti, cum ad occursum eius vsque Metensem vr-

bem properassemus, iussi sumus ad Gūthra-  
 mnum regem in legationem accedere: quem  
 apud urbem Cabillonensem reperimus, dicē-  
 tes, Salutem vberriam mittit tibi gloriosis-  
 simus nepos tuus Childebertus, ô inclite rex,  
 immensas referens gratias pietati tuæ, quòd à  
 te iugiter commonetur, vt ea agat quæ & deo  
 placeant, & tibi sint accepta, & populo con-  
 grua. De his verò quæ locuti simul fuistis, om-  
 nia implere promittit, nec quicquam se de pa-  
 ctionibus quæ inter vos conscriptæ sunt, intrū-  
 pere pollicetur. Et rex ad hæc ait, Non simili-  
 ter ego gratias ago, quòd taliter inrumpitur  
 quod mihi permillum est. Pars mea de vrbe  
 Siluanectensi non redditur. Homines quos  
 pro vtilitate mea, quia mihi infensi erant, mi-  
 grare volui, non permiserunt: & quomodo  
 dicetis, quòd nihil de pactionibus scriptis trā-  
 scendere vult dulcissimus nepos meus? Et nos  
 adhæc, Nihil vult cōtra pactiones agere illas,  
 sed omnia implere promittit, ita vt de præsen-  
 ti si ad diuisionem Siluanectensem vis mitte-  
 re, nec tardetur: statim enim recipies tuum.  
 De hominibus verò quos dicis, nomina scri-  
 pta tradētur, & omnia quæ promissa sunt im-  
 plebuntur. Hæc nobis loquētibz, pactionem  
 ipsam relegi rex coram adstantibus iubet.

*Exemplar pactionis.*

C V M in Christi nomine præcellentissimi  
 domini Guntchrānus & Childebertus reges,

& gloriosissima domina Brunichildis regina, Andelaum charitatis studio conuenissent, vt omnia quæ vndecunque inter ipsos scandalū poterant generare, pleniori consilio defini- rent: id inter eos mediantibus sacerdotibus atq; proceribus, deo medio, charitatis stu- dio sedit, complacuit, atque conuenit, vt quādiu eos deus omnipotēs in præsentī seculo super- esse voluerit, fidem & charitatem puram, & simplicem sibi debeant conseruare. Similiter quia dominus Guntchramnus iuxta pactiōē quam cum bonæ memoriæ domino Sygiber- to inierat, integram portionem, quæ est de re- gno Chariberti, illis fuerat consecutus, sibi di- ceret in integrum redhiberi, & pars domni Childeberti, ea quæ pater suus possederat, ad se vellet ex omnibus reuocare, id inter ipsos constat fixa deliberatione finitum, vt in illam tertiam portionem de Parisiensi ciuitate cum terminis & populo suo, quæ ad dōmnum Sy- gibertum de regno Chariberti conscripta pa- ctione peruenerat, cū castellis Duno, & Vin- docino, & quicquid de pago Stampensi, vel Carnoteno in peruiio illo antefatus rex cum terminis & populo suo perceperat, in iure & dominatione domni Guntchramni, cum eo quod superstite domno Sygiberto de regno Chariberti antea tenuit, debeant perpetuali- ter permanere: pari conditione ciuitates Mel donenses, & duas portiones de Siluanectis,  
Turo-

Turonos, Pictauos, Abrincatas, vicū Iuliēsem cum Sorannis, Lapurdo & Albige, domnus Childebertus rex cum terminis à præſenti die ſuæ vindicet poteſtati. Ea igitur conditione ſeruata, vt quem deus de iſtis regibus ſuperſtitem eſſe præceperit, regnum illius qui abſq; filiis de præſentis ſæculi luce migrauerit, ad ſe in integritatem iure perpetuo debeat reuocare, & poſteris ſuis, domino auxiliante, relinquere. Illud ſpecialiter placuit per omnia inuiolabiliter conſeruari, vt quicquid domnus Guntchramnus rex filiæ ſuæ Chlothieldi contulit, aut adhuc deo propitiante contulerit, in omnibus rebus atq; corporibus, tam in ciuitatibus, q̄ agris vel redditib<sup>9</sup>, in iure & dominatione ipſius debeāt permanere: & ſi quid de agris ſiſcalibus, vel ſpeciebus atq; præſidio pro arbitrij ſui voluntate facere, aut cuiquā cōferre voluerit, in perpetuo auxiliante domino cōſeruetur, neq; à quocūq; vllō vnquā tēpore cōuellatur, & ſub tuitione ac deſenſione domni Childeberti, cū his omnib<sup>9</sup> quę ipſam trāſitus genitoris ſui inuenerit poſſidentem, ſub omni honore & dignitate ſecura debeat poſſidere. Patī conditione repromittit domnus Guntchramnus rex, vt ſi, vt habet humana fragilitas, quod diuina pietas non permittat, nec ille videre deſiderat, ſi contigerit domnū Childebertum, eo ſuperſtite de hac luce migrare, filios ſuos Theodobertum & Theodoricum

regem, vel si adhuc alios ipsi deus dare voluerit, vt pius pater sub sua tuitione & defensione recipiat, ita vt regnum patris eorum sub omni soliditate possideant: & genitricé domni Childeberti, domnam Brunichildem reginã, vel filiam eius Chlodosuindã, germanam domni Childeberti regis, quandiu intra regioné Francorum fuerit, vel eius reginam Faileubã, tanquam sororem bonam, & filias in sua tuitione & defensione, spiritali dilectione recipiat, & sub omni honore & dignitate cum omnibus rebus earum cū ciuitatibus, agris, redditibus, vel cunctis titulis, & omni corpore facultatis, tam quod præsentí videtur tempore possidere, quã quod adhuc Christo præfule iustè potuerint augmētare, sub omni securitate & quiete possideant: vt si quid de agris fiscalibus vel speciebus atq; præsidio pro arbitrii sui voluntate fecerit, aut cuiquã conferre voluerint, fixa stabilitate in perpetuo conseruetur, nec à quibuscunq; voluntas illarum vllò tempore conuellatur. De ciuitatibus verò, hoc est Burdegala, Lemouica, Cadurco, Benarno & Begorra, quas Gailefuindam germanam domnæ Brunichildis, tam in dote, quàm in morgangiba, hoc est, matutinali dono, in Fráciã venientem certum est adquisisse. Quas etiam per iudicium glóriosissimi domni Guntchramni regis, vel Francorum superstitibus Chilperico & Sygiberto regibus, domna Bruni-

childis noscitur acquisisse: ita conuenit, vt Cadurcam ciuitatem cum terminis & cuncto populo suo, domna Brunichildis de præfenti in sua proprietate percipiat. Reliquas uerò ciuitates ex hac conditione superius nominatas, domnus Guntchramnus dum adiuuit possideat, ita ut quandoque post eius transitum, in dominationem domnæ Brunichildis hæredumq; suorum cum omni soliditate deo propitio reuertantur. Nec superstite domno Guntchramno, neque à domna Brunichilde, neq; à filio suo Childeberto rege, filiisq; suis, quolibet ingenio, vel tempore repetantur. Simili modo conuenit, ut Siluanectum domnus Childebertus in integritate teneat, & quantum tertiâ domni Guntchramni exinde debita competit, de tertia domni Childeberti quæ est in Rossontensi domni Guntchramni partibus compensetur. Similiter conuenit, ut secundum pactiones inter domnum Guntchramnum & bonæ memoriæ domnum Sygibertum initas leudes, illi qui domno Guntchramno post transitum domni Chlotharij sacramenta primitus præbuerunt: & si postea cõuincuntur se in parte alia tradidisse de locis ubi cõmanere uidentur, cõuenit ut debeant remoueri. Similiter & qui post transitum domni Chlotharij cõuincuntur domno Sygiberto sacramenta primitus præbuisse, & se in aliâ partem transtulerunt, modo simili remoucantur,

Similiter quicquid antefati reges ecclesiis aut fidelibus suis contulerint, aut adhuc conferre cum iustitia, deo propitiante, voluerint, stabiliter conferuetur: & quicquid vnicuique fidelium in vtriusque regno per legem & iustitiam reddi debet, nullū ei præiudicium patiatur, sed liceat res debitas possidere atque recipere. Et si aliquid cuiusque per interregna sine culpa sublatū est, audientia habita restau- retur. Et de eo quod per munificentias præcedentium regum vnusquisque vsque ad transitum gloriosæ memoriæ domni Chlotharij regis possedit, cum securitate possideat. Et quod exinde fidelibus personis ablatum est, de præsentibus recipiat. Et quia inter præfatos reges pura & simplex est in dei nomine concordia inligata, conuenit vt in vtroque regno vtriusque fidelibus tam pro causis publicis quàm priuatis, quicumque voluerit ambulare, peruium nullis temporibus denegetur. Similiter conuenit, vt nullus alterius leudes nec sollicitet, nec venientes excipiat. Quod si forsitan pro aliqua amissione partem alteram crediderit expetendam, iuxta qualitatem culpæ excusati reddantur. Hoc etiam huic addi placuit pactio, vt si qua pars præsentia statuta sub quacunque calliditate, tempore quocunque, transcenderit, omnia beneficia, tam repromissa quàm in præsentibus conlata amittat, & illi proficiat qui inuiolabiliter omnia su-

praescripta seruauerit : & sit de sacramentorum obligatione in omnibus absoluta. His itaque omnibus definitis , iurant partes per dei omnipotentis nomen & inseparabilem trinitatem, vel diuina omnia, ac tremendum diem iudicij , se omnia quæ superius scripta sunt absque vlllo dolo malo, vel fraudis ingenio inuiolabiliter seruaturos. Facta pactio sub die quarto calēdis decembris anno vicesimō sexto regni domni Guntchramni regis , domni Childeberti verò duodecimo anno . Lectis igitur pactionibus ait rex, Iudicio dei feriar, si de his quicquam transcendero quæ hîc continentur. Et conuersus ad Felicem, qui tunc nobiscū legatus aduenerat, ait, Dic, ô Felix. iam enim plenissimè connexuisti amicitias inter sororem meam Brunichildē, & inimicam dei & hominum Fredegundem. Quo negante, ego dixi, Non dubitet rex , quia illæ amicitia inter easdem custodiuntur, quæ ante hos annos plurimos sunt ligatæ. nam certè scias quia odium quod inter illas olim statutum est, adhuc pullulat, non arefcit. Vtinam tu, ô rex gloriosissime , minus cum ea charitatē haberes. Nam vt sæpe cognouimus, dignius eius legationem quàm nostram excipis. Et ille, Scias inquit, sacerdos dei, quia sic eius legationem suscipio, vt charitatē nepotis mei Childeberti regis non omittam. Nam ibi amicitias ligare non possum de qua sæpius processerunt qui

mſhi vitam præſentem auferrent. Hæc eo di-  
 cente, Felix ait, Perueniſſe ad gloriam veſtram  
 credo, quòd Richaredus legationem ad nepo-  
 tem veſtrum direxit, quæ neptem veſtrâ Chlo-  
 doſuindam filiam fratris veſtri ei in matrimo-  
 niū poſtularet. Sed ille abſque veſtro conſilio  
 nihil exinde promittere voluit. Rex ait, Non  
 eſt optimum enim vt illuc neptis mea ambu-  
 let, vbi ſoror ſua eſt interfecta: ſed nec illud  
 rationabiliter complacet, vt non vlciſcatur  
 mors neptis meæ Ingundis. Felix reſpondet,  
 Multum ſe exinde excuſare volunt, aut ſacra-  
 mentis, aut quibuſlibet aliis conditionibus  
 iuſſeritis: tantum vos conſenſum præbete, vt  
 ei Chloſuinda ſicut poſtulat, deſponſetur.  
 Rex ait, Si enim nepos meus implet quæ in  
 pactioibus conſcribi voluit, & ego de his fa-  
 cio voluntatē eius. Promittentibus nobis eum  
 omnia impleturum, adiecit Felix. Deprecatur  
 etiam pietatem veſtram, vt ei ſolatium contra  
 Longobardos tribuatis, qualiter expulſi de  
 Italia pars illa quam genitor ſuus vendicauit  
 viuens, ad eum reuertatur. reliqua verò pars  
 per veſtrum ſuumque ſolatium imperatoris  
 ditioibus reſtituatur. Reſpondit rex, Non,  
 inquit, poſſum in Italiam exercitum meum  
 dirigere, vt vltro eos morti tradam. grauifſi-  
 ma enim lues Italiam nunc deuafat. Et ego,  
 Indicaſtis enim nepoti veſtro, vt omnes regni  
 ſui epiſcopi in vnum conuenirent, quia multa

sunt quæ debeant indagari: sed iuxta consuetudinẽ canonũ, placebat gloriosissimo nepoti vestro, vt vnusquisque metropolitanus cũ prouincialibus suis coniungeretur: & tunc quæ irrationabiliter in regione propria fiebant, sanctione sacerdotali emendarentur. Quæ enim causa extat, vt in vnum tanta multitudo conueniat: ecclesię fides periculo vllõ non quatitur: hæresis noua non surgit. Quæ erit ista necessitas, vt tanti debeant in vnum coniungi domini sacerdotes? Et ille, Sũt multa, inquit, quæ debeant discerni, quæ iniuste gesta sunt, tam de incestis, quàm de ipsis quæ inter nos aguntur causis. Sed præcipuè illa dei causa extat omnibus maior, vt inquirere debeatis, cur Prætextatus episcopus gladio in ecclesia fuerit interemptus. Sed & de iis qui pro luxuria accusantur, debet esse discussio, vt aut victi sanctione sacerdotali debeant emendari, aut certè si innocentes inueniuntur, publicè error criminis auferatur. Tunc iussit, vt in calendis mēsis quarti hæc synodus prolongaretur. Et iis dictis, ad ecclesiam processimus. erat enim diēs illa dominicæ Resurrectionis solennitas. Dictis igitur missis, conuiuio nos adsciuit, quod fuit non minus oneratum in ferculis, quàm lætitia opulentum. Semper enim rex de deo, de ædificatione ecclesiarum, de defensione pauperum sermonem habens: ridebat interdum spiritali ioco

delectans : addens etiam vnde & nos aliquid lætitię fruermur. dicebat enim & hæc verba, Utinam mihi nepos meus promissa custodiat. omnia enim quæ habeo, eius sunt: tamen si eū scandalizat illud, quod legatos Chlotharij nepotis mei suscipio, nunquid demens sum, vt non possim réperare inter eos, ne scandalū propagetur? Noui enim id magis incidere quàm in longius promulgare. dabo enim Chlothario, si eū nepotē meū esse cognouero, aut duas, aut tres in parte aliqua ciuitates, vt nec hic videatur exhæredari de regno meo, nec huic inquietudinē præparēt quæ isti reliquero. Hæc & alia locutus, dulci nos adfectu fouens, ac muneribus onerans, discedere iubet, mandans vt ea semper Childeberto regi insinuentur, quæ vitæ eius commoda fient.

21 I P S E autē rex, vt sepe diximus, in elemosynis magnus, in vigiliis atque ieiuniis promptus erat. nam tunc ferebatur Massilia à lue inguinaria valde vastari : & hunc morbum vsque ad Lugdunensem vicū Octauum nomine fuisse celeriter propalatum. sed rex, ac si bonus sacerdos, prouidens remedia quibus cicatrices peccatoris vulgi mederētur, iussit omnē populū ad ecclesiam cōuenire, & rogationes summa cū deuotione celebrari, & nihil aliud in vsu vescendi nisi panem hordeaceum cum aqua munda adsumi, vigiliisque adesse instanter omnes iubet : quod eo tempore ita

gestum est. Per triduum enim ipsius eleemosynis largius solito præcurrentibus, ita de cuncto populo formidabat, ut iam tunc non rex tantum, sed etiam sacerdos domini putaretur totam spem suam in domini miserationem transfundens, & in ipso iactans cogitationes quæ ei superueniebant, à quo eas effectui tradi tota fidei integritate putabat. Nam celebre tunc à fidelibus ferebatur, quòd mulier quædã cuius filius quarrano typo grauabatur, & in strato anxius decubabat, accessit inter turbas populi usque ad tergum regis, abruptisque clam regalis indumenti simbriis in aquam posuit, filioque bibendum dedit: statimque restincta febre sanatus est. Quod non habetur à me dubium, cum ego ipse sæpius laruas energia famulante nomen eius inuocantes audiverim, ac criminum priorum gesta virtute ipsius discernente fateri.

- 22 N A M sicut superius diximus, Massiliensis vrbs contagio pessimo ægrota, quanta sustinuerit, altius replicari placuit. His enim diebus Theodorus episcopus ad regem abierat, quasi aliquid contra Nicetium patritium suggesturus. Sed cum à rege Childeberto minime de hac causa fuisset auditus, ad propria redire disposuit. Interea navis ab Hispania una cum negotio solito ad portum eius adpulsa est, quæ huius morbi fomitem secum nequiter deferebat: de qua cum multi civium diuersa merca-

rentur, vna confestim domus in qua viij. anime erant, hoc contagio interfectis habitatoribus relicta est vacua. Nec statim hoc incendium luis per domos spargitur totas: sed interrupto certi tēporis spacio ac velut in segetem flamma accensa, urbem totam morbi incēdio conflagrauit. Episcopus tamen vr̄bis accessit ad locum, & se intra basilicę sancti Victoris septa continuit cum paucis qui tunc cum ipso remanserant, ibique per totam vr̄bis stragem orationibus ac vigiliis vacans, domini misericordiam exorabat, vt tādē cessante interitu, populo liceret in pace quiescere. Cessante verò hac plaga mensibus duobus, cum iam populus securus redisset ad urbem, iterum succedente morbo, qui redierant, sunt defuncti: sed & multis vicibus deinceps ab hoc interitu graua est.

- 23 **A GERICVS** verò Viridunensis episcopus, cum ex illo diuturnę amaritudinis felle grauitè ægrotaret, pro eo quòd Guntchramnus Boso pro quo fideiussor extiterat, interfectus esset, vel etiã abdita amaritudine, quòd Bertefredus intra oratorium domus ecclesiasticę fuerat interfectus: & præsertim cum ipsos Guntchramni filios secum retinens quotidie fleret dicens, In meo vos odio orphani relicti estis. His accensus vt diximus causis, felle amaritudine adgrauatus, & maxime inedia consumptus, diem obiit, adpositusque est in

sepulchro : Bucioualdus quoque abbas eius pro episcopatu cucurrit , sed nihil obtinuit . Charimerem enim referendarium cum cōsen-  
su ciuium regalis decreuit auctoritas fieri sacerdotem , Bucioualdo abbate postposito . ferebant enim hunc esse superbum , & ob hoc à nonnullis Buccus validus vocitabatur . Obiit autem & Licerius Arelatēsis episcopus , in cuius ecclesiam Virgilius abbas Augustodunensis opitulante Syagrio episcopo , substitutus est .

24 OBIIT autem & Deutherius Vinciensis episcopus , in cuius locum Fronimius subrogatus est . Hic autem Fronimius Bituricæ vr-  
bis incola fuit : sed causa nescio qua in Septimaniā abiit : ac post mortem Athanaeldi regis à Leuuanē successore eius magnifice est receptus , atque in vrbe Agathensi episcopus ordinatus est . Sed post mortem Leuuanis cū Leuuieldus in illa hēreticę prauitatis perfidia graf-  
saretur , & Ingundis filia Sygiberti regis cuius supra meminimus , in Hispaniam ad matrimonium duceretur , audiuit Leuuieldus quasi hic episcopus ei consilium dedisset , vt nunquam se veneno hēreticę credulitatis deberet admiscere : & ob hoc semper ei molestus iniuriarum laqueos intendebar , quousque eum ab episcopatu deiiceret . Cūque non inueniret quibus eum mulcipulis posset innectere , ad extremum emisit qui eum gladio deberet adpe-

tere. Quod ille per internuncios cognoscens, relicta vrbe Agathensi in Gallias aduenit, ibique à multis episcopis receptus ac muneratus, ad Childebertum regem pertransiit. Sicq; patefacto loco apud supradictã urbem potestaté pontificalem nono deiectionis suæ anno rege largiente suscepit.

BRITANNI eo anno grauiter territorium Namneticum Redonicumq; præde subiecerunt, vindemiantes vineas, culturas deuantantes, ac populum villarum abducentes captiuum: nihilque de promissis superioribus custodientes, & non solum non custodientes promissa, verumetiam detrahentes regibus nostris.

25 IGITVR Childebertus rex cum petentibus Longobardis sororem suam regi eorum esse coniugem acceptis muneribus promississet, aduenientibus Gothorum legatis ipsam, eo quòd gentem illam ad fidem catholicã conuersam fuisse cognosceret, repromisit: ac legationem ad imperatorem direxit, vt quod prius non fecerat, nunc contra Longobardorum gentem debellans cum eius consilio eos ab Italia remoueret: nihilominus & exercitum suum ad regionem ipsam capeffendam direxit. Commotis ducibus cum exercitu illuc abeuntibus, configunt pariter: sed nostris valde cæsis, multi prostrati, nõnulli capti, plurimi etiam per fugam lapsi, vix in patriam re-

dierunt. Tantâque ibi fuit strages de Franco-  
rum exercitu, vt olim similis non recolatur.

26 ANNO quoque quartodecimo Childe-  
berti regis Ingoberga regina Chariberti quô-  
dam relicta, migravit à seculo: mulier valde  
cordata, ac vita religiosa prædita: vigiliis &  
orationibus atque eleemosynis non ignaua:  
quæ credo per prouidentiam dei commonita ad  
me vsque nuncios dirigens, vt in his quæ de  
voluntate sua, id est pro animæ remedio cogi-  
tabat, adiutor existerem. Sic tamen vt ad ip-  
sam accedens, quæ consilio habito fieri decer-  
nebat, scriptura cōnecteret. Accessi fateor, vi-  
di hominem timētem deum, quæ cum me be-  
nigne excepisset, notarium vocat, & habito, vt  
dixi mecum consilio, quædam ecclesiæ Turo-  
nicæ, & basilicæ sancti Martini, quædam Cœ-  
nomannicæ ecclesiæ delegavit: ac post pau-  
cos menses subitanea ægritudine fatigata, mi-  
gravit à seculo, multos per chartulas liberos  
derelinquens, septuagesimo vt arbitror vitæ  
anno: relinquens filiam vnicam, quam in Can-  
thia regis cuiusdam filius matrimonio copu-  
lauit.

27 AMALO quoque dux dum coniugem in  
aliam villam pro exercenda vtilitate dirigit,  
in amorem puellulæ cuiusdam ingenuæ ruit.  
Et facta nocte crapulatus à vino misit pueros,  
vt detrahentes puellulam, eam thoro eius ad-  
scirent. Illa quoque repugnante, & violenter

in eius mansionē deducta, dum eam alapis cæ-  
dunt, sanguinis vnda ex narium meatibus de-  
currente perfunditur. Vnde factum est, vt ip-  
se quoque stratus ducis antedicti hoc riuo cru-  
entaretur, quā & ipse pugnis, colaphis, aliisq;  
iētibus verberatam in vlnam suscepit, & statim  
obpressus somno dormire cœpit. At illa ex-  
tensa manu trans caput viri gladium reperit:  
quo euaginato, caput ducis, velut Iudith Ho-  
lofernis, iētū virili librauit. Illo quoque voces  
emittente, concurrunt famuli. Quam cum in-  
terficere vellent, exclamauit ille, dicens, Ne  
faciatis quæso: ego enim peccaui qui vim ca-  
stitati inferre conatus sum. Nam hæc quę pu-  
dicitia studuit conseruare, omnino nō pereat.  
Hæc dicēs, spiritum exhalauit. Cūque super  
eum familia coniuncta lamētaretur, adiutorio  
dei eruta puella domū egreditur, & per noctē  
Cabillonensem urbem adiit, quæ est sita ab eo  
loco quasi milia xxxv. Ibique basilicam sancti  
Marcelli ingressa, regis prostrata pedibus cū-  
cta quæ pertulerat pādit. Tunc rex misericor-  
dissimus non solum ei vitam donauit, verum  
etiam præceptionē tribui iussit vt in verbo suo  
posita, à nullo vnquam parentū defuncti illius  
in aliquo molestia pateretur. Verūtamen hoc  
deo præstante cognouimus, quòd puellæ ca-  
stitas nō est ab ereptore seuo vllaten⁹ violata.

28

BRVNICHILDIS quoq; regina ius-  
sit fabricari ex auro ac gemmis miræ magni-

tudinis clypeum, ipsúmque cum duabus pateris ligneis, quas vulgo Bacchinon vocant, eisdémque similiter ex gemmis fabricatis & auro, in Hispaniá regi mittit: in qua re Ebre-gisilum, qui sæpe ad ipsam regionem legationis gratia accesserat, direxit. Quo abeunte, nunciatum est regi Guntchramno, dicente quodam, quia Brunichildis regina ad filios Gundobaldi munera dirigit. Quod rex audiens, iussit custodias arduas per vias regni sui fieri, ita vt nullus penitus prætereire possit, qui non discuteretur. Inquirebant etiam in hominum vel vestimentis, vel calciamentis, aut in reliquis rebus, si occultè literæ portarentur. Ebre-gisilus verò Parisios accedens cum his speciebus, ab Ebrachario duce comprehésus, ad Guntchramnum deducitur: dixitq; ei rex, Non sufficit ô infelicissime hominum, quòd impudico consilio Ballomerem illum, quem Gundobaldum vocitatis, ad coniugium accessistis quem manus mea subegit, qui voluit ditioni suæ regni nostri superare potentiam: & nũc filiis eius munera mittitis, vt ipsos iterum in Gallias prouocetis ad iugulandũ: ideoque non accedes quo volueris, sed morte morieris: quia contraria est legatio tua genti nostræ. Illo quoque recusante, non se his verbis esse communem, sed potius ad Richaredum qui Chlodosuinam sororem Childeberti regis sponsare debuerat, hæc munera mitti. Cre-

didit rex loquenti, & dimisit eum, abiitque in itinere quo directus fuit cum ipsis muneribus.

- 29 **IGITVR** Childebertus rex inuitante Sygimundo Momociacensis oppidi sacerdote, dies paschæ ad supradictam celebrari statuit urbem. Grauius tunc Theodobertus filius eius senior, gulæ adfectus tumore laborauit, sed conualuit. Interea Childebertus rex exercitum commouet, & Italiam ad debellandam Longobardorum gentem, cum eisdem pergere parat. Sed Longobardi his auditis, legatos cum muneribus mittunt dicentes, Sit amicitia inter nos, & non pereamus, ac dissoluamus certum ditioni tuæ tributum. Ac ubicunque necessarium contra inimicos fuerit ferre auxilium, non pigebit. Hæc Childebertus rex audiens, ad Guntchramnum regem legatos dirigit: qui ea quæ ab his offerebantur, in eius auribus intimarent. Sed illè non obuius de hac conuenientia, consilium ad confirmandam pacem præbuit. Childebertus verò rex iussit exercitum in loco residere: misitque legatos ad Longobardos, vt si hæc quæ promiserant confirmarent, exercitus reuertetetur ad propria. sed minime est impletum.

- 30 **CHILDEBERTVS** verò rex descriprores in Pictauios; inuitante Maroueo episcopo, iussit abire, id est Florentianum maiorem domus regis, & Romulsum palatii sui comitem, vt scilicet populus censum quem  
tempore

tēpore patris reddiderat, facta ratione, inno-  
uata re, reddere deberet. Multi enim ex his de-  
functi fuerant: & ob hoc viduis orphanisq; ac  
debilibus tributi pondus inſederat: quod hi  
discutientes, per ordinem relaxātes pauperes  
ac infirmos illos, quos iustitiæ conditio tribu-  
tarios dabat, censu publico subdiderunt: & sic  
Turonos sunt delati. Sed cum populis tribu-  
tariam functionem infligere vellent, dicentes  
quia librum præ manibus haberent, qualiter  
sub anteriorum regum tempore dissoluissent,  
respondimus nos, dicētes descriptam urbem  
Turonicam Chlotharij regis tempore, mani-  
festum esse, librique illi ad regis præsentia abie-  
runt. Sed cōpuncto per timorem sancti Mar-  
tini antistitis rege, incensi sunt. Post mortē ve-  
rò Chlotharij regis, Charibertho regi popul<sup>9</sup>  
hic sacramentum dedit. Similiter etiam & il-  
le cum iuramento promisit, vt leges cōsuetu-  
dinēsq; nouas populo nō infligeret, sed in illo  
quo quondam sub patris dominatione statu  
vixerāt, in ipso hic eos deinceps retineret, ne-  
que vllam nouam ordinationem se inflictu-  
rum super eos quod pertineret ad spoliū, spo-  
ndit. Gaiso verò comes eiusdem temporis  
accepto capitulario, quod anteriōres scripto-  
res fecisse commemorauimus, tributa cœpit  
exigere: sed ab Eufronio episcopo prohibitus,  
cum exacta paruitate ad regis direxit præsen-  
tiam, ostendens capitularium in quo tributa

coninebantur. Sed rex ingemiscens ac metu-  
ens virtutem sancti Martini, ipsum incendio  
tradidit: aureos exactos basilicæ sancti Marti-  
ni remisit, obtestans vt nullus de populo Tu-  
ronico vllum tributum publico redderet. Post  
cuius obitum Sygibertus rex hanc urbem te-  
nuit, nec vllius tributi pondus inuexit. Sic &  
nunc xiiij. anno Childebertus post patris obi-  
tum regnās, nihil exegit, nec vlllo tributi onere  
hæc vrbs adgrauata congemuit. Nunc autem  
potestatis vestræ est, vtrum cēseatis tributum,  
an non: sed videte ne aliquid noceatis, si con-  
tra eius sacramentum ambulare disponitis.  
Hæc me dicente responderunt, Ecce librum  
præ manibus habemus, in quo census huic po-  
pulo est inflictus. Et ego aio, Liber hic à regis  
thesauro delatus non est, nec vnquam per tot  
conualuit annos. Non est mirum enim si pro  
inimicitiiis horum ciuiū, in cuiuscunq; domo  
reſeruat<sup>us</sup> est. iudicabit enim deus super eos  
qui pro spoljis ciuium nostrorum hunc post  
tanti temporis transactum spaciū protulerūt:  
dum autem hæc agerentur, Audini filius, qui  
librum ipsum protulerat, ipsa die à febre cor-  
reptus, die tertia expirauit. Post hæc nos trans-  
misimus nuncios ad regem, vt quid de hac  
causa iuberet, mandata remitteret. Sed protin-  
us epistolam cum auctoritate miserunt, ne  
populus Turonicus pro reuerētia sancti Mar-  
tini describeretur. Quibus relectis, statim vi-

ri qui ad hæc missi fuerāt, ad patriam sunt regressi.

31 GVNTCHRAMNVS verò rex exercitum commouit in Septimanā. Austroualdus autē dux prius Carcaſonā accedēs sacramēta susceperat, ipsōsq; populos ditioni subegerat regię. rex autē ad reliquas ciuitates capiēdas, Bosonē cum Antestio destinauit. Qui accedēs cum superbia, despecto Austrouado duce atque condemnato, cur absque eo Carcaſoniam ingredi præsumpsisset, ipse cum Sanctonicis, Petragoricis, Burdegalensibúsq; Agennensibus etiam ac Tholosanis illuc direxit. Cúmque in hac iactantia ferretur, & Gothis hæc nunciata fuissent, parauerunt se in insidiis. Hic verò super fluuium paruulum propinquū vrbi castra ponit, epulis inſedit, ebrietatib<sup>9</sup> incumbit, conuiciis & blasphemis Gothos exaggerans. Illique inruentēs super ipsos reperiunt epulantes inopinantēsq;. Tunc hi dātes voces, exurgunt contra eos. At illi paululum resistentes, fugam simulant: proſequentibúsq; istis conſurgunt qui præparati erāt de insidiis, concludentes eos in medio, vsque ad interuiccionem ceciderunt: qui autem euadere potuerunt, vix equo ascenso per fugam dilapsi sunt, omnem supellectilem relinquentes in cāpi planitie, nihilq; secum de rebus propriis auferentes, hoc pro magno ducentes si vel vitæ donarentur. Inſequentes autem Gothi res

corum omnes reperiunt, diripiuntque, pedes omnes captiuos abducentes: cecideruntque ibi quasi quinque milia virorum: captiuum autem amplius quam duo milia abierunt. multi tamen ab his laxati, redierunt in patriam.

32. **COMMOTVS** autem rex vias claudi per regnum suum præcepit, ne vllus de Childeberti regno per eius regni territorium peruium posset habere, dicens, Quia per nequitiam eius qui cum rege Hispaniæ fœdus iniit, exercitus corruit meus, & ut se non subdant vrbes illæ ditiorum meæ, eius hoc immissio facit. Additum est etiam huic causæ aliud amaritudinis incendium, quod Childebertus rex filium suum seniore Theodobertum nomine, Suesionas dirigere cogitabat: quæ res suspicionem fecerat Guntchramno regi, dicente eo, Quia in hoc filium suum nepos meus Suesionas dirigit, ut Parisios ingredi faciat, regnumque meum auferre cupiat: quod nunquam Childebertus vel in cogitatione, si dici fas est, habere potuit. Multa autem & in Brunichildem reginam obprobria iactabat, dicens eius consilio hæc fieri: adde. etiam quod Gundobaldi quodam filium inuitatum coniugio copulare vellet. Vnde etiam synodum episcoporum in calendis nouembribus congregari præcepit, Multique de extremis partibus Galliarum ad hunc conuentum properantes, de via regressi sunt, pro eo quod Brunichildis regina se ab hoc crimine

exiit sacramentis : & sic viis iterum referatis, peruium patefecit volentibus ad regem Childebertum accedere.

- 33 HIS diebus Ingeltrudis, quæ monasteriũ in atrio sancti Martini statuerat, ad regẽ quasi filiam accusatura processit: in quo monasterio Berthesedis, filia quondam Chariberti regis, residebat. Sed ista egrediente, hæc in Cœnomanicum est regressa. Erat enim gulæ & somno dedita, & nullam de officio dei curam habens. Negocium verò Ingeltrudis & filix eius altius repetendũ puto. Igitur ante hos annos cum Ingeltrudis monasterium puellarum intra atrium sancti Martini, vt diximus, collocare cœpisset, filix suæ madata mittit, dicens, Relinque virũ tuum, & veni vt faciã te abbatissam gregi huic quem cõgregaui. At illa, audito leuitatis cõsilio, cum viro Turonos aduenit: ingressaq; monasteriũ matris, dicebat viro, Regredere hinc, & gubernare res liberósque nostros: nam ego non reuertar tecũ. non enim videbit regnũ dei coniugio copulatus. Ille verò adueniens, nunciauit mihi omnia quæ à cõiuge audierat. Tũc ego accedẽs ad monasterium, canonũ Nicenorũ decreta relegi: in quib; cõtinetur, Quia si quæ reliquerit virũ, & thorrũ in quo bene vixit spreuerit, dicẽs, quia non sit ei portio in illa cælestis regni gloria qui fuerit coniugio copulatus, anathema sit. Quibus

auditis Berthegundis metuens, ne à sacerdo-

tibus dei communionē priuaretur, egressa monasterium, rediit cum viro suo. interpositis autem tribus vel quatuor annis, iterum mandata mittit ad eam mater, deprecans eam ad se accedere. At illa oneratis nauibus tam de re b<sup>o</sup> propriis, quàm viri sui, adsumpto secū vno filio viro absente, Turonos est adpulsa. Sed cū à matre propter improbitatē viri retineri non posset, scilicet ne calumniam quæ eius dolo fabricata fuerat exciperet, ad Bertchramnū germanum eius, filium videlicet suum Burdegalensis vrbs episcopum eam direxit. Prosequēte igitur viro eius dicebat, quia sine cōsilio parentum eam coniugio copulasti, non erit vxor tua. Erant enim iam fere xxx. anni, ex quo cōiuncti pariter fuerant. Adiit enim vir eius plerunque urbem Burdegalēsem: sed noluit eam episcopus restituere. Cum autē rex Guntchramnus ad Aurelianensem urbem, sicut in superiore libro memorauimus, aduenisset, ibi eum acrius hic vir impugnare verbis cœpit, dicēs, Abstulisti vxorem meam cum famulis eius. Et ecce, quod sacerdotē non decet, tu cum ancillis meis, & illa cum famulis tuis dedecus adulterij perpetratis. Tunc furore commotus rex, adstrinxit episcopū, vt polliceretur eam reddere viro, dicens, quia parens mea hæc est: si quicquam mali exercuit in domo viri sui, ego vlciscar: sin aliud, cur sub omni deformitate redacta viro cōiunx eius aufertur. Tunt Bert-

chramnus episcopus pollicitus est dicens, Venit ad me, fateor, soror mea post multorum annorum curricula: quam pro charitatis ac de fiderij studio tenui mecum vt libuit. Nunc autem recessit à me: requirat nunc eam reuertetur quo voluerit: me obuium non habebit. Et hæc dicens, misit clam nuncios ad eam mandans, vt veste mutata ac pœnitentia accepta basilicam sancti Martini expereret. quod facere illa non distulit. Venitque vir eius cum multis insequenti viris, vt eam ex ipso loco sancto eiiceret. erat enim in veste religiosa, adferens se accepisse pœnitentiam: sed virum sequi despexit. Interea defuncto apud Burdegalensem urbem Bertchramno episcopo, hæc ad se reuersa ait, Væ mihi quæ audiui consilium matris iniquæ. Ecce frater meus obiit, ecce à viro detelicta sum, à filiis separata. Et quo ibo infelix? vel quid faciam? Tunc habito consilio Pictauum pergir: voluitque eam mater retinere secum, sed penitus non potuit. Ex hoc inimicitia orta, dum sapius regis præsentiam adeunt, & hæc res patris defensare cupiens, hæc viri Berthegundis donationem Bertchramni germani sui ostendit, dicens, Quia hæc & hæc mihi germanus meus contulit. Sed mater eius non admittens donationem, omnia sibi vindicare cupiens, misit qui effracta domo eius, omnes res illius cum hac donatione diriperet: vnde seipsam genitrix reddidit

comprobatam, cum de rebus ipsis insequenti filia quædam repetenti districta restituit. Sed cum sæpius ego & frater noster Maroueus episcopus, acceptis regalibus epistolis, vt eas pacificare deberemus, Berthegūdis aduenit Turonos: in iudiciū quoque accedētem coegim<sup>9</sup> eam, in quantum potuimus rationē sequi: mater verò eius flecti non potuit. Tunc accensa felle, ad regē abiit, quasi filiam exhæredē data de facultate paterna. Ac in præsentia regis exponens causas filia absente, iudicatū est ei vt quarta parte filię restituta, tres cum nepotibus suis quos de filio vno habebat, reciperet: in qua causa Theutharius presbyter qui nuper ex referendario Sygiberti regis cōuersus, presbyterij honorem accepit, accessit vt hanc diuisionem iuxta regis imperiū celebraret. Sed resistente filia, nec diuisio facta, nec scādalum sedatum est.

- 34 RIGVNDIS autem filia Chilperici, cum sæpius matri calumnias inferret, dicerētque se esse dominam, genitricēque suam seruitio redhiberi, & multis eam & crebro conuictis laceffiret, ac interdum pugnis se alapisque cēderent, ait ad eam mater, Quid mihi molesta es filia? ecce res patris tui, quæ penes me habentur, accipe & vttere vt libet. & ingressa in regestum reserauit archam monilibus ornamentisque preciosis refertam: de qua cum diutissime res diuersas extrahens filia adstanti

porrigeret, ait ad eam, Iam enim lassata sum: immitte tu, inquit, manum, & eiice quod inueneris. Cùmque illa immisso brachio res de archa abstraheret, adprehẽso mater opertorio archæ super, ceruicem eius inlisisit. Quod cum in fortitudine premeret, atque gulam eius axis inferior ita adtereret, vt etiã oculi ad crepandum parati essent, exclamauit vna puellarũ quæ erat intrinsecus, voce magna, dicẽs, Currite, quæso, currite: ecce domina mea à genitrice sua grauiter suggillatur. Et inrumpentes cellulam qui coram foribus eorũ præstolabantur aduentũ, erutam ab imminẽti interitu puellam, eduxerunt foras. Post ista verò inter easdem inimicitiaẽ vehementius pululantẽs, & nõ de alia causa maxime, nisi quia Rigunthis adulteria sequebatur, semper cum eisdem rixæ & cædes erant.

35 B E R E T R V D I S verò moriens, filiã suam hæredem instituit, relinquens quæpiam vel monasteriis puellarum quæ ipsa instituerat, vel ecclesiis siue basilicis confessorum sanctorum. Sed Vuaddo, cuius in superiore libro meminimus, querebatur à genero eius equos suos fuisse direptos: cogitauitque accedere ad villam eius vnã quã reliquerat filiaẽ, quæ intra Pictauum terminum erat, dicens, Hic à regno alterius veniens diripuit equos meos, & ego auferã villam eius: interea mandatum mittit agenti, vt se adueniente omnia quæ

erant ad expēsam eius necessaria, præpararet. Quod ille audiēs, coniunctis secum hominibus ex domo illa se ad bellū præparat, dicens, Nisi moriar, nō ingredietur Vuaddo in domū domini mei. Audiens autem vxor Vuaddonis adparatū scilicet belli instaurati contra virum suum, ait ad eum, Ne accesseris illuc chare cōiunx: morieris enim si abieris, & ego cum filiis misera ero. & injecta manu, voluit eum retinere, dicente præterea tum filio, Si abieris pariter moriemur, & relinques genitricē meam viduam, orphanosq; germanos. Sed cū eum hæc verba penitus retinere non possent, furore accensus contra filium, & timidum cum mollēque exclamans; proiecta secure penē cerebrum eius inlisit. Sed ille in parte excussus, ictum ferientis euasit. Ascensis denique equis abierunt, mandans iterum actori, vt domo scopis mundata, stragulis scamna operiret. Sed ille paruipendens mandatū eius, cum turbis, sicut diximus, virorum ac mulierum ante fores domini sui stetit, opperiēs aduentum huius. Qui veniens, statim ingressus domum, ait, Cur non sunt scamna hæc operata stragulis, aut domus scopis mundata? & eleuās manum cum sica, caput hominis librauit, ceciditque, & mortuus est. Quod cernens filius hominis mortui, emissā ex aduerso lancea, cōtra Vuadlonem dirigit: cuius mediam aluum ictu penetrauit à tergo egressa falarica; & ruēs

ad terram, adueniente multitudine quæ collecta fuerat, lapidibus obrui cœpit, Tunc quidam de his qui venerant cum eo, inter imbres faxeos accedentes, coopertum fago ac populo mitigato, eiulante filio eius, eumque super equum eleuans, adhuc viuentem domui reduxit. Sed protinus sub lachrimis vxoris ac filiorum, spiritum exhalauit. Explicita igitur tam infeliciter vita, filius eius ad regem abiit, resque eius obtinuit.

36 I G I T V R anno quo supra, regni sui, Childebertus rex morabatur cum coniuge & matre sua intra terminum vrbs quam Strataburgum vocant. Tunc viri fortiores, qui in vrbe erant Sueffionica siue Meldensi, venerunt ad eum, dicentes, Da nobis vnum de filiis tuis, vt seruiamus ei: scilicet vt de proge tua pignus retinentes, nobiscum facilius resistentes inimicis, terminos vrbs tuæ defendere studeamus. At ille gauisus nuncio, Theodobertum filium suum seniores illuc dirigendum destinat. cui comitibus, domesticis, maioribus, atque nutritiis, & omnibus qui ad exercendum seruitium regale erant necessarij, delegatis, mense sexto huius anni direxit eum iuxta voluntatem virorum qui eum à rege flagitauerant transmittendum: suscepitque eum populus gaudens ac deprecans, vt vitam eius patrisque sui æuoprolixiore pietas diuina concederet.

37 ERAT autem apud urbem Sueffionas his diebus Droctigifilus, qui propter nimiam, ut ferunt, potationem, quarto instante anno sensum perdididerat. Adferebant enim multi civium, quod hoc ei maleficiis accessisset, per emissionem archidiaconi, quem ab honore repulerat, intantum ut intra muros urbis hanc amentiam magis haberet: si verò de ciuitate fuisset egressus, agebat commodius. Cùmque rex supradietus ad urbem venisset, & hic melius ageret, non permittebatur ingredi urbem propter regem qui aduenerat. Et licet esset vorax cibi ac potator vini extra modum quàm sacerdotalem cautelam decet, tamen nullum de eo adulterium quispiam est locutus. Verum tamen insequentem cùm apud Sauriciacum villam, episcoporum synodus adgregata fuisset, iussum est ut liceret ei ingredi urbem suam.

38 CVM autem Faileuba regina Childeberti regis, partu edito mox extincto agrotaret, adtigit aures eius sermo, quod quidam vel contra eam, vel contra Brunichildem reginam agere conarentur. Cùmque confortata ab incommodo, ad regis præsentiam accessisset, omnia tam ei quàm matri eius, quæ audierat reserauit. Verba autem huiusmodi erant, quod scilicet Septimina nutrix infantum eius, consilio suadere vellet regi, ut eiecta matre, coniugèque relicta, aliam sortiretur uxorem:

& sic cum eodem quæcunque vellent, vel a-  
ctu agerent, vel precibus obtinerent. Quod si  
his rex nollet adquiescere quæ suadebat, ipso  
maleficiis interempto, eleuatis filiis eius in re-  
gnum, repulsa nihilominus matre eorum &  
auia, ipsi regerent regnum. Huius enim con-  
siliij socios pronunciat esse Sunnegisilum co-  
mitem stabuli, & Gallomagnum referenda-  
rium atque Droctulfum, qui ad solatium Se-  
ptiminae ad nutriendum regis paruulos fue-  
rat datus. Denique corripuntur hi duo, Se-  
ptimina videlicet & Droctulfus. Nec mora,  
extensi inter stipites cum vehementius cede-  
rentur, profiteretur Septimina se virum suum  
Iouium maleficiis interfecisse, ob amorem  
Droctulsi: ipsumque secum scorto misceri. De  
his quæ supra diximus causis pariter confiten-  
tur, & memoratos viros in hoc consilio habi-  
tos indicant. Nec mora, inquiruntur & ipsi:  
sed conscientia terrente, latebram intra eccle-  
siarum septa petiere. Ad quos rex ipse proce-  
dens, ait, Egrediemini in iudicium, vt cogno-  
scamus de his quæ vobis obiiciuntur, si vera  
sint, an falsa. Nam ego vt opinor, in hanc ec-  
clesiam fuga dilapsi non fuissetis, nisi vos con-  
scientia terruisset. Verûtamen promissionem  
habete de vita, etiam si culpabiles inueniami-  
ni. Christiani enim sumus. nefas est enim vel  
criminosos ab ecclesia eductos punire. Tunc  
educti foras, cum rege venerunt ad iudicium:

discussique reclamant, dicentes, Quia Septimina cum Droctulfo hoc nobis consilium parafecit. Sed nos execrantes ac fugientes, nunquam consentire volumus hoc scelus. Et rex, Si, inquit, vos nullam conniuentiam praeuissetis, nostris auribus utique intulissetis. Verumne ergo est, vos in hac causa praeuissetis consensum, cum hoc nostrae scientiae oculi voluissetis? Et statim eiectione foras, iterum ecclesiam petierunt. Septimina vero cum Droctulfo vehementer caesa, ac cauteriis accensis in facie vulnerata, ablatis omnibus quae habebat, in Marilegium villam deducitur, ut scilicet trahens molam, his quae in gynaeccio erant positae, per dies singulos farinas ad victus necessarias praepararet. Droctulfum autem incisis capillis & auribus, ad vineam excolendam delegauerunt, sed post dies paucos fuga dilabitur: inquisitioneque ab actore, iterum ad regem deducitur: ibique multum caesus, iterum ad vineam quam reliquerat, destinatur. At vero Sunnegifilus & Gallomagnus priuati a rebus quas a fisco meruerant, in exilium retruduntur. Sed venientibus legatis, inter quos episcopi erant, a rege Guntchramno, & petentibus pro his, ab exilio reuocantur: quibus nihil aliud est relictum, nisi quod habere proprium videbantur.

39 IN monasterio vero Pictauiensi insidiantem diabolo in corde Chrodielidis, quae se Cha-

riberti quondam regis filiam adferebat, orto scandalo, ipsa quoque quasi de parentibus cōfisa regibus, exactis sacramētis à sanctinonia- libus vt iniectis in abbatissam Leuboueram criminibus, ea monasterio deiecta, ipsam substituerēt principalē. Egressaque est cum quadraginta aut eo amplius puellis, & consobrina sua Basina filia Chilperici, dicens, Quia vado ad parētes meos reges, vt eis contumeliam nostram innotescere valeam: quia non vt filix regum, sed vt malarum ancillarum genitrix in hoc loco humiliamur. Infelix ac fatua non recordans, in qua se humilitate beata Radegundis, quæ hoc instituit monasterium, exhibebat. Egressa ergo ab eo, Turonos aduenit, dataq; nobis salutatione, ait, Deprecor sancte sacerdos, vt has puellas quæ in magnam humilitatem ab abbatissa Pictauēsi redactę sunt, custodire digneris, ac cibum præbere, donec ego eam ad reges parentes nostros, exponamq; eis quę patimur, & reuertar. Quib<sup>o</sup> ego aio, Si abbatissa deliquit, aut canonicam regulam in aliquo prætermisit, accedamus ad fratrem nostrum Maroueam episcopum, & coniuncti arguamus eam: emendatisque negociis restituamini in monasterium vestrum, ne dispergatur luxuria, quod sancta Radegundis ieiuniis & orationibus crebris, elemosynisq; frequentibus adgregauit. Et illa respondit, Nequaquam, sed ad reges ibimus. Et ego, Quare

responsioni resistitis? Ob quam rem sacerdotale monitum nno auditis? Vereor ne cōiuncti sacerdotes ecclesiarum, vos à communione remoucant; sic enim & ab antecessoribus in epistola quam ad beatam Radegundem in initio huius congregationis scripserunt, habetur insertum. Cuius exemplaria huic lectioni inferere placuit.

*Exemplar epistole.*

DOMINÆ beatissimæ & in Christo ecclesie filie Radegūdi, Eufronius, Prætextatus, Germanus, Felix, Domitianus, Victorius, & Domnolus episcopi. Sollicita sunt iugiter circa genus humanum immensæ diuinitatis prouisura remedia, nec ab assiduitate beneficiorum suorum quocunque loco vel tempore videntur aliquādo seiuncta, cū pius rerum arbiter tales in hæreditate culturę ecclesiasticę personas vbique disseminat, quibus agtum eius intēta operatione fidei rastro colētibus, ad felicem centeni numeri reditum diuina temperie Christi seges valeat peruenire. Tantum igitur benignitatis eius se passim dispensatio profutura diffundit, vt illud nusquam deneget quod prodesse multis agnoscit. Quarum personarū exemplo sanctissimo cum iudicaturus aduenerit, habeat in plurimis quod coronet. Itaque cum ipso catholicę religionis exortu, cœpissent Gallicanis in finibus venerādæ fidei primordia respirare, & adhuc  
ad

ad paucorum notitiam tunc ineffabilia peruenissent trinitatis dominicæ sacramenta, ne quid hic minus acquireret quàm in orbis circulo prædicantibus apostolis obtineret, beatum Martinum peregrina de stirpe ad illuminationem patriæ dignatus est dirigere, misericordia consulente. Qui licet apostolorum tempore non fuerit, tamen apostolicam gratiam non effugit. Nam quod defuit in ordine, suppletum est in mercede: quoniam sequens gradus illi nihil subtrahit, qui meritis antecellit. Huius quoque reuerentissima filia, in vobis congratulamur rediuiua surgere superne dilectionis exēpla propitiatione diuina. nam declinante tempore seculi vetustate, vestri sensus certamine fides reuirescit in flore: & quod veterno tepuerat algore senectæ, tandem feruētis animi rursus incalescat ardore. Sed cùm penè eadem veneritis ex parte qua beatū Martinum huc didicimus accessisse, nō est mirum si illum imitari videaris in opere, quem tibi duces credimus itineris exitisse: vt cuius es secuta vestigia, felici voto compleas & exempla, & beatissimum virum in tanto tibi facias esse socium, in quantum partem refugis habere de mundo. Cuius opinionis radio præmicante, ita reddis audientium pectora cælesti fulgore suffusa, vt passim prouocati puellarū animi diuini ignis scintilla succensi, raptim festinent auidè in charitate Christi fonte ve-

stri pectoris inrigari : & relictis parentibus te sibi magis eligant , quàm matrem . facit hoc gratia , non natura . Igitur huius studij vota videntes , gratias clementiæ supernæ referimus , qui voluntates hominum suæ facit voluntati connecti : quoniam cõfidimus quas apud vos iubet colligi , suo vult amplexu seruari . Et quia quasdam comperimus diuinitate propitia de nostris territoriis ad institutionem vestræ regulæ desiderabiliter conuolasse , inspicientes etiam vestrę petitionis epistolam libèter à nobis exceptam , hoc Christo auctore & remediatore firmamus , vt licet omnes æqualiter quæ ibi conueniunt , in domini charitate mansuræ debeant inuiolabiliter custodire , quod videtur libentissimo animo suscepisse : quoniam contaminari non debet Christo fides cælo teste promissa : vbi non leue scelus est templum dei , quod absit , pollui , vt ab eo possit ira succedente disperdi . tamen specialiter definimus , si qua , sicut dictum est , de locis sacerdotaliter nostræ gubernationi domino prouidente commissis , in Pictauna ciuitate vestro monasterio meruerit sociari , secundum beatæ memoriæ domini Cæsarij Arelatensis episcopi constituta , nulli sit ulterius discedendi licentia . Quæ sicut continet regula , voluntate prodita videtur ingreßa , ne vnus turpi dedecore ducatur in crimen , quod apud omnes emicat in honore . Et

ideo, si, quod auertat deus, aliqua insanæ mētis inlicitatione succensa, ad tanti obprobrij maculam præcipitare suam voluerit disciplinam, gloriam & coronam, vt inimici consilio, sicut Eua eiecta de paradiso, per qualemcunque de claustris ipsius monasterij, immo de cæli regno exire pertulerit, mergenda & conculcandavili platearum in luto, separata à cōmunionem nostram, diri anathematis vulnere feriatur. Ita vt si fortassis Christo relicto homini voluerit nubere, diabolo captiuante, non solum ipsa quæ refugit, sed etiam ille qui ei coniunctus est, turpis adulter, & potius sacrilegus quàm maritus: vel quisquis vt hoc fieret, venenum magis quàm consilium ministravit, simili ultione, sicut de illa dictum est, cælesti iudicio, nobis optantibus, percellatur: donec separatione facta per competentem execrandi criminis pœnitentiam, à loco quo egressa fuerat, recipi meruerit & adnecti. Adiciunt etiam vt eorum qui nobis quandoque successuri sunt sacerdotes, simili condemnationis teneantur adstrictæ reatu, & si, quod nō credimus, aliquid ipsi voluerint aliter quàm nostra deliberatio continet, relaxare, nouerint se nobiscum æterno iudice definiente causaturos, quia communis est salutis instructio, si quod Christo promittitur, inuiolabiliter obseruetur. Quod nostræ determinationis decretum pro firmitatis intuitu

tu, propriæ manus subscriptione credimus roborandum, perpetualiter à nobis Christo auspice duraturum.

Lectâ igitur hac epistola Chrodielidis dixit, Nunquam nos vlla retinebit mora, nisi ad reges quos parentes nostros esse nouimus, accedamus. Venerant enim pedestri itinere à Pictauro, nec vllius equi beneficium habuerant: vnde anhelæ & satis exiguæ erant: sed nec victus alimoniam vllam eis in via quisquâ præbuerat. accesserunt enim ad urbem nostram die prima mēsis primi. erant enim pluuię magnę: sed & viæ dissolutæ erant à nimia immensitate aquarum.

- 4<sup>o</sup> **DE TRAHEBANT** autem & de episcopo dicentes, quia illius dolo & hæ turbatâ, & monasterium erat derelictum: sed materiam huius scandali altius placuit memorari. Tempore Chlotharij regis, cum beata Radegundis hoc monasterium instituisset, semper subiecta & obediens cum omni congregatione sua anterioribus fuit episcopis. Tempore vero Sygiberti, postquam Maroueus episcopatum vrbis adeptus est, acceptis epistolis Sygiberti regis pro fide ac deuotione Radegundis beatæ, in partes orientis clericos destinat pro dominicæ crucis ligno, ac sanctorum apostolorum ceterorumque martyrum reliquiis. Qui euntes detulerunt hæc pignera: quibus delatis, petiit regina episcopum, vt cum ho-

nore debito, grandique psallentio in monasterio locarētur. Sed ille despiciens suggestionem eius, ascēsis equis, villæ se contulit. Tūc regina iterato ad regem Sygibertum direxit, deprecans vt iniunctione sua quicumque ex episcopis hæc pignera cum illo quo decebat honore, votūque eius exposcebat, in monasterio cōlocaret. Ad hoc enim opus beat<sup>o</sup> Eufronius vrbis Turonicę episcopus iniungitur. Qui cum clericis suis Pictanum accedēs, cum grandi psallentio & cereorum micantium ac thymiamatis adparatu, sancta pignera absente loci episcopo in monasterium detulit. Post hæc cum pontificis sui sæpius gratiam quæreret, nec posset adipisci, necessitate commota cum abbatissa sua quā instituerat, Arelatēsem urbem expetunt: de quā regula sancti Cæsarij atque Casariæ beatæ suscepta, regis se tuitione munierunt, scilicet quia in illum qui pastor esse debuerat, nullam curam defensionis suæ poterant reperire. Ex hoc scandalo de die in diem propagato, tēpus migrationis beatæ Radegundis aduenit: qua migrante, iterum petit abbatissā se sub sacerdotis sui potestate degere. Quod ille cūm primum respuere voluisset, consilio suorum promisit se patrem earū, sicut dignum erat, fieri: & vbi necessitas fuisset, suam præbere defensionem: vnde factum est, vt abiens ad Childebertum regem præceptionem eliceret, vt ei hoc monasterium sicut

reliquas parochias regulariter liceat gubernare. Sed nescio quid, credo, adhuc in eius animis residebat, ut hæc puellæ adserunt, quod moueret scâdalum. His verò intēdentibus, ut ad regis, sicut diximus, præsentiam properarent, dedimus eis cōsiliū dicētes, Intenditis contra rationem, & nullo modo vobis ea series inferi potest, quæ blasphemium arceat. Sed si ut diximus rationē prætermittitis, nec salubre cōsiliū vultis accipere, vel hoc coniicite in animis vestris, ut præterito hiberni huius temporis quod in hoc verno accessit, cum aurgē cōmodiores fuerint, quo ducit voluntas, pergere valeatis. Quod cōsiliū aptum suscipientes, subsequente ætate, relictis Turonis, ceteris accōmodatis consobrinæ suæ Chrodildi sanctimonialibus, ad regē Gūtchramnū accessit. A quo suscepta ac munerib<sup>9</sup> honorata, Turonos eit regressa. Constantina filia Burgolini in monasterio Augustidunensi relicta, expectans episcopos qui à rege fuerant iussi aduenire, & causam ipsarum cum abbatissa discutere. Multę tamen ex his à diuersis circūuentę matrimonio copulatę sunt, priusquã hæc à rege regrederetur. Cúmque prætolâtes aduentū, nullum episcopū aduenire sensissent, Pictauū regressæ sunt, & se intra basilicã S. Hilarii tauerunt, congregatis secum furibus, homicidis, adulteris, omniūque criminum reis, stabilientes se ad bellum atque dicētes, Quia

reginæ sumus, nec prius in monasterium nostrū ingredimur, nisi abbatissa eiciatur foras. Erat ibi tūc reclusa quædā, quæ ante paucos annos per murum se deiiciens, a basilicā sancti Hilarij confugit, multa in abbatissam crimina euomens, quæ tamen falsa cognouimus. Sed postquam in monasterium per eum locū vnde se præcipitauerat, funibus est adtracta, petiit vt se in cellulam secretam reclauderet, dicens, Quia multum peccaui in dominum, & domnam meam Radegundem, quæ illis diebus superstes erat. Volo me, ait, ab hac frequentia cōgregationis totius amouere, & pœnitentiam pro neglectis meis agere. scio enim quia misericors est dominus, & remittit cōfidentibus se peccata. & ingressa est in cellulam. Cū autē hoc scandalum commotum fuisset, & Chrodielis à Guntchramno rege regressa esset, hæc disrupto nocturnis horis cellulæ ostio egressa est à monasterio, & ad Chrodielē abiit, multa sicut prius fecerat, crimina de abbatissa prorumpens.

41 DVM autem hæc agerentur, Gundegifilus Burdegalensis, adiunctis secum Nicasio Engolismensi, & Saffario Petragorico, ac ipso Maroueo Pictauesi episcopis, eo quod huius vrbs metropolis esset, ad basilicam sancti Hilarij aduenit, arguens has puellas, & in monasterium reducere cupiens. Sed cū illæ obstinatius reluctarentur, & hic cum reliquis

iuxta epistolam superius nominatam eis excommunicationem indiceret, exurgens turba murionum præfatorum tanta eos in ipsa sancti Hilarij basilica cæde mactauit, vt conruentibus in pauimento episcopis vix consurgere possent. Sed & diaconi & reliqui clerici sanguine perfusi, cum effractis capitibus basilicam sunt egressi. Tam immensus enim eos, & vt credo, diabolo cooperante, pavor obsederat, vt egredientes à loco sancto, nec sibi Vale dicentes, vnusquisque per viam quam arripere potuit, repedaret. Adfuit huic calamitati & Desiderius diaconus Syagrii Augustidunensis episcopi, qui non inquisito Cleni fluminis vado, quo primum litus adtigit, est ingressus: ac natante equo, ripæ vltioris cæpo euectus est. Ex hoc Chrodielidis ordinatores eligit, villas monasterij peruadit, & quoscunque de monasterio arripere potuisset, plagis ac cædibus adfectos suo seruitio subiugabat, minans, vt si monasterium posset ingredi, abbatissam de muro proiectam, terræ deiiceret. Quod cum Childeberto regi nuntiatum fuisset, statim directa auctoritate præcepit Macconi comiti, vt hæc reprimere omni intétione deberet. Godegisilus auté cum has à communionem suspensas cum ceteris, vt diximus, reliquisset episcopis, epistolá ex suo fratrumque præsentium nomine conscripsit ad sacerdotes illos, qui tunc cum rege Guntchra-

mno fuerant adgregati : à quibus hæc rescripta suscepit.

*Exemplar rescripti.*

DOMNIS, semper suis atque apostolica sede dignissimis, Gudegilo, Nicasio & Saffario, Ætherius, Syagrius, Aunacharius, Hesychius, Agræcola, Urbicus, Felix, Veranus, ite Felix, & Bertchramnus episcopi. Literas vestre beatitudinis tantum referante nuncio de vestra sospitate gauisi, excepimus : tantum de iniuria quã vos pertulisse signastis, non modico mœrore adstrigimur, dum & regula trãscenditur, & nulla reuerentia religioni seruatur. Sed quia indicastis monachas, quę de monasterio bonę memorię Radegundis, instigante diabolo fuerunt digressæ, quòd nullam à vobis acquieuerint correctionem audire, nec intra monasterij sui septa de quo egressæ fuerant, voluissent reuerti: insuper basilicę domni Hilarij per cædes vestras vestrorumque iniuriam intulisse: quapropter ipsas à communionis gratia visi fueritis suspèdere, ac per hoc nostram exinde mediocritatem elegistis consulere. Igitur quia optime vos nouimus statuta canonum percussisse, ac regulę plenitudinem continere, vt qui in talibus excessibus videntur deprehendi, nõ solum excommunicatione, verumetiam pœnitentię satisfactione debeant coerceri, ea de re addentes cum venerationis cultu summæ auiditatis dilectionis instinctum, indicamus

ea quę definistis nos concordāter vestrę sententię consentire, quo ad usq; in synodali concilio calēdis nouembribus pariter positi debeamus consilio pari tractare, qualiter taliū temeritas frænum districtiōnis possit accipere, vt deinceps nulli liceat sub hunc lapsum faciente iactantia similia perpetrare. Attamen quia nos sua dictione domnus Paulus apostolus indefinenter videtur mōnere, vt opportune inopportunęque debeamus quoscunque excedentes sedula prædicatione corrigere: & pietatem protestatur ad omnia vtilē esse: ideo suggerimus vt adhuc & oratione assidua domini misericordiā deprecemini, vt ipse spiritus cōpunctionis ipsas inflammare dignetur, vt id quod per delictum visę sunt contraxisse, digna satisfactione pœniteant: vt in monasterio suo vestra prædicatione animę quę quodammodo perierunt, propitio Christo reuertantur: vt ille qui vnam humeris inlatam errātem ouem ad ouile reduxit, & de istarum transgressione quasi adquisito gregi congaudere dignetur. Hoc specialius postulātes, vt pro nobis intercessionum vestrarum suffragia indefinenter, vt confidimus, tribuatis. Peculiaris vester Ætherius peccator salutare præsumo. Client vester Hesy chius reuerēter audeo salutare. Amator vester Syagrius reuerenter saluto. Cultor vester Urbicus peccator famulanter saluto. Venerator vester Veranus episcopus, reue-

reter saluto. Famulus vester Felix salutare præsumo. Humilis vester atque amator Felix audeo salutare. Humilis atque obediens vester Bertchramnus episcopus salutare præsumo.

42 SED & abbatissa recitauit epistolam quam beata Radegundis episcopis qui suo tempore erant, dirigi voluit. Cuius nunc iterum ipsa abbatissa exemplaria ad vicinarum urbium sacerdotes direxit: cuius hæc sunt exemplaria.

*Exemplar epistole.*

DOMNIS sanctis & apostolica sede dignissimis in Christo patribus omnibus episcopis Radegundis peccatrix. Congruæ provisionis tunc roborabiliter ad effectum tendit exordium, cum generalibus patribus, medicis ac pastoribus, ouilis sibi commissi causa auribus traditur, cuius sensibus commendatur. Quorum participatio de charitate, consilium de potestate, suffragium de oratione ministrare poterit interuentum. Et quoniam olim vinculis laicalibus absoluta, diuina prouidente & inspirante clementia, ad religionis normam visa sum voluntarie duce Christo translata, hæc pronæ mentis studio cogitans etiam de aliarum profectibus, vt adnunciante domino mea desideria efficerentur, reliquis profutura, instituente atq; remunerante præcellentissimo domno rege Chlothario, monasterium puellarum Pictaua vrbe constitui: conditumque quantum mihi munificètia regalis est largita, facta

donatione dotaui: in super congregationi per  
 me Christo præstante collectæ, regulam sub  
 qua sancta Casaria degit: quâ sollicitudo beati  
 Cæsarij antistitis Arelatensis ex institutione  
 sanctorum patrum conuenienter collegit, ad-  
 sciui. Cui consentientibus beatissimis & huius  
 ciuitatis, & reliquis pontificibus, electione e-  
 tiam nostræ congregationis domnam & foro-  
 rem meam Agnetem, quam ab ineunte ætate  
 loco filix colui & eduxi, abbatissam institui,  
 ac me post deum eius ordinationi regulariter  
 obedituram commisi. Cuique formam aposto-  
 licam obseruantes, tam ego quam sorores de  
 substantia terrena quæ possidere videbamur,  
 factis chartis tradidimus metu Ananiæ & Sap-  
 phiræ, in monasterio positæ, nihil propriū re-  
 seruantes. Sed quoniam incerta sunt humanæ  
 conditionis momenta vel tēpora, quippe mū-  
 do in finem currente, cum aliqui magis pro-  
 priæ quàm diuinæ cupiant voluntati seruire:  
 zelo ducta dei hanc suggestionis mee paginā,  
 apostolatus vestri in Christi nomine superstes  
 porrigo vel deuota. Et quia præsens nō valui,  
 quasi vestris prouoluta vestigiis, epistolæ vica-  
 rietate prosternor, coniurans per patrem & fi-  
 lium & spiritum sanctum, ac diem tremendi  
 iudicij, sic repræsentatos vos non tyrannus  
 obpugnet, sed legitimus rex coronet, vt si casu  
 post meum obitum quęcunq; persona, vel loci  
 eiusdem pontifex, seu potestas principis, vel

alius aliquis, quod nec fieri credimus, congregationem, vel suafu maliuolo, vel impulsu iudiciario perturbare tētauerit, aut regulā frangere, seu abbatissam alteram quā sororem meam Agnetem, quā beatissimi Germani præsensibus suis fratribus benedictio cōsecrauit: aut ipsa cōgregatio, quod fieri non potest, habita murmuratione mutare cōtenderit, vel quasdam dominationes in monasterio: vel rebus monasterij quæcunque persona vel pontifex loci præter quas antecessores episcopi, aut alij me superstitite habuerunt, nouo priuilegio quicunque adfectare voluerit, aut extra regulam exinde egredi quis tentauerit, seu de rebus quas in me præcellentissimus domnus Chlotharius, vel præcellentissimi domni regis filij sui contulerunt: & ego ex eius præceptionis permissu monasterio tradidi possidendum, & per auctoritates præcellentissimorum domnorum regum Chariberti, Guntchramni, Chilperici, & Sygiberti, cum sacramenti interpositione, & suarum manuum subscriptionibus obtinui confirmari: aut ex his quæ alii pro animarum suarum remedio, vel sorores ibidem de rebus propriis contulerunt, aliquis princeps, aut pōtifex, aut potens, aut de sororibus cuiuslibet personæ ausu minuere, aut sibimet ad proprietatem reuocare sacrilego voto contenderit, ita vestram sanctitatē successorūq; vestrorum post deum pro mea supplicatione

& Christi voluntate incurrat: vt sicut prædones & spoliatores pauperum extra gratiã vestram habeantur: nunquam de nostra regula vel de rebus monasterii obsistētibus vobis imminuere valeat aliquid aut mutare. Hoc etiam deprecans, vt cum deus prædictam domnam sororem nostram Agnerem de seculo migrare voluerit, illa in loco eius abbatissa de nostra cōgregatione debeat ordinare, quę deo & ipsi placuerit, custodiēs regulam, & nihil de proposito sanctitatis imminuet: nam nunquã propria aut cuiuscunq; volūtas præcipitet. Quòd si, quod absit, contra dei mandatum & auctoritatem regum aliquis de suprascriptis conditionibus coram domino & sanctis eius precabiliter commendatis agere, aut de persona aut substantia minuenda voluerit, aut memorata sorori meæ Agneti abbatissæ molestias aliquas inferre tentauerit, dei & sanctæ crucis & beatæ Mariæ incurrat iudicium, & beatos confessores Hilarium & Martinum, quibus post deum sorores meas tradidi defendendas, ipsos habeat contradictores & persecutores. Te quoque beate pontifex, successorésque vestros quos patronos in causa dei diligēter adscisco, si, quod absit, extiterit qui cōtra hæc aliquid moliri tentauerit, pro repellendo & confutando dei hoste, non pigeat ad regem quem eo tempore locus iste respexerit, vel ad Pictauam ciuitatem pro re vobis ante dominum cō-

mendata percurrere, & cōtra aliorum iniustitiā executores & defensores iustitiæ laborare, vt tale nephas nullo modo suis admitti tēporibus rex patiatur catholicus, nec cōuelli permittat quod dei & mea & regnum ipsorum voluntate firmatum est. Simul etiam principes quos deus pro gubernatione populi post decessum meum superesse præceperit, coniuuro per regem cuius regni non erit finis, & ad cuius nutum regna consistunt, qui eis donauit ipsum viuere vel regnare, vt monasteriū quod ex permissu & solatio domnorum regum, patris vel aui eorum construxisse visa sum, & ordinasse regulariter, vel dotasse, sub sua tuitio- ne & sermone vnà cū Agnete abbatissa iubeant gubernare: & à nullo neq; sæpe dictā abbatissam nostrā, neque aliquid ad nostrū monasterium pertinēs molestari, aut inquietari, vel exinde imminui, aut aliquid mutari permittāt, sed magis pro dei intuitu vnà cū domnis episcopis, ipsi me supplicāte corā redemptore gentiū sicut eis commendo, defendari iubeant & muniri: vt in cui<sup>9</sup> honore dei famulas protegūt, cum defensore pauperū, & sponso virginū perpetualiter æterno socientur in regno. Illud quoque vos sanctos pontifices, & præcellentissimos domnos reges, & vniuersum populum Christianū, coniuuro per fidē catholicā in qua baptizati estis, & ecclesias quas conseruatis, vt in basilica quam in sanctæ Mariæ do-

minicæ genitricis honorem cœpimus ædifi-  
 care, vbi etiam multæ sorores nostræ condi-  
 tæ sunt in requie, siue perfectæ, siue imperfe-  
 ctæ, cum me deus de hac luce migrare præce-  
 perit, corpusculum meum ibi debeat sepeli-  
 ri. Quòd si quis aliud inde voluerit, aut fieri  
 tentauerit, obtinente cruce Christi, & beata  
 Maria, diuinam vltionem incurrat: & vobis  
 intercurrentibus, in loco ipsius basilicæ merc-  
 ar cum sororum congregatione obtinere locu-  
 lum sepulturæ. Et vt hæc supplicatio mea, quã  
 manu propria subscripsi, vt in vniuersalis ec-  
 clesie archiuo seruetur, effusis cum lachrimis  
 deprecor, quatinus si cõtra improbos aliquos  
 necessitas exegerit, vt vestra defensione soror  
 meã Agnes abbatissa, vel cõgregatio eius, quo  
 succurri sibi poposcerint, vestræ misericordiæ  
 pia consolatio opem pastorali sollicitudine  
 subministret. Nec de me destitutas se procla-  
 ment, quibus deus præsidium vestræ gratiæ  
 præparauit. Illud vobis in omnib<sup>9</sup> ante oculos  
 reuocantes, per ipsum qui de cruce gloriosa  
 virginem suam genitricem beato Ioanni apo-  
 stolo commendauit, vt qualiter ab illo comple-  
 tum est domini mādatum, sic sit apud vos, in-  
 digna & humilis domnis meis ecclesie patri-  
 bus & viris apostolicis quod commēdo: quod  
 cum dignanter seruaueritis depositum, meri-  
 tis participes cuius impletis mandatum apo-  
 stolicum, digne reparetis exemplum.

POST

43 POST hæc Marouicus episcopus, cum diuersa impropria ab his audiret, Porcarium abbatem basilicæ beati Hilarij, ad Gundegifilum episcopum, & reliquos comprouinciales eius destinat, vt data communione puellis, ad audientiam veniendi licentiam indulgere dignarétur. sed nequaquã potuit obtinere. Childbertus autem rex, cum assiduas de vtraque parte, monasterij scilicet, vel puellarum quæ egressæ fuerant, molestias pateretur, Theutharium presbyterum ad dirimendas querimonias quæ inter easdem agebantur, destinat. Cui prouocatæ Chrodielis cum reliquis puellis ad audientiam, dixerunt, Non venimus, quia à communione suspensæ sumus: si reconciliari meremur, tunc ad audientiam venire non differimus. Hęc audiens ille, ad episcopos abiit: cùmque cum his de hac causa locutus fuisset, nullum effectum obrinere potuit de communione earum: & sic ad urbem Pictauam regressus est. Puellæ verò separatæ ab inuicem, aliæ ad parêtes, aliæ ad domos proprias, nonnullæ in hæc monasteria, in quibus prius fuerant, sunt regressæ: quia hiemé validam simul positæ propter penuriam ligni tolerare non poterant. Pauca tamen cum Chrodielde & Basina remanserunt. Erat enim tunc & inter eas magna discordia, pro eo quòd altera alteri se præponere cupiebat.

44 EO anno post clausum pascha, tam im-

mensa cum grādine pluuia fuit, vt intra duarum aut trium horarum spacia etiam per minores vallium meatus ingentia currere flumina viderentur: arbores in autumnno floruerūt, & poma sicut prius dederant, ediderūt. Mense nono rosæ adparuerunt. Flumina verò vltra modum excreuerunt: ita vt excedentia litora loca quæ nunquam contingere consueta fuerant, operirent, non minimum sationibus inferentia damnū.

## GREG. TVRONICI HISTORIARVM

Liber. X.



Nno igitur quintodecimo Childcberti regis, diaconus noster ab vrbe Roma sanctorū cum pignoribus veniens, sic retulit, quòd anno superiore mēse nono tanta inundatione Tyberis fluuius urbem Romam obtexerit, vt ædes antiquæ diruerentur: horrea etiam ecclesiæ subuersa sint, in quibus nonnulla milia modiorum tritici perire. Multitudo etiam serpentium cum magno dracone in modum trabis validæ, per hu-

ius fluuij alueum in mare descendit. Sed suffocatae bestiae inter falsos maris turbidi fluctus, litori eiectae sunt. Subsecuta est de vestigio clades quam inguinariam vocant. nam medio mensē xi. adueniens primum omnium iuxta illud quod in Ezechiele propheta legitur, A sanctuario meo incipite, Pelagium papam perculit: quo defuncto, magna strages populi de hoc morbo facta est. Sed quia ecclesia dei absque rectore esse non poterat, Gregorium diaconum plebs omnis elegit. hic enim de senatoribus primis, ab adolescentia deuotus deo, in rebus propriis sex in Sicilia monasteria congregauit: septimum intra vrbs Romae muros instituit: quibus tantam delegans terrarum copiam, quanta ad victum quotidianum praebendum sufficeret, reliqua vendidit cum omni praesidio domus, ac pauperibus erogauit: & qui ante serico contextu ac gemmis micantibus solitus erat per urbem procedere trabeatus, nunc vili contactus vestitu, ad altaris dominici ministerium consecratur. septimusque leuita ad adiutorium papae adsciscitur. Tantaeque ei abstinentia in cibis, vigilantia in orationibus, strenuitas in ieiuniis erat, ut infirmato stomacho uix consistere posset. Literis grammaticis, dialecticisque ac rhetoricis ita erat institutus; ut nulli in vrbe ipsa putaretur esse secundus. Hunc apicem adtentius fugere

tentans, ne quod prius abiecerat, rursus ei in seculo de adepto honore iactantia quædam subreperet: vnde factum est vt epistolam ad imperatorem Mauritium dirigeret, cuius filium ex lauacro sancto susceperat, coniurans, & multa prece poscens, ne vnquam consensum præberet populis, vt hunc huius honoris gloria sublimaret. Sed præfectus vrbs Romæ germanus eius, anticipauit nuncium, & comprehenso disruptis epistolis cōsensu quem populus fecerat, imperatori direxit. At ille gratias deo agens pro amicitia diaconi, quod reperisset locum honoris eius, data præceptione ipsum iussit institui. Cūmque in hoc restaret vt benediceretur, & lues populum deuastaret, verbum ad plebem pro agenda pœnitentia in hunc modum exorsus est:

*Oratio Gregorij ad plebem.*

**O P O R T E T** fratres dilectissimi, vt flagella dei quæ metuere ventura debuimus, saltem præsentia & experta timeamus. Conuersionis nobis aditum dolor aperiat, & cordis nostri duritiam ipsa quam patimur, pœna dissoluat: vt enim propheta teste prædictum est,

” Peruenit gladius vsq; ad animã. Ecce etenim cuncta plebs celestis iræ mucrone percutitur, & repentina singuli cæde vastantur: nec languor mortem præuenit, sed languoris moras, vt cernitis, mors præcurrit. Percussus quisque ante rapitur, quàm ad lamenta pœniten-

tiæ conuertatur. Pensate ergo, qualis ad con-  
 spectum districti iudicis peruenit, cui non va-  
 cat flere quod fecit. Habitatores quique non  
 ex parte subtrahuntur, sed pariter contruunt:  
 domus vacuæ relinquuntur, filiorum funera  
 parentes aspiciunt, & sui eos ad interitum he-  
 redes præcedunt. Vnusquisque ergo nostrum  
 ad pœnitentiæ lamenta confugiat, dum flere  
 ante percussionem vacat. Reuotemus ante  
 oculos mētis quicquid errando commisimus,  
 & quod nequiter egimus, flendo puniamus.  
 Præueniamus faciem eius in confessione, &  
 sicut propheta ammonet, leuemus corda no-  
 stra cum manibus ad dominū. Ad deum quip-  
 pe corda cum manibus leuate est, orationis  
 nostræ studium merito bonæ operationis eri-  
 gere. Dat profecto, dat tremori nostro fidu-  
 ciam qui per prophetam clamat, Nolo mor-  
 tem peccatoris, sed vt conuertatur & uiuat.  
 Nullus autem de iniquitatum suarum imma-  
 nitate desperet: veterinosas namque Niniui-  
 tarum culpas triduana pœnitentia absterfit:  
 & conuersus latro vitæ præmia etiam in ipsa  
 sententia suæ mortis emeruit. Mutemus igitur  
 corda, & præsumamus nos iam percepisse  
 quod petimus. citius ad precem iudex fle-  
 ctitur, si à prauitate sua petitor corrigatur.  
 Imminente ergo tantæ animaduersionis gla-  
 dio, nos importunis fletibus insistamus. Ea  
 namque quæ ingrata esse hominibus impor-

tunitas solet , iudicio veritatis placet : quia  
 pius ac misericors deus vult à se precibus ve-  
 niam exigi , qui quantum meremur non vult  
 irasci : hic etenim per psalmistam dicit , In-  
 uoca me in die tribulationis tuæ , & eripiã te,  
 & magnificabis me . Ipse ergo sibi testis est ,  
 quia inuocantibus misereri desiderat , qui am-  
 monet vt inuocetur . Proinde fratres charis-  
 simi , contrito corde & correctis operibus ,  
 ab ipso feriæ quartæ primo diluculo , septi-  
 formem letaniam iuxta distributionem infe-  
 rius designatam , deuota ad lachrimas men-  
 te veniamus , vt districtus iudex cum culpas  
 nostras nos punire considerat , ipse à senten-  
 tia propositæ damnationis parcat . Clerus igitur  
 egrediatur ab ecclesia sanctorum marty-  
 rum Cosmæ & Damiani , cum presbyteris re-  
 gionis sextæ . Omnes verò abbates cum mo-  
 nachis suis , ab ecclesia sanctorum martyrum  
 Geruasij & Protasij , cum presbyteris regionis  
 quartæ . Omnes abbatissæ cum congregatio-  
 nibus suis , egrediantur ab ecclesia sanctorum  
 martyrum Marcellini & Petri , cum presbyte-  
 ris regionis primæ . Omnes infantes , ab eccle-  
 sia sanctorum martyrum Ioannis & Pauli , cū  
 presbyteris regionis secundæ . Omnes vero  
 laïci , ab ecclesia sancti protomartyris Step-  
 hani , cum presbyteris regionis septimæ . Om-  
 nes mulieres viduæ , ab ecclesia sanctæ Eufe-  
 miæ cum presbyteris regionis quintæ . Omnes

autem mulieres coniugatę egrediantur ab ecclesia sancti martyris Clementis, cum presbyteris regionis tertię. Vt de singulis ecclesiis exeuntes cum precibus ac lachrimis, ad beatę Marię semper virginis genitricis domini dei nostri Iesu Christi basilicam cōgregemur, vt ibi diutius cum fletu ac gemitu domino supplicantes, peccatorum nostrorum veniam promereri valeamus. Hęc eo dicente, congregatis clericorum cateruis, psallere iussit per triduum, ac deprecari domini misericordiam: de hora quoque tertia veniebant vtrique chori psallentium ad ecclesiam clamantes per plateas vrbs, Kyrie eleison. Adseribat autem diaconus noster qui aderat, in vnus horę spacio dum voces plebs ad dominũ supplicationis emisit, octoginta homines ad terrã corruisse, & spiritũ exhalasse. Sed non destitit facerdos tantus prædicare populo, ne ab oratione cessarent. Ab hoc etiã diaconus noster reliquias sanctorũ, vt diximus, sumpsit, dũ adhuc in diaconatu degeret. Cũq; latibula fugę præpararet, capitur, trahitur, & ad beati apostoli Petri basilicã deducitur, ibique ad pontificalis gratiã officiũ consecratus papa vrbi datus est. Sed nec destitit diacon<sup>9</sup> noster, nisi ad episcopatũ eius de porta rediret, & qualiter ordinatus fuerit, præsentem cōtemplatione suspiceret.

2 GRIPPO autẽ ab imperatore Mauritio rediens, hęc nunciauit, quod anno superiore

cum adepto nauigio cū sociis suis Africæ portum adtigisset, Carthaginē magnam ingressi sunt. Vbi dū morarentur, iussione opperietes præfecti qui aderāt, qualiter imperatoris præsentia adire deberēt, vnus puerorum Euantij, scilicet qui cum eodem abierat, direptam specie de manu cuiusdā negociatoris ad metatū detulit. Quem ille profecutus cuius res erant, reddi sibi rem propria flagitabat: sed isto differēte cū de die in diem hoc iurgium in maius propagaretur, quadam die negociator puerum illum in platea reperit: adprehensoque vestimento eius, tenere cœpit dicens: Quia non à me laxaberis, priusquam res quas violēter diripuisti, meæ ditioni restituas. At ille excutere se de eius manibus conatus, non dubitauit erepto gladio hominem trucidare, & statim ad metatum regressus est, nec aperuit sociis quæ gesta fuerant: erant enim ibi tunc, vt diximus, legati Bodigifilus filius Mummoleni Sueffionici, & Euātius filius Diantemij Arlatensis, & hic Grippo genere Francus, qui eleuātes de epulo, sopori se dederāt pro quiete. Quare cum seniori vrbis nūciata fuissent qua puer horum gesserat, collectis militibus, vel omni populo armis circumdato, ad metatum eorum dirigit. At illi inopinantes expergefacti, obstupescunt, cernentes hæc quæ gerebātur. Tunc ille qui prior erat, exclamabat dicens, Arma deponite, & ad nos egredimini,

vt cognoscamus pacificè, qualiter homicidiũ factum est. Hæc illi audientes, timore perterriti, adhuc ignorantes quæ gesta fuerant, fidè experunt, vt securi sine armis egrederentur: iurauerunt homines illi, quod custodire impatientia nõ permisit. Sed mox egredientem Bodegisilum gladio percutiunt, similiter & Euatium. Quibus ante hostium metatus prostratis, Grippo arreptis armis cum pueris qui secum erant, processit ad eos, dicens, Quæ gesta fuerunt nos ignoramus: & ecce socii itineris mei qui ad imperatorem directi fuerat, gladio sunt prostrati: iudicabit deus iniuriam nostram, & mortẽ illorum de interitu vestro, quia nos innocentes & in pace venientes taliter trucidatis, nec vltra erit pax inter reges nostros, imperatorẽmq; vestrum. Nos enim pro pace venimus, & pro adiutorio reipublicæ impertiendo. Testem hodie inuoco deum, quia vestra excitauit noxa, vt non custodiat inter principes pax promissa. Hæc & huiuscemodi Grippone verba proferente, soluto Carthaginensis belli procinctu, regressus est vnusquisque ad propria. Præfectus verò ad Gripponẽ accedens, mulcere cœpit animos eius de iis quæ gesta fuerant, ordinans qualiter ad præsentiam imperatoris accederet. Qui veniens narrata legatione pro qua directus fuerat, exitium se ciorum exposuit. Quæ de causa imperator valde molestus, pollicitus est vlcisci mor

tem eorum iuxta id quod Childeberti regis iudicium promulgaret. Tunc ab imperatore muneratus, cum pace regressus est.

- 3 HIS à Grippone Childeberto regi relatis, cōfestim exercitū in Italiam cōmoueri iubet, ac xx. duces ad Lōgobardorū gentē debellādā dirigit. Quorū nomina nō putauī lectioni ex ordine necessario inserēda. Audoualdus verò dux cū Vinthrone cōmoto Cāpaniē populo, cūm ad Metēsē vrbē quæ ei in itinere sita erat, accessisset, tātas prædas, tantāq; homicidia ac cædes perpetravit, vt hostē propriæ regionis putaretur inferre. Sed & alij quoque duces similiter cum phalāgis suis fecere, ita vt prius regionem propriam aut populum commanētem adficerent, quā victoriæ de inimica gente patrarent. Adpropinquantes autem ad terminum Italiæ, Audoualdus cum sex ducibus dexteram petiit, atq; ad Mediolanensem vrbem aduenit: ibique eminus in campestria castra posuerunt. Olo autem dux ad Biltionem huius vrbis castrum, in campis situm Caninis, importunè accedēs, iaculo sub papilla fauciatus, cecidit & mortuus est. Hi autē cūm egressi fuissent, in præda vt aliquid victus acquirerent, à Longobardis inruentibus, passim per loca prosternebantur. Erat autem stagnum quoddam in ipso Mediolanensis vrbis territorio, quod Ceresium vocitāt, ex quo paruus quidā fluuius, sed profundus egre

ditur: super huius laci lit<sup>o</sup> Lōgobardos reside-  
 re audierant. Ad quē cū adpropinquassent,  
 priusquā flumen, quod diximus, transirēt, à li-  
 tore illo vnus Lōgobardorū stans lorica pro-  
 rectus & galea, cōtum manu gestans, vocē de-  
 dit cōtra Francorū exercitū, dicēs, Hodie ad-  
 parebit cui diuinitas obtinere victoriā præ-  
 stet. Vnde intelligi datur, hoc signū sibi Lon-  
 gobardos præparauisse. Tūc pauci transeūtes  
 contra Lōgobardū hunc decertantes prostra-  
 uerunt eum: & ecce omnis exercitus Longo-  
 bardorum in fugam versus præteriit. Hi quo-  
 que transeūtes flumen, nullum de iis reperiūt,  
 nisi tantum recognoscētes adparatum castro-  
 rum, vbi vel focos habuerant, vel tenoria fi-  
 xerant. Cūque nullum de iis deprehendif-  
 sent, ad castra sua regressi sunt: ibique ad eos  
 imperatoris legati venerunt, nunciantes ad-  
 esse exercitum in solatium eorū, dicentēque,  
 Quia post triduum cum eisdem veniemus: &  
 hoc vobis erit signum, cūm videritis villæ hu-  
 ius quę in mōte sita est, domus incēdio cōcre-  
 mari, & fumum incēdi ad cælos vsque sustol-  
 li, noueritis nos cum exercitu quem pollice-  
 mur adesse. Sed expectantes, iuxta placitum,  
 dies sex, nullum ex iis venisse cōtemplati sunt.  
 Chedinus autem cum tredecim ducibus læ-  
 uam Italiæ ingressus, quinque castella cepit, à  
 quibus etiam sacramenta exegit. Morbus etiā  
 dysenterix grauiter exercitum adficiebat, eo

quòdaeres incongrui insuetiq; hominibus essent, ex quo plerique interierunt. Commoto autem vento & data pluuia, cùm paulisper refrigescere aër cœpit, in infirmitate salubritatem contulit. Quid plura? per tres ferè menses Italiam peruagantes, cùm nihil proficerēt, neque se de inimicis vlcisci possent, eo quòd se in locis communissent firmissimis: neque regem capere, de quo vltio fieret, qui se infra Ticinenses munierat muros, infirmatus, vt diximus, aërum intemperantia exercitus ac fame adtritns, redire ad propria destinavit. Subdens etiam illud, acceptis sacramētis, regis ditionibus quod pater eius prius habuerat, de quibus locis & captiuos, & alias abduxere prædas: & sic regredientes ita fame conficiebantur, vt prius & arina & vestimenta ad comendum victum demerent, quàm locum genitalem contingerent. At Aptacharius Longobardorum rex, legationem ad Guntchramnū regem cum huiuscemodi verbis direxit, Nos, piissime rex, subiecti atque fideles vobis gentique vestræ sicut patribus vestris fuimus, esse desideramus: nec discedimus à sacramēto quod prædecessores nostri vestris prædecessoribus iurauerunt. Nunc autem desistite à persecutione nostra, & sit pax nobis & concordia, vt vbi necessarium fuerit contra inimicos auxilium præbeamus, vt vestra scilicet nostraque gente saluata, ac nos pacificos cogno-

scentes, terreantur magis aduersarij qui in circuitu obstrepunt de amicitia, quàm de nostra discordia gratulentur. Pacificè hæc Guntchramnus rex verba suscepit, misitque eos ad nepotem suum Childebertum regem. Dum autem his narratis in loco commorarentur, uenerunt alii qui mortuum Aptacharium regem nuntiantes, Paulumque in loco eius substitutum, cuiusmodi uerba quæ supra diximus, deferentes. Sed Childebertus rex placitum cum eisdem ponens, ut quid ei impostero conueniret, enuntiaret, eos abscedere iussit.

4 MAVRITIVS autem Carthaginenses illos, qui legatos Childeberti regis anno superiore interemerant, uinctos manibus catenisque oneratos, ad eius direxit presentiam, duodecim scilicet numero viros, sub ea uidelicet conditione, ut si eos interficere uelit, haberet licentiam: si autem ad redimendum laxaret, trecetis pro unoquoque acceptis aureis quiesceret: sicque ut quod uellet eligeret: quo facilius sopito scádalo, nulla occasio inter ipsos inimicitie oriretur. Sed rex Childebertus differens homines uinctos accipere, ait, Incertum apud nos habetur, Vtrum ii sint homicidæ illi quos adducitis, an alii, vel fortassis cuiuscumque ferui habentur, cum nostri bene ingenui generatione fuerint, qui apud vos fuerunt intercepti. Præsertim & Grippo adstabat, qui eo tempore legatus cum eisdem fuerat missus, qui in-

terfecti sunt, ac dicebat, Quia præfectus vrbis illius cum collectis duobus aut tribus hominum milibus inruit super nos, interemítque socios meos : in quo excidio & ego ipse interissem, si me viriliter defendere nequiuissem. Accedens autem ad locum, homines agnoscere potero : de quibus si imperator vester, vt dicitis, nostro cum domino pacẽ custodire deliberat, vltionem exigere debet : & sic dato rex placito, vt post eos ad imperatorem dirigeret, ipsos abscedere iubet.

5 HIS autem diebus Chuppa qui quondam comes stabuli Chilperici regis fuerat, inrupto Turonicæ vrbis termino, pecora reliquasque res quasi prædam exercens, diripere voluit. Sed cum hoc incolæ præsensissent, collecta multitudine eum sequi cœperunt. Excussaq; præda, duob<sup>9</sup> ex pueris eius interfectis, hic nudus aufugit, aliis duobus pueris captis : quos vinctos, ad Childebertum regem transmiserunt : quos ille in carcerem coniici iubens, interrogare præcepit, cuius auxilio Chuppa fuisset ereptus, vt ab iis non comprehenderetur qui sequebantur. Responderunt, hoc Animodi vicarij dolo, qui pagum illum iudiciaria regebat potestate, factum fuisse. Protinusq; directis rex literis ad comitem vrbis, iubet vt eum vinctum in præsentiam regis dirigeret. quod si resistere conaretur, vt obpressum etiam interficeret, si principis gratiam cupiebat adquirere. Sed ille

nō resistens, datis fideiussoribus, quo iussus est abiit: repertumq; Flavianū domesticū causatus cum socio, ne noxialis inuentus, pacificatus cum eodē, redire ad propria iussus est, datis tamē domestico illi muneribus, prius. Ipse quoque Chuppa iterum cōmotis quibusdā de suis, filiam Badegifili quondā Cœnomanēsis episcopi diripere sibi in matrimonium voluit: inruens autem nocte cum cuneo sociorum in villa Marogalēsi, vt voluntatē suam expleret, præsensit eum, dolūmq; eius Magatrudis materfamilias, genitrix scilicet puellæ: egressa q; cum famulis contra eum vi repulit, cæsis plerisque ex illis, vnde nō sine pudore discessum est.

6 A P V D Aruernos verò vincti carceris nocte nutu dei disruptis vinculis, reseratisque aditibus custodiæ, egressi ecclesiam ingressi sunt. Quibus cū Eulalius comes onera catenarum addi iussisset, vt super eos posita, ex templo ceu vitrum fragile comminuta sunt: & sic obrinēte Auito pontifice eruti, propriæ sunt redditi libertati.

7 I N supradicta verò vrbe Childebertus rex omne tributum tam ecclesiis quàm monasteriis, vel reliquis clericis qui ad ecclesiam pertinere videbantur, aut quicumq; ecclesiæ officiū excolebāt, larga pietate cōcessit. Multū enim iam exactores huius tributi expoliati erant, eo quòd per longū tēpus & succedētium genera-

tiones, ac diuisis in multas partes ipsis possessionibus, colligi vix poterat hoc tributū. quod hic, deo inspirante, ita præcepit emendari, vt quod super hæc fisco deberetur, nec exactorē damna percuterent, nec ecclesiæ cultorē tarditas de officio aliqua reuocaret.

8 IN confinio verò termini Aruerni, Galbitani atque Ruteni, synodus episcoporum facta est cōtra Tetradiam relictam quondam Desiderii, eo quòd repeteret ab ea Eulalius comes res quas ab eo fugiens secum tulisset. Sed hanc causam, vel qualiter Eulalium reliquerit, vel quemadmodum ad Desiderium confugerit, altius memorādum putauī. Eulalius autem, vt iuuenilis ætas habet, agebat quæpiam inrationabiliter: vnde factum est, vt à matre sæpius increpitus, haberet in eam odium quā amare debuerat. Denique cū in oratorio domus suæ hæc in oratione frequenter incumberet, & nocturnas vigilias per sepe dormientibus famulis in oratione cum lachrimis explet, in cilicio quo orabat suggillata reperitur. Sed nescientibus cunctis, quis hæc fecisset, crimen tamen parricidii refertur ad filium. Hæc cū Cautinus episcopus Aruernæ vrbis comperisset, eum à communionē submouit, Conuenientibus autem ciuibus cum sacerdote, ad festiuitatem beati martyris Iuliani, ad pedes episcopi Eulalius ille prosternitur, querens se inauditum à communionē remotum.

Tunc

Tunc episcopus permisit eum cum cæteris, Missarum spectare solennia. Verùm ubi ad communicandum ventum est, & Eulalius ad altarium accessisset, ait episcopus, Rumor populi parricidam te proclamat esse. Ego verò vtrum perpetraveris hoc scelus, an non, ignoro: idcirco in dei hoc & beati martyris Iuliani statuo iudicio. Tu verò si idoneus es, vt adseris, accede propius, & sume tibi Eucharistiæ particulam, atque impone ori tuo. erit enim deus respector conscientiæ tuæ. At ille accepta Eucharistia, communicans abcessit. habebat enim vxorem Tetradiam nobilem ex matre, patre infetiolem. Sed cùm in domo sua vir ancillarum concubitu misceretur, coniugem negligere cœpit: & cùm ab scorto reuerteretur, grauissimis eam plagis sæpius adficiebat. Sed & pro multis sceleribus debita nonnulla contraxerat, in quibus ornamenta & aurum vxoris sæpissime euertebat. Denique inter has angustias mulier conlocata, cùm honorem omnem quem in domo viri habuerat, perdidisset, & ille abiisset ad regem, hæc à Viro (sic enim erat nomen hominis) mariti sui nepote concupiscitur, scilicet vt quia ille perdidit coniugem, huius matrimonio iungeretur. Virus autem timens inimicitias auunculi, mulierem Desiderio duci transmisit, videlicet vt succedente tempore copularetur ei: quæ omnem substantiam viri sui, tam in auro

quàm in argento, & vestimentis, & quæ moueri poterat, cum seniore filio secum sustulit, relicto in domo alio iuniore. Rediēs verò Eulalius ex itinere, comperit quæ acciderāt. Sed cum mitigato dolore paululum quieuisset, super Virum nepotem suum inruit, cumque inter arcta vallium Aruernarum interemit. Audiens autem Desiderius, qui & ipse vxorē nuper perdidit, quod scilicet Virus interfectus fuisset, coniugio suo Tetradiam sociavit. Eulalius verò puellam de monasterio Lugdunensi diripuit, eamque accepit. Sed concubina eius intigante, vt quidam adserunt, inuidia, maleficis sensum eius oppilauerunt. Post multum verò temporis, Eulalius Emerium huius puellæ consobrinum clam adpetit occiditque. Similiter Socratium fratrem soceræ suæ, quem pater ex concubina habuerat, interemit. Et alia multa mala fecit, quæ enarrare perlongū est. Ioannes filius eius, qui cum sua discesserat genitrice, à domo Desiderij dilapsus, Aruernum venit. Cumque iam Innocentius episcopatum Rutenæ vrbis ambisset, mandatum ei mittit Eulalius, vt res quæ ipsi in huius ciuitatis territorio debebantur, per huius auxilium recipere posset. Sed Innocentius ait, Si de filiis tuis vnum accipio, quem clericum factum in solatio meo retineam, faciam quæ precaris. At ille transmisit puerum Ioannem nomine, recepitque res suas. Susce-

ptóque Innocentius episcopus puero, totondit comam capitis eius, deditque cum archidiacono ecclesiæ suæ: qui in tanta se abstinentia subdidit, ut pro tritico hordeum sumeret, pro vino aquam hauriret, & pro equo asino vteretur, vestimenta vilissima habens. Igitur coniunctis, ut diximus, sacerdotib. & viris magnificis in confinio supradictarum urbium: Tetradia ab Agyno repræsentatur, atque Eulalio contra eam causaturus accessit. Cùmque res quas de eius, abiens ad Desiderium, domo abstulerat, inquireret, iudicatum est, Tetradiæ ut quadrupla satisfactioe ablata restitueret, filiosque quos de Desiderio cõceperat, incertos haberi: illud etiam ordinantes, ut si hæc quæ Eulalio est iussa dissolueret, accedendi in Aruernũ licentia præberetur, rebúsque suis quæ ei ex paterna successione obuenerant absque calumnia frueretur: quod ita factum est.

9 D V M hæc agerentur, & Britanni circa vrbes, Namneticam utique & Redonicam, valde sœuirét, Guntchramnus rex exercitum cõtra eos cõmoueri iussit: in quorũ capite Bepolenũ & Ebracharium duces delegit. Sed Ebracharius suspectus, quòd si victoria cũ Bepoleno patraretur, ipse ducatu eius adquiret, inimicitias cum eodẽ connectit, ac per viã totã se blasphemis, conuiciis atque maledictionibus lacesunt. Verum per viam qua abierũt, incendia, homicidia, spolia, ac multa scelera

egerunt. Interea venerūt ad Vicinoniam am-  
nem. quē trāsmiſſi, ad Vldam fluuium perue-  
nerunt: ibique diſſipatis vicinitatis caſis, pon-  
tes deſuper ſtatuunt, ſicque exercitus omnis  
tranſiuit. Coniuñctus enim fuerat eo tempore  
Beppoleno preſbyter quidam dicens, Si ſecu-  
tus me fueris, ego te uſq; Vuarocum ducam,  
ac Britannos tibi in vnum collectos oſtēdam.  
Fredegundis enim cū audiſſet, quòd in hoc  
procinctu Beppolenus abiret, quia ei iam ex  
antere tempore inuiſus erat, Baiocaffinos  
Saxones, iuxta ritum Britannorum tonſos, at-  
que cultu veſtimenti compoſitos, in ſolatum  
Vuaroci abire præcepit. Adueniente autem  
Beppoleno cum iis qui eum ſequi voluerunt,  
certamen iniiit, multoſq; per biduum de Bri-  
tannis ac Saxonibus ſupraſcriptis interemit.  
Receſſerat enim ab eo Ebracharius cum ma-  
iori manu: nec ad eum accedere voluit, donec  
interemptum audiret. Die autem tertio cū  
iam qui cum eo erant interficerētur, atq; ipſe  
fauciatus lancea repugnaret, inruentibus ſu-  
per eum Vuaroco cum ſupradictis, interfece-  
runt eum: incluſerat enim eos inter anguſtias  
viarum atq; paludes: in quibus magis luto ne-  
cti q̄ gladio trucidati ſunt. Ebracharius verò  
uſque Venetos urbem acceſſit: miſerat enim  
ad eum obuiã episcopus Regalis clericos ſuos  
cum crucibus & pſallētio, qui eos uſque ad vr-  
bem deduxerūt. Ferebāt etiam quidam eo tē-

pore, quòd Vuarocus in insulas fugere cupiēs cum nauibus oneratis auro argentoque & reliquis rebus eius, cum alta maris cepisset, commoto vēto, demersis nauibus, res quas imposuerat, perdidisset: tamē ad Ebracharium veniens, pacē petiit, obsidēsque cum multis muneribus tradidit, promittens se nunquam cōtra vtilitatē Guntchramni regis esse vēturum. Quo recedente, & Regalis episcopus cum clericis & pagensibus vrbis suæ, similia sacramenta dedit, dicēs, Quia nihil nos dominis nostris regibus culpabiles sumus, nec vnquā cōtra vtilitatē eorum superbi extitim⁹: sed in captiuitate Britannorū positi, graui iugo subditi sumus. Pace igitur celebrata inter Vuarocū atq; Ebracharium, dixit Vuarocus: Disceditē nūc & renunciate, quia omnia quę iusserit rex, spōte implere curabo: quod vt plenius credere debeat, nepotē meum obsidē tribuam. & ita fecit: cessatūmq; est ab illo. Veruntamē multitudine magna sicut de regali exercitu, ita & de Britannis cæsa est. Egremente autē exercitu à Britannis, ac trāseuntibus annem robustiorib⁹, inferiores & pauperes qui cum his erāt, simul transire nō potuerūt. Cūmq; in litus illud Vicinoniæ ampis restitissent, Vuarocus oblitus sacramenti atq; obsidum quos dederat, misit Canaonē filium suū cum exercitu, adprehensisque viris quos in litore illo reperit, vinculis alligat, resistētes interficit, nonnullis qui cum

caballis torrentem transmeare voluerunt, ab ipsius torrētis impetu in mare deiectis. Dimissi sunt postea multi à coniuge Vuaroci cū cereis & tabulis quasi liberi, & ad propria sunt regressi. Exercitus verò ipsius qui prius trāsierat, metuēs per viam illā qua venerat regredi, ne forte mala quæ fecerat pateretur, ad Andegauam urbē dirigit, Meduanæ torrētis expetens pontē: sed parua quę prius transit manus ad ipsum quę præfati sumus pontem, spoliati, cęsi, & ad omne dedecus sunt redacti. Per Turonicum verò trāseuntes, prædas agentes, multos expoliauerunt: inopinantes enim repererant incolas loci. Multi tamen de hoc exercitu ad Guntchramnum regem accesserūt, dicentes, quia Ebracharius dux ac Vuiliacharius comes accepta pecunia ab Vuaroco, exercitum perire fecissent. Qua de causā Ebracharius præsentatus, multum conuiciis actus à rege, à præsentia eius discedere iussus est, Vuiliachario comite per fugas latitante.

10 ANNO igitur xv. Childeberti regis, qui est Gūtchramni nonus atque vicesimus, dum ipse Guntchramnus rex per Vosacum siluam venationē exerceret, vestigia occisi bubali deprehendit. Cū quę custodem siluę arctius distingeret, quis hæc in regali silua gerere præsumpsisset, Chundonē cubiculariū regis prodidit. quo hæc loquente, iussit eum adprehendi, & Cabillōnum cōpactum in vinculis duci.

cúmque vterque in præsentia regis intenderent, & Chundo diceret, nunquam à se hæc præsumpta quæ obiciebantur, rex campū diiudicat. Tūc cubicularius ille dato nepote pro se, cui hoc certamen adiret, in campo vterque steterunt: iactaque puer ille lancea super custodem siluæ, pedem eius trāsfigit: moxq; resupinus ruit. Puer verò extracto cultro qui de tingulo depēdebat, dum collum ruentis incidere tentat, cultro sauciati vētre transfoditur; recideruntq; ambo, & mortui sunt. Quod videns Chundo, ad basilicam S. Marcelli fugam iniiit. Adclamāte verò regē vt cōprehenderetur, priusquā limen sanctū adtingeret, cōprehensus est, vincitūsq; ad stipitem, lapidibus est obrutus. Multū se ex hoc deinceps rex pœnitens, vt sic eum ira præcipitem reddidisset, vt pro paruulæ causæ noxa, fidelem sibi que virū necessarium, tam celeriter interemisset.

II CHLOTHARIVS verò Chilperici quōdan regis filius grauiter ægrotauit, & intantū desperatus est habitus, vt regi Guntchramno obitus eius fuisset nunciatus: vnde factum est, vt egediēs de Cabillōno, quasi Parisios accedere cupiens, vsq; ad terminos Senonicæ vrbis accederet. Sed cū audisset conualuisse pūerū, de itinere est regressus. Sed cū eum Fredegundis mater eius desperatum vidisset, multum pecuniæ ad basilicam sancti Martini vauit: & sic puer melius agere visus est. Sed

& ad Vuarocum nuncios dirigit, vt qui adhuc in Britanniiis de exercitu Guntchramni regis retinebantur, pro huius vita absoluerentur: quod ita Vuarocus impleuit: vnde manifestatū est, huius mulieris cōludio, & Bepollenū interfectū esse, & exercitū fuisse cōlisum.

- 12 INGELTRVDIS verò religiosa, quæ, vt in superioribus libris exposuimus, in atrio sancti Martini, puellarum monasterium collocavit, cum ægrotare cœpisset, neptem suā abbatissam instituit: vnde reliqua congregatio maximè murmurauit: sed nobis increpationibus cessauit à iurgio. Hęc verò cū filia discordiam tenens, pro eo quòd res suas ei abstulerat, obsecrauit, vt neq; in monasterio quod instituit, neq; super sepulchrū eius permitteretur orare. Quæ octogesimo, vt opinor, anno vitæ obiit, sepultaq; est vij. idus mensis primi. Sed veniens filia eius Berthegundis Turonos, cum non fuisset excepta, ad Childebertum regem abiit, postulans vt ei liceret in locū matris uæ monasterium regere. Rex verò oblitus iudicij quod matri eius fecerat, huic aliā præceptionem manus suæ roboratam subscriptione dargitus est, hæc continentē, vt res omnes quas mater vel pater eius habuerant, suo dominio subiugaret, & quicquid monasterio Ingetrudis reliquerat, auferretur. Cum quo præcepto veniēs, ita cunctam supellectilem monasterij abstulit, vt nihil intra præter vacuos reli-

queret parietes, colligens secum diuersorum criminū reos, atq; in seditionibus præparatos, qui si quid erat de villis reliquis quod deuotio dederat, fructū auferret. Tātāq; ibi mala gessit quæ vix ex ordine possent narrari. Hæc verò acceptis his rebus quas diximus, in Pictauum rediit, multa in abbatissam crituina vomens falsa, quæ parens eius proximahabebatur.

- 13 HIS autem diebus exitit quidam de presbyteris nostris, Saduceę malignitatis infectus veneno, dicens non esse futuram resurrectionem. Cūque nos eam sacris literis prædictā, & apostolicę traditionis auctoritate monstratam adfirmaremus, respondit, Manifestum est hoc celebre ferri, sed certi non sumus, vtrum sit, an non, præsertim cum dominus iratus primo homini quem manu sacra plasmauerat, dixerit, In sudore vultus tui vesceris pane tuo, donec reuertaris in terram de qua sumptus es: quia puluis es, & in puluerem reuerteris. Quid ad hæc respondebitis, qui resurrectionem futuram prædicatis? cum in puluerem redactum hominem resurgere vltius diuinitas nō promittat? Cui ego, Quid de hac causa vel ipsius domini & redemptoris nostri, vel patrū prædecessorum verba loquātur, nullum catholicorum nescire reor. Nam in Genesi cum patres obirent, aiebat dominus, Tu autem cōgregaberis ad populum tuum, sepultus in sepulture bona. Et ad Caïn dicitur, Quia vox san-

.. guinis fratris tui clamat ad me de terra. Vnde  
 liquido adparet, viuere animas post egressum  
 corporis, atque resurrectionem futuram in-  
 tentis vultibus præstolari. Sed & de Iob scri-  
 ptum est, quia resurrecturus est in resurrectio-  
 ne mortuorū. Et propheta Dauid, licet ex per-  
 sona domini, tamen resurrectionē præuidens  
 .. ait, Nunquid qui dormit non adiciat vt resur-  
 .. gat? hoc est, qui mortis somno obprimitur, nō  
 est venturus ad resurrectionē? Et Esaias, quōd  
 de sepulchris resurrecturi sunt mortui, docet.  
 Sed & Ezechiel propheta cū ossa arida obrecta  
 cute, neruis solidata, venis infecta, flante spiri-  
 tu animata, réformatū hominē enarraret, ma-  
 nifestissime resurrectionem futuram edocuit.  
 Sed & illud manifestū fuit resurrectionis indi-  
 cium, quōd Helisei ossa tangens extinctum ca-  
 dauer, virtutis effectū reuixerit: quod ipse  
 domini qui est primogenitus mortuorum, re-  
 surrectio manifestauit: qui morti mortē intulit,  
 & de sepulchro vitā mortuis reformauit.  
 Ad hæc presbyter, Quōd dominus in adsum-  
 pto hominē mortuus fuerit ac resurrexerit, nō  
 ambigo: illud tamen, quōd reliqui resurgant  
 mortui, nō admitto. Et ego, Et quæ fuit neces-  
 sitas filio dei de cælo descēdere, carnem adsum-  
 mere, mortem adire, inferna penetrare, nisi vt  
 hominem quem plasmauerat, non permitte-  
 ret in morte perpetua derelinqui? Sed & ius-  
 torum animæ quæ vsq; passionem eius infer-

nali ergastulo tenebantur inclusæ, eo veniēte  
 laxatæ sunt. Nam descendens ad inferos, dum  
 tenebras noua luce perfudit, animas eorū se-  
 cum, ne hoc exitu amplius cruciarentur, edu-  
 xit, iuxta illud, Et in sepulchro eius resurgent  
 mortui. Et presbyter ait, Nūquid possunt ossa  
 in fauillam redacta, iterum animari & homi-  
 nem viuentem proferre? Et ego respōdi, Nos  
 credimus quia quamlibet in puluerē rediga-  
 tur homo, & aquis, ac terræ venti violenti im-  
 petu dispergatur, nō sit difficile deo hæc ad vi-  
 tam resuscitari. Presbyter respōdit, Hic maxi-  
 me vos errare puto, vt adserere verbis lenibus  
 tētetis acerrimā seductionē, vt dicatis à bestiis  
 raptū, aquis immersum, pisciū faucibus deuo-  
 ratū, in sterco redactum, & per secretum di-  
 gestionis eiectum, aut aquis labentibus deie-  
 ctum, aut terra cōputrescēte abolitū, ad resur-  
 rectionem vēturū. Ad hæc ego respōdi, Obli-  
 uioni apud te traditum est vt opinor, quid Io-  
 annes euāgelista super pectus dominicū recū-  
 bens, ac diuini mysterij arcana rimās, in apo-  
 calypsi dicat: Tūc, inquit, reddeť mare mortu-  
 os suos. Vnde manifestū est, quia quicquid hu-  
 mani corporis piscis absorbit, ales rapuit, be-  
 stia deglutiuit, à domino cōiunctū in resurre-  
 ctionē reparandū erit: quia nō erit ei difficile  
 perdita reparare, qui ex nihilo nō nata creauit:  
 sed ita hæc in integritatē solida sicut pri⁹ fue-  
 rāt reparabit, vt corpus quod fuit in mūdo, aut

pœnā iuxta meritū ferat, aut gloriā. Sic enim  
 „ ipse dominus in euangelio ait, Quia filius ho-  
 „ minis veniet in gloria patris sui cū angelis suis  
 „ vt reddat vnicuiq; secundū op̄era sua. Sed &  
 „ Martha cum de resurrectione pr̄senti fratris  
 „ Lazaridubitaret, ait, Scio quia resurget in re-  
 „ surrectione in nouissima die. Cui dominus ait,  
 „ Ego sum resurrectio, via, veritas, & vita. Ad hęc  
 „ presbyter, Quomodo autē in psalmo dicitur,  
 „ Quia non resurgūt impij in iudicio? Et ego re-  
 „ spōdi, Non resurgūt vt iudicēt, sed resurgūt vt  
 „ iudicentur. Nec enim sedere cū impiis iudex  
 „ potest, causas suorū redditurus actū. Et ille,  
 „ Domin⁹, inquit, in euāgelio dixit, Qui nō cre-  
 „ diderit, iā iudicatus est: vtique, quia peribit re-  
 „ surrectioni. Et ego respondi, Iudicatus est e-  
 „ nim, vt ad suppliciū eternū perueniat, quia nō  
 „ credidit vnigenitū filium dei: tamen resurre-  
 „ cturus in corpore, vt ipsum supplicium in quo  
 „ peccauit corpore patiat. Nec enim potest  
 „ iudicium fieri, nisi prius resurgāt mortui: quia  
 „ sicut illos qui defunēti sunt sancti, cælū vt cre-  
 „ dimus retinet, de quorum sepulchris sapius  
 „ virtus illa procedit, vt de his cæci illuminen-  
 „ tur, claudi gressum recipiant, leprosi mūden-  
 „ tur, & aliā sanitarum beneficia infirmis peten-  
 „ tibus tribuātur: ita credimus & peccatores in  
 „ illo infernali carcere vsq; ad iudicium retine-  
 „ ri. Et presbyter ait, In psalmo autem legimus,  
 „ Spiritus pertransit ab homine, & non erit, &

non cognoscet amplius locū suum. Ego dixi,  
Hoc est quod ipse dominus per parabolam ad  
diuitem qui flammis tartareis cruciabatur, di-  
cebat, Recepisti tu bona in vita tua, similiter  
& Lazarus mala. Non autē cognouit diues ille  
purpuras suas & byssum, nec delicias cōiuij,  
quas ei vel aer, vel terra, vel mare protulerat:  
sicut nec Lazar<sup>o</sup> vulnera, aut putredines quas  
iacens ante eius ianuas perferebat. vel cū hic  
in sinu Abrahæ requiesceret, ille autē crucia-  
retur in flāmis. Presbyter dixit, In alio psalmo  
legimus, Quia exiit spiritus eorum & reuer-  
tetur in terram suam, in illa die peribunt om-  
nes cogitationes eorum. Ad hæc ego, Bene  
ais, Quia cum egressus fuerit ab homine spiri-  
tus, & iacuerit corpus mortuum, non cogitat  
de his quæ in mundo reliquit, ac si verbi causa  
dicas, Non cogitat ædificare; plantare, agrum  
excolere: non cogitat congregare aurum, ar-  
gentum, vel reliquas diuitias mundi. Perit e-  
nim hæc cogitatio à corpore mortuo, quia nō  
est spiritus in eo. Sed quid tu de resurrectione  
dubitas, quam Paulus apostolus in quo ipse, vt  
ait, Christus loquebatur, euidenter exprimit di-  
cens, Consepulti enim sumus Christo per ba-  
ptisimum in mortem: vt sicut ille mortuus est,  
& resurrexit, ita & nos in nouitate vitæ ambu-  
lemus. Et iterum, Omnes quidē resurgemus,  
sed nō omnes immutabimur. Canet enim tu-  
ba, & mortui resurgent incorrupti, & nos im-

" mutabimur Et iterum, Stella autem differt à  
 " stella in claritate: sic & resurrectio mortuorū.  
 " Item illic, Seminatur in corruptione, surget in  
 " incorruptione, & reliqua. Itē illic, Omnes nos  
 " repræsentari oportet ante tribunal Christi, vt  
 " referat vnusquisq; propria corporis sui, prout  
 " gessit siue bonū siue malū. Ad Thessalonicēses  
 " autē, cuidētissime futuram resurrectionē desi-  
 " gnat dicēs, Nolo vos ignorare de dormiētib⁹,  
 " vt non cōtristemini, sicut & cæteri qui spē nō  
 " habēt. Si enim credimus, q̄ Iesus mortuus est  
 " & resurrexit, ita & deus eos qui dormierūt per  
 " Iesum adducet cū eo. Hoc enim vobis dicim⁹  
 " in verbo domini, quia nos qui viuim⁹, qui re-  
 " sidui sumus, in aduētū domini non præuenie-  
 " mus eos qui dormierūt. Quoniā ipse dominus  
 " in iussu & in voce archāgeli, & in tuba dei de-  
 " scendet de cælo, & mortui qui in Christo sunt  
 " resurgent primi: deinde nos qui viuimus qui  
 " relinquitur, simul rapiemur cū illis in nubib⁹  
 " obuiam domino in aera, & sic semper cū domi-  
 " no erimus. Itaq; consolamini inuicē in verbis  
 " istis. Plurima sunt enim de his testimonia quæ  
 " hanc causam adfirmāt. Sed tu ignoro quid am-  
 " bigas de resurrectione, quam sancti expectant  
 " pro merito, quā peccatores metuūt pro reatu.  
 " Hanc enim resurrectionē, & illa quæ cernim⁹  
 " elemēta demōstrāt, id est dū arbores in æstate  
 " foliis tectæ, hieme veniente nudantur: succe-  
 " dēte verò verno tēpore quasi resurgētes, in il-

lud quod prius fuerant, foliorum tegmine vestiuntur. Hæc ostendunt & illa quæ iaciuntur femina terris, quæ commendata sulcis, si fuerint mortua, cum multiplici fructu resurgunt, sicut ait Paulus apostolus, Stulte tu quod seminas nõ viuificatur, nisi prius moriatur. Quæ omnia ad fidem resurrectionis, mundo manifestata sunt. si enim resurrectio futura non est, quid proderit iustis bene agere, quid nocerit peccatoribus male? decidant ergo cuncti in voluptatibus suis, & faciat vnusquisque quæ placuerit, si iudicium futurum nõ erit. Vel illud improbe non formidas, quod ipse dominus beatis apostolis ait: Cum venerit, inquit, filius hominis in sede maiestatis suæ, congregabuntur ante eum omnes gentes, & separebit eos ab inuicem, sicut pastor segregat agnos ab hædis: & statuet oues quidem ad dexteram, hædos autem ad sinistram. Et his dicet, Venite benedicti, percipite regnum: illis autem, Discedite à me operarij iniquitatis. Atque vt ipsa scriptura docet, ibunt hi in supplicium æternum, iusti autem in vitam æternam. Putasne erit resurrectio mortuorum, aut iudicium operũ, quãdo ista faciet dominus. Respondeat ergo tibi Paulus apostolus, sicut aliis incredulis, dicens, Si christus non resurrexit, inanis est prædicatio nostra, inanis est & fides vestra. Ad hæc contristatus presbyter, à conspectu nostro discedes, pollicitus est

credere in resurrectionem, iuxta seriem scripturarum sanctarum quam supra memorauimus.

14 ERAT autem tunc temporis Theodulfus diaconus vrbis Parisiacæ, qui sibi videbatur in aliquo sciolus, qui sapius de hac causa altercationes mouebat. Hic autem de Parisiis vrbe abscedens, Andegauos venit, & se Audoueo episcopo subdidit, propter antiquam amicitiam, quam simul Parisiis commorantes habuerant; vnde & à Ragnemodo Parisiacæ vrbis episcopo, sapius excommunicatus est, quòd ad ecclesiam suam in qua diaconus ordinatus fuerat, redire differret. Hic in tanta familiaritate cum præfato Andegauæ vrbis episcopo adhæserat, vt non se posset ab eius importunitate discutere, pro eo quòd bonis moribus & adfectu pio erat. Factum est autem vt ædificaret super muros vrbis solarium, de quo cænæ epulo perfuncto descendens, manum super diaconum sustentabat, qui intantum erat crapulatus à vino, vt vix vel figere gressum valeret, pueróque qui præibat cum lumine nescio quid commotus, pugno ceruicem ferit. Quo impulso hic cum se continere non potuisset, cū ipso impetu de muro præcipitatur, sudarium episcopi quod balteo dependebat, arripiens: cum quo pene dilapsus fuerat, nisi pedes episcopi abbas velociter amplexus esset. Qui ruens super lapidem, contractis ossibus, &

bus, & crate pectoris, sanguinè cum felle disrupto euomens, spiritum exhalauit. Erat enim & vino deditus, & in adulterio dissolutus.

15 CVM autem scandalum quod ferente diabolo in monasterio Pictauesi ortum, in ampliorè quotidie iniquitatem consurgeret, & Chrodielidis adgregatis sibi vt supra diximus, homicidis, maleficis, adulteris, fugitiuis, & reliquorum criminum reis, in seditione parata resideret, iussit eis vt inruentes nocte in monasteriũ, abbatissam foras extraherent. At illa tumultũ sentiens venientium, ad sanctę crucis archã se deportari poposcit: grauabatur enim dolore humoris podagrici, scilicet vt vel eius foueretur auxilio. Sed vbi ingressi viri cereo accenso cum armis, huc illucque vagarētur, per monasterium inquirentes eam, introeuntes in oratorium, repererunt iacentem super humũ ante archam sanctę crucis. Tũ vnus acerbior ceteris, qui ad hoc scelus patrãdum adgressus fuerat, vt abbatissam gladio diuideret, ab alio vt credo, diuina prouidẽtia cooperãte cultro percutitur. Profluente verò sanguine solo decubans, vòtum quod leui conceperat animo, non expleuit. Interea Iustina pręposita cum aliis sororibus, palla altaris, quod erat ante crucem dominicam, extincto cereo, abbatissam operit. Sed venientes cum euaginatiis gladiis ac læceis, scissa veste, & pene sanctimonialium

manibus laniatis, adprehensam præpositâ pro abbatissa, quia tenebræ erant, excussis linteaminibus, à capite soluta cæsarie detrahunt, & vsque basilicam sancti Hilarij inter manus deferunt custodiæ mancipandâ : adpropinquâtésque basilicę, cælo modicum albescente, vbi cognouerūt non esse abbatissam, mox ad monasterium redire puellam præcipiunt : reuertentésque, abbatissam adprehendunt, extrahūt, & in custodiam iuxta sancti Hilarij basilicâ in loco vbi Basina metatum habebat, retrudunt, positis ad ostium custodibus, ne quis vllum captuæ præberet auxilium. Exinde nocte subobscura adgressi monasterium, cùm nullo fulgore accensi luminis potirentur, extracta præptuario cuppa, quæ olim pice linita sicca remanserat, ignem iniiciunt, factâque pharomagna, de huius incendio cunctam monasterij supellectilem rapuerunt, hoc tantum quod ferre non poterant; relinquentes. Hæc autem gesta sunt ante septem dies paschæ. Cùmque episcopus hæc omnia grauer ferret, nec valeret seditionem diabolicam mitigare, misit ad Chrodiel dem dicēs, Relinque abbatissam vt in his diebus in hoc carcere non retineatur: alioqui non celebrabo pascha domini, neque baptismum in hac vrbe vllus catechumenus obtinebit, nisi abbatissa à vinculo quo tenetur, iubeatur absolui. Quòd si nec sic volueritis, collectis ciuibus auferam eam. Hæc

eo dicente , statim Chrodielis percussores deputat, dicens, Si eam violenter quis auferre tétauerit, statim eam gladio percutite. Adfuit autem diebus illis Flauianus nuper domesticus ordinatus , cuius ope abbatissa sancti Hilarii ingressa basilicam absoluitur. Inter hæc ad sepulchrum sanctæ Radegundis homicidia perpetrantur , & ante ipsam beatæ crucis archam quidam per seditionem truncati sunt. Cúmque hic furor superueniēte die per Chrodielis superbiam augetur , & assiduæ cædes , & reliquæ plagæ quas supra memorauimus, à seditionariis perpetrarentur , atque ita hæc iactantia tumuisset , vt consobrinam suam Basinam altiori cothurno despiceret , illa pœnitentiam agere cœpit , dicens, Erraui sequendo Chrodielis iactantiam . Et ecce despectui habeor ab eadem , & abbatissæ meæ contumax existo : & conuersa, humiliavit se coram abbatissa , expetens pacem eius : fueruntque pariter vno animo eadémque voluntate: denique orto scandalo pueri qui cum abbatissa erāt, dum seditioni quam Chrodielis schola commouit , resisterent , puerum Basina percipiunt : qui cecidit & mortuus est . At illi post abbatissam ad basilicam confessoris confugiunt, & ob hoc Basina relicta abbatissa discessit: sed pueris iterū per fugam lapsis, in pace quam prius habuerant redierunt. Postea verò multæ inter has scholas inimicitie

egreditur dicens, Nolite super me quæso vim inferre quæ sum regina, filia regis, regisque alterius consobrina: nolite facere nequando veniat tempus, ut vlciscar ex vobis. Sed vulgus parvipendens quæ ab ea dicebantur, inruens ut diximus, supra hos resultantes, vinctos monasterio extraxerunt, ac ad stipites extensos, grauiissime cæsos, aliis cæsarie, aliis manibus, nonnullis auribus naribusque decisis, seditio depressa quieuit. Tunc residëtibus sacerdotibus qui aderant super tribunal ecclesie, adfuit Chrodieldis multa in abbatissam iactans conuicia cum criminibus, adserens eam virum habere in monasterio, qui indutus vestimëta muliebria, pro fœmina haberetur, cum esset vir manifestissime declaratus, atque ipsi abbatissæ famularetur assidue: indicans eum digito, En ipsum. Qui cum in veste, ut diximus, muliebri coram omnibus adstitisset, dixit se nullum opus posse virile agere: ideòq; sibi hoc indumentum aptasse. Abbatissam verò non nisi tantum nomine nosse, seque eam nunquam vidisse, neque cum eadem colloquium habuisse professus est, præsertim cù hic amplius quàm quadraginta ab vrbe Pictaua milibus degeret. igitur abbatissam de isto crimine non conuincens, adiecit, Quæ enim sanctitas in hac abbatissa versatur, quæ viros eunuchos facit, & secum habitare imperiali ordine præcipit? Interrogata abbatissa se de hac ratione nihil

scire respondit : interea cum hæc nomen pueri eunuchi protulisset , adfuit Reoualis archiater dicens , Puer iste paruulus cum esset , & infirmaretur in femore , desperatus cœpit haberi : mater quoque eius , sanctam Rade-  
gundem adiuit , vt ei aliquod studium iuberet impendi . At illa , me vocato , iussit vt si pos-  
sim aliquid adiuuarem . Tunc ego , sicut quon-  
dam apud urbem Constantinopolitana m me-  
dicos agere cōspexeram , incisis testiculis pue-  
rum sanum genitrici mœstæ restitui . nam ni-  
hil de hac causa abbatissam scire cognoui . Sed  
cum nec de hac re abbatissa potuisset culpabi-  
lis reperiri , alias cœpit Chrodieldis calumnias  
sæuas inferre : quarum adsertiones respōsi-  
onésque , quia in iudicio quod contra easdem  
scriptum est , habētur insertę , ipsius magis ex-  
emplaria lectioni libuit indere .

*Exemplar iudicij earundem .*

- 16 DOMNIS gloriosissimis regibus , episco-  
pi qui adfuerunt . Propitia diuinitate , piis atq;  
catholicis populo datis principibus , quibus  
cōcessa est regio , rectissime suas causas patefacit  
religio , intelligens sacrosancto participāte  
spiritu , eorū qui dominantur se sociari & con-  
stabiliri decreto . Et quia ex iussione potestatis  
vestræ , cum ad Pietauam ciuitatem pro cōdi-  
tionibus monasterij sanctæ recordationis Ra-  
degundis conuenimus , vt altercationes inter  
abbatissam eiusdem monasterij , & monachas

quę de ipso grege nō salubri deliberatione progressę sunt, ipsi disceptantibus agnoscere deberemus: euocatis partibus, interrogata Chrodielidis & Basina, quare tā audacter contra suā regulam foribus monasterij contractis, discesserant, & hac occasione congregatio adunata discessit: quę respondentes professę sunt, famis, nuditatis, insuper & cędis se iam nō ferre periculū: adiicientes etiam, eo quōd diuersi, earum in balneo lauarentur incongrue, ad tabulam ipsa luserit, atque seculares cum abbattissa reficerent, etiam & sponsalia in monasterio facta sint: de palla holoserica, vestimēta neptis suę temerarie fecerit: foliola aurea quę fuerāt in gyro pallę, incōsultē sustulerit, & ad collū neptis suę facinorose suspēderit: vittam de auro exornatam, eidem nepti suę superfluē fecerit: barbatorias intus eo, quōd celebrauerit. Interrogantes abbattissam, quid ad hęc responderet? dixit, De fame quōd cōqueruntur, secūdum quod temporis penuria permetteret, nunquā ipse nimā egestatē pertulerūt: de vestimēto verò dixit, Si quis earū arcellulas scrutaretur, ampli⁹ eas habere quę necessitas indigeret: de balneo verò, quōd opponeretur, retulit hoc factū dieb⁹ quadragesimę, & pro calcis amaritudine, ne lauātib⁹ noceret nouitas ipsi⁹ fabricę, iussisse domnā Radegundē, vt seruiētes monasterij, publice hoc vsitarēt, donec omnis odor nocēdi discederet: quod per quadragesimā

vsq; ad pētecostē in vsu famulis fuerit. Ad hæc  
 Chrodielis respōdit. Et postea similiter mul-  
 ti per tēpora lauerūt. Retulit abbatissa, Se nec  
 probare quod dicerēt, & se nescire, an factum  
 sit. Sed adhuc inculpās easdem, q̄ si ipsę vidis-  
 sēt, cur abbatissę nō proderēt? De tabula verò  
 respōdit, Et si lusisset viuēte domna Radegū-  
 de, se minus culpa respiceret, tamen nec in re-  
 gula per scripturā prohiberi, nec in canonibus  
 retulit: sed ad iussionē episcoporū, repromisit  
 ceruice se inflexa per pœnitentiā quicquid iu-  
 beretur, implere. De cōuiuuis etiam ait, se nul-  
 lam nouam fecisse cōsuetudinem, nisi sicut a-  
 ctum est sub domna Radegunde: se Christiani-  
 nis fidelibus eulogias obtulisse, nec sibi cōpro-  
 bari cum illis vllatenus cōuiuasse, De sponsa-  
 libus quoque ait, Coram pontifice, clero, vel  
 senioribus pro nepte sua Orphanula arras ac-  
 cepisse: & tamen si hæc culpa sit, veniam se co-  
 ram cunctis petere professa est. tamen nec tūc  
 conuiuium in monasterio fecerit. De palla  
 quod reputarent, protulit monacham nobilē  
 quæ ei mafortem holosericum, quem de parē-  
 tibus detulit, muneris causa concesserit, & in-  
 de partē abscidisset, vnde quod vellet & face-  
 ret: de reliquo verò quantum opportunū fuit,  
 ad ornatum altaris pallam condigne condi-  
 derit: & de illa in scissura quæ pallæ superfuit,  
 purpuram nepti suæ in tunica posuerit, quam  
 ibi dedisse dixit, quo monasterio profuit, quæ

per omnia donatrix Didimia confirmauit. De foliis aureis & vitra auro exornata Macconem famulum vestrum præsentem testem adhibuit, eo quòd per manū eius ab spòso puellæ prædictæ neptis suæ viginti solidos accepit, vnde hoc publicè fecerit, nec de re monasterij quicquam ibi permixtum sit. Interrogata Chrodieldis cum Basina, si forsitan aliquid abbatiis, quod absit, adulterij reputarent, siue quid homicidij, vel maleficij fecerit, aut crimen capitale quo percuteretur, edicerent: respondentes protulerunt, Non habere se aliquid nisi per hæc quæ dixerant, eam ista fecisse contra regulam proclamarent. Ad extremum, pro peccatis quia claustra disrupta sunt & miseris licuit sine disciplina abbatiis suæ, quod vellent committere, per tot mensium spacia quas credebam<sup>9</sup> innocètes monachas, nobis protulerunt prægnantes. Quibus per ordinem discussis, nec inuento crimine quod abbatiis deiiceret, de leuioribus causis paterna commonitione contestati sumus, vt hæc nullatenus deinceps pro reprehensione repereret. Tunc nobis percunctantibus causam aduersæ partis, quæ maiora crimina commiserunt, id est quæ prædicationem sui sacerdotis intra monasterium, ne foras procederent, despexerunt, pontifice conculcato, & in summo contemptu in monasterio relicto, confractis seris & ianuis, inrito facto discesserunt, &

ad suum peccatū aliæ tractæ transgressæ sunt: insuper & Gundegisilus pontifex cum suis prouincialibus pro ipsa causa commonitus, per præceptionē regum Pietauos accessisset, & ad audientiam eas ad monasterium conuocarent, despecta cōmonitione, ipsis occurrentibus ad beati Hilarij confessoris basilicam, vbi ipse commorabatur accedentes: vt condecet pastorū sollicitudinem, dum commonerentur, facta seditione, fustibus tam pontifices quàm ministros adfecerunt, & intra basilicam fuderunt sanguinem leuitarum. Dehinc ex iussione domnorum principum, cū vir venerabilis Theutharius presbyter in causa directus fuerit, & statutum fuisset, quando iudicium fieret, non expectato tempore, monasterium seditiosissime accēsis in corte cuppis, vectibus ac securibus confractis posticis, igne accenso, intra septa cæsis & vulneratis monachabus, in ipsis oratoriis spoliato monasterio, denudata & discissa capillis abbatissa, grauius ad ridiculum ducta & tracta per compita, & in locum retrusa, & si nō ligata, nec libera: superueniente diei paschæ festo per seculum, offerente pontifice pro condemnata precium, vt spectaret vel baptismum, nec vlla suasione hoc impetrasset vox supplicum, atque respondente Chrodielde, eo quod tale facinus nec scissent, nec iusserint, adhuc Chrodielde adserente ad interfignium suum, ne à

fuis interficeretur, obtentum sit, vnde certum est tractari quid ex hoc datur intelligi, quod additur crudelitati, ad sepulchrum beatæ Radegundis fugientem seruum monasterij sui occiderent, & scelere crescente nihil petendo sanauerint; sed per se post intrantes monasterium ceperint, & ad domnorum iussione, vt seditiosos illos in publico representarent, nolentes adquiescere, & contra regum præcepta magis arma tenerent, & se sagittis vel lanceis contra comitem & plebem indignanter erigerent: hinc denuò egressæ ad audientiam publicam, extrahunt crucem sanctam sacratissimamque occultè, & ad iniuriam, indecenter, ad culpam, quæ postea restituere coactæ sunt in ecclesiâ. Quibus rot capitalibus agnitis facinoribus, nec refranatis, sed iugiter magis auctis criminibus, nobis eisdem dicentibus, vt abbatissæ pro culpa veniam peterent, aut quod male directum fuerat emendarent: & nolentes hoc facere, sed magis de eius interfectione tractarent, quod publicè sunt professæ, referatis à nobis & recensitis canonibus, visum est æquissimum vt eas vsque quo dignam agerent pœnitentiam, à communionem priuari, & abbatissam suo loco permanens suram restitui. Hæc nos pro vestra iussione, quod ad ecclesiasticum pertinuit ordinem, circumspectis canonibus, absque personarum aliqua acceptione suggerimus peregisse. De

cætero quod de rebus monasterij vel instrumentis chartarum domnorum regum parentum vestrorum de loco subreptum est, quæ se habere professæ sunt, sed nobis inobedientes nullatenus erunt voluntarie reddituræ, qualiter vestra vel anteriorum principum merces æterna permaneat, ad loci instaurationem, vestræ pietatis atque potestatis est, auctoritate regia cogere reformari, neque ipsas ad locum quem tam impiè ac profanissimè destruxerunt, ne peiora proueniant, vel redire concedite: vel permittatis iterum aspirare, quatenus his in integrum, præstante domino, restitutis, sub catholicis regibus totum adquiratur deo, nihil perdat religio, ut status conseruatus tam patrum quàm canonum nobis proficiat ad cultum, vobis propagetur ad fructum. Christus vos dominus alacriter regatque, regnum tribuens prolixius, vitamque conferat beatam.

17

POST hæc cum emissio iudicio à communione fuissent suspensæ, abbatissa etiam in monasterium restituta, hæc ad Childebertum regem petierunt, adiicientes malum supra malum, denominantes scilicet regi personas quasdam, quæ non solum cum ipsa abbatissa adulteria exercebant, verum etiam ad inimicam eius Fredegundem quotidie nuncia deportarent. Quod audiens rex, misit qui eos vincit adducerent: sed cum discussi nihil criminis inuentum in eis fuisset, abscedere iussi sunt.

18 ANTE hos verò dies cùm rex in oratorium domus Marilignensis ingrederetur, viderunt pueri eius hominem ignotum eminus adstantem, dixeruntque ad eum, *Quis es tu, & vnde venis, aut quod est opus tuum? non enim à nobis agnosceris.* Illo quoque respondente, *Quia de vobis sum, dicto citius eiectus extra oratorium, interrogatur.* Nec mora, cõfiteatur, dicens à Fredegunde regina se transmissum ad interficiendum regem: dixitque, *Duodecim viri sumus ab ea transmissi, sex huc venimus, alij verò sex Sueffionibus remâserunt ad decipiendum filium regis.* Et ego cùm locum prætolâs, vt regem Childebertum in oratorio percutere destinaram, timore perterritus, non deliberaui implere quod volui. Hęc cùm dixisset, confestim sc̃quis datus suppliciiis, diuersos nominat socios: quibus per loca singula inquisitis, alios carceribus mancipant, alios manibus incisis relinquunt, nonnullos auribus naribusque amputatis ad ridiculum laxauerunt. Plerique tamen ex vinc̃tis, suppliciorum genera metuentes, propriis se confodere mucronibus: nonnulli etiam inter supplicia defecerunt, vt regis ultio patraretur.

19 SVNNIGISILVS verò iterum tormentis addicitur, ac quotidie virgis lorisque cæditur: & computrescentibus vulneribus cum primùm decurrente pure cœpissent ipsa vulnera claudi, iterum renouabatur ad pœnã.

In his tormentis, non solum de morte Chilperici regis, verum etiam diuersa scelera se admisisse confessus est: inter quas confessiones, addidit etiam Egidium Remensem episcopum socium fuisse in illo Rauingi, Vrsionis, ac Bertefredi cōsilio ad interficiendum Childebertū regē. Nec mora rapitur episcop⁹, & ad Metensem urbē, cū esset valde ab agrotatione longinqua defessus, adducitur: ibique sub custodia degens, rex episcopos arcessiri ad eius examinationē præcepit, scilicet vt in initio mensis octauis apud Viridunensem urbem adesse deberent. Tunc ab aliis sacerdotibus increpitus, cur hominē absque audientia ab urbe rapti, & in custodiam retrudi præcepisset, permittit eum ad urbem suam redire, dirigens epistolas, vt supra diximus, ad omnes regni sui pontifices, vt medio mense nono ad discutiendū in urbe supradicta adesse deberēt. Erant autē pluuia validæ, aqua immensæ, rigor intolerabilis, dissoluta luto viæ, amnes litora excedentes: sed præceptioni regis obsistere nequiverunt. Denique conuenientes, pertracti sunt vsque Metensem urbem: ibique & præfatus Egidius adfuit. Tunc rex inimicum eum sibi regionisq̄ue proditorem esse pronuncians, Ennodium ex duce ad negotium delegit prosequendum: cuius propositio prima hæc fuit, Dic mihi, ô episcopo, quid tibi visum fuit, vt relicto rege, in cuius urbe episcopatus honore

fruebaris, Chilperici regis amicitias subdere-  
ris, qui semper inimicus domino nostro regi  
fuisse probatur, qui patrem eius interfecit, ma-  
trem exilio condēnauit, regnūque peruasit,  
& in iis urbibus quas, vt diximus, iniquo per-  
uasionis ordine, suo dominio subiugauit? Tu  
ab eodem possessionum fiscalium prædia me-  
ruisti. Ad hæc ille respondit, Quod fuerim a-  
micus regis Chilperici, negare non potero:  
non tamen contra vtilitatē regis Childeberti  
hæc amicitia pullulauit. Villas verò quas me-  
moras, per istius regis chartas emerui. Tunc  
preferente eisdem in publico, negat rex se lar-  
gitum fuisse: requisitūsq; Otho, qui tunc Refe-  
rendarius fuerat, cuius ibi subscriptio medita-  
ta tenebatur, adfuit, negat se subscripsisse. Cō-  
ficta enim erat man<sup>9</sup> eius in huius præceptio-  
nis scripto. In hac igitur causa primum epi-  
scopus fallax repertus est. Post hæc epistolæ  
prolatæ sunt, in quibus multa de improperiis  
Brunichildis tenebātur, quæ ad Chilpericum  
scriptæ fuerant: similiter & Chilperici ad e-  
piscopum delatæ, in quibus inter reliqua ha-  
bebatur insertum, Quia si radix cuiuslibet rei  
incisa non fuerit, culmus qui terris est editus  
nō arefcet: vnde prorsus manifestum est, ideo  
hæc scripta, vt superata Brunichilde, filius  
eius obprimeretur. Negauit se episcopus has  
epistolas vel misisse suo nomine, vel suscepisse  
à rescripto Chilperici. Sed puer eius familia-

ris adfuit, qui hæc notarum titulis per tomos chartarum comprehensa tenebat, vnde non dubium fuit residentibus, hæc ab eodem directa. Deinde, prolatae sunt pactiones quasi ex nomine Childeberti ac Chilperici regis, in quibus tenebatur insertum, vt eiecto Guntchramno rege, hi duo reges inter se eius regnum vrbésque diuiderent: sed negauit hæc rex cum suo factum consilio, dicens, Quia tu commisisti patruos meos, vt inter illos bellum ciuile consurgeret: vnde factum est vt commotus exercitus Biturigas urbem, pagumque Stampensem, vel Miliodunése castrum adtererent atque depopularentur: in quo bello, multi interempti sunt, quorum, vt puto, animæ erunt dei iudicio de tuis manibus requirendæ. Hæc episcopus negare non potuit. scripta enim ista in regesto Chilperici regis in vno scriniorum pariter sunt reperta: ac tunc ad eum peruenerunt, quando interepto Chilperico, thesauri eius de Calensi Parisiacæ vrbis villa ablati ad eundem delati sunt. Cúmque de huiuscemodi causis altercatio diutius traheretur, adfuit & abbas Epiphanius basilicæ sancti Remigii, dicēs, quòd duo milia aureorum, speciésque multas pro conseruanda regis Chilperici amicitia accepisset. Adstiteruntque etiam & legati qui cum eodem ad memoratum regem fuerant, dicentes, Quia nobis relictis diutius cum eodem solus conlocutus

cutus est: de quibus verbis nihil intelleximus, nisi supradicti excidij prosecutionem imposterum cognoscentes. Hæc eo negante, abbas qui fuerat semper in iis consiliorum arcanis particeps, locum hominẽque denominat, vbi & qui aureos quos diximus detulisset; & qualiter de excidio regionis ac regis Guntchramni conuentum fuerat, vt gestum est ex ordine denarravit. Quæ & ille conuictus deinceps est confessus. Hæc audientes episcopi qui euocati fuerant, & in tantis malis sacerdotem domini contuentes fuisse satellitem, suspirantes, de iis triduanı temporis spacium deprecantur tractandi, scilicet vt forsitan resipiscens Egidius vllum modum reperire posset, per quem se ab iis noxis quæ ei obiiciebantur, excusare valeret: sed inlucescente die tertia, conuenientes in ecclesiam interrogant episcopum, si aliquid excusationis haberet, ediceret. At ille confusus, ait, Ad sententiam dandam super culpabilem ne mo remini. nam ego noui me ob crimen maiestatis reum esse mortis, qui semper contra utilitatem huius regis matrĩsque eius abij: ac per meum consilium multa fuisse gesta certamina noui, quibus nonnulla Galliarum loca depulata sunt. Hæc episcopi audientes, ac lamentantes fratris obprobrium, obtẽta vita, ipsum ab ordine sacerdotali, lectis canonum sanctionibus, remouerunt: qui statim ad Argen-

toratensem urbem, quam nunc Strataburgū vocant, deductus, exilio condemnatus est: in cuius locum Romulfus filius Lupi ducis, iam presbyterij honore præditus, episcopus subrogatus est, Epiphanio abbatis officio qui basilicæ S. Remigii præerat, remoto. multa enim auri argentiq; in huius episcopi regesto pondera sunt reperta. Quæ autem de illa iniquitatis militia erant, regalibus thesauris sunt inlata: quæ autem de tributis aut reliqua ratione ecclesiæ inuenta sunt, inibi relicta.

20 I N hac synodo Basina Chilperici regis filia, quam supra cum Chrodielde à communionem remotam diximus, coram episcopis solo prostrata, veniam petiit, promittens se cum charitate abbatissæ monasterium ingredi, ac de regula nihil transcendere. Chrodielis autem obtestata est, quòd Leobouera abbatissa in hoc monasterio commorante, ibidem nunquam ingrederetur. Sed utrisque rex veniã impertiri deprecatus est: & sic in cõmunionẽ receptæ, Pictauos regredi iussæ sunt: scilicet ut Basina in monasterium, ut præfati sumus, regrederetur: Chrodielis verò in villa, quæ quondam Vuaddonis superius memorati fuerat, sibi à rege concessa resideret.

21 F I L I I autè Vuaddonis ipsius per Pictuum vagantes, diuersa committebant scelerata, homicidia, furtaque nonnulla. nam intruẽtes ante hoc tempus super negociatores, sub

noctis obscuritate eos gladio trucidant, abstu-  
leruntque res eorum: sed & alium tribunitiæ  
potestatis virum circumuentum dolis, inter-  
fecerunt, diripientes res eius. Quod cum Mac-  
co comes reprimere niteretur, ij præsentiam  
expetunt regis. Eunte autem comite, vt de-  
bitum fisco seruitium solite deberet inferre,  
adfuerunt & ij coram rege, offerentes balteum  
magnum ex auro lapidibusq; preciosis orna-  
tum, gladiumque mirabilem, cuius capulū ex  
gemma Hispanica auróque dispositum erat.  
Cumq; rex hæc scelera quæ audierat, ab iis co-  
gnouisset manifestissimè perpetrata, vinciri  
eos catenis præcepit, ac tormentis subdi. Qui  
dum torquerentur, thesauros patris abscondi-  
tos, quos de rebus Gundobaldi superius me-  
morati pater diripuerat, reuelare cœperunt.  
Nec mora, directi viri ad inquirendum im-  
mensam multitudinem auri argentiq; ac di-  
uersarum specierum, & auro gemmisque ex-  
ornatarum repererunt, quod thesauris regali-  
bus intulerunt. Post hæc seniore capite plexo,  
iuniorem exilio damnauerunt.

22 CHVLDERICVS verò Saxo post di-  
uersa scelera, homicidia, seditiones, multaq;  
alia improba quæ gessit, ad Ausciensem urbē,  
in qua possessio vxoris erat, abiit. Cumque rex  
auditis eius improbitatibus iussisset eum in-  
terfici, quadā nocte ita crapulatus est vino, vt  
ab eo suffocatus, mortuus in strato suo reperi-

retur. Adferebat enim ad illud superius scelus nominatū, quo sacerdotes domini in basilica sancti Hilarii per Chrodioldem cæsi sunt, hūc fuisse signiferum, vltūsque est deus, si ita est, iniuriam seruorum suorum.

23 IN hoc autem anno tantus terris nocturno tempore splendor inluxit, vt mediam putares diem: sed & globi similiter ignei per noctis tempora sæpius per cælum cucurrisse, mundumque inluminasse visi sunt. Dubietas paschæ fuit ob hoc, quòd in cyclo Victor, luna xv. pascha scripsit fieri. Sed ne Christiani vt iudæi sub hac luna hæc solennia celebrarent, addidit, Latini autem luna xxii. Ob hoc multi in Galliis, xv. luna celebrauerunt. Nos autem xxii. Inquisiuimus tamen studiosè: sed fontes Hispaniæ qui diuinitus implentur, in nostrū pascha repleti sunt. Terræ motus factus est magnus, xviii. cal. mensis quinti, die quarto. primo mane, cū lux redire cœpisset. Sol eclipsim pertulit mense octauo mediante: & ita lumen eius minuit, vt vix quantum quintæ lunæ cornua retinent, ad lucendum haberet. Pluuiæ validæ, tonitrua in autumnno graui, aquæ autem nimium inualuerunt. Viuariensem Auennicamque vrbem grauiter lues inguinaria deuastauit.

24 ANNO igitur decimosexto Childeberti, Guntchramni autem xxx. regum, quidam episcopus de transmarinis partibus ad Turoni-

eam urbem aduenit, nomine Simon. Hic nobis euerfionem Antiochiæ urbis enunciauit, adferens se de Armenia in Perfide captiuatum fuisse. Rex enim Perfiarum inrupto Armeniorum termino prædas egit, ecclesiâsque igni succendit: & hunc sacerdotem cum populo suo, vt diximus, captiuum abduxit. Tunc etiam & basilicam sanctorum quadraginta octo martyrum, de quibus in libro Miraculorum memini, qui in illa regione passi sunt, oppleta ligni congerie pice, tergoribûsq; suillinis immixtis, suppositis ardentibus facibus, succendere nisi sunt: sed nequaquam ignis adparatum incendii comprehendit: sicq; videntes magnalia dei, recesserunt ab ea. Audita autem quidam episcopus istius memorati sacerdotis abductione, direxit precium per homines suos ad regem Perfiarum. Quo ille suscepto, relaxauit à seruitutis vinculo episcopum istum. Ex iis ergo discedens regionibus, Gallias est adgressus, vt aliquid consolationis à deuotis acciperet: qui nobis, vt præfatumus superius, hæc retulit. Homo erat in Antiochia, valde deuotus in elemosynis, coniugem ac liberos habens: nec vnquam ei in omni vita sua dies præteriit, postquã quidam proprium habere cœpit, quòd sine paupere epulum prælibasset: hic vna die cùm circumisset urbem vsq; ad vespertũ, & reperire nõ potuisse t egenũ cum quo cibũ capere posset,

egressus extra portam, cum nox intrueret, reperit virum in veste alba cum duobus aliis stantem, quem aspiciens quasi Loth ille antiqua memoratus historia, territus ait, Et forsitan peregrinus est dominus meus: dignetur accedere ad domum serui sui, & sumpto epulo, quiescite in strato: mane autem proficiscenini in viam quam volueritis. Cui ille qui erat senior, tenens sudarium in manu sua, ait, Non poteras, o homo dei, cum Simone vestro hanc urbem saluare, ne subuerteretur? Et eleuans manum excussit sudarium quod tenebat super medietatem urbis: & statim conruerunt omnia aedificia, & quodcumque ibi structum fuit: ibique oppressi sunt senes cum infantibus, viri cum mulieribus, atque vterque sexus interit. Quod ille cernens, tam de persona viri, quam de sonitu ruinae hebes effectus, ruit in terram, & factus est velut mortuus. Eleuansque iterum vir ille manum cum sudario, quasi super aliam medietatem urbis, adprehensus est a duobus sociis qui cum eo erant, atque obsecratus terribilibus sacramentis, ut indulgeret medietati urbis, ne rueret: mitigatoque furore sustinuit manum suam, atque eleuans hominem qui conruerat in terram, ait, Vade ad domum tuam, ne timeas: filii enim tui cum vxore, & omni domo tua salui sunt: nec quisquam ex eis periit. Custodiuit enim te oratio assidua, & elemosynae quas quotidie exerces in pauperes.

Et hæc dicens, discesserunt ab oculis eius, nec ei adparuerunt ultra. Ille autè regressus in urbem, reperit urbis medietatem dirutam atq; subuersam cū hominibus pecoribúsq; ex quibus nonnulli à ruinis deinceps extracti sunt mortui, pauci debilitati reperti sunt viui. Veruntamē nec illa cassata sunt quæ viro huic ab ipso, vt ita dicá, angelo domini sunt effata. Nā veniens, omnē domum suam incolumē reperit: tantum funera propinquorū, quæ in aliis domibus effecta fuerant, lamētabatur: protexitq; eum in medio iniquorū dextera domini cū domo sua, saluatúsq; est à periculis mortis, ac velut memoratus Loth quodā in Sodomis.

2) **A**T in Gallis Massiliensē prouinciā morbus sæpe nominatus inuasit: Andegauos Namneticos atq; Cœnomānicos valida fames oppressit. Initia sunt enim hæc dolorū, iuxta illud

- „ quod dominus ait in euangelio, Erunt pesti-
- „ lentiæ & fames, & terræ motus per loca: & ex-
- „ urgent pseudochristi, & pseudoprophetæ: &
- „ dabūt signa & prodigia in cælo, ita vt electos
- „ in errorem mittant, sicut præsentī gestū est tē-

pore. Quidam enim ex Biturico, vt ipse postmodū est professus, dum saltus siluarū ingressus, ligna cederet ad explendā operis cuiusdā necessitatē, muscarum eum circūsedidit examē, qua de causā per biennium amens est habitus: vnde intelligi datur diabolicæ emissionis fuisse nequitiam. Post hæc transactis urbibus

propinquis, Arelatensem prouinciam adiit: ibique indutus pellibus quasi religiosus orabat: ad quem inludendum pars aduersa, diuinandi ei tribuit facultatem. Ex hoc vt in maiori proficeret scelere, commotus à loco, prouinciam memoratam deserens, Gabalitanæ regionis terminum est ingressus, proferens se magnum, ac profiteri se non metuens Christum, adsumpta secum muliere quadã pro sorore, quam Mariam vocitari fecit. Cõfluebat ad eum multitudo populi, exhibens infirmos, quos cõtingens sanitati reddebat. Cõferebãt enim ei aurũ argẽtũque, ac vestimẽta, ii qui ad eum conueniebant. Quod ille quo facilius seduceret, pauperibus erogabat, prosternens se solo, effundens orationẽ cum muliere memorata. & surgens, se iterũ à circumstãtibz adorari iubebat. Prædicebat enim futura, & quibusdam morbos, quibusdã damna prouenire denunciabat, paucis salutẽ futuram. Sed hæc omnia diabolicis artibus, & præstigiis nescio quibus agebat. Seducta est autem per eum multitudo immensa populi, & non solũ rusticiores, verumetiam sacerdotes ecclesiastici. Sequebantur autẽ eum amplius quàm tria milia populi. Interea cœpit quosdã spoliare ac prædari quos in itinere reperisset: spolia tamen nõ habentibus largiebatur. episcopis ac ciuibz minas mortis intentabat: eo quòd ab iis adorari despiceretur. Ingressus autẽ Vellauę vrbs ter-

minū, ad locum quem Anicium vocitāt, accedit: & ad basilicas propinquas cum omni exercitu restitit, instruens aciem, qualiter Aurelio ibidem tunc consistenti episcopo bellum inferret, mittens etiam ante se nuncios, homines nudo corpore, saltantes atque ludentes, qui adventum eius adnunciarent. Quod stupens episcopus, direxit ad eum viros strenuos, inquirentes quid sibi vellent ista quæ gereret. Vnus autē ex iis qui erat senior, cum se inclinasset quasi osculaturus genua eius, ac discussurus viam illius, iussit eum adprehensum spoliari: nec mora, ille euaginato gladio in frustra concidit, ceciditque Christus ille, qui magis Antichristus nominari debet, & mortuus est: dispersique sunt omnes qui cum eo erant. Maria autem illa, suppliciiis dedita, omnia phantasmata eius ac præstigias publicavit. Nā homines illi quos ad se credendum diabolica circunventione turbauerat, nunquam ad sensum integrum sunt regressi: sed hunc semper quasi Christum, Mariam autem illam partem deitatis habere profitebātur. Sed & per totas Gallias emerferunt plerique qui per has præstigias adiungentes sibi mulierculas quasdam, quæ debacchantes sanctos eos confiterentur, magnos se in populis præferebant: ex quibus nos plerosque vidimus, quos obiurgantes reuocare ab errore nisi sumus.

vrbis episcopus, obiit. Cúmque germanus eius Faramodus presbyter, pro episcopatu cōcurreret, Eusebius quidam negociator, genere Syrus, datis multis muneribus, in locum eius subrogatus est: isque accepto episcopatu omnem scholam decessoris sui abiiciēs, Syros de genere suo ecclesiasticæ domui ministros statuit. Obiit & Sulpitius Bituricæ vrbis pontifex, cathedrámque eius Eustasius Augustidunensis diaconus, est sortitus.

- 27 INTER Tornacenses quoque Francos non mediocris disceptatio orta est, pro eo quòd vnus filius, alterius filium qui sororem eius in matrimoniũ acceperat, cum ira sæpius obiurgabat, cur coniuge relicta scortum adiret: quæ iracundia, cum emendatio criminis non succederet, vsque adeo elata est, vt intruens puer super cognatum suum, cum cum suis interficeret, atque ipse ab iis cum quibus venerat ille prosterneretur, nec remaneret quisquam ex vtrisque, nisi vnus tantum cui percussor defuit. Ex hoc parentes vtriusque inter se sæuientes, à Fredegunde regina plerunque arguebantur, vt relicta inimicitia concordesserent, ne pertinacia litis in manus subueheretur scádalum. Sed cum eosdem verbis lenibus placare nequiret, vtrunq, bipenne cōpescuit. Inuitatis enim ad epulũ multis, hos tres in vno fecit sedere subsellio: cùmque in eo prandium elongatum fuisset spacio, vt nox mundum ob-

rueret, ablata mensa, sicut mos Frácorum est, illi in subsellia sua sicut locati fuerant, residebant. Potatóque vino multo, intantum crapulati sunt, vt pueri eorum madefacti per angulos domus vbi quisque cõruerat, obdormiret. Tunc ordinati à muliere viri cum tribus securibus, à tergo horum trium adstiterũt, illisque conloquẽtibus, in vno vt ita dicamus, ad sultu puerorũ manus libratae, hominibus perculsis, ab epulo est discessum. Nomina quoque viro- rum, Chariualdus, Leodoualdus, atque Vualdinus. Quod cum parentibus perlatum fuisset, custodire arctius Fredegundem cœperũt, dirigentes nuncios ad Childebertum regem, vt comprehensa interficeretur. Commotus autem pro hac causa Campanensis populus, dum moras innecteret, hæc suorum erepta auxilio, ad locum alium properauit.

- 28 POST hæc autẽ legatos ad Guntchramnũ regẽ mittit, dicẽs, Proficiscatur dominus me<sup>9</sup> rex vsq; Parisios, & arcessito filio meo nepote suo, iubeat eum baptismatis gratia consecrari: ipsũmq; de sancto lauacro exceptum, tanquã alumnũ proprium habere dignetur. Hæc audiens rex, commotis episcopis, id est Ætherio Lugdunensi, Syagrio Augustidunẽsi, Flauioq; Cabillonẽsi, & reliquis quos voluit, Parisios accedere iubet, indicãs se postmodũ secuturũ. Fuerunt etiã ad hoc placitum multi de regno eius, tam domestici q̃ comites, ad præparãda

regalis expensæ necessaria. Rex autem deliberatione acta, vt ad hæc deberet accedere, pedum est dolore prohibitus. Postquam autem conualuit, accessit Parisios: exinde ad Rotialensem villam ipsius vrbis properans, euocato puero iussit baptisterium præparari in vicō Néptodoro. Dum autem hæc ageretur, legati Childeberti regis accesserunt ad eum dicentes, Non enim ista nuper nepoti tuo Childeberto pollicitus eras, vt cum inimicis eius amicitias conligares. Sed inquantū cernimus, nihil de promissione tua custodis: sed potius quæ promiseras prætermittis: & puerū istum in vrbis Parisiacæ cathedra, regem statuis. Iudicabit enim deus, quia non reminisceris quæ vltro pollicitus es. Hæc iis dicentibus, rex ait, Promissionem quam in nepotem meū Childebertū regē statutā habeo, non omitto. Nam illum non oportet scandalizari, si consobrinū eius filium fratris mei de sancto suscipiam lauacro: quia hanc petitionem nullus Christianorum debet abnuere. Eamque ego vt deus manifestissime nouit, non calliditate aliqua, sed in simplicitate puri cordis agere cupio, quia offensam diuinitatis incurrere formido. Non est enim humilitas genti nostræ, si hic à me excipiat. Si enim domini proprios famulos de sacro fonte suscipiunt, cur & mihi non liceat propinquum parentem excipere, ac filium facere per baptismi gratiam spiritalem?

Abscedite nunc & nunciate domino vestro, Pactionem quam tecum pepigi, custodire cupio inlibatam, quam si tuę cõditionis noxa nõ omiserit, à me prorsus omitti nequibit. Et hæc dicens legatis discedentibus, rex accedens ad lauacrum sanctum, obtulit puerum ad baptizandum. Quem excipiens, Chlotharium vocitari voluit, dicens, Crescat puer, & huius sit nominis executor, ac tali potentia polleat, sicut ille quondam, cuius nomen indeptus est. Quo mysterio celebrato, inuitatũ ad epulum paruulum multis muneribus oneravit. Similiter & rex ab eodem inuitatus, plerisq; donis refertus abscessit, & ad Cabillonensem urbem redire statuit.

- 29 **A R E D I V S** quoque hoc anno terras relinquens, vocãte domino migravit ad cælum. Lemouicinæ urbis incola fuit, non mediocribus regionis suæ ortus parentibus, sed valde ingenuus. Hic Theodoberto regi traditus, aulicis palatinis adiungitur. Erat enim tunc temporis apud urbem Treuericam vir eximiæ sanctitatis Nicetius episcopus, non solum in prædicatione admirabilis facundiæ, verum etiam in operibus bonis ac mirabilibus celeberrim<sup>9</sup> habebatur in plebe. Qui intuens puerum in regis palatio, nescio quid in vultu eius cernens diuinum, præcepit ei se sequi. At ille relicto regis palatio, secutus est eum. Cùmque ingressi in cellulam, de iis quæ ad deum pertinet, con-

fabularentur, experiit adolescens à beato sacerdotē se corrigi, ab eo edoceri, ab eo imbuī, ac in diuinis voluminibus ab eodem exerceri. Cumq̄ue in huius studij flagrantia cum antistite memorato degeret, tōsurato iam capite, quadam die psallentibus clericis in ecclesia, descendit columba è camera, quę leuiter volitans circa eum, resedit super caput eius, illud indicans, vt opinor, eum spiritus sancti gratia iam repletum. Quam cum ille nō sine pudore conaretur abigere, hęc paululū circunvolans, iterum super caput eius, aut super scapulam residebat: quę non modo ibi, sed etiā cū in cellulā episcopi ingrederetur, iugiter comitabatur cū eo. Quod per dies plurimos factum, nō sine admiratione episcopus intēdebat. Exinde vir dei spiritu, vt diximus, sancto repletus, ad patriam genitore ac germano defunctis, regreditur, consolaturus Pelagiam genitricem, quę nullum parentem præter hanc sobolē spectabat. Deinde cum ieiuniis atq; orationibus vacaret, deprecatur eam, vt omnis cura domus, i. siue correctio familię, siue exercitium agrorum, siue cultus vinearum ad eam aspiceret: ne huic viro aliquod accideret impedimentū, quo ab oratione cessaret vnum sibi tātum priuilegium vindicans, vt ad ecclesias ædificandas ipse præesset. Quid plura? construxit templa dei in honore sanctorum, expeditque eorum pignera, ac ex familia propria tōsuratos insti-

tuit monachos, cœnobitumque fundavit, in quo nō modo Cassiani, verumetiam Basilii & reliquorum abbatum, qui monasterialem vitā instituerunt, celebrantur regulæ, beata muliere victum atque vestitum singulis ministrante. Nec minus hæc tamen impedita hoc onere in dei laudibus perstrepebat, sed assidue, & si quiddam operis exerceret, semper orationem domino tanquam odorem incensi acceptabilis offerebat. Interea ad sanctum Aredium cœperunt infirmi cōfluere, quos, manus singulis cū vexillo crucis imponens, sanitati reddebat: quorum si singillatim nomina scribere velim, nec numerū percurrere valeam, nec vocabula memorare: vnum tamen novi, quod quicumq; ad eum æger aduenit, sospes abscessit. De maioribus quoque miraculis parua proponimus.

Iter quodam tempore cum genitrice dum ageret, & sancti Iuliani martyris ad basilicam properaret, venerunt vespere in quendam locum. Erat autem locus ille aridus, & absq; fluentis currentibus infœcūdus. Dixitq; ad eam mater eius, Fili, aquam non habemus, & qualiter hic nocte præsenti quiescere possumus? At ille prostratus in orationē, diutissime preces fudit ad dominum: & erigens se, defixit virgam in terra quam manu gerebat, cāmque cum bis aut tertio in gyrū vertisset, ad se lætus extraxit: moxq; vnda aque secuta est tam valida, vt non solum ipsis de præsenti, sed etiam

pecoribus adfatim deinceps pocula ministraret. Nuperrimo autem tempore iter carpens, nimbus ad eum pluuiæ aduenire cœpit: quem ille cernens, paululum super equum in quo sedebat, caput inclinans, manus extendit ad dominum. Cōsummata verò oratione, diuisa est nubes in duas partes, ac in circuitu eorum immanis descendit pluuiæ: super eos tamen, nulla, si dici fas est, gutta descēdit. Vnistrimundo quoque cognomento Tattonis, cui Turonico dentes grauem inferebāt dolorē, ex quo etiam maxilla intumuerat. Quod cū beato viro questus fuisset, manum super locum doloris imposuit, statimque dolor fugatus, nusquam deinceps ad iniuriam hominis excitatus est. Hæc ipse qui passus est, retulit. De his vero signis quæ per virtutem sancti Iuliani martyris Martinique confessoris beati, in eius manibus dominus operatus est, pleraq; in libris Miraculorum, sicut ipse effatus est, scripsimus. Post has verò & multas alias virtutes, quas Christo cooperante compleuit, aduenit Turonos post festiuitatem sancti Martini, ibique paululum commemoratus, dixit nobis se aut longæuo tempore adhuc in hoc mundo retineri, aut certe velocius dissolui: & Vale dicens, abscessit, gratias agens deo, quòd priusquam obiret, sepulchrum beati antistitis osculari promeruisset. Cùmque ad cellulam suā accessisset, testamento cōdito, ordinatis omnibus, ac sancto Mar-

tino

tino Hilarióque antistitibus hæredibus constitutis, ægrotare cœpit, ac dysenteria morbo grauari. Sexta quoque ægrotationis eius die, mulier quæ ab spiritu immundo sæpius vexata, à sancto emundari non poterat, ligatis per se à tergo manibus, clamare cœpit ac dicere, Currite ciues, exilite populi, exite obuiâ martyribus cōfessoribúsque qui ad excessum beati Aredii conueniunt. Ecce adest Iulianus à Briuate, Priuatus ex Mimate, Martinus à Turois, Martialisq; ab vrbe propria. Adest Saturninus à Tholosa: Dyonisius ab vrbe Parisiaca, nōnulli & alii quos cælum retinet, quos vos vt cōfessores & dei martyres adoratis. Hæc cū in exordio noctis clamare cœpisset, à domino suo reuincta est. Sed nequaquã potuit cōtineri: quæ rūpens vincula, ad monasteriū cum his vocibus properare cœpit: mōxque beatus vir spiritū tradidit, non sine testimonio veritatis, quòd sit susceptus ab angelis: mulierem quoq; in exequiis suis cum alia muliere nequiori spiritu vexata, vt est sepulchro tectus, à nequitia infesti dæmonii emundauit. Et credo, ob hoc dei nutu easdem in corpore positus non potuit emundare, vt exequiæ illius hac virtute glorificarentur. Post celebratum verò funus, mulier quædam rictu patulo, sine vocis officio, ad eius accessit tumulum: quo osculis delibato, elocutionis meruit recipere beneficium.

30 HOC anno mense secundo tam in Turo-  
 nico quàm in Namnetico grauis populû lues  
 adtriuit, ita vt modico quisq; ægrotus capitis  
 dolore pulsar<sup>o</sup>, animam funderet. Sed factis ro-  
 gationib<sup>o</sup> cû grandi abstinētia & ieiunio, socia-  
 tis etiam elemosynis, aduersus diuini furoris  
 impetus mitigat<sup>o</sup> est. Apud Lemouicinā verò  
 urbē ob dominici diei iniuriā, pro eo quòd in  
 eo operā publicā exercerent, pleriq; igne cæle-  
 sti cōsumpti sunt. Sāctus est enim hic dies, qui  
 in principio lucē conditā primus vidit, ac do-  
 minicæ resurrectionis testis factus emicuit.  
 ideòq; omni fide à Christianis obseruari de-  
 bet, ne fiat in eo omne opus publicū. In Turo-  
 nico verò nōnulli ab hoc igne, sed nō die do-  
 minico sunt adusti. Siccitas immensa fuit, quæ  
 omne pabulū herbarū auertit: vnde factū est,  
 vt grauis morbus in pecoribus ac iumentis in-  
 ualescens, parum vnde sumeretur origo relin-  
 queret: sicut Abacuc propheta vaticinatus est:  
 Deficient ab esca oues & non erunt in præse-  
 pibus boues. Non modo enim in domesticis,  
 verumetiam in ipsis ferarum immitium ge-  
 neribus hæc lues grassata est. Nam per saltus  
 siluarum, multitudo ceruorum & reliquorum  
 animantium prostrata per inuia nacta est: Fœ-  
 num, ab infusione pluuiarum & inundatio-  
 ne amnium, periit. Segeres exiguæ, vineæ verò  
 profusæ fuerunt. Quercuum fructus ostensi  
 effectum non obrinuerunt.

31 DE episcopis Turonicis, licet in superioribus libris quædam scripsisse visus sim, tamen propter ordinationem eorum & supputationem, quo tempore primû prædicator ad Turonicam accessit urbem, reciprocari placuit.

Primus Gatianus episcopus, anno imperii Decii primo, à Romanæ sedis papa transfusus est: in qua urbe multitudo paganorum idololatriis dedita commorabatur: de quibus nonnullos prædicatione sua conuertit fecit ad dominum. Sed interdum occulebat se ob impugnationem potentum, eo quòd sæpius eum iniuriis & contumeliis cum repererant, adfessissent, ac per cryptas & latibula cum paucis Christianis, vt diximus, per eundem cõuersis, mysterium solennitatis diei dominici clancullo celebrabat. Erat autem valde religiosus & timens deum: vt nisi fuisset talis, non vtique domos parentes & patriam ob dominici amoris diligentiam reliquisset. In hac urbe sub tali cõditione, vt ferunt, annos l. commoratus, obiit in pace, & sepultus est in ipsius vici cœmiterio, quod erat Christianorum: & cessauit episcopatus xxxvii. annis.

Secûdus, anno imperii Constantis primo, Lidorius ordinatur episcopus: fuit autè de ciuibus Turonicis, & hic valde religiosus. Hic cõdificauit ecclesiã primã intra urbem Turonicã, cû iam multi Christiani essent: primãque ab eo ex domo cuiusdam senatoris, basilica facta est.

Huius tēpore sanctus Martinus in Gallis prædicare exorsus est. Sedit autem annos xxxiii. & obiit in pace, sepultusque est in suprascripta basilica, quæ hodièque eius nomine vocatur.

Tertius, sanctus Martinus, anno liii. Valētis & Valētiniāni, episcopus ordinatur. Fuit autē de regione Pannoniæ ciuitate Sabariæ. qui ob amorē dei apud urbem Mediolanēsem Italiæ, primo monasterium constituit: sed ab hæreticis, eo quòd sanctam trinitatē intrepidus prædicaret, virgis cæsus atque expulsus de Italia in Gallias accessit: multos paganorum conuertit fecit, templa eorum statuâque confregit, fecitque multa signa in populos, ita vt ante episcopatum duos suscitaret mortuos: post episcopatum autem, vnum tantummodo suscitauit. Hic transtulit corpus beati Gatiani, sepe-liuitque ipsum iuxta sepulchrum sancti Lidorii, in illa nominis sui præfata basilica. Hic prohibuit Maximum ne gladium in Hispaniā ad interficiendos destinaret hæreticos: quibus sufficere statuit, quòd à Catholicorum ecclesiis essent vel communionem remoti. Consummato ergo præsentis vitæ cursu, obiit apud Condatensem vicum vrbis suæ, anno lxxxii. ætatis: de quo vico nauigio sublatus, Turonis est sepultus, in loco quo nunc adoratur sepulchrū eius: de cuius vita tres à Seuero Sulpitio libros conscriptos legimus. Sed & præsentī

tempore multis se virtutibus declarat. In monasterio verò quod nunc Maius dicitur, basilicam in honorem sanctorum apostolorum Petri & Pauli ædificauit: in vicis quoque, id est Alinguiensi, Solonacensi, Ambaciensi, Cifomageni Tornomageni, Condatensi, destructis delubris baptizatisque gentilibus, ecclesias ædificauit. Sedit autem annos xxvi. menses quatuor, dies xvij. & cessauit episcopatus dies xx.

Quartus, Briccius ordinatur episcopus, anno Arcadij & Honorij secundo, cum pariter regnarent. fuit autem eius Turonicus, cui xxxiii. episcopatus anno, crimen adulterij est impactum à ciuibus Turonicis: expulsoque eo Iustinianum episcopum ordinauerunt: Briccius verò se ad papam vrbs dirigit, Iustinianus autem post eum abiens apud vrbe Vercellensem obiit. Turonici iterum malignantes, Armentium statuerunt: Briccius verò septem apud papam vrbs annis degens, idoneus inuentus à crimine, ad vrbe suam redire iussus est. Hic ædificauit basilicam paruulam super corpus beati Martini, in qua & ipse sepultus est. Cumque portam ingrederetur, Armentius per aliam portam mortuus efferebatur: quo sepulto, cathedram suam recepit. Hunc ferunt instituisse ecclesias per vicos, i. Calatonna, Briccam, Rotomagum, Briortidem, Cainonem. fueruntque omnes anni episcopatus eius xlviij. Obiitque, & sepultus est in basilica quam super sanctum Martinum ædificauit.

Quintus, Eustochius ordinatur episcopus, vir sanctus & timens deum, ex genere senatorio. Hunc ferunt instituisse ecclesias per vicos, Brixeis, Iciodorū, Luccas, Dolos. Ædificauit etiam ecclesiam intra muros ciuitatis, in qua reliquias sanctorum Geruasii & Protasii martyris condidit, quæ à sancto Martino de Italia sunt delatæ, sicut sanctus Paulinus in epistola sua meminit. Sedit autem annos xvii. Et sepultus est in basilica quam Briccius episcopus super sanctum Martinum struxerat.

Sextus ordinatur Perpetuus, de genere & ipse, vt aiunt, senatorio, & propinquus decessoris sui, diues valde, & per multas ciuitates habens possessiones. Hic submota basilica quæ prius Briccius episcop⁹ ædificauerat super sanctum Martinum, ædificauit aliam ampliorem miro opere. In cuius absida beatum corpus ipsius venerabilis sancti transtulit. Hic instituit ieiunia vigiliâsque qualiter per circulum anni obseruentur, quod hodièque apud nos tenetur scriptum, quorum ordo hic est,

*De Ieiuniis.*

Post quinquagesimã, quarta & sexta feria vsq; ad natale sancti Ioãnis. De calen. septēb. vsque calendas octob. bina in septimana ieiunia. De calendis octob. vsq; depositionem domni Martini, bina in septimana ieiunia. A depositione domni Martini vsque Natale domini, terna in septimana ieiunia. De natali

sancti Hilarij , vsque medium Februarium, bina in septimana iciunia.

*De Vigiliis.*

Natali domini in ecclesia. Epiphania, in ecclesia. Natali sancti Ioannis, ad basilicam domni Martini. Natali sancti Petri episcopatus, ad ipsius basilicam. Vi. cal. April. resurrectione domini nostri Iesu Christi, ad basilicam domni Martini. Pascha, in ecclesia. Die ascensionis in basilica domni Martini. Die quinquagesimo, in ecclesia. Passione sancti Ioannis, ad basilicam in baptisterio. Natali sanctorum Apostolorum Petri & Pauli, ad ipsorum basilicam. Natali sancti Martini, ad eius basilicam. Natali sancti Simphoriani, ad basilicam domni Martini. Natali sancti Lidorii, ad eius basilicam. Natali sancti Briccii ad domni Martini basilicam. Natali sancti Hilarij, ad domni Martini basilicam. Hic ædificauit basilicam sancti Petri, in qua cameram basilicæ prioris posuit, quæ vsque ad nostra tempora perseuerat. Basilicam quoque sancti Laurentij monte Laudiano ipse construxit. Huius tempore ædificatæ sunt ecclesiæ in vicis, id est Euena, Mediconno, Berrao, Balatedine, Vernado. Condiditque testamentum, & deputauit per singulas ciuitates quod possidebat, in eis ipsis scilicet ecclesijs, non modicam & Turonicæ tribuens facultatem. Sedit autem annos triginta, & sepultus est in basilica sancti Martini.

Septimus verò, Volufianus ordinatur epifcopus, ex genere fenatorio, vir fanctus, & valde diues, propinquus & ipfe Perpetui epifcopi decefforis fui. Huius tempore iam Chlodoueus regnabat in aliquibus vrbibus in Galliis. Et ob hanc caufam hic pontifex fufpectus habitus à Gothis, quòd fe Francorum ditionibus fubdere vellet, apud vrbem Tholofam exilio condemnatus, in eo obiit. Huius tempore vicus Mantolomaus ædificatus eft, & bafilica fancti Ioannis in Maiori monafterio. Sedit autem annos feptem, menses duos.

Octauus, ordinatur epifcopus Virus, & ipfe pro memoratæ caufæ zelo fufpectus habitus à Gothis, in exilium deductus, vitam finiuit: facultates fuas ecclefiis & bene meritis dereliquit. Sedit autem annos vndecim, dies octo.

Nonus, Licinius, ciuis Andegauus, qui ob amorem dei in orientem abiit, fanctaque loca reuifit: exinde digreffus, in poffeffione fua monafterium collocauit intra terminum Andegauum, & poftea abbatis officio in monafterio vbi fanctus Venantius abbas fepultus eft, functus, ad epifcopatum eligitur. Huius tempore Chlodoueus rex victor de cæde Gothorum, Turonos rediit. Sedit autem annos duodecim, menses duos, dies xxv. & fepultus eft in bafilica fancti Martini.

Decimo loco, Theodorus & Proculus, iubente beata Chrodilde regina, subrogantur, eo quòd de Burgundia iam episcopi ordinati, ipsam secuti fuissent, & ab hostilitate de urbibus suis expulsi fuerant. Erant autem ambo senes valde: rexeruntque ecclesiam Turonicam simul annis duobus, & sepulti sunt in basilica sancti Martini.

Vndecimus, Dinisius episcopus, & ipse ex Burgundia veniens: qui per electionem præfati regis ad episcopatum accessit: cui aliquid de fisci ditionibus est largitus, deditque ei potestatem faciendi de his rebus quæ voluisset: qui maxime ecclesie suæ quod fuit melius, dereliquit: largitus est etiam quiddam & bene meritis. Sedit autem menses decem, & sepultus est in basilica sancti Martini.

Duodecimus, Ommatus de senatoribus ciuibusque Aruernis, valde diues in prædiis, qui condito testamento per ecclesias urbium in quibus possidebat facultates suas, distribuit. Ipse exaltauit ecclesiam intra muros urbis Turonicæ, sanctorum Geruasij atque Protasij reliquis consecratam, quæ muro coniuncta est. Hic cœpit ædificare basilicam sanctæ Mariæ intra muros urbis, quam imperfectam reliquit. Sedit annos quatuor, menses quinque: obiitque, & sepultus est in basilica sancti Martini.

Tertiusedecimus, Leo ex abbate basilicæ

S. Martini ordinatur episcopus. fuit autē faber lignarius, faciens etiam turre holochryso tectas, ex quibus quædam apud nos retinentur: in aliis etiam operibus elegās fuit. Sedit autē mēses vj. & sepultus est in basilica S. Martini.

Quartusdecimus, Francilio ex senatoribus ordinatur episcopus, ciuis Pictauus, habens coniugem, Claram nomine, sed filios non habens: fueruntque ambo diuites valde in agris, quos maxime sancti Martini basilicę contulerunt, reliqueruntq, quædam & proximis suis. Sedit autē annos duos, menses sex: obiitq; & sepultus est in basilica sancti Martini.

Quintusdecim<sup>o</sup>, Iniuriosus ciuis Turonicus, de inferioribus quidem populi, ingenuus tamen. Huius tempore Chrodielis regina trāsiit. Hic perædificauit ecclesiam sanctę Marię intra muros vrbis Turonicę. Huius tempore & basilica sancti Germani ædificata est. Vici etiam, Noniliacus & Luciliacus, fundati sunt. Hic instituit tertiam & sextam in ecclesia dici, quod modo in dei nomine perseuerat. Sedit autem annos sexdecim, menses vndecim, dies viginti sex. obiitque & sepultus est in basilica sancti Martini.

Sextusdecimus, Baudinus ex referendario Chlotharij regis, ordinatur episcopus, habens & filium, multis eleemosynis præditus: aurum etiam quod decessor eius reliquerat, amplius quàm viginti milia solidorum,

pauperibus erogauit . Huius tempore alter vicus Nouiliacus ædificatus est . Hic instituit mensam canonicorum . Sedit autem annos quinque, menses decem. obiitque & sepultus est in basilica sancti Martini.

Decimusseptimus, Guntharius ex abbate monasterij sancti Venantii ordinatur episcopus, vir valde prudens dum abbatis fungeretur officio, & sæpius legationes inter reges Francorum faciens: postquam autem episcopus ordinatus est, vino deditus, penè stolidus apparuit: quæ res eum intantū amētem faciebat, vt conuiuas, quos bene nouerat, nequiret agnoscere: sæpius tamen eos conuiciis agebat & impropriis. Sedit autem annos duos, menses decem, dies vigintiduos . Obiit autem & sepultus est in basilica sancti Martini. cessauit que episcopatus anno vno.

Octauusdecimus, Eufronius presbyter ordinatur episcopus, ex genere illo quod superius senatorium nuncupauimus, vir egregiæ sanctitatis, ab ineunte ætate clericus . Huius tempore ciuitas Turonica cum omnibus ecclesiis magno incendio cōcremata est, de quibus ipse postea duas reparauit, tertiam vetustissimam relinquēs desertam. Postea verò basilica sancti Martini & ipsa incendio est adusta per Vuiliacharium, cū ibi confugium pro Chramni quondam circunuētionem fecisset. Quam postea idem pontifex texit stanno,

opitulante rege Chlothario . Huius tempore basilica sancti Vincentij ædificata est . Tauriaco, Carate, & Orbiniaco, vicis, ecclesię ædificata sunt . Sedit autem annos septemdecim . obiitq; ætate septuagenaria, & sepultus est in basilica sancti Martini . Cessauitque episcopatus dies xix .

Nonusdecimus, Gregorius, ego indignus ecclesiam vrbs Turonicæ, in qua beatus Martinus & cæteri sacerdotes domini ad pontificatus officium consecrati sunt, ab incendio dissolutam dirutamque nactus sum, quam re-ædificatam in ampliori altiorique fastigio septimodecimo ordinationis meæ anno dedicaui : in qua, sicut à longæuis presbyteris cõperi, beatorum ibidem reliquiæ Agaunesium ab antiquis fuerant collocatæ, ipsam etiam capsulam in thesauro basilicæ sancti Martini reperi: in qua valde putredine erat pignus dissolutum, quod pro eorum religionis est virtute delatum . Ac dum vigilatæ in eorum honore celebraretur, libuit animo hæc iterum prælucescente cereo visitare: quę dum à nobis adtente rimantur, dixit ædis ædituus : Est hic, inquit, lapis opertorio tectus, in qua quid habeatur prorsus ignoro, sed nec prædecessores ministros huius custodiæ scire comperi . deferam eum, & scrutamini diligenter quid contineatur intra conclusum . Quem delatum referau, fateor, & inueni in hoc capsulam ar-

genteam, in qua non modo beatę legionis testium, verum etiam multorum sanctorum tam martyrum quàm confessorum reliquię tenebantur. Naçti etiam sumus & alios lapides, ita vt hic erat, concauos, in quibus sanctorum apostolorum cum reliquorum martyrum, pignera continebantur. Quod munus ego diuinitus indultum admirans, & gratias agens, celebratis vigiliis, dictis etiam missis, hæc in ecclesia collocaui. In cellula sancti Martini ecclesię ipsi contigua, sanctorum Cosmę & Damiani martyris reliquias posui. Basilicas sancti Perpetui adustas incendio reperi, quas in illo nitore vel pingi, vel exornari, vt prius fuerant, artificum nostrorum opere imperaui. Baptisterium ad ipsam basilicam ædificari præcepi, in quo sancti Ioãnis cum Sergij martyris, reliquias posui, & in illo priore baptisterio sancti Benigni martyris pignera collocaui. In multis verò locis intra Turonicum terminum, & ecclesias, & oratoria dedicaui, sanctorumque reliquiis inlustraui, quæ memorare ex ordine prolixum censui.

Decem libros Historiarum, septem Miraculorum, vnum de Vitis patrum scripsi: in Psalterii tractatum librum vnum commentatus sum: de Cursibus etiam ecclesiasticis vnum librum condidi. Quos libros licet stilo rusticiori conscripserim, tamen coniuro omnes sacerdotes domini, qui post me humi-

lem, ecclesiam Turonicam sunt recturi, per aduentum domini nostri Iesu Christi, ac terribilē reis omnibus iudicii diem, si nunquā confusi de ipso iudicio discedentes cum diabolo condemnandi estis, vt nunquam libros hos abolere faciat, aut rescribi quasi quādam legentes, & quasi quādam prætermittentes: sed ita omnia vobiscum integra inlibatāque permaneant, sicut à nobis relicta sunt. Quod si te sacerdos dei quicumque es, Martianus noster septem disciplinis erudit, id est, si te in grammaticis docuit legere, in dialecticis altercationum propositiones aduertere, in rhetoricis genera metrorum agnoscere, in geometricis terrarum linearūque mēsuras colligere, in astrologicis cursus siderum contemplari, in arithmeticis numerorum partes colligere, in harmoniis sonorum modulationes suauium accentuum carminibus concrepare: si in his omnibus ita fueris exercitatus, vt tibi stilus noster sit rusticus, nec sit quoque deprecor, vt auellas quę scripsi. Sed si tibi in his quiddam placuerit, saluo opere nostro, te scribere versu non abnuo. Hos autem libros in anno vicesimoprimo ordinationis nostræ perscripsimus: scilicet in superioribus de episcopis Turonicis scripserimus, annotantes annos eorum, non tamen sequitur ac supputatur numerus chronicalis, quia interualla ordinationū integrè non potuimus reperire.

Est ergo omnis summa annorum mundialium talis :

A principio vsque ad diluuium anni MM  
CCXLII.

A diluuiio vsque ad transitum filiorum Israël  
per mare rubrum, anni MCCCCIIII.

Ab hoc maris transitu vsque ad resurrectionē  
dominica, anni MDXXXVIII.

A resurrectione dominica vsq; ad transitum  
sancti Martini, anni CCCCXII.

A transitu sancti Martini vsque ad memora-  
tum superius annum, id est ordinationis no-  
stræ primum & vicesimum, qui fuit Grego-  
rii papæ Romani quintus, Guntchramni re-  
gis xxxi. Childeberti iunioris, xix. anni CC  
XVIII.

Quorum omnis summa est, annorum MM  
.MMM DCCCXIII.

F I N I S.



## G. MORELIUS LECTORI.

*Quæ adnotatione digna in his Gregorij Turonici libris existimauimus, hic ad calcem libri apponenda curauimus.*

Pag.

- 1 Quot ab exordio mundi sint anni) *In veteri libro erat quanti.*
- 2 Et quasi ante non esset) *In manu scripto, Non esse. Nicenæ constituta sunt) In veteri instituta sunt.*
- 3 Omnibus hominibus ignorari) *In eo libro erat, recoli.*
- 4 Victorius cum ordinē) *Vide num hic sit is quem, Adu Viennensis Victorem vocat initio Chronicorum. In vetusto codice hic aliquot abcrāt folia, ad quartum vsque caput medium: vt quid in eo fuerit, exponere non possum.*
- 6 Hic primus statunculam adorandam) *Vetus statunculum adorandum.*
- 7 Habet aripennes quinque) *Impressus habebat, passus centum viginti quinque.*
- 9 Cum tot quot per diderat filijs) *Manu scriptus, tantis sicut per diderat.*
- 10 Pharaonis gratia vtuntur) *Vetus, abutuntur. Vel ipsius transitu, Vetus in gignendi casu, transitus.*
- 12 Testimonium i' falter it adducentes) *Vetus, Abutentes. Non enim æqualiter possunt per vnā viam) In veteri scriptum est, æqualiter possunt, aut per vnā viam.*
- 18 Miserabili turpentes cute) *Manu scriptus, torpentes. sed in eo sæpe deprehendi, V & O, alterum alterius locū obtinere, vt E & I. Emisso spiritu custoditur) Vetus, amisso.*
- 26 Pauci ad nodum) *Vetustus, quodam modo. Si domus mea) Antiquus, Si enim domus mea, & mox, præ stare non abnuerem. Hujc ministerio esse con-*

- gruam) Huic mysterio, *in antiquo est.*
- 28 Populi Gredonensis castri monitione conclusus) *In manuscripto est, populum conclusum.*
- 31 Bellum sæuissimum in Thracas) *In vetusto est, Thracia.*
- 33 Cur coniugem spernis?) *In manuscripto legitur, Cur satellitem spernis? & adnotatur, Satellitem, id est sociam. fortassis Satelles mulieris nomen fuit. Vñ usque concubitu eius discedere iubet) Antiqua lectio, & usque concubitum eius descendere.*
- 35 Qui mihi dotem promittebat) dare promittebat, *in veteri.*
- 40 Aut gladio truncantur) *Vetus lectio, trucidantur*
- 44 Vade post eum, & exerce) *Vetus lectio, & exere negocium tuum, quia si eum persecutus non fueris, à nostro omnium contemptu humiliaberis.*
- 55 Vt exigente iudicio dei) imminente, *in veteri. Chunos) Alii Hunos, nonnulli Hunnos. quã varietate lingua barbara fecit.*
- 57 Ablutusque à fidelibus) *Mortuos ante sepulturam maiores nostri abluebant, ut hinc patet & è locis eiusdem auctoris quamplurimis. cuius ritus apud nos vestigium puto, quod mortuorum corpora lustrali aqua etiam nũ aspergimus: & in monasteriis quibusdam idem ritus abluendi etiam hoc tempore obseruatur, apto ad id religionis parato in cœnobiis loco.*
- 59 Suspectus futuri.) *Ita manuscriptus habet. quidam cor-rexit, Vnde suspectus erat futurus. Et Theudo Gothorum rex) Vetus liber, Theoder. & particula superscripta? alibi Theodur. Siue autẽ Theodor. siue Theodor, vel Theodorum dicas, idem nomen est, vario idiomate pronuntiatum. Attilam fugant) Attilanem, vetus, ut & alio loco. In plurimis tamen locis, Attila & Attilam.*
- 63 Eo tempore Genobaldo) *In veteri. Genobaude. alii ap-pellant Gundobaldum. quam deprauatum esset hoc caput, & quã integrum vetus exemplar, ex collatione*

*impressorum facile est intelligere.*

- 64 *Concidibus per extrema siluarum procuratis) Eodē verbo videtur libro tertio cap. 28, Et cōcides magnas in siluis illis fecit. Viuitur & Ammianus Marcellinus, Stoliditas ignaua) Prius erat ignara & in veteri, Soliditas ignaua. Coniunctis arborum truncis) Vide an rectius manuscriptus, Cōiuncti arborum truncis.*
- 66 *Impetratisque ex more obsidib<sup>9</sup>) Imperatorisque in vetusto scriptum est, forte pro imperatisque. quod iusserit obsides dari. Aperte Francos regem habere designat) In vetusto, à parte.*
- 67 *De Francis disseruit) Antiquus, exseruit.*
- 69 *In termino Thoringorum) In veteri duplex est lectio eadem manu scripta Thoringorum vel, Tungrorum.*
- 70 *Vsq̄ Suminam) Habet aliam quoque lectionem codex ille, Somnam. Cuni Moabitidibus scortis commixti) Vetus habet, cum Moabitibus scorto commixti.*
- 71 *Quid prodest sculptile his quia sculpsit) In veteri est Quid prodest sculptile? quod sculperunt illud, finxerunt illud constabile, phantasma mendum est. Hoc autem productio argenti & auri, & omnis spiritus non est in eis. quod est ex conuersione septuaginta Interpretum. Sileat à facie eius) In veteri, Timeat.*
- 72 *Ante truncum ligni procidam) Adorabo, in manu scripto.*
- 75 *Pro episcopatu contentio vertebatur) Antiqua lectio in toto fere libro pro contentio & casibus eius, Intentio habet: vt pro Auxilium, solatium.*
- 76 *Ordinatione eius episcopatus) Notatur in veteri altera etiam lectio, Ordinationis eius episcopatu.*
- 77 *Et veterrima intra muros) In vetusto est senior.*
- 78 *Historias Actionis antiquas) In veteri est historias actionis antiquæ.*
- 80 *Ad concupiscentiam) Vetus lectio, à concupiscentia,*
- 89 *Inuidus ac cerebrosus) Antiquus habet ac facilis, quo*

verbo alias quoque in vitio est vsus.

- 90 Gundobaldus ) *Vetus liber nunc Gundobaudus, nunc Gundobaudus scribit. & Chrotildis, modo Chrotigildis, modo Chrotchildis. & Theodoricus, alias Theodericus. Ac fere in eiusmodi nominibus Barbaris variat scripturam. Nam & Chlodoueus scribit, & Chlodouechus sicut etiam maiores nostri mihi, michi dicebant, & hodie quidam pronunciant. In concursu enim vocalium pleraque linguarum idiomata, aspirationis interueniunt, quam varij varie pronunciant: itemque initio vocabulorum vnde pro Ludouicus, quidam Hlodouechus, quidam Chlodoueus & Chlodouechus dicunt, sunt enim eadem nomina.*
- 93 Qui tibi obedientibus non succurrunt ) *Vetus liber, occurrunt. Meruit obtinere ) Adscriptum est in antiquo, alia tamen manu, in decimoquinto regni sui anno. Secretius cœpit instigare ) In eodem, cœpit insinuare.*
- 94 Sordentesque maculas gestorum antiquorum ) *Antiqua lectio est, maculas gestas antiquitus.*
- 95 Meum præbueris auxilium ) *Vetus, solatium, ut supra admonui.*
- 99 Hi terga præmittunt ) *Vide num ferri possit in codice veteri lectio, præueniunt. A sancto Auito episcopo ) Vetus notat aliam lectionem, vel presbytero.*
- 101 Quam te pereunte permancant in errore ) *In veteri est, quam pereundo.*
- 104 Fœnum vi abstulisset ) *Alias virtute.*
- 105 Quod satellites audientes ) *In veteri, Quod psallentium: nomine autem psallentij multis in locis vitium: Cōtestatus est omni exercitui ) Manu scriptus in accusandi casu, omnem exercitum.*
- 107 Amalaricus filius Alarici ) *Alias Almaricus,*
- 108 Tunica blatea ) *In veteri, Tunica, baltheo. per Burconiam filuam ) Alik, Euconiam.*
- 111 Hæc dedit proditoribus ) *In veteri est, dedit leudebus*

- elus, vt super eum inuitaretur. *Sunt autem Leudes, vt illic annotantur. si leles vel commendati.*
- 112 Apud Cenomanniam) *Manu scriptus, apud Cinnomannis. sicque perpetuo scribit hoc nomen.*
- 119 Lorum sub collo positum) *In vetusto, orarium. & mox pro suffocatus est, suggillatus est, quibus verbis in eadem re sæpius vititur. Lib. 4. cap. 20. Chramnus super scamnum extensus orario suggillatus est, strangulatus. Ad sanctos Agaunenses) V. de num rectius, ad saltus Agaunenses. Sic enim loquitur capite consequenti. quænam utrobique in veteri sui sanctos.*
- 125 Vt nihil supra duas iugeri partes discerni possit) *Vetus codex habet, super duabus iugeri partibus.*
- 134 Dic tu, o creditor foceri mei, si valeas,) *Si valeas, iuramentum est, ait quidam qui scholia scripsit in vetusto exemplari. Est autem non dissimilis formula Latine illi veteri, Ex animi tui sententia. & apud Terentium, Potin' es verum dicere?*
- 135 Vocauit Leo Attalum ex stratu suo) *In veteri est, vocauit Leo Attalum: stratis equis, interrogat.*
- 137 Homicidiis, ac super numerum diuersis sceleribus) *Vetus codex, homicidus superuentis diuersisque.*
- 143 Apud Biternas urbem) *Antiqua lectio, Biterres.*
- 144 A leodibus suis defensatus est) *Supra leudes appellauit. Dicuntur autem Lodes, contribules & commendati.*
- 145 Similiter & de equis atque catenis) *Alia lectio notatur in manuscripto catinis. & explicatur, id est valis.*
- 149 Contra eam valde frenderet) *In veteri, defenderet.*
- 153 Sponsonem in ciuitate nostra sicut quod reliquæ habent) *Antiquus liber, responsum, quod verbum è phrasæ Gallica est.*
- 158 Vitilem atque habentem virum) *Habentem videtur appellare locupletem In codice Badiano erat, Habilè.*
- 164 In arbore quam sambucum vocamus) *Manu scriptus Saucum, ut vocem Gallicam intelligas.*

- 165 Quod Saxonibus suppetias prestitissent) Habet & hic quoque liber antiquus, solatium præbisset.
- 170 Ob hoc celerius ablatum est de mundo) In vetusto scribitur ab hoc acceleratum est. & mox, nisi collectis vilibus personis ætate iuuenili fluctuantibus, eodem tantummodo diligebat, cuiusmodi non bene congrua structura, aliquoties apud hunc auctorem reperitur, ut non mirum sit, quod initio dixerit se de grammatica non plene imbutum esse, & idcirco veniam precetur, si artem alicubi excesserit. Hos defectus ante nos Badius suppleuit, quem hac in re duces sumus secuti.
- 174 Datâque suggestione) In veteri altera lectio notatur, electione.
- 175 Ad Pictauorum ciuitatem venit) In antiquo, Pictauos ciuitatem.
- 185 In huius mortem grassatur) Manuscripti lectio, furit.
- 186 Facilisque volucris) Id est, inuolutionibus thesauri, sic in veteri est adnotatum.
- 187 Cùmque se regi quaereretur) Causaretur, vetus.
- 196 Pœnio patre ortus) In antiquo, Peonio.
- 198 Deuastastis, trucidastis) Alia lectio in veteri, tradidistis.
- 205 Res suas in solidum recepit) Manu exaratus, in soliditatem.
- 210 Ad Engolismensem ciuitatem sepultus) In eo libro est, ad Ecolinensem ciuitatem, eamque scripturam constanter retinet.
- 211 Cum aliam causam se gerere simlarent) Antiquus liber, suggerere.
- 223 Asperius extra sensum factus) In veteri scribitur, ex sensus factus, ut etiam supra lib. 4. cap. 32. pro demens effectus, erat exsensus effectus.
- 236 A nemine Meroueus nocitus est) sic est in veteri. Badius correxerat, læsus est, offensus participij eius insuetudine. semel autem in eodem libro veteri reperio Nocere æcusandi casui annexum. libro 2. cap. 32. Cùmque ad

eum accessero, ego faciam, vt neque te, neque hanc noceant regionem.

190 Amotus à pistillo promouetur ad cophinum) *In vetusto est, amotum à pistillo promouet ad cophinum i. è coquo fit pistar. pistillus enim est, vt scholiū hoc loco habet, instrumentum quo conteritur piper: cophinus verò, vas pistorum.*

428 Pro diuersis falsitatibus culpabilis) *In vetusto est. falsitatibus. ac supra notauimus hoc nomen in vitio poni ab hoc auctore. Fortasse quod Græci ΠΑΛΙΟΥΡΤΙΑΝ vocant. Infra, 543. Infelix ac fatua, Vetus, Infelix ac facilis.*

593 Et crate pectoris) *In veteri, & cratere pectoris.*

## INDEX RERVM MEMORABILIVM in HISTORIA GREGORII TURONICI.

### A

- Abraham abbas, pagina 81  
Abraham fidelis, 8  
Abrincates, 513  
Abulonis contra patrē pugna, 181  
Adam creatur, 4  
Adouarius, 189. & deinceps adultera damnata, 267.  
adulterij scelus, 266, 324.  
& deinceps punitur, 452  
Ægyptiæ herba, 309  
Ægyptiorum dynastia, 16  
Ætherius Lycoensis episc. 351  
Ælius Adrianus, à quo Ælia Hierosolyma, 22  
Aetius patritius Romanus, 59, & demc.  
Aetius archidiaconus, 243  
Agastus Atheniensis, 17  
Agatades Assyrius, 16  
Agathe vrbs in Gothorum regno, 302  
Agericus Viriduni episcopus, 153, 424, 497, 522.  
Agilanes Hispanis imperat, 164, impius, 281  
Agrecius episc. Tricassinus 68, 469  
Agrippinensis ciuitas, 334  
Agroecula patritius, 184,  
Cabilloni episc. 228  
Alamanni in Gallis, 272  
2868  
Alani, 67, 68  
Albinus prouinciarum rector, 199. episcop. 315  
Albix, 513

f iiii



I N D E X.

- Albofredis soror Chlodo- 219, 289, 329  
 uei, 95 Anteltius, 480, & deince.  
 Alboinus Longobardorum Antichristus, 3.  
 rex, 195, 238. Antidius episcopus, 432  
 Alexander Sulpitius histo- Antiochiæ vrbs euergio su-  
 ricus, 63 bita, 613, & deince.  
 Alingauiensis vicus, 6:9 Antolianus martyr, 27  
 Alithius episc. Cadurcis, 75 Antonius monachus, 30  
 Amalarius Gothorū rex, Aquensis vrbs, 322  
107, 115 Apollinaris Aruernus, 107  
 Amalo dux à puella rapta Aprunculus Diuionésis, 103  
 trucidatur, 526 Lingonica vrbs episc. 85  
 Amandus Burdegalæ epi- Aptacharius rex, 57 L. & de-  
 scop. 74 inceps.  
 Ambacienfis vicus, 629 Arar fluuius, 267  
 Ambrosius ciuis Turoni- Arbogastes, 65, 66  
 cus, 324, & deince. Arcadius imperat, 38  
 Ambacienfis vicus, 103 archa Noe typus ecclesiæ. 5  
 Amelius episcop. 458, 492 Aredius fidelis Gundobal-  
 Amo dux Longobardorum, do, 97. moritur, 621. de e-  
200 & deince. ius vita & moribus, 622,  
 Amon lud eis imperat, 17 & deinceps.  
 Ampsuarij, 66 Aregisilus contra Munde-  
 Analocium Carnotensis vi- ricum, 131, & deince.  
 cus, 20. Aregundis vxor Chlothar-  
 Anastasius imperator, 103 ij, 157, & deince.  
presbyter, 167. tumulo vi- Argentoratensis vrbs, 609,  
uus inclusus, 16. abbas, 321 610  
 Anatolius Burdegalæ epi- Argeus Macedo, 17  
 scop. 473 Arisitensis vicus, 223  
 Andarchius, 202, & deince. Armentarius Iudæus, 397  
 Andelaum, 512 Armentius Turonis episc.  
 Anianus Aureliæ episc. 58 45, 629  
 Anmodus, 174 Arriani impij, 3, 46, 140.  
 Aninsula monasterium, 232 persequuntur Christianos,  
 Ansoualdus legatus regis, 275. conuincuntur erro-

I N D E X.

ris, 281, 358, 504, 505.	auster ventus vehemens, 280
Arriana mulier fit catho- lica & chrismatur, 186	Austrapius dux, 178, 179, & deinc.
Artemius Aruernis episc. 34, 35. <u>Senonibus</u> , 469	Austregifilus, 426, & deinc.
Asclepius, 330	Austregildis regina, 240, nequam, 271
Asterio'us, 11	Austrinus episcopus, 508
Asterius, 68	Austroualdus comes, 484,
Athalocus Arrianus episc. 505	493. <u>dux</u> , 536
Athanagildus <u>Gothus</u> , 154, 186, 275	Azoua fluuius, 356.
Athanaricus rex Gothorú, 55.	B
Athanoldus rex, 193	Babel turris, 7
Attalus captiuus, 132, & de inceps.	Babylas Antiochenus mar tyr, 24
Attila Chunorm rex, 58, & deinc.	Babylonia turris, 6
Audo iudex, 389	Babylonia horrea, 10
Audoualdus dux, 570	Bacchinon, pateræ lignæ, 527
Audouera regina, 188	Badegifilus Cœnomanni- us episcop. 476
Auennici muri, 302	Badericus Thoringorum rex, 117
Augustus mensis, 17	Baiocassini Saxones, 262
Auitus abbas, 120. episco- pus <u>Viennensis</u> , 72, 73, 92, & deinc. eius libri, 101. lu- deos conuertit, 229, & de inc. Imperator, 81	Balatedo, vicus, 631
aulici palatini, 621	Banni exacti primum à re- ge, 262
aurea moneta Tiberij, 303	baptisma vigiliis penteco- stes, 230
Aurelia inceasa, 263	baptismus Arrianorú, 46, 47.
Ausanius interfectus vici- scitur, 155	Basilius Pictauus, 202
Auscienfis vrbs, 611	Basina, 73, 74, 541, 543. in communione recepta, 610
Austadius episc. 314	Baudegifilus episcopus, 339

I N D E X.

Baudinus diaconus, <u>236</u> ,	deinceps.
episc. <u>159, 634</u>	Bodiccus Britānorum <u>co-</u>
Begorra ciuitas, <u>514</u>	mes, <u>140</u>
Belissarius, <u>151</u> , & deinc.	Brachio abbas, <u>231</u>
Belfonancum villa, <u>414</u>	Brennacum villa, <u>274</u>
Benarnum, <u>514</u>	Bricca vicus, <u>629</u>
Beppolenus, <u>579</u>	Briccius Turonis episc.
Bernarna vrbs, <u>492</u>	<u>42</u> , & deinc. <u>629</u>
Berrauēsis pagus Turon.	Brinnacensis domus, <u>301</u>
<u>324</u>	Briotreis, vicus, <u>629</u>
Berraum, vicus, <u>631</u>	Britanni vastant Redoni-
Bertchramnus episcopus,	cam, <u>264, 266</u> . Namne-
<u>244</u> , & deinc. <u>296</u> . Burde-	tas vexant, <u>507, 524</u> . Fran-
galæ episc. <u>296</u> , Cæno-	cis subditi, <u>159</u> . oppres-
mannicus, <u>476, 507</u>	si, <u>32</u>
Bertharius rex Thoringo-	Briua Curretia vicus, <u>382</u> ,
rum, <u>117</u> , & deinc.	<u>383</u>
Berthefledis, <u>533</u>	Brixes, vicus, <u>633</u>
Berthefredus, <u>304, 424</u> , &	Brunichildis, <u>186, 215</u>
deinceps.	Buccilenus, <u>151</u> , & deinc.
Berthegundis, <u>533</u> , &	Bucioualdus abbas, <u>523</u>
deinceps.	Bulgialensis villa, <u>137</u>
Bertrudis, <u>537</u>	Burconia flua, <u>109, 110</u>
Berulfus dux, <u>295, 343</u>	Burdegala ciuitas, <u>514</u>
Bippolenus dux, <u>264</u>	Burdegalenses vici incen-
Bisinus rex, <u>73</u>	si, <u>268</u>
Biturigum apostolus, <u>25</u> ,	Burgundio substitutus e-
<u>26</u>	piscopus, <u>326</u>
Bladastes dux, <u>324, 343</u>	Burgundiones, <u>68</u> . Arma-
Boantus perfidus, <u>439</u>	ni, <u>69</u>
Bobo dux F. Mummoleni,	Burfolenus læsæ maiesta-
<u>368</u>	tis reus, <u>261</u>
Bodegisilus, <u>568</u> , &	

I N D E X.

C		Cassius martyr, <u>27, 28</u>
cadurcum reginæ, 500		Castinus domesticorū co-
Cadurcum, 514, 515		mes, <u>69</u>
Calatomium, vicus, <u>626</u>		Cato presbyter, <u>161, 86</u>
Cæsarius Arelate episc. <u>546</u>		deinceps.
Caino Turonicus vicus, <u>240</u>		Cautinus archidiaconus, <u>162, 86</u>
Canao filius Vuaroci, 581		deinceps.
Cain homicida, 5		Cautinus Aruetnis episc. <u>576</u>
Caino, vicus, <u>629</u>		Cenchris Ægyptius, 16
Cainonense castrum, <u>324</u>		Cecrops Atticus imperat, <u>16</u>
Cala Parisiorum villa, <u>277</u>		Cesius patritius, <u>184, 86</u>
Calensis villa, <u>368, 373</u>		deinceps.
Caluarix mons, 8		Cerates vicus, <u>636</u>
in Calumniantes vltio di-		Ceresium territorium, <u>570</u>
uina, <u>293</u>		Chamaui, <u>66</u>
Calumniosus Agilaues, <u>465</u>		Chanao comes Britania, <u>157, &amp; deinc.</u>
Caluppa reclusus, <u>228</u>		Chararicus rex, 110
Camaracum, 70		Charegisilus cubicularius <u>211, &amp; deinceps.</u>
Canini campi, 570		Charibertus F. Clotharij, <u>157, &amp; deinceps.</u>
Canonicorum mensa, 635		Charimeres referendarius, <u>523</u>
Cantobennicus mons, 80		Charterius Petrogoris e-
Capitularium tributorū, <u>529</u>		pisc. <u>332</u>
Caput arietis castrū, <u>465</u>		Chatti, <u>66</u>
Corbonaria silua, 64		Chedinus dux, 571
Caris torrens, <u>280</u>		Childebertus Chlodouci
Cariulfus diues, <u>417, &amp; deinceps.</u>		filius, 115
Carnotenus pagus, 512		Childebertus Sygiberti fi-
Carpitania prouincia, <u>848</u>		lius, <u>226</u>

I N D E X.

- Childeberti & Gunthramni partitio nis ex eplū. 511  
 Childericus rex Francorū, 23, & deinceps. oppugnat Aurelianos, 75  
 Childericus F. Chlotharij, 157, & deinc. Saxo, 377.  
 Vandalorum rex, 55  
 Chilpericus filius Chlotharii, 157, & deinc. F. Chlodmeri, 90, & deinceps. male sentiens de deo, 286. fribit versus, 287, litteras quatuor inuenit, 288.  
 Chlobericus F. Sygiberti, 107, 109  
 Chlodobertus, 271  
Chlodomeris F. Chlodouci 110, 115, 120  
 Chlodoualrus, 141  
 Chlodoueus rex Francorū, 74, 87, & deinc. sic Christianus, 93, 214. Chilperici filius, 183, 216.  
 Chlogio rex Francorum, 60, 70.  
 Chlotharius & eius vxores, ac filij, 115, 156, 157  
 Chlothsinda filia Chlotharij, 157, & deinceps.  
 Chothilacus Danorum rex, 117  
 Chronomores, 159  
 Chronus fundus, 418, 509, & deinc.  
 Chronus filius Chlotharii, 157, & deinceps.  
 chrisma catholicum, 187.  
 chrismanantur hæretici conuerſi, 276  
 Christianorum persecutio ab Arrianis, 278  
 Christophorus negociator à suis occisus, 426  
 Christus principium, 4  
 Chrocus Alamannus, 272, 28  
 Chrodielis seditiosa, 542, & deinc. 593, & deinc.  
 Chrodinus eleemosynarius, 331  
 Chrothildis, vxor Chlodouici, 90, & deinc. propter fidem patitur, 125. Parisius egit, 139, 141, 156.  
 Chudo cubicularius regis, 582  
 Chunseua vxor Chlotharii, 157  
 Chuni Gallias oppugnant, 55, & deinc. 183, 188  
 Chuppa comes stabuli, 574 & deinc.  
 Chus magus, 6  
 circumcisio, 8  
 Cirola Arrianus episcop. 48, & deinc.  
 Ciso magensis vicus, 629  
 ciuilia bella Turonis. 426, & deinc.  
 ciuiliū bellorum detestatio, 213, 214.

I N D E X.

- Clemens Romanus, mar-  
 tyr, 22  
 Cleum flumen, 52 279  
 Clysira ciuitas, 11  
 cœnæ dominicæ festa, 481  
 comes palatij regalis, 501  
 communicatio in missis,  
 5:7  
 à Communione suspensio,  
273  
 à Communione suspensæ  
 sanctimoniales, 604  
 Condatenſis vicus, 478,  
 628 629  
 Confluentis caſtrum, 441  
 Conoouer Britannorū co-  
 mes, 180. & deince.  
 Conſolatio è ſacris libris,  
294  
 Conſtans imperat, 30  
 Conſtantina Brigolini fi-  
 lia, 550  
 Conſtantineſis imperat, 29,  
30. & deince.  
 Conueniæ vibs, 412, 413,  
414  
 corales puſulæ, 269  
 Cornelius Romæ occidi-  
 tur, 27  
 Corouilium vicus, 264  
 Cottia ſilua, 182. 277  
 Cracina Piſtaua iſula, 290  
 Creſcens, 314  
 erux dominica reſerta,  
 30. eius imago non con-  
 culcanda, 253
- cubicularius regis, 387  
 Cuppanes theſaurarius,  
279
- D
- Daccus Dagarici filius 260  
 Dagulfus abbas ſcleratus  
 451. 452  
 Dalmatius Rhutenus epiſc.  
213. 288  
 Daniel inter leones, 13  
 Dani Gallias appetunt, 117  
 Dauid 113. pugnat contra  
 filium, 181  
 Decimius Ruſticus. 68  
 Decius ſcruit in Chriſtia-  
 nos, 24  
 deſcriptiones nouæ, 263. in  
 ignem proiectæ, 270  
 Deſideratus Albigenſis epi-  
 ſcop. 456. Viriduni epiſc.  
 152  
 Deſiderius dux, 231. 343  
 Deſiderius pseudoprophe-  
 ta, 488. & deince.  
Deuteria, 143. & deince.  
 Deuterius Viniſienſis epi-  
 ſcop. 513  
 Dianæ ſimulachrum, 444  
 diluuij cauſæ, 5  
 diluuiâ magna, 267  
 Diſcius Turonic. epiſcop.  
116. 633  
 Diocletianus ſcruit in Chri-  
 ſtianos, 28

I N D E X.

Diogenianus episcop. Albi gr, <u>74</u>	<b>B</b>
Dionysius Parisiis episcop. <u>24, 25</u>	Ebero cubicularius, <u>385</u>
Disioli Saluij episcopi ne- ptis, <u>338</u>	Eberulfus cubiculari <sup>9</sup> , <u>392,</u> & deinceps.
Dispargum castrum, <u>69</u>	Ebracharius dux, <u>579</u>
Diuionense castrum, <u>142</u>	Ebregisilus Agrippinensis episc. <u>527, 596</u>
Dodo læq̄ maiestatis reus, <u>261</u>	ebriosus episcopus corrui, <u>280</u>
Doli, vicus, <u>630</u>	Ebron, <u>62</u>
domesticus regis, <u>510</u>	ab Ecclesiis omnibus ar- ceri, <u>297</u>
Domichifus legatus, <u>329</u>	Ecdicius eleemosynarius, <u>86</u>
Domigisilus, <u>451</u>	Edobeccus, <u>68</u>
dominicus dies, <u>19</u>	Edom, Esau, <u>8</u>
Domitianus scruit in Chri- stianos. <u>22</u>	Egidius Remis episcopus, <u>252, 303, 342, 386, 503, 606,</u> reus <u>condemnatur, 609, &amp;</u> deinceps.
Domnolus Cœnomannis episcopus, <u>317</u>	Elacer fluuius, <u>267</u>
Dorononia fluuius, <u>402,</u> <u>409</u>	Elafius Catalauni episcop. <u>272</u>
Diaccolenus Industrius, <u>260, &amp; deinc.</u>	eleemosynarius in euerfio- ne vrbis diuinitus serua- tur, <u>613, &amp; deinceps.</u>
Droctigisilus ebriosus, <u>540</u>	Elifæus propheta, <u>41</u>
Droctulfus nutritius filio- rum regis, <u>541, &amp; deinc.</u>	Eulalius Aruernus comes, <u>484</u>
Dunense castrum, <u>290, 403,</u> <u>512</u>	Enachim sepultus <u>Adam, 6</u>
D, namius Engolismæ epi- scop. <u>74,</u> rector Mafsilix, <u>315, 319,</u> rex, <u>500</u>	Inoch iustus, <u>5</u>
dynastia Ægyptiorum, <u>16</u>	Ennodius dux Turonis & Pictauis, <u>200</u>
dysentericus morbus, <u>269</u>	Eonius episcopus, <u>272</u>
	Eoricus Gothorum rex, <u>79</u>

I N D E X.

Eparchius reclusus, <u>315, &amp;</u>	ensis, <u>103, 118</u>
deinceps. Aruernis episcopus, 80	Eufron Syrus negociator, <u>407</u>
epilpticus morbus, <u>221</u>	Eufronius episcopus, <u>772</u>
Epiphanius abbas, 608, episcopus, 335	<u>520, 635</u>
episcopus malæ vitæ puni- tur, <u>225, 255, 62, &amp; deinceps.</u> ab vxore abstinere debet, 32. non potest accusari ab inferiori, <u>297.</u> non instituitur nisi priores gradus habuerit, <u>326, &amp; deinceps.</u> alium sibi substituit moriens, <u>281.</u> regi se opponit. <u>287.</u> ei qui nõ obediunt, puniuntur, <u>244, 274, 289, 290, 293, 499</u>	Eugenius cathol. episcop. <u>48, &amp; deinceps.</u>
Epodium castrum, <u>443</u>	Eugenius tyrannus, <u>67</u>
equorum meliorum custos reginæ, <u>221</u>	Eulalius comes, <u>575, &amp; deinceps,</u>
Erpo dux, <u>238</u>	eulogix, <u>232</u>
Esau qui Edom, 8	Eunius Mummolus, <u>196, &amp; deinceps.</u>
Esdra propheta, 13	Eunius Veneticus episcop. <u>262</u>
Esera fluuius, 201	Eunomius comes Turonis, <u>290, &amp; deinceps.</u> 397
Eua creatur, <u>4</u>	Euricus Leuichildi filius, <u>364</u>
Euantius Viennæ episcop. <u>477, 568, &amp; deinceps</u>	Europs rex Sicyoniorum, 16
Euarix Gothorum rex, <u>86</u>	Eusebij Chronica, <u>3, 30</u>
Euchirius senator, <u>79</u>	Eusebius Syrus, episcopus, <u>618</u>
Euena, vicus, <u>631</u>	Eustasius Bituricis episcop. <u>618</u>
Eufraſius episcopus Diuio-	Eustochius Turonis episc. <u>45, 108, 630.</u>
	Eutropes Allyrius, <u>17</u>
	Eutyches hæreticus, 101
	excommunicatur episcopus, <u>452</u>
	Exuperius Tholofæ episc. <u>74</u>

I N D E X.

Ezechias,	41	mus,	53
Ezechiel,	13	Floriacum, villa,	14
		Francilio Turonis episc,	
		1, 8, 63, 4	
F		Franci, 68. Gentiles, 70. in	
Fabius Aufcensis episc.	456	Germania primum, 63. à	
Factionarij frustrati,	265	Gallis desiderati, 103. eorum	
Faileuba regina,	514, 542	primi reges, 63. &	
Famerofledis,	185	deinceps.	
fames ingens,	423, 615	F. edegundis regina, 177,	
Faramodus presbyter,	618	216, 236 in filium ciudelis,	
Faraulfus cubiculari <sup>9</sup> ,	391	277. 278. malefica. 386	
Farro, spurcus homo,	111	venefica, 459, 468. eam	
Fauftianus Aquensis episc.		pœnitet facti,	270
4-8. 4, 1, 4, 2		Frigeridi historia,	61, 67
Fauftus Aufcensis episc.	456	frigoritica pustulae,	229
Felix Namnetibus episc.		Fronimius Biturigibus e-	
159, 221, 266, 299, 322		pisc.	523
Felix legatus, 442. accu-		Frontonius, 272. diaco-	
'fatur,	517, & deinc.	nus,	332
Felix fenator,	315		
Ferreolus Veeccensis episc.		G	
263, 314, 8;		Gabanus Chunorum rex,	
filij aduersum patrē bel-		188	
lum,	181	Gailenus. 22, supplicio af-	
Firminus Aruernus,	194	ficitur,	251
Firminus comes Aruernis		Gaiso comes,	529
170, 94. comes Arelate		Galefuinda foror Brun-	
189 & deinc.		childis,	514
Fiscalis vinitor,	290	Gallienus imperat,	27.
Fiscus Lacedæmon,	17	amicus Gregotij Turon.	
Flauianus domesticus re-		293, & deinc.	
gis,	510, 575	Gallomagnus referenda-	
Flauus episcopus Cabil-		rius,	541, & deinc.
loni,	288	Gallus episcopus,	170
Fiorentianus maior do-		Gal	

I N D E X.

- Galfuintha regina, 187,  
 & deinceps.  
 Gararicus dux, 329, 438, &  
 deinceps.  
 Garonna fluuius, 413  
 Garianus Turonis episc.  
24, 25, 62, 7  
 Gatizina vina, 404  
 Gaudentius Scythia, 62  
 Gelesimirus rex Vandalorum,  
55  
 generationes quatuordecim,  
13, & deinceps.  
 Genobaldus dux Francorum,  
63  
 Genouefa Parisijs, 107  
 gentiles conuersi, 444, &  
 deinceps.  
 Germanus Parisius episc.  
211, 218  
 Goar, 67  
 Godegisilus F. Chlodouci  
90, 91, & deinceps. 301, &  
 deinceps.  
 Godomarus filius Chlodouci,  
90  
 Godinus repete moritur,  
271  
 Gogo regis nutritus, 289  
 Gostuntha scelerata, 275  
 Gohas Allophylus, 41  
 Gothi trucidantur, 31  
 Gothorum terminus, 461  
 Gratianus imperat, 31  
 Gregorius diaconus, papa  
 sit, 363, & deinceps.  
 Gregorius Lingonenf. e-  
 pisc. 12, 142  
 Gregorius Turonensis, 36.  
 quid de fide scripsit, 1.  
 episcopum defendit, 243,  
 & deinceps. in sensus regi,  
233, 247. disputat cu Ar-  
 riano, 281, & deinceps. 3, 8, &  
 deinceps. cum Chilperico,  
286, & deinceps. caluinijs ve  
 xatur, 293. & deinceps. cum  
 Iudæo differit, 305, & de-  
 inceps. ciuilia bella compo-  
 nit, 426, & deinceps. legatus  
 ad regem, 511. disputat  
 aduersus Sadducæum de  
 resurrectione, 385, & de-  
 inceps. quid egerit &  
 scripserit, 636  
 G. indio puuitur, 2, 2  
 Grippo Francus, 567, &  
 deinceps.  
 Guclionis supplicium, 201  
 Guerpinus comes Meldensis,  
451  
 Gundegisilus Dodo episc.  
455  
 Gundericus Vandalorum  
 rex, 45, 46  
 Gundeuchus Burgundio-  
 num rex, 90  
 Gundobaldus dux, 215. fi-  
 lius Chlodouci, 90, &  
 deinceps. filius Chlotharij, 333  
 Gundulfus dux, 320, &  
 deinceps.

Guntharius abbas, 159,	Honoricus Vandalorum rex, <u>47, 53</u>
& deinc. episc. Turonis <u>63</u>	Honorius imperat, <u>38</u>
filius Chlotharij, <u>157, &amp; deinceps.</u>	Horatium institutio, <u>634</u>
Guntchramnus Baddo, <u>102.</u>	Hospitius reclusus, <u>309,</u>
Boso, <u>386,</u> & deinceps. filius Chlotharij, <u>157, &amp; deinceps.</u>	& deinceps.
Gyges Lydus, <u>17</u>	<b>I</b>
Gyualdus, <u>144</u>	Iacob, <u>9, &amp; deinc.</u>
<b>H</b>	Iacob Macliaui filius, <u>240</u>
Hæreses ortæ, <u>23</u>	Iaccbus apostolus, <u>19, 21</u>
Helias vates, <u>41</u>	Iacobus Niebenus, <u>30</u>
Herachus Burdegala episc. <u>272.</u>	Ianoba ciuitas, <u>191</u>
Louinianorum tribunus, <u>65</u>	Iciodorum, vicus, <u>630</u>
Herminefredus Thorin- gorum rex, <u>117, &amp; deinc.</u>	idolorum origo, <u>6</u>
Herminechildus, <u>276</u>	Idumæi, <u>8</u>
Herodes percussus, <u>17, 20</u>	ieiunia publica indicun- tur, <u>520</u>
Hieroboam, <u>14</u>	ieiuniorum per circulum anni institutio, <u>630</u>
Hieronymi Chronica, <u>3,</u> <u>30</u>	Iesus Christus nascitur, <u>17</u>
Hierosolyma Ælia, <u>22</u>	Ignatius bestiis traditur, <u>22</u>
Hilarius Pictaui episc. <u>30, 31.</u>	ignis adoratus, <u>6, 194,</u> <u>195</u>
trinitatis defen- sor, <u>114</u>	incendia crebra, <u>268</u>
Hillidi <sup>9</sup> Aruernis episc. <u>33</u>	Ingeltrudis religiosa, <u>533,</u> <u>584</u>
Hippolytus martyr, <u>24</u>	Ingetrudis regina, <u>258,</u> <u>417</u>
Hispaniæ fontes pleni sem per die pasche, <u>240</u>	Ingoberga regina, <u>526</u>
Hispani Arriani, <u>329</u>	inguinaria lues, <u>160, 326,</u> <u>520, &amp; deinc. 615</u>
homo etiam mulier est, <u>453</u>	Ingundis vxor Clotharij, <u>157</u>

I N D E X.

Inguēdis ab Arrianis quòd esset Catholica, affligi- tur, 275, 276	Iudæi baptizati, 328. con- uersi, 229. & deinceps.
Inuoriosus Turon. episc. 138, 156, 327, & deinceps. 634.	Iudæi cum Gregorio Tu- ron. disputatio, 305, & deinceps.
Inuoriosi iuuenis & eius uxoris virginis historia, 35. & deinceps.	Iudas Hebræus, Quirîa- cus, 30
Imnacharius, 171	Iulienſis vicus, 492, 513
Innocentius Cœnoman- nis episc. 318. Gabalita- norum comes, 357. Rute- nus episc. 578	Iulius Cæsar, 17
insulæ duæ concrematae, 456	Iustina præposita mona- sterij, 593.
Ioannes apostolus in Pat- mo, 22	Iustinianus Turonis episc. 44
Ioannes papa Romanus, 255	Iustinianus imperator, 124, 264
Iob seu Iobab, 8	Iustinus imperator, 193.
Jonas propheta, 7	Iustinus martyr, 23
Ioseph dilectus, 9 vendi- tus, ibid. & deinceps.	Iuuenius poeta Christia- nus, 30
Ioseph ab Arimathia in carcere, 18	L
Iouiniani milites, 65	Laban Helosensis episc. 455
Iouinus tyrannus, 68	laicus nullus fit episcop <sup>o</sup> , 455
iraſci Deum quid sit, 5	Lambri vicus, 122
Irenæus Lugdunensis, 23, 24.	Lao-padius diaconus, 222, & deinceps.
Isaac, 8	Lapideus campus, 207
Isiodorensis pagus Turo- nicus, 324	Lapurdum, 513
Israel Iacob, 9	Laticina vina, 404
Iudæus medicus, 226, 227	Latta monasterium, 207
	Laurentius martyr, 24
	Legonus Aruernis episc. 33

I N D E X.

Lemouica ciuitas,	514	Liminius martyr,	27
Leo Turonis <u>episc. 138, 633</u>		Literæ nouæ additæ no-	
Pictauiensis,	174	stris,	288
Léo coquus,	133	Litorius Turonis <u>episc. 40</u>	
Leocadius Biturix,	26	Locustarū aduolario, <u>181,</u>	
Leocadius seruus,	290	348, 364	
Leonardus ex domestico,		Longinus episc.	50, 53
<u>388</u>		Louolautrum castrum,	128
Leonastes Bituricis episc.		Luccæ, vicus,	630
<u>226</u>		Luciliacus vicus,	634
Leontius episcopus,	185	Lugdunenſis ſynodus,	302
Leuba matrona,	458	Lugdunum conditum, <u>17.</u>	
Leubastes abbas,	165	eius pars diluuiio euerſa,	
Leubouera abbatissa, <u>543,</u>		<u>267</u>	
& deinceps.		Lupentius abbas,	355
Leudastes comes Turono-		Lupus Campanenſis dux,	
rum, <u>233, 289, &amp; deinc.</u>		<u>203, 304, 305, 500.</u> ciuis	
Leudegiſilus dux,	453	Turonicus,	324
Leudoualdus Baiocæſin <sup>9</sup>			
episc.	320, 502	M	
Leuuan Gothorū rex, <u>193</u>		Macco comes,	596, 611
Leuuanes Hiſpaniæ rex,		Machao vrbs,	200
523		Macliauus, <u>158, &amp; deinc.</u>	
Leuuichildus, 275. ab Ar-		Britannorum <u>comes, 240</u>	
rtano ſit Chriſtian <sup>9</sup> , <u>276</u>		Magatrudis,	575
Leuuieldus rex Gothorū,		magiæ inuentio,	6
<u>193, 281</u>		Magnacharij filij,	240
liberales artes ſeptē, <u>638</u>		Magnoualdus dux, <u>497</u>	
Licerius Arelate episc. <u>523</u>		Magnericus Treueris epi.	
regis referendarius, <u>477</u>		<u>440, 475, 497, &amp; deinc.</u>	
Licinius Turonis episc.		Manichæus,	20
<u>108, 632</u>		Magnoualdus occiſus,	
Lidorius episc. Turonis,		<u>474</u>	
<u>627, &amp; deinceps.</u>		Magnulfus Tholoſæ epiſ.	
Liger fluuius,	267	<u>400, 410</u>	
Ligeris inſula,	103		

I N D E X.

- |                                                                                                                                                                                                  |                                                                                                                                                 |
|--------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------|
| Maiores domus regis, <a href="#">368</a>                                                                                                                                                         | Matescensis vrbs, <a href="#">452</a>                                                                                                           |
| <a href="#">528</a>                                                                                                                                                                              | Matisconensis <a href="#">synodus</a> , <a href="#">440</a>                                                                                     |
| Mallulfus Siluanectensis<br>episc. <a href="#">370</a>                                                                                                                                           | Matronæ inundatio, <a href="#">336</a>                                                                                                          |
| Mamertus Viennensis e-<br>pisc. <a href="#">101</a> , & deinc.                                                                                                                                   | Maurilio Cadurci episc. <a href="#">281</a>                                                                                                     |
| Mantolomaus vicus, <a href="#">632</a>                                                                                                                                                           | Mauriopes vicus, <a href="#">510</a>                                                                                                            |
| Maracharius Nantini a-<br>uunculus, <a href="#">272</a>                                                                                                                                          | Mauritius imperator, <a href="#">367</a> ,<br><a href="#">368</a> , & deinc. strenuus,<br><a href="#">341</a> , <a href="#">342</a>             |
| Maratis Sicyonius, <a href="#">16</a>                                                                                                                                                            | Maxenius abbas reclu-<br>sus, <a href="#">106</a>                                                                                               |
| Marcatrudis filia Magna-<br>rij, <a href="#">185</a>                                                                                                                                             | Maximinus Treueris e-<br>pisc. <a href="#">30</a>                                                                                               |
| Marcellus diaconus, <a href="#">315</a>                                                                                                                                                          | Maximus à B. Martino<br>prohibetur vri gladio in<br>hæreticos, <a href="#">628</a> . B. Mar-<br>tini contemptor punitur.<br><a href="#">244</a> |
| Marcionitæ, <a href="#">23</a>                                                                                                                                                                   | Mecledonense castrû, <a href="#">343</a>                                                                                                        |
| Marcomeris dux Franco-<br>rum, <a href="#">63</a>                                                                                                                                                | S. Medardus obit, <a href="#">179</a>                                                                                                           |
| Marcoueifa regina, <a href="#">291</a>                                                                                                                                                           | Medardus tribunus, <a href="#">398</a>                                                                                                          |
| Marcus euangelista, <a href="#">21</a>                                                                                                                                                           | Mediconnum, vicus, <a href="#">631</a>                                                                                                          |
| Marcus referendarius,<br><a href="#">263</a> , <a href="#">338</a>                                                                                                                               | de Medicis supplicium,<br><a href="#">271</a> , <a href="#">272</a>                                                                             |
| Maria virgo perpetua, <a href="#">2</a>                                                                                                                                                          | Meduana torrens, <a href="#">582</a>                                                                                                            |
| Matilegium villa, <a href="#">542</a>                                                                                                                                                            | Megledunensis pagus, <a href="#">346</a>                                                                                                        |
| Matricifus medicus, <a href="#">399</a>                                                                                                                                                          | Melania, Tecla, <a href="#">31</a>                                                                                                              |
| Metroialensis ecclesia, <a href="#">384</a>                                                                                                                                                      | Melanius episcopus Rho-<br>tomagi, <a href="#">391</a>                                                                                          |
| Meroueus episcopus, <a href="#">399</a> ,<br><a href="#">528</a> , <a href="#">543</a> , & deinceps.                                                                                             | Meledi vrbs, <a href="#">215</a>                                                                                                                |
| Martialis Lemouicinus e-<br>pisc. <a href="#">25</a>                                                                                                                                             | Meldonenses ciuitates, <a href="#">512</a>                                                                                                      |
| Martianus disciplinis se-<br>ptem eruditus, <a href="#">638</a>                                                                                                                                  | Melitense monasteriû, <a href="#">228</a>                                                                                                       |
| Martinus nascitur Saba-<br>rix, <a href="#">29</a> . in Gallijs agit, <a href="#">30</a> ,<br>& deinc. episc. Turonis,<br><a href="#">628</a> . Gallicienfis episco-<br>pus, <a href="#">274</a> | Merolacienfe castrû, <a href="#">128</a>                                                                                                        |
| Matafscense oppidum, <a href="#">485</a>                                                                                                                                                         | Meroueus rex Fræcorû, <a href="#">70</a><br>Chilperici filius, <a href="#">188</a> , <a href="#">160</a> -<br>suratur, <a href="#">232</a>      |
|                                                                                                                                                                                                  | Merensis vrbs, <a href="#">17</a> , <a href="#">18</a>                                                                                          |

I N D E X.

Miliodunense castru, <a href="#">608</a>	Nantinus Engolismensis co-
miracula falsa, <a href="#">616</a>	<a href="#">mes, 272.</a> pacem episcopi
Mirus Gallicienſis <a href="#">rex, 280,</a>	petit, <a href="#">273 274</a>
<a href="#">363.</a> & deinceps.	Narfes dux Italiae, <a href="#">151, 253,</a>
miſſe celebrantur, <a href="#">132.</a> pro	<a href="#">330</a>
defunctis, <a href="#">192</a>	Nebroth, <a href="#">7</a>
miſſi regales, <a href="#">264</a>	Nectarius, <a href="#">389</a>
Modestus faber lignarius,	Nemanſum vrbs, <a href="#">461 462</a>
<a href="#">295,</a> ob deſenſionem epi-	Nepotianus Aruennis e-
ſcopi torquetur, <a href="#">296</a>	piſc. <a href="#">34</a>
Momociaceſe oppidũ, <a href="#">528</a>	Nero ſcleratus, <a href="#">21</a>
monachi ad bellum cogũ-	Nicaſius epiſc. Engoliſmẽ-
tur, <a href="#">31</a>	ſis, <a href="#">452 555</a>
monaſterialis vitæ inſti-	Nicenæ ſynodi canones,
tutores, <a href="#">613</a>	<a href="#">533</a>
Montalomenſis vicus,	N cenſis vrbs, <a href="#">309</a>
<a href="#">426</a>	Nicerius cognatus Grego-
Mofella & Rhenus con-	rii Taronici, <a href="#">253</a> epiſc. <a href="#">222,</a>
fluentes, <a href="#">441</a>	<a href="#">254.</a> <a href="#">Niceti?</a> comes, <a href="#">450.</a>
Mucuruna F. Chlodouci,	Aruernorum dux, <a href="#">465</a>
<a href="#">90.</a>	Niger mons, <a href="#">176</a>
in Moyſen baptizari, <a href="#">12, 13</a>	Nilus & Nilicolæ, <a href="#">10</a>
Mumolus <a href="#">Auennicus, 334.</a>	Niniuitarũ exemplum, <a href="#">565</a>
<a href="#">Eunius, 196,</a> & deinceps. epi-	Ninus à quo <a href="#">Niniue, 7, 16</a>
ſcopus, <a href="#">225</a>	Nuiſum caſtellum, <a href="#">64</a>
Mundericus regnum inua-	nobiliffima vrbs, Lugdu-
dit, <a href="#">129,</a> & deinceps.	num, <a href="#">17</a>
Muſciæ Calmes, <a href="#">196</a>	Noe ſeruatur, <a href="#">5</a>
N	Nonnichius Lemouici co-
Nabuchodonofor, <a href="#">14, 17</a>	mes, <a href="#">332,</a> & deinceps.
Namatius Aruernis epiſc.	Namnetibus epiſc. <a href="#">327</a>
<a href="#">77.</a> Aurelianenſis <a href="#">507,</a>	Nouatus hæreticus, <a href="#">24</a>
& deinceps.	Nouigentum villa, <a href="#">303</a>
Nanninus Romanus, <a href="#">63</a>	Nouiliacus vicus, <a href="#">634, 635</a>
	Naria ciuitas, <a href="#">178</a>
	nutritius regis, <a href="#">289</a>

I N D E X.

O	<u>470, &amp; deinceps.</u>
Octavianus Augustus, <u>17</u>	Pascencius Pictavis epi-
Octavianus martyr, <u>54</u>	scopus, <u>179</u>
Octavius vic <sup>o</sup> Lugduni, <u>520</u>	I artheni as, <u>154</u>
Odonacrius Saxo, <u>78</u>	de Pascha dubitatio, <u>240,</u>
Olo Biturigū comes, <u>419</u>	<u>612.</u>
Olo dux, <u>570</u>	Pachir ex Iudæo Christia-
Ommatius episc. Turonis	nus, <u>328 &amp; deinc.</u>
<u>138 633</u>	Pariens Lugduni episc <u>86</u>
Oppila legatus, <u>358</u>	Patritius regis, <u>231</u>
Orbiuiacus vicus, <u>636</u>	Patroclus reclusus, <u>228</u>
Oræ vasa, <u>199</u>	Paulellus Remensis episc.
Orestes Vafatenfis episc.	<u>136</u>
<u>409, 452</u>	Paulinus presbyter, <u>74</u>
Orosij <i>chronica</i> , <u>37 310. de</u>	Paulus comes, <u>73. Nurbō-</u>
Carthagineusibus, <u>214.</u>	næ episc. <u>24, 25</u>
de Francis, <u>69</u>	pacē episc. deprecari, <u>273.</u>
Oscarus fluvius, <u>142</u>	Pegafius episc. Petragorij
Offer castrum, <u>303</u>	<u>75</u>
Otho referendarius, <u>607</u>	Pelagius papa, <u>563</u>
Oxion Corinthius, <u>17</u>	Pelagius sceleratus Turo-
	nis, <u>427</u>
P	Pelagiana hæresis, <u>194</u>
	Pericius patritius, <u>196</u>
pagani conuerfi, <u>444. &amp;</u>	Periuriū puniū à deo <u>449</u>
deinceps.	Perpetuus Turonis episc.
palatij regalis comes, <u>528</u>	<u>76, 633</u>
Palladius episc. Sæctonic <sup>o</sup> ,	Perse victi, <u>265</u>
<u>409, 431, 481. papa Rom.</u>	Perfarum irruptio, <u>194</u>
<u>255. ad imperium confir-</u>	Petreus pons, <u>241</u>
mandum accitus, <u>264</u>	Petrus diaconus, <u>223, 224</u>
Pappolenus, <u>327</u>	Petrus Romæ, <u>21</u>
Pappolus Augustodunen-	Pharao, <u>10, 11. &amp; deinc.</u>
sis, <u>224, &amp; deinc. Carno-</u>	Phinees sacrilegus, <u>41</u>
ti episc. <u>390, 439</u>	Phitonissa <i>mulier</i> , <u>424</u> cō-
Parisiſorum incendium,	sultur, <u>234, &amp; deinc.</u>

I N D E X.

- Photinus Lugduni passus, 326, 331, 365, 383, 437, 449, 480, 487, 562, 612.
- Pictauiense monasterium puellarū, seditionibus agitur, 5, 3, & deinceps. 593
- Piencus episcopus, 322
- Pientius Pictavis episcopus, 179
- Pilati res gestæ, 18, 20
- Placitum regis, 38j, 386 452
- Plato archidiaconus, 293, & deinceps.
- pluuiæ magnæ toto anno, 456, 507
- pœnitentia publica, 564.
- episcopi, 452 regia, 269, 270
- Pœnius pater Eunij, 126
- Polycarpus igni datus, 23
- populus grauiter afflictus 263
- Porcarius abbas, 561
- Prætextatus episc. Rothomagi, 226, & deinceps. 389.
- liber in loquendo, 465,
- cuius orationes, 453
- priores regis, 494
- Priscus episcopus, 453
- Priscus Iudæus, 305, 328
- Privatus Gaballis episc. 28
- Proculus presbyter, 321.
- Turonis episc. 138, 633
- Prodigia, 150, 191, 192, 259, 268, 269, 280, 325,
- proditionis munus, xs deauratum, 111
- Profuturus Frigeridus, 67
- Promotus episcopus Duenensis castri, 390
- pseudochristus, 615, & deinceps.
- pseudomaria, 616
- puella rapta raptorem interficit, 526.
- pueri tres in igne, 13
- pueri regales, 298, 347
- pulsulæ corales, 269
- Q
- Quintianus Aruernis episc. 116, 127.
- Rutenorū episc. 203
- Quintinus militaris magister, 63
- Quirinus martyr, 29
- R
- Radegundis Pictaui, 417
- religiosa, 543, & deinceps.
- Ragnacharius, 87, 111
- Ragnemodus Parisijs episc. 232, 244, 267
- Ragnoualdus dux, 323, 333
- Ratharius dux, 440
- Rauchingus inhumanus, 271, & deinceps. 494, & deinceps.

I N D E X.

- rebaptizatio Arrianorum, 275. presbyter calúniator, 293 & deinc.
- Redonica regio, 264. Rignomeris, 112
- referendarius regis, 263 288. Rigoiälensis villa, 503
- reginæ, 281. Riguidis filia Chilperici, 297, 381, & deinc. 536
- regales & reguli Francorū, 6 366. Roboam, 14
- regeſta auro argentóque plena, 499. Rodanus fluuius, 267
- Remigius Remenſis epiſc. 93, & deinc. 37. rogationes ante Aſcenſionem, 101, 160
- Renatus Frigeridus hiftoricus, 61, 67. rogationes & ieiunia publica, 120
- Reoualdis archiater, 598. Romacharius epiſc. Conſtantinus, 467
- Reſpédial Alammanorum rex, 67. Romantacus campus, 181
- reſurgit Chriſtus, 18, 19, 20. Romulſus palatij comes, 528, Lupi ducis filius, 610
- reſurrecciónis adſertio contra Saducæos, 585, & deinceps. Rotoiälensis villa, 620
- Reuocatus epiſcopus, 54. Rotomagus vicus Turonicus, 629
- regi impio reſiſtunt epiſcopi. 257. rubri maris ſitus & tranſitus, 10
- Rhenus & Moſella confluentes, 441. Rucculenus, 215, & deinc.
- Rhodanus dux Longobardorum, 200, & deinceps. Rusticus Aruernis epiſc. 75
- Rhotongenſis comes, 344. S
- Richardus rex Hispaniæ, 504, ſit catholicus, 505, & deinceps. filius Leuuiſi, 461, 475. Sabaria ciuitas Pannoniæ, 628
- Richarius frater Chlodouel, 112. Sabaudus epiſcopus, 189, 477
- Richimeris Francus, 69. Sabellius hæreticus, 101
- Ricuiſus ſubdiaconus, 232. ſacrilegi puniuntur, 414
- Saducæus reſutatur, 585, & deinceps.
- Saffarius Petragoricus, 551

I N D E X.

Sagittarius episcopus ne- quam, <u>107, 254.</u> & deinceps. <u>411.</u> & deinceps.	Senoch reclus <sup>us</sup> <u>227.</u> & deinceps.
Salomon, <u>13, 14.</u>	Septimania prouincia, <u>453,</u> <u>461, 493.</u>
Salonius episcopus malus, <u>254.</u> & deinceps.	Septimania nutritrix, <u>540.</u> & deinceps.
Saluinus episcopus, <u>177.</u>	Seq. ianæ inundatio, <u>336.</u>
Saluinus Albigenis episc. <u>300, 339.</u> <u>371.</u> & deinceps. re- stitu regi implo, <u>287.</u>	serpitis in ampulla vini fa- bula, <u>154.</u>
Salustius Euodij F. comes Aruernis, <u>170.</u>	Seruatus episcopus, <u>55.</u>
Salustius historicus, <u>172.</u>	seruientes regis, <u>278.</u>
Samuel, <u>13.</u>	Seuerus historiographus, <u>8.</u>
sanctimonialium seditio- nes, <u>543.</u> & deinceps. <u>593.</u> & de- inceps.	Seuerus focer Draccoleni, <u>261.</u>
sanguis de celo, <u>325.</u> de pane, <u>268.</u>	Sexent <sup>us</sup> subrogat <sup>us</sup> episc. <u>289.</u>
Saturninus Tholosæ episc. <u>24, 25.</u>	Sextus Seruius Tullus, <u>17.</u>
Saul rex, <u>13.</u>	Sicharius <u>509.</u> & deinceps.
Sauriciacum villa, <u>540.</u>	Ioânis filius, <u>425.</u> & deinceps.
Saxones deuidi, <u>79.</u> de se- cti, <u>165.</u>	Sidonius & libri eius, <u>80.</u> & deinceps.
Scaldes fluuius, <u>109.</u>	Sigulfus, <u>205, 400.</u>
Scaptarius, <u>171.</u>	Sigulium vrbs, <u>201.</u>
schismata orta, <u>23.</u>	Siluanecta, <u>513.</u>
scramafaxus, culter vali- dus, <u>211.</u>	Siluester Lingonis episc. <u>223.</u>
Secundinus, <u>151.</u>	S. Simeon crucifigitur, <u>211.</u>
seditio inter puellas reli- giosas, <u>543.</u> & deinceps. <u>593.</u> & deinceps.	Antiochenus, <u>447.</u>
Sellense castru n <sup>um</sup> , <u>179.</u>	Simon episcopus transma- rinus, <u>613.</u>
Senaaar campus, <u>6.</u>	Simon magus, <u>21.</u>
	Simplicius Viennæ episc. <u>74.</u>
	Sina mons, <u>11.</u>
	Sifinnius magister equitû, <u>202.</u>
	Socratius, <u>175.</u>
	solis dies, <u>233.</u>
	Sollius, <u>167.</u>
	Solonacensis vicus, <u>629.</u>

I N D E X.

Sophia Augusta, 265, 341, & deinceps.	Sygmundus sacerdos, 528
Soranni, 513	Syguwaldus, 137
fors de futuro apertis sacris libris, 177, 237.	Sylvius Latinus, 17
spiritus sanctus, deus comprobatur, 319, 330	Symphorianus Augustodunensis, 77
Sixtus Romæ episcop, martyr. 24	synodus contra malos episcopos, 262, 452, 454. Lugdunensis, 302 Remensis, 607, & deinceps.
Stablo villa, 197	Syriuldu, 153
Stabuli comes 272	T
stabulorum comitatus, 291	Tarabannenses, 251
stagnum in cruorem conversum, 457	Turedunum castrum, 190
Stampanensis pagus, 512	Tauriacus vicus, 636
Stephanus pri martyr, 21.	Tecla, quæ Melania, 31
Stilico Francos proterit 69	Terentiolus comes, 462
Strataburgum 609, 610	Ternodorensis castrum, 222
Stremonius Aruernis episc. 25	Tetradius episcopus, 137
Suevi, Alamanni, 46	Tetricus episcopus Lingonicus, 176, 222
Suggo, 220	Thebæus Ægyptius, 17
Sulpitius Alexander historicus, 63	Theifalus genere Senoch, 227
Sulpitius episc. Bituricus, 357, 618	Theifalorum seditio, 172
Sumina fluvius, 70	Theudegyfus rex Gothorum, 148
Sunnegifilus comes stabuli 541, & deinceps. 605	Theudo Gothorum rex, 59, 60, 148
Sunno dux Francorum, 63	Theodadus Tuscorum rex, 149
Syagrius, 78. rex Romanorum, 87	Theodobertus Francus, 115, Childeberti filius, 475.
Syibertus Claudus, 107	Theodogildis regina, 185
Syibertus F. Chlotharij, 157, & deinceps.	Theodomeris rex Frac. 69
Syigla è Gothia, 211	Theodoricus filius Bodicci, 240

I N D E X.

Childeberti filius, 487,	Transimundus Vandalis
<u>494. Chilperici filius, 338.</u>	rex, <u>46</u>
Theodoricus f. Chlodouci,	Tráfobadus presbyter, <u>282,</u>
107, 115, & deinc.	& deinceps, <u>357.</u>
Theodorus epifco. 313, & de	Trecæ campaniæ vrbs, <u>442.</u>
inceps. epifcop. Mafsilæ,	tribunus regis, <u>328</u>
521.	tributa grauia impofita.
Theodorus Turonis epifc.	<u>263. 264.</u>
<u>138. 633.</u>	trinitatis confeflio, <u>114.</u>
Theodofius pius, 32. epifc.	Tropas Argiuis imperat, 16
<u>Cab. Loui, 289, Rutenorū</u>	Trophimus Arelate, 24, 25
epifcop. <u>356.</u>	Trudulfus palatij comes,
Theodoualdus, <u>146, 156.</u>	501
Theodulfus abbas. 318. An-	Turonica vrbs concrema-
degauis comes, 451. dia-	ta, 635. bello ciuili vexa-
conus peruerfus, 592	tur 509, & deinc.
thefaurarius regis, 279	Turonicorum epifcoporū
thefaurus cæleftis, 252	<u>catalogus, 627.</u> & deinc.
Theutharius presbyter, 536	typus quartan <sup>v</sup> fanatur, 521
Thoringia vaftata, 165	
Thorifmodas Chunorum	V
rex, 61	Vabrenfe castrum, 497
Thracium bellum, 31	Vabrenfis pagus, 500
Tiberis inundatio, 562	Vafres Ægyptius, <u>17</u>
Tiberius imperator, 341, re-	Valens in monachos impi-
fert <u>de Chrifto, 20, 194.</u>	us, 31. male perit, ibidem.
Tiberius Cæfar, 194, 252,	Valentinianus imperat, 62,
<u>341. beneficus in pauperes,</u>	<u>63.</u>
ibidem, & deinceps. 264, &	Valentiniani, 23
deinceps.	Valentinus hæreticus, 24
tormenta vehementia, 298	Valerianus imperat, <u>27</u>
Tornacenfes Franci. <u>618</u>	Vandali in Galliis, 45
Tornomagenfis vicus, <u>629</u>	Vafatenfis vrbs, 327. crema
Traguilanes, <u>149</u>	ta, <u>331.</u>
Traianus fœuit in Chriftia-	Vaffo, delubrū Aruernis 27
nos, 22	Vedaftes Ano, <u>377.</u>

I N D E X.

Vellaua vrbs,	616	Vindocinum castellum,	512
Venantius abbas,	<u>632</u>	Vingenna fluuius,	<u>39</u>
venenati cultri,	459	Vinnochus Britto, 2. S.	<u>472</u>
venenosæ herbę potul sum- ptæ,	169	Vinthrio,	570
Venerandus Aruernis epi- scop.	<u>74, 75</u>	vina potentiora,	<u>404</u>
Venetica ciuitas,	457	Virgilius Arelate episc.	513
Veneti, ciuitas Britannię,	<u>87, 632.</u>	Virus,	577, & deinc.
<u>262</u>		Virus Turonis episcopus,	<u>87, 632.</u>
Veranus Cabilloni episcop.	<u>469, 487</u>	Viennæ episcop.	<u>477</u>
Vernadum, vicus,	<u>631</u>	Vltrogotho regina,	<u>281</u>
Vespasianus aduersus Iudę- os,	22	Vocladense bellum,	<u>113</u>
Vicinonia fluuius, 2	<u>62, 580</u>	Volusianus Turonis episc.	<u>87, 632</u>
Victor episcopus,	255	Vofacum, silua.	<u>582</u>
Victoriacensis villa,	<u>362</u>	Vofagensis pagus,	510
Victoriacum castrum,	<u>130</u>	Vrbiculis pons,	<u>332</u>
Victorsacum, villa,	211	Vrbicus Aruernis episc.	<u>32</u>
Victorinus martyr,	27, 28	Vrficinus Cadurci tubroga tur episcopus,	<u>281, 317</u>
Victorius dux Aruernis,	<u>79</u>	Vrsio rex <u>304, 494,</u> & de- incep.	
Victori <sup>9</sup> Redonis episc.	<u>469</u>	Vrsus,	<u>204</u>
Victorij ordo paschalis,	<u>4</u>	Vuaddo Sactonum comes,	<u>368, 401.</u> & deinc. diaco- nus,
Vidtmachus.	508		<u>455</u>
Vigenna fluuius,	105	Vuandelinus nutritor re- gis,	<u>456</u>
vigiliarú institutio per an- num,	<u>631</u>	Vuarochus Macliaui filius,	<u>240 262, 508.</u>
Vigilius archidiaconus,	<u>199</u>	Vuandelinus,	<u>302</u>
Villauum territorium,	<u>204</u>	Vuaruarius Francus,	<u>194</u>
S. Vincentij basilica,	413	Vuiliacharius,	<u>180</u>
S. Vincentij martyr is tuni- ca,	147	Vuintrio dux,	<u>450</u>
Vindemialis episcopus,	50,	Vuiliulfus ciuis Pictauus,	<u>503</u>
<u>93</u>			

I N D E X.

Vuillacharius Aurelix co-		Z
mes,	387	
Vuifgardis,	146	Zaban dux Longobardo-
Vuldotrada, 164, & deinc.		rum, 200, & deinc.
Vulfilaco diaconus, 443,		Zaroastres, qui Cham, 6
& deinceps.		Zorobabel, 13

EXCVDEBAT GVIL MORELL  
VS TYPOGRAPHVS REGIVS  
LVITETIÆ, PARISIORVM,  
M. D. LXL.

